

ՍՈՒՐԲ ԳՐԻԳՈՐԻ  
ՎԱՐԴԱՊԵՏՈՒԹՅՈՒՆԸ



ՀԱՅ ԵԿԵՂԵՑՈՒՄ ՀԱՅՐԵՄ

Ա



**ՍՈՒՐԲ ԳՐԻԳՈՐԻ**

**ՎԱՐԴԱՊԵՏՈՒԹՅՈՒՆԸ**

**Ս. ԷԶՄԻԱԾԻՆ - 2007**

ՀԱՅ ԵԿԵՂԵՑՈՒ ՀԱՅՐԵՐ

Ա

ՀՐԱՄԱՆԱԴ

Ն.Ա.Օ.Տ.Տ. ԳԱՐԵԳԻՆԻ ԵՐԿՐՈՐԴԻ

ՍՐԲԱՁՆԱԳՈՅՆ ԵՒ ՎԵՀԱՓԱՌ  
ԿԱԹՈՂԻԿՈՍԻ ԱՄԵՆԱՅՅՆ ՀԱՅՈՑ



ԱՆԱԶԱԲԱՆ

5

Թարգմ. գրաբարից,  
առաջարանը և ծանոթագրությունները՝  
**Սեն Արևատյանի**

Ս – 970 **ՍՈՒՐԵ ԳՐԻԳՈՐԻ ՎԱՐԴԱՊԵՏՈՒԹՅՈՒՆԸ:** - Եջմիածին: Մայր Աթոռ Սուրբ Էջմիածին, 2007, 256 էջ:

Ազարանգեղոսի «Հայոց պատմության» կազմի մեջ մտնող և նրա ծավալի կեսը կազմող «Սուրբ Գրիգորի Վարդապետությունը» հայ աստվածաբանական եզակի երկերից է, որով սկզբնավորում է հայ աստվածաբանական մտքի ուղղությունը:

ԳՄԴ 86.37

Տպագրվում է մեկենասությամբ՝

.....

ISBN 978-99930-75-48-6 © Մայր Աթոռ Սուրբ Էջմիածին, 2007 թ.

-րդ դարի պատմիչ Ազարանգեղոսի «Հայոց պատմության» մեջ մուծված «Սուրբ Գրիգորի Վարդապետությունը»<sup>1</sup> ուրույն տեղ է գրավում հայ աստվածաբանական-մեկնողական գրականության մեջ: Այն ստեղծվել է հայ մատենագրության արշալույսին և զգալի ազդեցություն ունեցել իր ժամանակի, ինչպես և հաջորդ դարերի հայ փիլիսոփա աստվածաբանների վրա:

Ազարանգեղոսի «Հայոց պատմությունը» արդեն միջնադարում, 6-րդ դարից սկսած, ունեցել է մի քանի թարգմանություն (հունարեն, արաբերեն, ասորերեն, վրացերեն, հին սլավոներեն և այլն)<sup>2</sup>, բայց դրանց մեջ բացակայում է «Վարդապետությունը»: Այլազդի ընթերցողներին հետաքրքրել է Ազարանգեղոսի «Պատմության» այն մասը, որը լուսաբանում է հայոց եկեղեցու ծագումը՝ նրա հիմնադրի, Գրիգոր Լուսավորչի «Վարքը» և հայոց դարձի, քրիստոնեության ընդունման պատմությունը:

«Վարդապետությունը» ամբողջությամբ պահպանվել է միայն հայերեն բնագրում և, ըստ երևույթին, նույնիսկ փորձ չի արվել այն թարգմանելու, եթե հաշվի չառնենք մի վրացերեն քաղաքրված խիստ համառոտ թարգմանություն՝ «Վասն հաւատոյ» վերնագրով:

«Վարդապետության» հեղինակը լայնածավալ քարոզի ձևով ընթերցողներին (ունկնդիրներին) շարադրում-մեկնաբանում է քրիստոնեական հավատի և ուսմունքի հիմնական դրույթները՝ հետևելով շարադրման այն ձևերին, որոնք բնորոշ էին քրիստոնեության վաղ շրջանի քարոզմերին և ջատագովներին: Միաստվածության, սուրբ Երրորդության միասնության հիմնավորմանը զուգընթաց հեղինակը մեծ տեղ է հատկացնում հեթանոսական հավատալիքների հերքմանը և կռապաշտության դատապարտմանը: Նա պսակագերծում է քազմաստվա-

ծուրյունը՝ համարելով այն մարդկային տղիսության ծնունդ:

Հին հայ հեղինակը ծավալում է քրիստոնեական կրոնի ջատագովությունը՝ հետևելով քրիստոնեության վաղ շրջանի պաշտպանների ավանդույթներին, որոնք մշակվել էին հերանսական կրոնի դեմ մղած համառ պայքարում: Հայ հեղինակը քաջածանոթ է 3-4-րդ դարերի «Եկեղեցու հայրերի» գաղափարներին: Հետևելով նրանց՝ նա հայ իրականության մեջ հանդես է գալիս որպես հայրաբանության առաջին ներկայացուցիչը: «Վարդապետության» ողջ ընթացքում դրսորդում է հեղինակի՝ խորագիտակ աստվածաբանի կրությունը, ոչ միայն Աստվածաշնչի փայլուն իմացությունը, այլև հոչակավոր քրիստոնյա գորոնների և գիտնականների, ինչպիսիք էին Քարտեղ Կեսարացին, Հովհան Ուսկերտանը, Եփրեմ Ասորին, Կյուրեղ Երուսաղեմացին, Երկերին քաջածանոթ լինելը: Շարադրանքը հազեցված է Աստվածաշնչից քաղված ուղղակի մեջքերումներով և քազմաթիվ հրումներով, ընդ որում, այդ մեջքերումները տարբերվում են մեզ հասած Աստվածաշնչի վերջնական, կանոնացված բնագրից, մի հանգամանք, որը հուշում է նրա առաջին՝ ասորերենից կատարված քարգմանության օգտագործման մասին:

«Վարդապետություն» բառը, որը դարձել է Ազգաբանգեղոսի «Պատմության» այս ընդարձակ հատվածի վերնագիրը, ունի մի քանի իմաստային երանգավորում: Այն նշանակում է Ուսմունք, Խրատ, Քարոզ: Մեր աշխարհաբար քարգմանության մեջ պահպանել ենք Վարդապետություն եզրը, որովհետև այն ընդգրկում է տվյալ հասկացության նաև այլ իմաստային երանգները՝ ճիշտ արտահայտելով հեղինակի աստվածաբանական, փիլիսոփայական հայացքների ամբողջությունը, միաժամանակ նաև նրա խրատական, քարոզչական բնույթը:

Բովանդակային, թեմատիկ առումով «Վարդապետության» ողջ բովանդակությունը (ըստ «Ազգաբանգեղոսի» քննական հրատարակության, §§ 259-715) կարելի է բաժանել հետևյալ տասը մասերի:

1. Սիակ գերագույն Տեր Աստված, Արարիչ ամենայնի,

Երրորդություն, աշխարհի Արարշագործություն, մարդու արարումը ( §§ 259-273),

2. Աղամից մինչև հին հրեական թագավորության անկումը, Քարելոնյան գերությունը, ազատագրումը և տաճարի վերականգնումը ( §§ 274-342),

3. Մարգարենություններ Քրիստոսի գալստյան մասին ( §§ 343-376),

4. Քրիստոսի մարդեղությունը, Երկրային ուղին՝ Ծնունդ, Քարոզություն, Խաչելություն, Թաղում և Համբարձում ( §§ 377-496),

5. Սուրբ Հոգին և առաքյալները ( §§ 497-509),

6. Հեթանոսությունից հրաժարվելու հայերին ուղղված կոչը, միակ Աստծուն հավատալու և ապաշխարելու հորորդը ( §§ 510-590),

7. Խրատական մեծ քարոզը ( §§ 591-640),

8. Մեղյաների հարությունը, Քրիստոսի Երկրորդ գալուստը և Ահեղ դատաստանը ( §§ 641-658),

9. Սուրբյալները և նրանց գործունեությունը, Ավետարանի քարոզը ( §§ 659-706),

10. Աստվածային երրորդությունը. Հոր, Որդու և Սուրբ Հոգու առնչակցությունը. Սիածին Որդու և Սուրբ Հոգու իջնելը, Աստվածային շնորհը, փրկությունը և հավիտենական կյանքը ( §§ 707-715):

«Վարդապետության» այսպիսի գլխակարգումը, ըստ թեմաների, և ծավալով ոչ համաշափ տասը մասերի բաժանումը, անշուշտ, պայմանական է և մոտավոր: Հին հայերեն բնագիրը չունի ոչ մի բաժանում և ինը ձեռագիր մատյաններում շարադրված է հոծ տերասով՝ առանց ստորաբաժանումների և պարբերությունների: Քննական բնագրի հրատարակիչների կողմից տրված պարբերությունների համարակալումը մենք պահպանում ենք՝ օգտագործման և համեմատության դյուրացման համար, բայց միաժամանակ տալիս ենք առանձին համարակալում՝ 1-ից մինչև 457, որը համապատասխանում է «Ազգաբանգե-

դոսի» քննական քնազրի 259-715 պարբերություններին: Մեր թարգմանության համարակալումը, սկսած 1-ից, փակագծերում պահպանում է նաև քննականի համարակալումը՝ 1 (259), 2 (260)... մինչև վերջ՝ 457 (715): Սրանով մենք առաջին քայլն ենք անում «Վարդապետությունը» շրջանառության մեջ դնելու որպես առանձին միավոր՝ դուրս բերելով այն Ազարանգեղոսի «Պատմության» կառուցվածքից, որը նա հայտնվել է իին խմբագիրների, ավելի ճիշտ, խմբագրի (Կորյունի) նախաձեռնությամբ:

«Սուրբ Գրիգորի Վարդապետությունը» հայ պատմագրության և ջատագովության արդեն սկզբնական շրջանում գտնվում էր «Ազարանգեղոսի» ազգային խմբագրության կազմում, ինչի մասին է վկայում 5-րդ դարի երկրորդ կեսի պատմագիր՝ Ղազար Փարպեցին: Իր նախորդների, այդ թվում և Ազարանգեղոսի, մասին խոսելով՝ նա հիշատակում է «Վարդապետությունը» որպես «Երամելի այր, սուրբ Ազարանգեղոսի Պատմության» բաղկացուցիչ մաս (Տե՛ս Ղազարայ Փարպեցւյ «Պատմությին Հայոց», Տփղիս, 1904, էջ 3):

«Վարդապետության» հետ իր բնույթով և բովանդակությամբ սերտորեն առնչվում է հայ հնագույն գրականության մի այլ հուշարձան, հայոց գրերի գյուտից հետո առաջին հայերեն ինքնուրույն երկը՝ «Յաճախապատում ճառը»-ը, որը նույնական է մեզ Գրիգոր Լուսավորչի անունով: Սակայն Մաշտոցի աշակերտ և կենսագիր Կորյունը, պատմելով իր ուսուցիչ գործունեության վերջին շրջանի մասին, հայտնում է, որ այդ ժամանակ, 420-430 թվականներին, արդեն դժվարանալով տևական շրջագայություններ կատարել երկրով մեկ՝ քրիստոնեություն քարոզելու և հեթանոսության մնացուկների դեմ պայքարելու նպատակով, Մաշտոցը ձեռնամուխ եղավ գրավոր քարոզության՝ խոսելով ժողովրդի հետ խրատական, բացատրական ճառերի և քարոզների միջոցով: Այդ գրավոր ճառերի վերաբերյալ Կորյունն ասում է, որ իր ուսուցիչը «սկսեց կազմել և շարադրել հաճախապատում, դյուրմբոնելի», (աստվածային) շնորհ-

ներով լեցուն, բազմարովանդակ ճառեր... հագեցված ճշմարիտ ավետարանական հավատի բոլոր բարեմասնություններով»<sup>3</sup>:

Կենսագրի և ժամանակակցի այդ ցուցումն անմիջականութեն առնչվում է մեզ հետարքը հուշարձանի՝ «Յաճախապատում ճառերի» հետ, որոնք վերագրվել են Գրիգոր Լուսավորչին, ամենայն հավանականությամբ, դրանց ազդեցությունն ու հեղինակությունը բարձրացնելու նպատակով: Այդ ճառերը գրվել են Մեսրոպ Մաշտոցի կողմից և տարածվել Գրիգոր Լուսավորչի անունով: Այսպիսին է գերմանացի անվանի հայագետ Պ. Ֆետտերի եզրակացությունը<sup>4</sup>, որին հետագայում միացավ հայոց իին գրականության ճանաչված մասնագետ ակադ. Մ. Աբեղյանը<sup>5</sup>:

Պ. Ֆետտերը, սակայն, չի սահմանափակվում միայն Կորյունի ցուցումով: Նա ապացուցում է, որ «Յաճախապատում ճառերը» չէին կարող գրվել IV դարի առաջին քառորդում, Գրիգոր Լուսավորչի օրոք, նախ և առաջ այն պատճառով, որ նրանցում (2-րդ, 5-րդ, 6-րդ ճառեր) հեղինակը Ս. Հոգու Էության մասին խոսում է՝ ամբողջովին հետևելով 381թ. կայացած հոգեմարտների դեմ ուղղված Կոստանդնուպոլիսի տիեզերական ժողովի որոշումներին, մի քան, որը, հասկանալի է, չէր կարող պատահել, եթե ճառերի հեղինակ ճանաչեինք Գրիգոր Լուսավորչին:

Մենք լիովին բաժանում ենք Պ. Ֆետտերի և Մ. Աբեղյանի կարծիքը և բերված փաստերի ու փաստարկների հիման վրա գտնում, որ «Յաճախապատում ճառերը» գրված են Մաշտոցի կողմից 420-ական թթ.:

Սակայն Պ. Ֆետտերի աշխատության լույս ընծայումից քիչ անց տպագրվեց հ. Բարսեղ Սարգսյանի «Ազարանգեղոս» և իր թագմադարեան գաղտնիքը» գիրքը (Վենետիկ, 1890), որտեղ հեղինակը, շիամաձայնվելով Պ. Ֆետտերի եզրակացությունների հետ, առաջ է քաշում մի այլ տեսակետ, որի համաձայն Կորյունի հաղորդումը վերաբերվում է ոչ թե «Յաճախապատում ճառերին», այլ Ազարանգեղոսի «Պատմության» մեջ մտնող «Ա.

Գրիգորի Վարդապետությանը»<sup>6</sup>: Բերելով ծանրակշիռ տվյալներ և փաստարկներ՝ Բ. Սարգսյանը, իրոք, համոզում է, որ «Ա. Գրիգորի Վարդապետությունը», անտարակույս, գրվել է Վ դարի առաջին քառորդում և որ նրա հեղինակը Մեսրոպ Մաշտոցն է: Սակայն Բ. Սարգսյանի վեճը Պ. Ֆետտերի հետ արդարացի չէ: Երկու հուշարձանների՝ «Հաճախապատում ճառերի» և «Ա. Գրիգորի Վարդապետության» համեմատությունը ցույց է տալիս, որ Կորյունի ցուցումը չպետք է դիտել որպես այլընտրանք՝ դրանց հեղինակային պատկանելության հարցը լուծելիս, և հակադրելով իրար՝ մեկի փոխարեն առաջադրել նյութը:

Կորյունը, խոսելով իր ուսուցիչ գրական քարոզչական գործունեության մասին, տախս է երկրորդ կարևոր հաղորդումն այն մասին, որ Մաշտոցը, Կոստանդնուպոլսում գտնված ժամանակ ստանալով բյուզանդական կայսեր համաձայնությունը, իր գյուտը նաև Արևմտյան Հայաստանում տարածելու վերաբերյալ, օգտվեց առիթից, որպեսզի կայսերական գրադարանից ստանա իրեն հետաքրքրող անհրաժեշտ կարևոր գրքեր: Կայսրը բավարարում է նաև այդ խնդրանքը: Մաշտոցը, «ստանալով եկեղեցու հայրերի բազմաթիվ աստվածային շնչով հագեցված գրքեր, ծովացնում էր իր վարդապետության խորքերը»<sup>7</sup>, ասում է Կորյունը: Դրանք այդ ժամանակ Հայաստանում հայտնի դարձած հեղինակավոր եկեղեցական հայրերի՝ Բարսեղ Կեսարացու, Գրիգոր Աստվածաբան Նազիանզացու, Կյուրեղ Ալեքսանդրացու, Կյուրեղ Երուսաղեմացու, Հովհան Ուսկերերանի, Եփրեմ Ասորու աշխատություններն էին, որոնցից և օգտվել է «Ա. Գրիգորի Վարդապետության» հեղինակը: Այդ սկզբնաղբյուրներից է օգտվել նաև «Հաճախապատում ճառերի» հեղինակը: Աստվածաբանական գաղափարների առումով, եկեղեցական ժողովների կողմից արձարձված ու հաստատված դրույթների ժամանակագրական շրջանակով այդ երկու հուշարձանները չեն անցնում 430-ական թթ. սահմանը, այսինքն՝ այդ ժամանակահատվածը, երբ գրական և քարոզչական գործունեություն էր ծավալել Մեսրոպ Մաշտոցը:

Ակնհայտ է, որ իրենց բովանդակությամբ և ոգով, օգտագործված սկզբնաղբյուրների ընդհանրությամբ, գաղափարական նպատակամղվածությամբ նույնական «Հաճախապատում ճառերը» և «Ա. Գրիգորի Վարդապետությունը» գրված են 420-ական թթ. քրիստոնեության ականավոր հայ քարոզչի կողմից, որը քաջածանոր է ոչ միայն հայ իրականությանը, այլև Գրիգոր Լուսավորչից հետո, ընդգծում ենք, Լուսավորչից հետո ապրած ու գործած հույս և ասորի հեղինակների գործերին, այն քրիստոնեական գրականությանը, որը այդ ժամանակ էր բերվել Հայաստան և արդեն բարգմանվել կամ բարգմանվում էր հետո Մաշտոցի ու նրա զինակիցների կողմից:

Եթե Բարսեղ Սարգսյանը, Կորյունի հաղորդման վրա հենվելով, հակադրում է «Հաճախապատում ճառերը» և «Ա. Գրիգորի Վարդապետությունը», և ասում այն մասին, թե Ազարանգեղոսի ողջ «Պատմության» գաղտնիքը կարելի է լուծել միայն նրա բարդ կառուցվածքի հարցը լուծելուց հետո, որը հետագայում ենթարկվել է խմբագրության (իսկ այդ խմբագրման ժամանակ նրա մեջ մտել են Մաշտոցից հետո գործած հեղինակներից որոշ հատվածներ, մասնավորապես, հենց իր՝ Կորյունի երկից), ապա Ն. Մաոր առաջ է քաշում մի համարձակ և ուշագրավ վարկած ոչ միայն «Վարդապետության», այլ Ազարանգեղոսի ողջ «Պատմության», դրա նախնական խմբագրության Մեսրոպ Մաշտոցի գրչին պատկանելու վերաբերյալ:<sup>8</sup> Նա ևս հանգում է այն եզրակացության, որ Ազարանգեղոսի անունով մեզ հասած երկը հետագայում ենթարկվել է խմբագրման, բայց որ նրա հիմքում մնացել է այն սկզբնական բնագիրը, որը շարադրվել է Վ դարի առաջին երրորդում և վկայում է Մաշտոցի հեղինակության օգտին: Ն. Մաոր իրավացի է:

Վ դարի 20-30-ական թթ., Երբ Սահակ Պարթեի և Մեսրոպ Մաշտոցի զինակիրած դպրոցն արդեն իրագործել էր մի շարք կարևոր հուշարձանների բարգմանությունը, իր երկունքն ապրող հայ գրականության գործիչների առաջ ողջ սրությամբ դրվեց հայ իրականության հետ անմիջականորեն կապված,

նույն բովանդակության ինքնուրույն երկերի ստեղծման խնդիրը: Սուր անհրաժեշտություն էր զգացվում այնպիսի հուշարձանների, որոնք պիտի արտացոլեին հայոց եկեղեցու պատմությունը, նրա ավանդությունը, սկզբնակրումը և անցած ուղին, ներկայացնեին գրավոր ձևով նրա հայտնի գործիչների և նահատակների պատմությունը, նրա հավատամքը և գաղափարաբանությունը: Ազարանգեղոսի «Պատմությունը» հենց այդպիսի երկի ստեղծման առաջին փորձն է:

Փիլիստիական առումով «Հաճախապատում ճառերը» և «Ս. Գրիգորի Վարդապետությունը» բացառիկ հետաքրքրություն են ներկայացնում: Այդ երկու երկերի հիման վրա մենք փորձում ենք լուսաբանել Մեսրոպ Մաշտոցի փիլիստիական հայացքները՝ որպես հիմնայացքներ՝ ամենավաղ և հիմնական ուղղության՝ հայրաբանության հիմնադրի աշխարհայացքը: Հենվելով այդ սկզբնադրյութների վրա, որոնք մեր և մեր նախորդ համախոհ հետազոտողների համոզմամբ իրոք պատկանում են Մեսրոպ Մաշտոցի գրչին, մենք վստահորեն կարող ենք պատկերացում կազմել հայոց գրերի և գրականության ստեղծողի և նրա մերձավորագույն մարդկանց, նրա շրջապատի գաղափարաբանության մասին, որն արտահայտում է Վ դարի առաջին կեսի հայ հասարակության գաղափարական միտումները և աշխարհայացքը:

«Հաճախապատում ճառերը», «Ս. Գրիգորի Վարդապետությունը», ինչպես նաև Ազարանգեղոսի ողջ «Պատմությունը», չնայած այն բանին, որ նրանք հայ գրականության առաջին ինքնուրույն ստեղծագործություններն են, այնուամենայնիվ հետազոտողի առջև բացում են հայ իրականության մեջ քրիստոնեական փիլիստիայության ձևակորման բավականին բարդ պատկերը:

Փիլիստիայական-աստվածաբանական գրականությունը հայոց հնագույն դպրության կարևոր բաղկացուցիչ մասը հանդիսացավ: Ամենին զարմանալի չէ, որ առաջին ինքնուրույն ստեղծագործությունները արտացոլում են ոչ միայն V դարի կե-

սի հենդիմակաների կրթության և մտավոր կարողությունների մակարդակը, այլև վաղուց հաստինացած հասարակական պահանջը: Այդ պահանջը պետք էր արագորեն բավարարել, մանավանդ որ դրա համար ստեղծված էին անհրաժեշտ նախադրյալներ, որոնք էին՝ նախորդ հարյուրամյակի ընթացքում հսկայական մտավոր պաշարը, այլակեզու գրավոր հիմքի վրա ձևավորվող գաղափարաբանությունը և լայն տարածում գտած բանավոր բարգմանության ավանդույթը:

Տվյալ հանգամանքով պետք է բացատրել այն ակնհայտ փաստը, որ Մեսրոպ Մաշտոցի ստեղծագործությունները, որոնք հայ փիլիստիայական մտքի առաջին հուշարձաններն են, արտացոլում են այն գաղափարական հիմունքները, որոնց վրա հենմվելով՝ զարգանում էր IV-V դդ. Հայաստանի հոգևոր կյանքը՝ սկզբից այլակեզու (հունարեն և ասորերեն), իսկ այնուհետև՝ հորդառաս հայալեզու հոնուկ: Մաշտոցի ժամանակ արդեն սուր կերպով դրված էր թշնամական ուժերին հակադրվելու, հեթանոսության վերապրուկների և երկրի ներսում գլուխ բարձրացնող աղանդների դեմ զարդարական պայքար ծավալելու խնդիրը: Այդ իսկ պատճառով Մաշտոցի և նրա գործի անմիջական շարունակող Եզնիկ Կողբացու երկերն ունեին ջատազովական բնույթ, մի հատկություն, որը բնորոշ էր նախորդ դարերի հունական և լատինական գրականություններին, քրիստոնեական վաղ շրջանին, երբ հետապնդվող նոր կրոնական ուսմունքի զարդարախոսները պաշտպանում էին քրիստոնեությունը թշնամական քաղաքականություն վարող պետական իշխանությունից, գովարանում-ջատագովում և արդարացնում էին այդ նոր ուսմունքը՝ գերիշխող հեթանոսության հետ անհավասար պայքար մղելով: Հայրաբանության այդ ներկայացուցիչները, քրիստոնյաց գրողներն ու մտածողները, որոնք ստացան ջատազովներ հորջորջումը (Արիստիդես, Իրենեոս, Տերտուլիանոս, Հովստինոս Նահատակ և այլք), հիմնականում ստեղծագործել են մ. թ. II-III դդ.:

Գրերի գյուտից հետո հայոց եկեղեցու հայրերը խտացված

Ժամկետում պիտք է անցնեին այն ուղին, որն արդին դանդաղորեն անցել էին հարևան քրիստոնեական գրականությունները երեք հարյուր տարիների ընթացքում: Հայկական հայրաբանության՝ որպես քրիստոնեական փիլիսոփայության ուղղության հիմնադիր հանդես եկավ Մեսրոպ Մաշտոցը՝ իր «Հաճախապատում ճառերով» և «Վարդապետությամբ»՝ գարկ տալով ոչ միայն ինքնուրույն գրականության, այլև հայ իմաստափորության զարգացմանը:

Մաշտոցին, որպես հայրաբանական փիլիսոփայության ակնհայտ ներկայացուցի, բնորոշ է գոյաբանական պլորեմի հանդեպ շեշտված ուշադրությունը, որը ելակետային է նրա աշխարհայացքի համար: Դա Աստծո, որպես գերագույն էակի, աշխարհի սկզբանապատճառի գաղափարն է, որով և սկսվում են ինչպես «Հաճախապատում ճառերը», այնպես էլ՝ «Վարդապետությունը»:

Աստված, ըստ Մաշտոցի, բացարձակ, ոչնչով չահմանափակված, ոչ մեկի և ոչ մի բանի կողմից չստեղծված գերագույն էություն է, «միակ ինքնակա էություն», որի ինքնությունը պայմանավորված է իր սեփական գոյությամբ: Նա անծին իսկություն է, անսկիզբն էություն, անահման մշտնջենավորություն, անփոփոխ ճշմարտություն<sup>9</sup>:

Որպես համոզված քրիստոնյա, Մաշտոցը հաստատում է, որ Աստված բոլոր գոյերի արարիչն է, աշխարհի և նրա մեջ գտնվող ամեն ինչի ստեղծողը, կենդանի և անկենդան բնության ծնողը: Նրա ստեղծագործ ուժը անսկիզբ ու անվերջ է, և նա գտնվում է մշտական գործողության և ստեղծագործման մեջ: Այդ ստեղծագործ զորությունը հավերժ է և անսպառ, և այդ պատճառով էլ նրա աղքատությ՝ Աստված, «Ինքը չի նորանում, որովհետև չի հնանում և չի լրացվում, որովհետև չի պակասում, որովհետև ինքը մնում է նույնը իր լիության և անվերջության մեջ, և այդ անվերջ ու անահման, անհասանեին ու կատարյալ բարերարության մեջ չկա դրսից եկած որևէ եկամուտ կամ հավելյալ բան»<sup>10</sup>: Նրա ստեղծագործ և բարեգործ զորության շնորհիվ

կյանք են ստանում բոլոր արարածները, որոնք նախապես գրյություն են առնում Նրա մտքում և այնուհետև մարմին են ստանում Նրա խոսքով և բարի կամքով:

Աստված Իր ստեղծած ոչ մի բանական էակի համար հասանելի չէ, որովհետև «Նա անսահման է և անքննելի, և չի կարող բանականությունը հասու լինել Նրան, և ոչ էլ միտքը քննել և Նրա ճանաչման համար չի կարող բավել ո՛չ հոգևոր գորքի իմաստությունը և ո՛չ էլ մարդկային որդիների գիտությունը»<sup>11</sup>:

Իր գոյության պատճառը ինքն Իր մեջ պարունակող, բանականության համար անհասանելի այդ գերագույն էակը միասնական է և անբաժանելի, թեև Իրեն դրսեորում է երեք դեմքով: Մաշտոցը համոզված և հետևողական եռամիական (տրինիտարիստ) է, աստվածային էության միասնականության հրչակողը և պաշտպանողը: Հայր աստվածը, Որդի-աստվածը և Սուրբ Հոգի-աստվածը տարբեր էություններ չեն, որովհետև միասնական է նրանց գոյությունը, և տարբեր են միայն նրանց դրսեորումները (Տե՛ս «Վարդապետություն», § 125 (383): Այդ դրույթի ապացուցման համար Մաշտոցը բերում է կրակի և ջրի օրինակները և հարցնում. «Եղե՞լ է երբեկ արեգակն առանց իր լույսի և ջերմության, կամ եղե՞լ է երբեկ հուրն առանց իր լույսի կամ տապի. կամ եղե՞լ է երբեկ (ջրի) աղբյուրն առանց իր բխման և խոնավության. կամ եղե՞լ է երբեկ հոգին առանց խոսքի և առանց մտքի: Այսպես և չի եղել (երբեկ) Հայրն առանց իր Որդու և Սուրբ Հոգու»<sup>12</sup>, Փհնչպես մի է արևը և նրա լույսն ու ջերմությունը, և մեկ արև է ասվում և երբեք՝ արևներ. և ինչպես կրակը, (նրա) լույսը և տապը մեկ կրակ են ասվում և երբեք՝ կրակներ. և ինչպես հոգին, միտքը և խոսքը մեկ հոգի են ասվում և երբեք՝ հոգիներ, իսկ հոգի է կոչվում կենդանությունը, միտք է կոչվում գիտակցությունը, խոսք է կոչվում բանավորությունը՝ միասնական հոգու, այդպես և Հայրը՝ անծին իսկությամբ, անսկիզբ էությամբ Հայր է մշտական Որդու համար, որը Նրա հետ է, և Հոգու համար, որը (նույնպես) Նրա հետ է»<sup>13</sup>:

Քրիստոնեության դավանաբանության և աստվածաբանության այդ հիմնական դրույթը, որը հռչակվել էր Նիկիայի (325 թ.) և Կոստանդնուպոլիսի (381 թ.) ժողովների կողմից՝ ընդդեմ Արիոսի և Մակենոսի հերետիկոսական հայտարարված ուսմունքների, Մաշտոցը ամենայն կտրականությամբ հակադրում է հեթանոսական բազմաստվածությանը և մազդեական դուալիստական կրոնին ու փիլիսոփայությանը:

Մաշտոցի քրիստոնեական քարոզությունը, իսկ այնուհետև, ավելի շեշտված, նրա աշակերտ Եզնիկի «Եղծ աղանդոց»-ում արծարծված ջատագրվությունը, իր ոգով պաշտպանողական չէր, ինչպես առաջին դարերի քրիստոնեության հալածված ջատագովների մոտ, որոնք ջանում էին արդարացնել նոր կրոնի գոյությունը և փրկել այն անարդարացի մեղադրանքներից ու դաժան հետապնդումներից: Մաշտոցի ջատագրվությունն ուներ հարձակողական, ինքնավստահ բնույթ, որովհետև բացի անձնական խոր համոզվածությունից այն հենվում էր սոցիալական լայն խավերի և ամուր կրոնական կազմակերպության վրա, որն ուներ հատուկ պատրաստված և գաղափարապես արդեն լավ գինված հոգևորականություն:

Իր փիլիսոփայական դատողությունները Մաշտոցը նպատակադիր ձևով է կառուցում, նկատի ունենալով որոշակի թշնամական գաղափարախոսություն, որին հարկավոր է հակադրել քրիստոնեության ելակետային դրույթները: Պատահական չէ, որ նա բազմից հաստատում է մնախտական փիլիսոփայության դրույթը՝ ընդդեմ դրուալիզմի, ընդդեմ հեթանոսության պարսկական տարատեսակի՝ ասելով. «Անսկիզբ Էությունից և մշտնչենավորությունից ստեղծվեցին բոլոր արարածները՝ երևելի և աներևույթ: Երկինքը և երկիրը և ամեն ինչ, ինչ որ նրանց մեջ կա, ամենակարող զորությամբ ստեղծված են մեկ արարչի կողմից»<sup>14</sup>: Հետևապես, երկրպագել և դավանել պետք է արարչին, ոչ թե նրա արարածներին, իրերին կամ տարրերին, որոնց գոյությունը կախված է նրանց ստեղծողից: Նա է միակ և հավերժական գերազույն էությունը, «որն իր ամենախնասութուն,

ամենագետ և ամենաստես բարերար կամքով խնամում է Իր արարածներին, որոնց գոյացրել է ոչնչից և չգոյից՝ հոգևորներին և մարմնավորներին, շնչավորներին և անշունչներին»<sup>15</sup>:

Աշխարհի չորս տարրերը՝ հուրը, օդը, ջուրը և հողը ստեղծվել են Աստծու կողմից և սահմանվել որպես ողջ բնության հիմք: Մարմինները, իրերը օժտված են չորս հիմնական հատկանիշներով (որպակներով): Խոնավորյամբ և չորությամբ, սառնությամբ և տաքությամբ: Եվ ահա այս չորս տարրերից, նրանց չորս որակական հատկանիշներով հանդերձ, Աստված ստեղծեց մարդուն, Իր նմանությամբ և կերպարանքով, և նրան տվեց բանական հոգի. «Եվ շնչեց նրա մեջ հոգի կենդանի և անմահ, մտավոր և բանական: Եվ խառնեց հոգևորը մարմնավորի հետ»<sup>16</sup>:

Բնությունը, աշխարհը, ըստ Մաշտոցի, ստեղծված են մարդուն ծառայելու, նրա կարիքները բավարարելու համար. Երկինքը, աստղերը, արևը և լուսինը, բույսերն ու կենդանիները, ամեն ինչ Աստծու կամքով ստեղծվել է մարդու համար: Սակայն մարդիկ, որոնց վրա չի տարածվել խկական հավատի լույսը, այսինքն՝ հեթանոսները, չգիտեն իրենց արարչին և պաշտում են իրերը: Նրանք իրենց համար այդ իրերը կուտք են դարձրել և նրանց վերագրել տարրեր հատկություններ, որոնք յուրահատուկ են միայն արարի Աստծու հավերժական էությանը<sup>17</sup>:

Մաշտոցը դատապարտում է հեթանոսներին, որոնք «քոլոր տարրերը աստվածներ դարձին, շնչավորներին և անշունչներին, ջուրը և հուրը»: Անհիմաստ ու վճասակար է պաշտել այն, ինչ արարված է, որովհետև դա շեղում է բուն Արարչից, այն անփոփոխ և հավերժ կենդանի Ստեղծողից, Որի շնորհիվ ապրում է ողջ տիեզերքը և արարչության ծաղկեապսակ մարդը<sup>18</sup>:

Ինչպես տեսնում ենք, գոյաբանական (օնտողոգիական) հիմնախնդիրը լուծելիս Մաշտոցը նրա մեջ դնում է քրիստոնեական փիլիսոփայական դրույթը: Այն ծառայում է միաստվածության (մոնոթեիզմի) գաղափարի հիմնավորմանը և միաժամանակ բազմաստվածության (պոլիթեիզմի) և երկվապաշտության

(որուալիզմի), հեթանոսական փիլիսոփայության հիմնադրույթների հերքմանը: Աստծու, որպես գերագույն գոյի հարցի փիլիսոփայական, գոյաբանական դրվագքը բացահայտում է Մաշտոցի հայացքների նաև մի այլ բնութագրական առանձնահատկություն, այն է՝ հայրաբանության ներկայացուցչին յուրահատուկ գերբնապաշտությունը (սուպրանատուրալիզմը) և ստեղծապաշտությունը (կրեացիոնիզմը): Աստծու գերբնականությունը և անդրանցականությունը, ըստ Մաշտոցի, զուգորդվում են Նրա հավերժական, անսպաս ստեղծագործ ուժի հետ, որը և արարել է ողջ տիեզերքը: Նա ունի բացարձակ ազատություն և միաժամանակ ունի անսահման իշխանություն Իր արարածների՝ աշխարհի և նրա բնակիչների վրա: Բայց Իր ազատությունն ու իշխանությունը Նա երբեք ի չարը չի գործադրում, որովհետև Նա բացարձակ բարություն է:

Հակադրելով իր տեսակետը մազդեական փիլիսոփայությանը, որի ընդունում էր երկու սկզբանագոյերի՝ բարի և չար աստվածների առկայությունը, Մաշտոցը հռչակում է իր մոնիխոսական սկզբունքը, համաձայն որի՝ գոյություն ունի միակ, բարի աստվածային էություն: Աստծո անկապտելի հատկությունը բարությունն է, և Նա միայն բարի էակների արարիչ է, «որովհետև այն ամենը, ինչ չի դիմում է դրանից, ինչ բխում է հապարտությունից և ամբարտավանությունից և աստվածահաճն չէ, ըստ քրիստոնեական տեսակետի, որը և պաշտպանում է Մաշտոցը, տանում է դեպի չարիք: Հենց այստեղ է, կամքի այդ ազատության մեջ է, որն օգտագործվում է ոչ խելացի ձևով և Աստծո կամքին հակառակ, և ուղղվում է դեպի արատավորը, այստեղ է չարի աղբյուրը:

Չարը որպես այդպիսին ի սկզբանե առկա էություն չէ. այն չունի էութենական (սուբստանցիալ) կեցություն: Բայց այդ դեպքում ինչո՞վ բացատրել այն, որ մենք տեսնում ենք աշխարհում առկա չարիքը: Որտեղի՞ց է նա առաջանում: Առաջ քաշերվ քրիստոնեական փիլիսոփայության համար այս կարևոր խնդիրը՝ Մաշտոցն իր պատասխանները կրկին ուղղում է պարախների մազդեական կրոնի դուալիզմի դեմ: Ինչպես հայտնի է, մազդեականությունը (կամ զրադաշտականությունը) ելնում էր դուալիստական սկզբունքից, որի համաձայն՝ աշխարհը ստեղծված է երկու աստվածների՝ բարի Որմիզդի (Անհրամանոյ, Արհմնի) կողմից: Դասելով պարսիկներին «խուժադրուժ ազգերի» շարքը, «որոնք (իս-

կական) կրոն չունեն»<sup>20</sup>, Մաշտոցն արծարծում է աշխարհում չարի ծագման վերաբերյալ քրիստոնեական տեսակետը:

Որոնելով աշխարհում գոյություն ունեցող չարի պատճառը և հերքելով չարի՝ ի սկզբանե գոյության հեթանոսական, մասնավորապես մազդեական հայեցակետը, Մաշտոցն առաջ է քաշում կամքի ազատության, անձնիշխանության հիմնախնդիրը: Աստված, ստեղծելով բանական էակներին, իրեշտակներին և մարդկանց, շնորհել է նրանց ազատ կամք, ընտրություն կատարելու ազատություն, որը կարող է տանել և՛ դեպի բարիք, և՛ դեպի չարիք: Բայց ինչպես տարբերել չարիքը բարիքից: Ո՞րն է բարին ու չարը, առաջինին և արատավորը տարբերելու, գնահատելու չափանիշը: Մաշտոցը տախի է հետևյալ պատասխանը. այն, ինչ չի հակասում Աստծո կամքին, չի հակարգվում Նրան և ուղղված չէ Նրա դեմ, տանում է դեպի բարին, իսկ այն ամենը, ինչ շեղվում է դրանից, ինչ բխում է հապարտությունից և ամբարտավանությունից և աստվածահաճն չէ, ըստ քրիստոնեական տեսակետի, որը և պաշտպանում է Մաշտոցը, տանում է դեպի չարիք: Հենց այստեղ է, կամքի այդ ազատության մեջ է, որն օգտագործվում է ոչ խելացի ձևով և Աստծո կամքին հակառակ, և ուղղվում է դեպի արատավորը, այստեղ է չարի աղբյուրը:

Կամքի ազատության և աստվածային նախախնամության, դրանց առնչակցության խնդիրը Մաշտոցի օրոք և հետագա դարերում շատ է հոգել քրիստոնյա աստվածաբանների միտքը: Հակադրյունը Աստվածաշնչի ճակատագրապահտական, ֆատախատական դրույթների և կամքի ազատության մասին քրիստոնեական ուսմունքի միջև առաջացել էին բուռն բանավեճեր, որոնց մասնակցում էին այն ժամանակաշրջանի խոշորագույն մտածողները:

Այդ հարցում Մաշտոցի ժամանակակից, արևմտյան եկեղեցու սյուներից մեկի՝ Օգոստինոսի (354-430 թթ.) տեսակետը ուներ ճակատագրապահտական բնույթ: Այն տանում էր դեպի աստվածային բացարձակ նախասահմանության ճանաչում և

փաստորեն տեղ չէր թողմում մարդու «անձնիշխանության» համար, որը մարդուն «շնորհել էր» Ինքը Աստվածը: Օգոստինոսը գիտակցում էր իր հայեցակետի խոցելի լինելը և այդ պատճառով հազեցրել էր այն բազմաթիվ մեղմացուցիչ վերապահումներով: Այսպես, օրինակ, նա ստիպված էր, հատուկ վերապահում կատարելով, նշել, որ «մենք ամեննեն մեզ հարկադրված չենք համարում ոչ իերել կամքի ազատությունը, ընդունելով Աստծու նախագիտությունը, ոչ էլ ժխտել (որն անպարկեշտություն է) ապագայի Աստծու կանչատեսությունը՝ թույլ տալով կամքի ազատությունը: Մենք ընդունում ենք և՛ մեկը, և՛ մյուսը. մեկը լավ հավատալու համար, մյուսը լավ ապրելու համար»<sup>21</sup>: Չնայած այս շեղմանը և իրարամերժ տեսակետների էկլեկտիկ համատեղմանը, Ավգուստինի ուսմունքը չփոխեց իր ֆատախատական բնույթը:

Մյուս ծայրահեղ տեսակետի արտահայտությունն էր Օգոստինոսի գլխավոր հակառակորդ, ականավոր աստվածաբան Պելագիոսի (360-418 թթ.) ուսմունքը, որը մարդու անձնիշխանությանը տալիս էր այնքան մեծ ազատություն, որ աստվածային շնորհն ու նախախնամությունը կորցնում էին իրենց նշանակությունը: Հատ Պելագիոսի՝ մարդը ծնվում է առանց որևէ մեղքի, նրա վրա ծանրացած չէ սկզբնական (Աղամի) մեղքը, և նա մեղք է գրծում ինքն իր կամքով, և ինքն էլ իր վարքով, առանց Աստծու մասնակցության, վաստակում է «փրկություն»: Պելագիոսի ուսմունքը 418 թ. մերժվեց եկեղեցու կողմից և 431 թ. դատապարտվեց Եփեսոսի տիեզերական ժողովում: Սակայն այդ դատապարտությունը չէր նշանակում, որ եկեղեցին այս հարցում ընդունեց Ավգուստինի տեսակետը որպես պաշտոնական ուսմունք: Եկեղեցու կողմից հովանավորվող «ուղղափառ» տեսակետը տվյալ հարցում հեռու է ինչպես օգոստինականության, այնպես էլ պելագիականության ծայրահեղություններից: Օրբողոքսալ ուսմունքի համաձայն, չկա ոչ բացարձակ նախախնամություն, ոչ էլ կամքի բացարձակ ազատություն: «Փրկություն», որպես մարդկային կյանքի գերագույն խնդիր, պահանջում

է միաժամանակ և՛ Աստծու, և՛ մարդու մասնակցություն: Դա աստվածամարդկային խնդիր է: Մինչդեռ Օգոստինոսը չափազանցնում էր աստվածայինի դերը և, ըստ եռթյան, հակվելով դեպի անսահմանափակ նախասահմանվածություն և նախախնամություն, իմաստազրկում էր մարդու մասնակցությունը իր խև փրկության հարցում: Իսկ Պելագիոսը և պելագիականները, առաջին գծի վրա մեխով մարդու «անձնիշխանությունը», նսմացնում էին աստվածային նախախնամության դերը և Աստծու գործուն մասնակցությունը մարդու «փրկության» և «շնորհներին» արժանանալու հարցում:

Մաշտոցը՝ Օգոստինոսի և Պելագիոսի միջև տեղի ունեցող բուռն բանակեծի ժամանակակիցը, քաջատեղյակ էր նրանց հայացքներին և կարողացավ խուսափել նրանց ծայրահեղություններից և մնալ «ուղղափառ» տեսակետի պաշտպանության դիրքերում: Ինչպես ցույց է տալիս Մաշտոցի հայացքների վերլուծությունը, նա կանգնած է հակաճակատագրապաշտության դիրքերում և մերժում է ավգուստինյան բացարձակ նախասահմանության գաղափարը: Նա ընդունում է մարդկային հոգու «անձնիշխանությունը» և գտնում, որ չարիքն առաջանում է ազատ կամքի չարաշահման, ոչ աստվածահաճ գործեր կատարելու հետևանքով: Բայց այդ ազատությունը մարդուն հնարավորություն է տալիս բարի գործերով, Աստծուն ծառայելով «փրկություն» վաստակել, չարի դեմ անզիջում պայքար մղել:

Քրիստոնեական ուղղափառ այդ տեսակետը հիմնականում ուղղված է պարսիկ որսալիստական կրոնի դեմ: Մաշտոցը մերժում է մազդեական կրոնափիլիսոփիայական ուսմունքը, որի համաձայն աշխարհը գտնվում է երկու աստվածային ուժերի՝ բարու և չարի, լույսի և խավարի իշխանության տակ: Կամքի ազատության ճիշտ օգտագործումից է կախված նրա ապագան, որովհետև երկրի վրա գործած գործերով է Աստված որոշում արդար հատուցումը: «Անձնիշխան կամքով մենք կարող ենք Աստծուն թեքել դեպի բարի կամք՝ մեր բարի գործերով, ինչպես և թեքել դեպի պատուհաս՝ ըստ մեր չար գործերի: Որովհետև

մեր կամքից է կախված՝ վայելել Նրա բարիքները կամ մերժել»<sup>22</sup>: Այսպիսով, բարի գործերի համար Աստված նրան հաղորդակից է դարձնում «շնորհների», տալիս է «փրկություն»: Ամեն ինչ աշխարհում Աստված բարի է ստեղծել, «իսկ չարիքը, որն առաջ է գալիս կամքի ազատությունից, ամեն մեկին առանձին տանում է դեպի կործանում»<sup>23</sup>:

Ստեղծելով մարդուն իր կերպարանքով ու նմանությամբ՝ Աստված շնորհել է նրան բանականություն և ազատ կամք, «որպատճեցի նա իմանա ինչպես խուսափել չարից և ընտրել բարին... իր ազատ կամքով»<sup>24</sup>:

Սերժելով մազդեական ֆատալիզմը, որը չարիքը դուրս էր քերում աստվածային երկրորդ սկզբնապատճառ՝ չար աստված Անդրիմանից, Մաշտոցը չարագրությունների և արհավիրքների համար պատասխանատվությունը դնում էր մարդկանց վրա, որոնց հետ կարելի էր և հարկավոր էր պայքար մղել: Չարին դիմադրելու գաղափարը, այն կանխելու կամ արմատախիլ անելու նպատակով, օտարերկրյա նվաճողների դեմ հասունացող գոտեմարտի արտահայտությունն էր, մի գաղափար, որն իր հետագա զարգացումը ստացավ Մաշտոցի հավատարիմ հետևորդ և աշակերտ Եզնիկ Կողբացու «Եղծ աղանդոց» («Սուտ ուսունքների հերքում») աշխատության մեջ, որն ավարտին էր հասցել պարսից դեմ բռնկած համաժողովրդական ապստամբության նախօրեին:

Մաշտոցի աշխատություններում, բացի վերը քննարկված խնդիրներից, որոշ տեղ է հատկացված նաև մարդու ճանաչողական ունակությունների հարցին: Այդ ոչ մեծ ծավալ ունեցող տեղիները հնարավորություն են տալիս պատկերացում կազմելու Մաշտոցի իմացարանական հայացքների և առհասարակ հայ փիլիսոփայական գրականության զարգացման վաղ շրջանում առկա իմացարանության սաղմերի մասին:

Մաշտոցը փորձում է պարզել, թե ինչպիսի միջոցներով և ինչ ձևով է մարդը ճանաչում իրեն շրջապատող աշխարհը: Աստված մարդուն տվել է բանական հոգի և ազատ կամք, և դրանով

իսկ նմանեցրել է Իրեն: Բայց մարդն ինչպե՞ս է իրականացնում իր բանական ունակությունը, և աշխարհաճանաչման համար ի՞նչ հնարավորություններ նա ունի:

Նախ և առաջ, ասում է Մաշտոցը, «Աստված ստեղծել է աշխարհը որպես մի դպրոց»<sup>25</sup>, որպեսզի նրա բանական արարածները ուսանեն Արարշի խնամքը, կարողանան աստիճանաբար ճանաչել Նրա ստեղծած աշխարհը: Երկրորդ, այդ դպրոցում ուսուցումը դյուրացնելու նպատակով «արարածների կողմից ուսումնասիրվող բաները նա հորինեց որպես դպրության գորեր և նրանց անունները տվեց, որպեսզի անունները հնարավորություն տան իրարից տարբերելու գրերը, և որպեսզի գրածը արտահայտի անվան էությունը<sup>26</sup>: Ի դեպ, նշենք, որ գրերի (տառերի) և նրանց անունների հետ կապված այս օրինակը կարող է մի ավելորդ անգամ հանդես գալ որպես ապացույց հօգուտ այն բանի, որ «Հաճախապատում ճառերի» հեղինակն անմիջական առնչություն ունի գրերի ստեղծման գործին: Գրիգոր Լուսավորչի շուրթերում այս օրինակը ունկնդիրների համար անհասկանալի և անտեղի պիտի լիներ:

Ըստ Մաշտոցի՝ մարդն անմիջապես իր ծնունդից հետո հնարավորություն չունի դրսեորելու իր մտավոր, ճանաչողական կարողությունները: Դրանք բացահայտվում են աստիճանաբար, մարմնի աճի և ձևավորման համապատասխան: «Մութ և խավար որովայնից ծնված մարդը ձևավորված է երևում երկրի վրա: Եվ երբ մարմննը սնվելով աճում է և ստանում կատարյալ հասակ, նա, տարբեր արվեստներ սովորելով, դաստիարակվում է, և խելքով օժտված բանական հոգին՝ մարմնի աճին համապատասխան, ուսուցիչների խրատների շնորհիվ բացահայտում է ճանաչելու և իմանալու ընթունակությունը»<sup>27</sup>:

Իմացությունը, զիտությունը, ըստ Մաշտոցի, օգնում է «ճանաչել Աստծուն»: Հասու լինել, իմանալ Նրան մարդ անկարող է, բայց նա ի վիճակի է ճանաչել Աստծուն՝ Նրա ստեղծած աշխարհը ուսումնասիրելով, իմանալով, ըմբռնելով: Մաշտոցը չի դնում Աստծու գոյության ապացույնան հարցը: Նրա համար

դա աներկրա ճշմարտություն է: Աստված անիմանալի և անըմբոնելի է բանականության համար, սակայն ճանաչողությունը կարող է մոտեցնել դրան, կարող է նպաստել «արարածների միջոցով իմանալ երկնքի և երկրի և դրանց վրա գտնվող արարածների Արարշին, և լինել Նրա կամքի աշակերտ և արքանյակ»<sup>28</sup>: Հենց դրա համար անհրաժեշտ է ճանաչել աշխարհը, դաստիարակության միջոցով լայնորեն զարգացնել մարդու մեջ ներդրված բանական ունակությունը:

Ճանաչողության գործիքներն են բանականությունը և զգայարանները: Դրանք, - ասում է Մաշտոցը, - «ստեղծված են Աստծու կողմից որպես կյանքի (համար անհրաժեշտ - Ս. Ա.) գործիքներ»<sup>29</sup>: Դրանց օգնությամբ մարդ ճանաչում է իրերը, տարրերում է չարն ու բարին, վնասակարն ու օգտակարը, խուսափում է չարից և ընտրելով բարին՝ հաճոյանում Աստծուն: Նրանց հիմնական նշանակությունը և պաշտոնը կյանում է նրանում, որ ճանաչելով աշխարհը, մարդ պետք է գտնի ճշմարտությունը և հասկանա կյանքի իմաստը, որը, ըստ Մաշտոցի, Աստծուն ծառայելը և առաքինի կյանք վարելն է, որոնք և տանում են դեպի մշտնական երանություն անդրշիրիմյան աշխարհում:

Ճանաչողությունը հնարավոր է միայն այստեղ՝ երկրային կյանքում: Դրա համար պետք է զգալի իրերի և զգացողի, ճանաչելիի և ճանաչողի առկայություն, որոնք չեն կարող լինել ո՛չ մարդու ծնունդից առաջ, ո՛չ էլ նրա մահկանից հետո:

Զգայարաններից եկող տեղեկությունները չափազանց կարենոր են աշխարհի ճանաչման համար, բայց լրիվ վստահել նրանց չի կարելի, որովհետև նրանք կարող են տալ նաև աղավաղված տեղեկություններ, իսկ երբեմն էլ երևութականը իրականի տեղ ընդունել: Այդ իսկ պատճառով զգայարանների ցուցումները պետք է ստուգվեն մտքի կողմից, որը ճանաչողության վերին աստիճանն է:

Մարդկային միտքը, բանականությունը, ըստ Մաշտոցի, վճռական դեր է խաղում աշխարհի ճանաչման գործում: Բանա-

կանությունը հավաքում է իր մեջ զգայարաններից եկող տեղեկությունները, ստուգում և ուղղում է դրանց ցուցումները: Միայն բանականությունն է ճանաչում ճշմարտությունը իր ամբողջության մեջ: «Բանականության իմաստությունը բնակվում է ուղղում, - ասում է Մաշտոցը, - այն գտնվում է գլխում. նա բոլոր անդամների պսակն է, զգայարանների գործարանը, շարժումների առաջնորդը և բոլոր անդամների հսկիչը, ուսուցիչը և հրամանատարը, որն ուղղում է սխալվող անդամներին, հաստատուն է դարձնում անգետներին, լիացնում է կարիք ունեցողներին, բոլոր հնարքներով իր և ուրիշների փրկության ճարն է գտնում և հանդես գալիս հոգու իմաստության գանձարան»<sup>30</sup>:

Մաշտոցը գերադասում է բանական ճանաչումը, համարելով, որ այն տալիս է ճշմարիտ գիտելիք, որն իր հավաստիությամբ գերազանցում է զգայարաններով ձեռք բերվող առարկայական գիտելիքը: Զգայարանները բանականության օգնականներն ու սպասավորներն են, բայց նրանց վրա չի կարելի անվարան հույս դնել, որովհետև նրանք հաճախ սխալվում են և կարող են թվացող բանը իրականի տեղ դնել: Ահա այստեղ է, որ հանդես է գալիս բանականությունը, որն ուղղում է զգայարանների սխալ ցուցումները: Բանականությունը այն կենտրոնն է, որն ապահովում է զգայարանների աշխատանքը, նա գործողության մեջ է դնում դրանց: Բանականությունն իմանում է, երբ են նրանք ճիշտ տեղեկություններ տալիս և երբ՝ վսալ, և ուղղում է նրանց: Եվ պարտադիր չէ, որ բանականությունը դեկավարվի անմիջական զգայական տվյալներով: Նա կարող է ճանաչել իրերն ու որակական հատկանիշները նաև դրանց անուններով, որոնք տրված են արարման ժամանակ Աստծու կողմից: Բացահայտելով դրանց իմաստը՝ «մենք անուններից ճանաչում ենք իրերը»<sup>31</sup>: Բաղդատելով անուններն իրերի կամ հատկությունների հետ՝ միտքը որոշում է, համընկնո՞ւմ են դրանք, թե՝ ոչ: Որպես կանոն, բանականությունը հաստատում է իրերի և դրանց անվանումների համապատասխանությունը, օգնում է զգայ-

րանմերին, ինչպես օրինակ, «քաղցր և դառը, որոնք քիմքով հավասարապես ընկալվում են որպես համեր, և անվանումով է, որ միմյանցից տարբերվում են քաղցր և դառը (համերը): Եվ դա հաստատված է արարչի տեսչությամբ»<sup>32</sup>:

Իմացման նպատակը, ըստ Մաշտոցի, Աստծու ճանաչումն է, քայց այն կատարում է խնդրի միայն կեսը, այն մոտենում է Աստծու ճանաչմանը Նրա արարածների իմացման միջոցով<sup>33</sup>: Աստծուն իմանալ և ճանաչել կարելի է միայն հավատի շնորհիվ, որը և հանդես է գալիս որպես իմացության բարձրագույն ձև: «Անմիալ իմաստությունը և Աստծու ճանաչումը ճենք են բերում հավատով», - հաստատում է Մաշտոցը<sup>34</sup>: Այսպիսին է հայկական պատրիարքի միանալիք դատողությունների օրինաչափ արյունքը: Ծանաչությունը խաղում է ենթակայական դեր, այն միայն օգնում է մոտենալու գերազույն, աստվածային էության ճանաչմանը՝ նրա կողմից ստեղծված բնության ճանաչման միջոցով: Աստված գտնվում է բնությունից վեր, Նա բացարձակ, գերբնական էություն է, որը հավերժ անսպառ իր բարությունից ստեղծում է ամեն ինչ, յուրաքանչյուր գոյ, ողջ տիեզերքը:

Իմացությունը, այսպիսով, Մաշտոցի մոտ վեր է ածվում աստվածածանաշման, իսկ բնության բնական հետազոտությունը դառնում է օժանդակ մի օդակ նրա Ստեղծողին իմանալու, Նրա բարության և արդարության, դրա ստեղծածի գեղեցկության և տիեզերական ներդաշնակության ճանաչման համար:

\* \* \*

Մաշտոցի աշխարհայացքը վառ կերպով արտացոլել է 410-430-ական թթ. գաղափարական հոսանքների միտվածությունը և գերիշխող մտայնությունը, երբ հայ գործիչների ուշադրությունը կենտրոնացած էր ազգային մշակույթի ստեղծման և հարածուն մազդեական վտանգի դեմ պայքարելու վրա: Այդ ժամանակ ծրագրված աշխատանք էր տարվում քրիստոնեության

գաղափարական իմքերի ամրապնդման ուղղությամբ՝ Սասանյանների կրոնաքաղաքական ծավալապաշտական նկրտումներին դիմակայելու համար:

Իր երկերում Մաշտոցը երկու կարևոր նպատակ էր հետապնդում: Առաջինը՝ քրիստոնեության կարևորագույն դրույթների հիմնավորումն է և դրանց մեկնաբանությունը: Այս հարցում դրսերվել է Մաշտոցի՝ որպես քրիստոնյա մտածողի ձգտումը՝ փիլիսոփայորեն իմաստավորել կրոնական դրույթները, բանական ապացույցներով ամրապնդել դրանք և բանականության համար լընունելի դարձնել: Երկրորդ նպատակը քրիստոնեական ուսմունքի պաշտպանությունն է տարբեր հեթանոսական պատկերացումների դեմ մղած պայքարում, քրիստոնեական միաստվածության դիրքերից պարսկական կրոնի դրախտմի հերքումը: Զատագովությունը Մաշտոցի հայրաբանական փիլիսոփայության բաղկացուցիչ մասն է: Մաշտոցն է առաջարդել հայ ջատագովության իմանական ելակետային դրույթները:

Հայրաբանությունը Հայաստանում (Զատագովության հետ միասին) իր ծննդով պարտական է Մաշտոցին, ինչպես և նրա օրոք ու նրա մասնակցությամբ կատարված մի շարք բարգմանական հուշարձաններին: Հայոց փիլիսոփայության սկզբնավորման համար Մաշտոցը կատարել է բացառիկ կարևոր դեր: Իր սկզբնավորման շրջանի համար բավականին բարձր գրական և գիտական մակարդակով այն մեծապես պարտական է Մաշտոցին:

Միայն վերջին 30-35 տարիներին «Սուրբ Գրիգորի Վարդապետությունը» բարգմանվել է նոր լեզուներով՝ անգլերեն (1970, բարգմ. Ո. Թոմսոն \_ «The Teaching of Saint Gregory». Harvard University Press, Cambridge, Massachusetts. վերահրատարկվել է 2001 թ. St. Nerses Armenian Seminary, New Rochelle, New York), աշխարհաբար (1983, բարգմ. Ա. Տեր-Ղևոնյան, Ազարանցեղոսի «Հայոց պատմության» կազմում, էջ 145-405, Երևանի համալսարանի հրատարակչություն) և ոռուերեն (2004, բարգմ. Ա.

ՍՈՒՐԲ ԳՐԻԳՈՐԻ  
ՎԱՐԴԱՊԵՏՈՒԹՅՈՒՆԸ

Արևատյան, Ագատանցելոս, Իстория Армении գրքում, էջ 88-213,  
«Նախիք» հրատ., Եր.):

Մեր աշխարհաբար նոր թարգմանությունը, որ կատարված է  
քննական թեմայից, պայմանավորված է «Վարդապետությու-  
նը», որպես հայ հայրաբանության և զատագովության հուշար-  
ձան, անաղարտ ներկայացնելու ցանկությամբ և հնարավորին  
չափ խուսափելու այն թերություններից, որ ունեցել է առաջին  
թարգմանությունը և որը հրատարակվել է առանց ծանոթագ-  
րությունների և առաջարանի: Երբեք չենք ձգտել այս մեր թարգ-  
մանությամբ նսեմացնել մեր երջանկահիշատակ գործընկերոց,  
պատմաբան-արևելագետ Արամ Տեր-Ղևոնդյանի կատարած  
աշխատանքը: Պատկերացնում եմ, թե ինչ դժվարությունների  
հետ է նա բախվել և այն տարիներին կարողացել տպագրել  
այդպիսի բովանդակություն ունեցող գիրքը: Մեր թարգմանութ-  
յունը պարզապես մի փորձ է՝ մոտենալ «Վարդապետությանը»  
մեկ այլ կողմից և շրջանառության մեջ դնել այն որպես հայ կրո-  
նա-դավանաբանական և փիլիսոփայական հնագույն հուշար-  
ձան: Ծանոթագրություններում մանրանասնել ենք այն հարցե-  
րը, որոնք, առաջարանը չծանրաբեռնելու համար, լուսաբանել  
ենք այստեղ՝ շոշափելով թեմայից բխող տարրեր՝ կրոնապատ-  
մական, աստվածաբանական, բանասիրական և փիլիսոփայա-  
կան խնդիրներ: Սուրբգրային բազմաթիվ մեջքերումներն ու  
հղումները նշել ենք հենց թարգմանության մեջ, օգտվելով քննա-  
կան թեմայի հրատարակիչների տքնաջան աշխատանքի արդ-  
յունքներից:

### ՄԵՆ ԱՐԵՎՃԱՑՅԱՆ

ՍՈՒՐԲ ԳՐԻԳՈՐԻ  
ՎԱՐԴԱՊԵՏՈՒԹՅՈՒՆԸ<sup>1</sup>

1 (259. XXIII). Տեր Աստված, միայն նա է ինքնակա էություն, և չկա ոչ ոք նրանից առաջ: Զկա որևէ այլ Արարիչ ամենայն տեսանելի և անտեսանելի գոյերի, բացի Միածին Որդուց, որը ծնված է Հորից, և բացի նրա Հոգուց, որը նրա էությունից է<sup>2</sup>: Նրա կողմից սկզբում ստեղծվեց այս աշխարհը (Ծննդ., 1. 1), որն արարվեց միասնական Երրորդության ամենակարող կամքի միակից զորությամբ, մեկ գաղափարով, միահամուռ կամեցողությամբ և միասնական էությամբ<sup>3</sup>: Ամեն ինչ նրանից գոյություն առավ, երկինքն ու երկիրը: Նա արարեց երկինքը խորանաձև<sup>4</sup>, որպես ամրակր (հաստատություն), և երկիրը՝ պինդ սեղմված, որպես ամուր հատակ (ունեցող հաստատություն). Երկինքը՝ ոչ մի բանից չկախված, իսկ երկիրը՝ ոչ մի բանի վրա չդրված, և նրա մեջ (ջրերի) համատարած անդունդներ<sup>5</sup> խավարով պատած, անտեսանելի, խառնիխուռն, անձև և անկարգ, անզարդ, մթամած (Ծննդ., 1. 1-2):

2 (260). Այնուհետև Արարիչ Հայրը, (իր մտադրությունը) հայտնելով արարչակից Որդուն և համաստեղծիչ Հոգուն<sup>1</sup>, որը շրջում էր ջրերի վրա (Ծննդ., 1. 2), հրամայեց, որ ջրերի մեջ առաջանա ամրակուռ հիմք՝ ստեղծվելիք արարածների համար: Դրանից հետո երբ իր համախոհ և խորհրդակատար համագործողներին Հայրն ասաց՝ «Թող լույս լինի» (Ծննդ., 1. 3), իսկույնևեթ առաջացավ լույսը՝ խավար կլանող և օր բերող: Այնուհետև երևաց (մինչ այդ) ջրով ծածկված, սառը, ծովը ճեղքող, ջրերը բաժանող հաստատությունը (Ծննդ., 1. 7), որի շնորհիվ ի հայտ եկավ ցամաքը՝ ամեն տեսակի ծաղիկների և ծառերի ծնողը<sup>2</sup>: Դրա-

նից հետո միասնական համազոր Երրորդությունն ասաց, որ երկնքի վրա՝ խորանանման ջրեղեն հաստատության երեսին<sup>3</sup> գոյանան լուսատուները՝ ճառագայթող, աշխարհը լուսավորող գնդերը, (կանխագուշակ) նշանների ցուցիչները, ժամանակի չափիչները (Ծննդ., 1. 14): Դրանից հետո (ստեղծվեցին) կենդանի շունչ ունեցող թուչունների ցեղը, սողունները և ջրում ծնվող ձկները (Ծննդ., 1. 20-21):

3 (261). Այսուհետև դողդողացող հողի միջից (աղմկելով) դուրս թափվեցին չորքոտանի ցեղի բոլոր կենդանիները, ամեն մեկը կազմված իրեն հատուկ վայելուչ ձևով, լստեղծվելով Աստծո նախապես պատրաստ կամեցողությամբ՝ ի պատիվ մարդու՝ այն վայելչական արարածի<sup>1</sup>, որին Աստված (շուտով) պետք է ստեղծեր: Եվ նա, իր իսկ կամքը կատարելով, իր բարերարությունը ցուցաբերելով, ստեղծեց (մարդուն) որպես բանական, մտածող, խոսող արարած՝ չխոսող, բանականությունից զուրկ, մտածելու անկարող արարածների միջև, որպեսզի մտածող արարածը իմանա Արարչի պատիվը և, ճանաչելով Արարչի աստվածային շնորհի փառավորությունը, իմանա, որ իր կողմից դրա փոխարեն պետք է փառավորի նրան և որ իր հետ և իր միջոցով բոլոր (կենդանի) արարածները (և) երևելի գործերը պետք է մատուցվեն (Արարչին): Նրան փառավորելու համար:

4 (262. XXIV). Իսկ անտեսանելի էակներ արարելով՝ նա ստեղծեց անտեսանելի փառավորիչների՝ հոգեղեն, հրեղեն հրեշտակների զորքը, զվարթունների բազմությունը<sup>1</sup>: Նրանք բնակվում են վերին երկնքում՝ ջրահարկի հաստատության վրա, իսկ մեզ՝ մարդկանց համար բնակության վայրը սահմանվեց ներքեռում՝ այս հողեղեն երկրի վրա: Քանի որ Աստված ամեն ինչ ի բարի է ստեղծում, նա (արարածների համար) այս կարգը սահմանեց: Իսկ չարը, որն

առաջ է գալիս անձնիշխան կամքից<sup>2</sup>, յուրաքանչյուր էակին առանձին է կործանում, չնայած որ Արարչի կողմից բոլորը բարի են ստեղծվել:

5 (263). Արարելով մարդուն՝ նա զարմանահրաշ ձևով նրան տիրակալ<sup>1</sup> ստեղծեց, և հենց այդտեղ կարելի է տեսնել այդ (արարածի) հրաշալի, զարմանալի և անհասանելի հրեշտակային կերպարը: «Ստեղծենք մարդուն, – ասում է նա, – մեր կերպարանքով ու նմանությամբ» (Ծննդ., 1. 26): Բայց այդ ո՞ւմ կերպարանքով կամ ո՞ւմ նմանությամբ<sup>2</sup>, ինչպես ասաց, պետք է ստեղծեր մարդուն: Զէ՞ որ ճշմարիտ աստվածությունը հայտնի է որպես անմահ, անստեղծ, ոչ նյութական: Այն, ինչ պետք է ստեղծվեր, ինչպե՞ս կարող է նման լինել էականին, կամ էլ սակավ մի հողը (նմանվել)` Աստծու ինքնաբուն զորությանը, որն անսահման է և անչափելի՝ տարածության մեջ: Նա սկիզբ չունեցող լիություն է, որը ոչ մեկի համար հասանելի չէ, հավերժ նույնն է, պարզ և անփոփոխ միակերպ է:

6 (264). Այդ ինչպե՞ս նա կարող էր իրեն օրինակ դարձնել ստեղծականի համար, կամ էլ կավը ձևել Աստծու կերպարանքով, համաձայն ասածի, թե «Աստծու պատկերով ստեղծեց նրան» (Ծննդ., 1. 27): Այս խոսքերը նախապես սաելով՝ նա նախանշեց առաջիկայի պատմությունը, ապա անցավ ներկային և նշմարեց այն, ինչ ստեղծելու էր: Եվ այն, ինչ նա (նախատեսել էր կատարել) մոտալուտ առաջիկայում, հենց այդ նույն ժամանակ էլ բացահայտ ցուցադրեց, որովհետև Տերը Աստծու պատկերով նրան ստեղծեց, նախ՝ իմաստության, բանավորության, իւելամտության, կենդանության, ոգեշունչ էակ լինելու համար, որոնք առատորեն շնորհվեցին նրան, որպեսզի նա կարողանա գիտենալ, ճանաչել, իմանալ և ըմբռնել աստվածակիր, աստվածատուր իմաստության, բանավորության, աստվածածա-

նոթության և գերիշխանության, երկրից բխած բոլոր երկրածին արարածների վրա իշխելու և կանխատեսելով իմանալու բոլոր չնորհները, և կարգեց նրան տիրակալ բոլորի վրա: Եվ Աստված ասաց, թե «երկրի բոլոր քաղցրահամ սերմերը թող ձեզ համար սնունդ լինեն» (Ծննդ., 1. 29): Այնուհետև բոլոր գազաններին, անասուններին և թռչուններին մարդու առաջ բերելով՝ հնագանդեցրեց (նրան): Իսկ հետո աստվածատուր իմաստությամբ (մարդը) յուրաքանչյուրի առանձին տեսքի համաձայն սովորեց տարբերել նրանց և անվանումներ տալ: Եվ քանի որ Տերը մարդուն չնորհել էր ճանաչողություն, որպեսզի Նրա գիտությամբ (մարդը) ճանաչի իր արարածներին, այդ իսկ պատճառով նա կոչվեց Նրան «նման»:

7 (265). Եվ հետո, Նա ասում է «նման» այն պատճառով, որ (մարդն) ունի ազատ կամքի իշխանություն: Որովհետև Աստծու ամենակարող և ամենաստեղծ գործունեությամբ Բարերարի կողմից երկու պատվական և հարգարժան արարածներ ստեղծվեցին՝ մարդիկ և հրեշտակները: Եվ ահա, մարդկանց Նա թողեց ազատ կամքի իշխանությունը, որպեսզի մարդը իր սեփական ազատ կամքով պատրաստ լինի բարի գործեր կատարել՝ բարերար Տիրոջից և Արարչից չնորհների արժանանալու համար: Եվ Նա բացեց մարդու առաջ աստվածահաճո պատվիրանների գիտելիքը, որպեսզի նա իմանա, որ իր սեփական բարի կամքով պետք է խուսափի չարից և ընտրի բարին, որպեսզի իմանա, որ իր սեփական համարձակությամբ, իր անձնիշխան կամքով կատարած գործերի փոխարեն է Արարչից ստանալու (արժանի) հատուցումը<sup>1</sup>:

8 (266). Իսկ նմանության վերաբերյալ պետք է իմանալ հետեւյալը. բոլոր մնացած արարածների համար սահմանված է մնալ հնագանդ ծառայության մեջ՝ հարկադրանքի

տակ, որպեսզի նրանք չկարողանան ավելին գործել, քան նրանց հրամայված է, որ նրանցից յուրաքանչյուրի վրա դրված է հրամաններ կատարելու հարկադրանքը: Բայց Աստված միայն մարդուն բազմապատիկ փառավորեց և, խելք տալով, մեծարեց՝ ստեղծելով որպես հոգևոր էակ, հրեշտակներին ստորագաս հոգևոր ընկեր:

9 (267). Տե՛ս, թե մարդուց ինչքան ավելի մեծ են արեւ, լուսինը և աստղերը, բայց նրան ծառայելու համար են (ստեղծված), Պատվիրանադրի որոշման հարկադրանքի համաձայն: Ո՛չ արեւն է դադարում իր ընթացքը կատարել, ո՛չ լուսինը կասեցնում իր մաշվելն ու լիանալը, ո՛չ աստղերն են իրենց դասավորությունը խախտում, ո՛չ սարերն են տեղերը փոխում, ո՛չ քամիներն են դադարում փչել, ո՛չ էլ ծովը՝ իր մոլեգնող, սաստիկ խոռվահույզ ալիքների անդնդային մոլեգնությամբ, անդադար հարկածող փոթորկաբեր աւլեկոծումներով կարող է դրված սահմանը անցնել և ավերել երկիրը, և ո՛չ էլ երկիրն է դադարում այդ ամենը (իր վրա) կրել: Ամեն ինչ ստեղծված է Նրա հրամանով, և Նրա սուրբ և երկնավոր զվարթունները չեն դադարում փառարանել (Աստծուն): Նա սահմանեց երկնքի բարձրությունը և աստղերի քանակը, ծովի ջրերը և երկրի ավազը, լեռների ծանրությունը: Նա ամպեր է առաջացնում և քամիները դադարեցնում, նորից երեկո է բերում, դալարեցնում է չուրացած բույսերը և հավաքում անձրեփ շիթերը: Մարգարեւության ոգին Նրա մասին է ասում. «Ո՞վ կարողացավ իր ափով չափել ջրերը, թզով երկիրը եւ քլով՝ համայն երկիրը: Ո՞վ կարողացավ լեռները կշռել կշեռքով և դաշտերը՝ նժարով» (Եսայի, 40. 12.): Ո՞րն է այն տեղը, ուր համբարձած գտնվում է Նա, Ում խոսքից են կախված բոլոր արարածները: Նա է իմանում երկնավոր գնդերի շարժման ընթացքը, որ չընթում են քամիներից վեր և չեն սխալվում,

(մեծ) տարածություններ են անցնում, բայց չեն շեղվում (նախանշված) ճանապարհից: Նրանք բարձրանում և իրենց տեղերն են գրավում՝ մեկ տարով վարձվող սպասավորների պես, հաստատվում և լույս արձակում առավտից մինչև երեկո, երեկոյից մինչև առավոտ՝ հերթով փոխարինում իրար, առանց խանգարելու, անարգել վերադառնում սահմանված ժամանակին՝ ըստ տարվա իրար հաջորդող չորս մասերի<sup>1</sup>, ինչպես որ Աստված է կարգել:

10 (268). Ինչպե՞ս են շարժվում երկնքի հաստատության (վրա զետեղված) աստղերը, իրենց անդադար շարժման մեջ պահպանելով սահմանված կարգը, և (երբեք) չեն խախտում այն: Կամ էլ որտեղից են ծագում ահավոր քամիների հողմաշունչ հոսանքները և ո՞ւր են (նրանք) գնում և վերջանում: Եվ ինչո՞ւ են նրանք տարբերվում միմյանցից: Մեկը քաղցրաշունչ՝ սնուցում է բույսերը, մյուսն ավելի տաք է բացում է բողբոջները, մեկ ուրիշը (գետնի) զգեստն է գործում, զարդարում է երկիրը տարբեր երանգների գույնգույն ծաղիկներով, զգեստավորում է մերկ ծառերը, (նրանց) գագաթները գարդարում վարսերով:

11 (269). Որտեղից են ծնվում ամպեր բերող քամիները, որոնք նրանց իսկ կողմից ցիրուցան են արվում փոթորկի փայլատակումներից (Հետո), և անձրևնե՞րը, որ գալիս են որոտման ձայնից (Հետո): Ուր որ Տերը հրամայի գնալ, այնտեղ էլ գնում, թափվում, ոռոգում են երկիրը, սնուցում են բույսերը, հասունացնում են լցվող պտուղները: Ո՞ւմ որովայնից են դուրս գալիս գետերը՝ աղբյուրներով հանդերձ, որոնք բխելով չեն սպառվում և հորդելով չեն լցվում:

12 (270). Երկնքն ու երկիրը, արեն ու լուսինը, աստղերի բազմությունը և ծովերը, գետերը, գազանները և անասունները, սողուններն ու թռչունները, լողացող ձկները, որ կան և (Հետո) լինելու են, բոլորը՝ ամեն մեկը, ըստ յուրա-

քանչյուրի համար սահմանված կարգի, կատարում են հրամաններ: Եվ միայն մարդուն էր կամքի ազատություն տրված անել այն, ինչ կկամենա: Նրանից ոչինչ ավելի չպահանջեց, բացի այն բանից, որի մասին (Նա) զգուշացրել էր՝ չճաշակել այն ծառից, որպեսզի դրանով (Աստված) արժանի դարձնի նրան՝ փոքր բանի դիմաց մեծամեծ (պարգևներ) ընդունել: Եվ քանի որ նրան տրված էր աշխատելու շնորհք, փոքր (գործերի) դիմաց նա Արարչից ստանալու էր մեծամեծ շնորհներ: Ահա այդ պատճառով Նա սահմանեց նրա համար ազատ կամքի ինքնիշխանություն<sup>1</sup>:

13 (271). Սակայն ինչպե՞ս է, որ հողից ստեղծված մարդը կարող էր Արարչի կերպարանքով աշխարհ գալ, և ինչպե՞ս է, որ նոր ստեղծվող մատչելի արարածը կարող էր իր գոյությունը ստանալ անմատչելի էության նմանությամբ: Մի՞թե իր անսահման, անպարագրելի, բացառիկ զորությամբ միայն աստվածային անվանակոչումով մեծարեց նրան՝ ասելով՝ «ըստ պատկերի»: Դա ամենելին այդպես չէ: Որովհետեւ (Սուրբ) Գիրքն ասում է, թե «ըստ Աստծո պատկերի ստեղծեց նրան», և այլ տեղում ասում է, թե «Աստված մարդուն ստեղծել է անեղծ լինելու համար և արարել է նրան՝ ըստ իր բարերարության պատկերի» (Իմաստ., 2. 23): Եվս մի այլ աստվածանաչ իմաստություն ասում է, թե «մարդը Աստծո պատկերն է» (Ա. Կորնթ., 11. 7): Հենց սկզբից Աստված մարդուն սահմանեց լինել աստվածային կերպարանքի մերձափոր և ճանաչող, որովհետեւ Նա ձգտում էր ոչ միայն հաստատել նրան, այլև ավելի շատ որպես ճանաչող ստեղծել: Որովհետեւ Աստված մարդուն երկրի հողից ստեղծելիս երևաց մարդու նմանությամբ և նրա երեսին կենդանի շունչ փչեց, և մարդը դարձավ կենդանի հոգի (Ծննդ., 2. 7): Իր ձեռքերով ստեղծեց մարդուն և նրա մեջ ներարկեց կենդանություն՝ իր բերանով փչելով

բանականության, իմաստակիր մտածողության կենդանի շունչը, որպեսզի հենց աչքերը բացելիս արարածը ճանաչի Արարչին և ապա դառնա հարազատ և մերձավոր, գիտակ և պատմող Աստծու արարչության բարերարության մասին:

14 (272). Կամ էլ ինչպե՞ս բոլոր արարածները, որոնց հրամայված էր գոյություն առնել ոչնչից<sup>1</sup>, (կամ) աղքատիկ, անձև նյութից, կարծես (Աստծո) պատկերին և հրամանների ձայնին արդեն սովոր, ինչպե՞ս պետք է բոլոր արարածները անհապաղ հրամանները կատարեին: Զէ՞ որ ճշմարիտ աստվածությունը առանց նյութական նմանությունների և ձայնային ազդարարումների ծածուկ է պահում իրեն հատուկ եղակի էությունը: Բայց իր տեսանելի արարածների համար, իրեն խոնարհեցնելով, նա նմանություն ստանձնեց, որպեսզի սատարի արարածներին: Որովհետև եթե այդպես չլիներ, ոչ ոք չէր կարողանալու դիմանալ Նրա բնության տեսիլքներին կամ ձայնի հնչմանը: Բայց որպեսզի (արարածները) կարողանան Նրան տեսնել (և լսել), դրա համար տեսանելի նմանություն առնելով, բարձրաձայն ազդարարեց:

15 (273). Արդ, Աստծու պատկերով ստեղծված մարդը, Արարչի ներգործությանը համապատասխան, օժտվեց ազատությամբ, մտածողությամբ, խոսելու կարողությամբ և իշխելու պատվով, բայց ոչ Աստծուն հավասար չափով, որն ունի միայն Միածինը՝ ճիշտ համապատասխան Հոր էությանը: Այսուհետև իր ստեղծած բոլոր արարածներին Աստված բերեց Աղամի մոտ, որպեսզի տեսնի, թե ինչ անուններ է տալու նրանց: Սրանով հայտնի է դառնում այն, որ Աղամը դրանից առաջ գիտեր Արարչի անունը, որովհետև նախ ավելի կարեռը դա էր: Որովհետև Աստծու Միածին Որդին նույնպես այդ էր ասել Հորը՝ «այս է իմ (Հոր)

կամքը, որ ճանաչեն քեզ միակ ճշմարիտ Աստված» (Հն. 6. 40, 17. 3): Եվ այսպես Աղամը անհրաժեշտաբար նախ տվեց Արարչի անունը, որովհետև ում չնորհիվ կենդանություն էր ստացել, ամենից առաջ նրան տեսավ, որովհետև արարածները ստեղծվեցին հենց այն բանի համար, որ նա ճանաչի Արարչին<sup>1</sup>:

16 (274). Արդ, իր առջեւ բերված (կենդանիներին) Աստծու ներկայությամբ նա տվեց անուններ և ծանոթացավ սկզբից եկածների և հետո եկածների հետ, որոնց վրա իշխեց ոչ միայն անուններ տալու պատճառով, այլև ընդհանրապես (իր) իմաստության և իշխելու կարողության շնորհիվ: Նա (որպես մարդ) միայնակ էր՝ լինելով միաժամանակ առաջինն ու վերջինը, բոլոր արարածների մեջ ինքն իր հետ մնում էր մենակ, և չկար որևէ մեկը, որ լիներ օգնական, ընկեր և նրան նման:

17 (275). Արդ, Արարիչ Հայրը, խորհուրդ անելով արարչակից Որդու և արարչակից Հոգու հետ, ինչպես մարդուն ստեղծելուց առաջ առաջին խորհրդի ժամանակ, որովհետև ինչպես այն դեպքում ասաց՝ «եկեք մարդ ստեղծենք մեր կերպարանքով ու նմանությամբ» (Ծննդ., 1. 26), և այն ժամանակ ստեղծելով Աղամին՝ չգոյութունից կենդանության կոչեց, նույն օրինակով և այժմ Հայրը ասաց Որդուն և Հոգուն՝ «եկեք Աղամի համար նրա նման մի օգնական ստեղծենք՝ իր պատկերի և կերպարանքի նմանությամբ» (Ծննդ., 2. 18): Եվ ապա մի զարմանալի քուն բերեց նրա վրա և նրա կողոսկրերից մեկը հանելով՝ այն շինեց կնոջ պատկերով և դրեց նրա առաջ: Եվ այնժամ Աղամը իր աստվածաշնորհ իմաստությամբ իմացավ, որ «այժմ սա ոսկոր է իմ ոսկորներից և մարմին՝ իմ մարմնից: Թող սա կոչվի կին, որովհետև իր ամուսնուց ստեղծվեց»: «Այդ իսկ պատճառով տղամարդը, թողնելով իր հորն ու մորը, պետք է միանա իր

կնոջը, և երկուսը պետք է լինեն մի մարմին» (Ծննդ., 2. 23-24):

18 (276). Զէ՞ որ այս բանը նա ասաց Աստծու առաջ, այնտեղ, ուր հրեշտակների ամբողջ զորքը Տիրոջ փառաբանությունն էր անում, և մարդը այդ հանդեսի մասնակիցն էր: Եվ այդ ամենահաս գիտությամբ լեցուն խոսքով նա մարդարեացավ՝ բացահայտ դարձնելով մշտարթուն (Տիրոջ) գործը, որը կատարվեց իր քնած ժամանակ: Այդ խոսքերից պարզ դարձավ նրան, որ կինը ստեղծվել է մարդու (մարմնից), և մարդը՝ հողից, իսկ հողը՝ ոչնչից, և միայն Աստված է իսկական էություն: Եվ այն ասածից, թե (մարդը), «թողնելով հորն ու մորը, պետք է միանա իր կնոջը, և երկուսը պետք է լինեն մի մարմին», իմացավ այս աշխարհի բոլոր կարգերը և այդ ամենի կատարումը:

19 (277. XXV) Այնուհետև Աստված վերցրեց և տեղավորեց մարդուն Աղին<sup>1</sup> (կոչված) բերկրալի պարտեզում, որտեղ ցույց տվեց երկու ծառ, մեկը՝ կյանքի, մյուսը՝ բարու և չարի իմացության: Նա պատվիրան տվեց մարդուն չճաշակել այդ ծառից՝ սպառնալով մահվամբ, որպեսզի Աստծու պատվիրանը պահելով, Աստծու կողմից տրված նախանձելի իմաստությունը պահպանելով և պատվիրանին հետեւելով՝ նա կարողանա վայելել էականի աստվածային իշխանության անհասանելի փառքը: Եվ, ինչպես վերը ասացինք, հրեշտակներին և մարդկանց տալով կամքի ազատություն, նա բոլորին հրամայեց, որ ամեն մեկը իր հոժար կամքով ենթարկվի Արարչի հրամաններին, ինչի համար էլ ավելի փառքի կարժանանա: Եվ ահա, մարդուն նա տվեց ոչ դժվար (կատարվելիք) հրաման՝ չճաշակել այն ծառից, որպեսզի դրանով ավելի մեծ պատվի արժանանա, ինչպես վերը ասացինք: Իսկ հրեշտակների բազմության զորքին նա հրամայեց անդադար փառաբանել իրենց Արարչին, ո-

րը բնակեցրել էր նրանց մեծ պատվի և փառքի վերին, երկնային, հավերժական լույսի անտեսանելի մեծության մեջ:

20 (278). Եվ ահա, հրեշտակների վերին զորքերի հոգեղեններից մեկը, տեսնելով մարդուն տրված բարերար Արարչի բարի խոստումը, և որ մարդը հետևում է իր Արարչի խոսքին՝ զգուշացված լինելով, որ պետք է պահպանի պատվիրանը, այդ չարը՝ ինքն իր կամքով չարացածը, չարի անուն ստացավ, ինչի պատճառով էլ «Հետեիր ինձ» ասող հակառակասերը սատանայի անուն ժառանգեց<sup>1</sup>: Եվ ահա, չարը, նախանձելով մարդուն, պատրանքներով վայր գցեց նրան այն փառքից դեպի մահ, ինչպես և ասում է իմաստունը՝ «բանսարկուի նախանձով մահը մտավ աշխարհ» (Իմաստ., 2. 24)` այլասերելով խաբեությամբ:

21 (279). Եվ ահա, մարդու թշնամին պատրանքների միջոցով, խաբեբայությամբ անցնում է գործի: Տե՛ս, ինչ է ասում. «ինչո՞ւ, — ասում է, — Աստված հրամայեց ձեզ չուտել այդ ծառից» (Ծննդ., 3. 1-2): Հայտնի է, որ Աղամն ուներ Աստծուց տրված ազատություն, անձնիշխան կամք և իմաստություն՝ իմանալով, որ Աստված պատվիրաններ դնողն է, իսկ ինքը՝ Աղամը, պատվիրաններ կատարողն է: Գուցե՞՝ սա տեղի էր ունեցել նենգությամբ մինչև այս պատվիրանը տալը: Բայց Ամենագետից դա չէր կարող ծածուկ մնալ, որովհետև նա (մարդու) «սրտի և երիկամների քննիչ է» (Սաղմ. 7. 10: Երեմ., 20. 12):

22 (280). Եվ ահա, տե՛ս, թե ի՞նչ էր ասում (օձը). «Եթե (դրանից) ուտեք, ասում է, աստվածներ կդառնաք» (Ծննդ., 3. 5): Գայթակղություն գցեց նրանց մեջ, իսկ ներքուստ ձգտում էր իր իշխանությանը ենթարկել նրանց, որպեսզի նրան (Աղամին) շփոթեցնելով (ստիպի) խախտել խոստումը, դրանով գուցեև կարողանա ժառանգել նրա տեղը: Ինչպեսև իմաստուն և աստվածային խորհուրդը իմացող Աստ-

ծո առաքյալն ասում էր, թե «անօրեն իշխանը, երբ կամեցավ աստվածանալ, գործի անցավ և բոլոր մարդկանց մեղքով կապեց» (Հմմտ. Բ Կորնթ., 11. 3, 14), որպեսզի այն (խոստացված) բարիքներից նրանց հեռացնելով՝ հնարավոր դարձնի, որ ինքը ստանա խոստացածը: Իսկ նրանք, խարվելով նրա հնարանքներից, կերան (արգելված պտուղը) և, պատվիրանը խախտելով, զրկվեցին աստվածային փառքից:

23 (281). Սակայն և այդ ժամանակ նա, հայրաբար գթալով պատժի արժանի զավակներին, բարություն է ցուցաբերում, ինչի մասին և ասում է (Սբ. Գիրքը). «Երեկոյան նրանք լսեցին Տեր Աստծու՝ դրախտում շրջագայելու ոտնաձայնը» (Ծննդ., 3. 8): Եվ նրանք փախան ու թաքնվեցին ծառերի մեջ և (իրենց) ծածկեցին (թզենու) տերևներով, բայց Ամենագետի հայացքից թաքնվել հնարավոր չէ: Դրա մասին է ասում (Սբ. Գիրքը). «Ես մերձավոր Աստված եմ,— ասում է Տերը,— և ոչ թե հեռավոր Աստված: Եթե մարդը թաքնվի թաքստոցում, մի՞թե ես նրան չեմ տեսնի: Մի՞թե ես չեմ լցնում երկինքն ու երկիրը» (Երեմ., 23. 23-24): Նրա մեծությունը լավ իմացող սուրբ մարդարեներից մեկ ուրիշը ասում է. «Ո՞ւր գնամ ես քո հոգուց կամ քո դեմքից ո՞ւր փախչեմ: Եթե երկինք ելնեմ, այնտեղ ես դու, եթե դժոխք իջնեմ, դրան էլ մոտ ես» (Սաղմ., 138. 7-8): Նրանք, այս ամենն իմանալով, այնուամենայնիվ փորձեցին թաքնվել:

24 (282). Սակայն Բարերարը ձայն տվեց. «Ո՞ւր ես, Աղամ»: Եվ նա պատասխանեց. «Լսեցի քո ձայնը, քանզի քայլում էիր այստեղ՝ դրախտում, և վախեցա, որովհետեւ մերկ էի և թաքնվեցի» (Ծննդ., 3. 9-10): Տեսնո՞ւմ ես, թե ինչքան նրանք Աստծուն մոտ էին և ծանոթ, որ նույնիսկ նրա ոտնաձայնը գիտեին: Դրանով Բարերարը, անգետնե-

րին զղալու առիթ տալով, նախ ոտնաձայն է հանում, որպեսզի քավությունը բերող ոտքերին հասնելով՝ մարդն ինքը պատճի իր հանցանքների մասին և փրկություն գտնի:

25 (283). Սակայն երբ այն չեղավ, Աստված չկամեցավ մեղադրել և խստորեն պատժել, այլ հաշտվողաբար զիջեց՝ (ասելով) «Ո՞վ ասաց քեզ, թե մերկ ես» (Ծննդ., 3. 11): Որովհետեւ կամենում է, որոշ չափով ներելով, մերձեցնել իրեն, որպեսզի Աստծու մեղմությունը ստիպի նրանց ապաշխարել: Բայց երբ որ սրանից էլ չսթափվեցին, այլ իրար մեղադրելով՝ ստորացան, այդ ժամանակ նա, դատապարտելով նրանց, իր վճիռն արձակեց, որ նրանք պետք է հատուցեն և (նորից) հող դառնան (Ծննդ., 3. 19), որովհետեւ ովքեր չարագործություն են կատարում, նրանց հասնում է Աստծու արդար դատաստանը:

26 (284). Այսուհետեւ, նկատի ունենալով (Աղամի) անհնագանդությունը, նա ասում է. «Ահա Աղամը դարձավ Մեզ նման մեկը, նա գիտի բարին և չարը: Հեռացնենք նրան կենաց ծառից, որպեսզի նա, կերպարվելով (այդ ծառից), չապրի հավիտյան» (Ծննդ., 3.22): Բայց «ինչպես Մեզ նման մեկը» (պետք է հասկանալ) ոչ թե որ Աստված դարձավ, որովհետեւ նա ոչ թե ինքնագոյ էակ էր, այլ կարծեցյալ, ինչպես մարդկանց մոտ ընդունված են կարծեցյալ սուտ աստվածները, որոնք ստեղծվել են մարդկային անմտությունից, հիմարությունից և պղծությունից, ինչպես և ձեզ մոտ ես տեսա քարի, փայտի պաշտամունքի մոլորությունները, որ դուք քանդակել էիք տգիտության հետևանքով<sup>1</sup>: Դրանք ո՛չ լսում են, ո՛չ խոսում, ո՛չ հասկանում են, ո՛չ էլ շարժվում, և չկա շունչ նրանց բերանում: Եվ դուք, թողնելով կենդանի Աստծուն, երկնքի և երկրի Արարչին, պաշտոն էիք մատուցում անշունչ, անխոս քարերին (որպես աստվածների), որոնք գոյություն անդամ չունեն:

27 (285). Հենց դրա համար աստվածատես սուրբ մարդարեները, ինչպես իմաստուն բժիշկներ, հոգ տարան պատրաստելու դարմանող դեղը, հիվանդի ցավին համապատասխան, որպեսզի հանեն, ջնջեն այդ դայթակղությունը և լիովին վերացնեն այն: Ինչպես և աստվածային Հոգու զորությամբ լցված նրանցից մեկը գոչեց՝ ասելով. «Այն աստվածները, որոնք երկինքն ու երկիրը չեն ստեղծել, կորչելու են երկրից և այս երկնքի տակից. այլ Տերն է, որ իր զորությամբ ստեղծեց երկիրը և իր սքանչելի մտքով տարածեց երկինքը, իր իմաստությամբ հաստատեց ամբողջ տիեզերքը: Իր ձայնն արձակելիս նա երկինքը լցնում է ջրերի առատությամբ, երկրի ծայրերից ամպեր է բարձրացնում, և իր փայլատակումներն անձրևների վերածում, և հողմեր է հանում իր շտեմարաններից» (Երեմ., 10. 11-13):

28 (286). Բոլոր մարդիկ հիմարացան գիտությունից՝ իրենց գլխին տառապանք բերելով: Հետո իրենք իրենց երեսները անարգանքով պատեցին (Սաղմ., 82. 17) և իրենք իրենց իսկ արժանացրին Աստծու մեծ բարկության: Բայց ձեր մոլորությունը հանդիմանելու համար այժմ այսքանը բավական է, քանի որ դա պատշաճ է անել համապատասխան տեղում: Իսկ հիմա ինչ որ սկսեցինք, ըստ կարգի, պատմել ձեզ, յուրաքանչյուրի մասին կպատմենք ձեզ՝ ըստ հերթականության:

29 (287). Դրանից հետո դուրս հանելով մարդուն դրախտի հեշտագին հանդարտությունից՝ (Աստված) բնակեցրեց նրան դրախտից դուրս և փակեց նրա առաջ կենաց ծառի ճանապարհը, որպեսզի նույնիսկ ականատես չլինի դրախտի վայելչությանը: Ապա և երկիրն անհիծվեց, փուշ և տառասկ (նրա վրա), և տանջանքներով (հայթայթվող) հաց և մահվան արժանի Աղամին՝ մահ (սահմանվեց): Եվ սա մարդասիրության նշան է, ինչպես և մարդարեի բերանով ա-

սաց Աստված. «Քո ապստամբությունը քեզ խրատ է լինելու, և քո չարությունները կշտամբելու են քեզ: Խելքի կգաս (ու կտեսնես), թե քեզ համար դառնաղետ է ինձ լքելու, – ասում է քո Տեր Աստվածը» (Երեմ., 2. 19): Եվ մի ուրիշ (մարդարե) Աստծո անունից ասում է. «Երբ դարձի գաս և հոգոց հանես, այն ժամանակ կապրես և կիմանաս, թե որտեղ ես գտնվում» (Եսայի., 30. 15): Որովհետև երբ նա ճաշակի դառնությունը և մոտալուտ մահվան կասկածներով պաշարված լինի, աղոտ կերպով, ինչպես երազում, հիշելու է կենաց ծառը և հեծեծելով փնտրելու է վայելչության դրախտի մուտքը: Այն, որ նա բնակեցվել էր դրախտի դիմաց, հաստատում է իմ ասածները:

30 (288. XXVI). Իսկ Բարերարը չէր հեռանում նրանցից ոչ միայն դրախտում, այլև դրանից դուրս, երբ բնակեցնում էր դրախտի դիմաց: Եվ իր բարերարությանը համաձայն նա հրաման տվեց բազմանալ երկրի վրա, որտեղ և Արարչի արձակած հրամանի համաձայն նրանք, երկրի վրա ծնունդ տալով, սկսեցին բազմանալ, ասածի համաձայն՝ «Աճեցեք, բազմացեք և լցրեք երկիրը» (Ծննդ., 1. 28):

31 (289). Աղամի որդիներից անդրանիկի անունը Կահելէր, իսկ մյուսինը՝ Հաբել<sup>1</sup>, որոնք և, բացահայտելով Նվիրողի կողմից (իրենց) տրված իմաստությունը, նրա իմաստության միջոցով ճանաչեցին նրան որպես Արարչի: Եվ ահա, ավագ որդին՝ Կահելը, բերեց ընծա արմատներ, ցորենի հասկերց կապած խուրձ և այն որպես զոհաբերություն մատուցեց նրան: Իսկ Հաբելը, այդ տեսնելով, ընծայեց (Արարչին) իր նորածին գառներից և ոչխարների հոտից (ամենալավերին): Եվ Աստված, իր մարդասիրության համաձայն, խոնարհվելով Աղամի որդիների ընծաների հանդեպ, ճանաչեց նրանց մոտիկից: Որովհետև հենց այդ ժամանակ ընտրություն կատարեց. տեսնելով մեկի միամտությունը՝

զոհն ընդունեց, իսկ մյուսի մոտ տեսնելով եղբօր նկատմամբ նենգություն՝ դատապարտեց և մերժեց (զոհը)՝ նրա նենգության պատճառով: Եվ դրա համար նա մտքում մահ նյութեց և սպանեց եղբօրը: Եվ նրա պատճառով երկիրը նզովվեց, և նա ինքն էլ իր սերնդի հետ միասին անհծվեց:

32 (290). Եվ ահա, սպանված Հարելի փոխարեն Աղամը Աստծուց ուրիշ որդի ստացավ, որի անունը Սեթ էր: Իսկ այն սպանվածը, իր արդարության համար, ողջ է Աստծու մոտ, որովհետև նա, որ ստեղծեց ոչնչից, նույն ինքը կարող է կենդանացնել նրան, եթե որ կամենա, ինչի մասին շատ դյուրին է պատմել ձեզ: Եթե մենք տեսնենք ձեզ հավատի մեջ ջերմեռանդ, մենք կպատմենք նրա մասին, որի արդարությունը առկա է և գործում է հավիտյանս հավիտենից: Եվ ահա, նենդ մարդասպան Կահելը նզովվելով անհծվեց: Այդ պատճառով Աստծու հրամանով նա արտաքսվեց. որովհետև Աստված օրհնեց Սեթին և հրամայեց նրան, որ նրա օրհնված սերունդը չխառնվի մարդասպան Կահելի անհծված սերնդին: Ահա այս երկու տոհմերից մարդիկ բազմացան երկրի վրա բոլոր կողմերում (Ծննդ., 6. 1):

33 (291). Եվ ահա, Սեթյան ցեղին տրվեցին նահապետներ՝ արդար այրեր, մինչև ութերորդ սերունդը: Աստծու բարերարությունը նրանցից չէր հեռանում: Այն հաճախում էր բոլոր նրանց, ովքեր չին մոռանում (Աստծո հետ) իրենց մերձավորության մասին: Այդ պատճառով էլ նա հայրերին երկարակյաց դարձրեց և չնորհեց (նաև) երկարակյաց զավակներ, որպեսզի նրանք, թեկուզ զավակներ ունենալու ցանկության պատճառով շարունակեն Աստծուն հետամուտ լինել, մանավանդ որ երկրածին արարածների գոյության համար հույժ կարևոր է սերունդ ունենալը:

34 (292). Ահա՝ նահապետները հերթականությամբ: Առաջինն Աղամն է՝ Աստծու կողմից ստեղծված (մարդը), այ-

սինքն Աղամը. Հետո Սեթը, և նրանից՝ Ենովսը, և նրանից՝ Կայնանը, և նրանից՝ Մալալիելը, և նրանից՝ Հարեղը, և նրանից՝ Ենովքը: Եվ ապրեց Ենովքը, հարյուր վաթուն-հինգ տարեկան դարձավ<sup>1</sup> և ծնեց Մաթուսաղային. և Ենովքը սիրելի եղավ Աստծուն (Ծննդ., 5. 21-24):

35 (293). Եվ բոլոր նահապետները երկարակյաց են եղել, քանի որ նրանք ծնվում և սերունդ էին տալիս Աստծու բարերարության չնորհիվ, ապա և զավակներ ծնելով՝ նրանց հետո նույնպես երկարակեցություն տվեց, որպեսզի նրանք՝ Աստծու կողմից չնորհ ստացած հայրերը, պատմեն որդիներին: Որպեսզի նրանք պատվիրանների պես լինեն զգուշացնող՝ նրանց (զավակներին) Աստծու մասին հաղորդելու նպատակով, ինչպես և ասել էր (Մովսեսը). «Հարցը դու քո Հայրերին, և նրանք կպատմեն քեզ, և քո ծերերին, և նրանք կամեն քեզ» (ԲՕր., 32. 7): Նրանից պարզ է դառնում, որ նրանք երկարակյաց էին դրա համար, և ոչ թե (միայն) բազում զավակներ ունենալու համար:

36 (294). Որովհետև Աստված թեպետև ասաց Աղամին՝ «Աճեցեք և բազմացեք, լցրեք երկիրը» (Ծննդ., 1. 28), նախապես իմանալով այն մարմնական բարիքների մասին, որ լինելու էին, այլ Աստված կամենում էր ոչ միայն, որ նրանք բազմանան, այլև, որ ստանան մշտնջենական կյանք, անմահություն: Ինչպես և տեսնում ենք Ենովքին երկրային կյանքից, ամուսնանալուց և զավակներ ունենալուց, արդար կյանքով ապրելուց հետո (Աստված) կենդանի տարակ նրան (իր մոտ) անմահության վիճակի (արժանացնելով) (Ծննդ., 5. 24): Դա այն մեկ մարդու համար չէր (արվել), այլ որպեսզի նրա ելքը (դեպի երկինք) ճանապարհ բացեր ուրիշների համար: Եվ ոչ էլ բռնությամբ նա տարվեց դեպի այն (Հավերժական) կյանքը, այլ ի հատուցումն արժանավայել ապրած (երկրային) կյանքի: Նույն ձևով Աստված

կամենում էր բոլոր մարդկանց տանել դեպի անմահություն այն բանից հետո, երբ բոլորը կվայելեն այստեղ (իրենց երկրային) կյանքը:

37 (295). Ութերորդ սերնդի<sup>1</sup> բոլոր մարդիկ մահապարտ դարձան. մեղքերին ստրուկ դառնալով (Հռոմ., 6. 17)` նրանք մոռացան Արարչին՝ աստվածային կյանքի հույսը կորցնելով և ավերելով իրենց ուղիղ ճանապարհը: Աստված նրանց իրենց կամքին թողեց, իր մարդասիրության շնորհի ոգին նրանցից հեռացրեց՝ ափսոսալով, որ ստեղծել է նրանց (Ծննդ., 6. 6): Աստծու ափսոսալը նրա մեծ հոգատարության նշանն է, (այն հույսը) որ սրանով թերևս իր արարչական գորության մասին հիշեցնի մոռացող արարածներին, որոնք խառնակվել են Կայենի անիծված սերնդի հետ՝ տրվելով պոռնկության, այլանդակ կենցաղավարության, մեռելոտի ուտելու: Մարդկանց գարշելի վարքի պատճառով ամբողջ երկիրն իսկ զարքելի դարձավ, ինչպես ասում է (Ս. Գիրքը). «Բոլորն ամբողջությամբ ընկել են ամբարշտության գիրկը, և ամեն մարդ երկրի վրա ապականել է իր ճանապարհը» (Ծննդ., 6. 12):

38 (296). Եվ այդ ժամանակ մի արդար մարդ գտնվեց՝ արդար տոհմից, որի անունը նոյ էր: Աստվածահածո (Հնագանդ) լինելու համար նա սիրելի եղավ նրան: Աստծուց հրաման ստանալով՝ նոյը սկսեց, բազմամյա աշխատանք կատարելով, պատրաստել փայտից մի տապան՝ արկղի նման, որովհետև Նա պետք է պատժեր (մարդկային) այլասերված ցեղը: Այնուհետև Նա խոստացավ տեղավորել տապանի մեջ նոյին՝ իր ընտանիքով և բոլոր շնչավոր արարածներով, և (տեղավորելով նրանց) իր ամենապահ ձեռքով փակեց այդ տապանը: Եվ հետո ավազով եղերված ջրերի անդունդները շրջելով ցամաքի վրա, երկնքից հորդացող հոսանքի հետ միասին, պատժիչ ծովով, ահավոր հեղե-

ղով, իր բարկությամբ Նա ոչնչացրեց այն ամենը, ինչ կար երկնքի տակ, ողողելով սրբեց ամեն ինչ: Իսկ երբ պատիժներն ավարտվեցին, Նա հավիտենական ուխտով արդար մարդուն աշխարհի հայր և երկրի տեր կարգեց, որին և երկարակյաց արեց, որպեսզի նա պատմի հաջորդ սերունդներին իր տիեզերական բարկության աստիճանի մասին:

39 (297). Բայց այնուհետև միատոհմ, միալեզու մարդիկ, բազմանալով, հավաքվեցին և մտադրվեցին շինել մինչև երկինք հասնող կոր աշտարակ, որպեսզի հավերժ փառաբանեն իրենց անունը՝ հավիտենական Աստծո փոխարեն, «որի անունը հավերժ է և հիշատակը (փոխանցվելու է) սերնդից սերունդ» (Սաղմ., 134. 13): Որը ցույց տալով իր աստվածային իմացությունը՝ վերին ներգործությամբ խառնեց, խոռվեցրեց միամնական տոհմի ողջ բազմությունը, բաժանելով այն այլալեզու, օտար, իրար համար անհասկանալի լեզուների, ցրեց նրանց աշխարհով մեկ, որպեսզի այսուհետև նրանք իրենք իրենց համար չընդունեն ինքնակամ որոշումներ, այլ հնազանդորեն ապրեն Աստծու կողմից հավիտենապես որոշված սահմաններում: Բաժանելով ժողովուրդներին, խառնելով լեզուները և ցրելով Աղամի որդիներին՝ Նա սահմաններ դրեց բոլոր ազգերին՝ Աստծու հրեշտակների թվին համապատասխան (Հմմտ. Բ Օր., 32. 8):

40 (298). Եվ քանի որ սփոված ժողովուրդներն իրենց աստվածամոռաց իմացություններով, ամեն մեկը անջատ, տարվել էին իրենց նյութական ստեղծվածքների պաշտամունքով, ընկնելով մոլորության անդունդները, այդ ժամանակ Աստծու կողմից ներշնչված մի մարդ երևաց, ամեն ինչով երանելի, որի անունն Աբրահամ էր: Ճշմարիտ Աստծուն ուղեկից լինելով՝ նա հնազանդորեն հետևում էր նրա հրամաններին: Նրան էր ուղղել Աստված իր խոսքը, թե

պետք է դուրս գա իր հայրենի երկրից, որովհետև Աստված բարեհամ է իրեն փնտրողների հանդեպ:

41 (299). Եվ ահա, Աբրահամը դուրս եկավ իր հայրենի երկրից, Աստծու հրամաններին հետեւով, առաջ գնաց հավատով այնպես, որ արժանացավ ընդունելու մեծ ավետիսը, կատարեց իր Արարչի կամքը. Նա դուրս գալով գնաց օտար Հեթանոս ցեղերի մոտ որպես պանդուխտ և, աստվածապաշտ մարդկանց սովորության համաձայն, երկար տարիներ ինքը համբերությամբ կրեց (զրկանքներ):

42 (300). Երբ լրացավ Աբրահամի իննսունինը տարին, Աստված երեաց նրան, ուխտ դնելով՝ խոսեց (նրա հետ) և համբարձավ (Ծննդ., 17. 7-10): Եվ նորից, Մամբրեի (պուրակի)<sup>1</sup> մոտ հայտնված հրեշտակների միջոցով նա խոստացավ (Աբրահամին) որդի պարգևել, և որ իր Որդին ևս գալու է մարմնավորված, մարմին առնելով Աբրահամի սերնդից և լինելով Աբրահամի որդի, և որ բոլոր հավատացյալների համար նա (Աբրահամը) լինելու է արդարության հայր (Հռոմ., 4. 11), և որ նրան (Աստված) կարգելու է արդարների նահապետ:

43 (301). Նա ստացավ նաև մարմնավոր անթիվ բազմության սերունդ ունենալու խոստումը (Ծննդ., 22. 17): Նույն եղանակով (հրեշտակների միջոցով) նա զգուշացրեց սողոմացիների չարագործ երկրի բնակիչներին՝ կուրացվածների օրինակով (Ծննդ., 19. 4-11): Սակայն երբ նրանք հաշվի չառան այդ, նա իջեցրեց նրանց վրա կրակաբեր անձրևներ և աստվածասաստ իր բարկությամբ պատժեց անհապաղ:

44 (302). Դրանից հետո նա կատարեց սերնդի մասին նրան տրված խոստումը, որովհետև տվեց նրան իսահակ որդի: Եվ Աստված նորից երեաց Աբրահամին և նրան փորձելու համար ասաց, որ պետք է զոհաբերի իսահակին, ին-

չի շնորհիվ ստացավ ապագայի մասին<sup>1</sup> բարի լուրը: Նմանապես և Աբրահամի որդի իսահակին երեալով՝ Աստված հուշեց նրան հայրենի երկրում մնալու մասին (Ծննդ., 26. 2-5):

45 (303). Իսկ իսահակի որդի Հակոբին Աստված հայտնի դարձավ և երեաց մի սքանչելի տեսիլքի միջոցով՝ բոլոր հրեշտակների հետ միասին դեպի երկինք բարձրացող սանդուղքի ձեռվ: Մի անգամ էլ նա երեաց սովորական մարդու տեսքով և գիշերային մենակովի բռնվեց (Հակոբի հետ): Բայց մարդարեն ասում է, որ դա հրեշտակ էր, որը և կաղացրեց Հակոբին<sup>1</sup> և, նշելով նրան աստվածատեսի անունով, ազատ արձակեց. և սա Տիրոջ երեալու մասին մշտական հիշեցումն էր, որը փառավորելու էր Հակոբի սերունդը:

46 (304). Եվ նրա երեալը այնքան սովորական, մտերմիկ և հաճախակի դարձավ, որ նույնիսկ հեթանոս թագավորներին նա հայտնվում էր տեսիլքի ձեռվ, հնագանդեցնելով, որպեսզի ապահով պահի իրեն ճանաչողներին: Նրանց մասին է պատմում (Ս. Գիրքը). «Նա կշտամբեց թագավորներին նրանց համար, (ասելով որ) չմոտենան Տիրոջ օծյալներին» (Սաղմ., 105. 14-15), հայտարարելով, որ «արդարեւ Տիրոջ բաժինն եղավ (իր ժողովուրդը)` Հակոբը, իսկ իր ժառանգության վիճակը՝ իսրայելը» (Բ Օր., 3. 9):

47 (305). Նա միշտ նրանց հետ էր լինում, օգնություն ցուցաբերելով, օրհնում էր, որ պանդխտության մեջ նրանց սերունդները աճեն և բազմանան: Այսպես, սովոր պատճառով նա տարավ նրանց եգիպտացիների երկիրը, որ բերանում հաց ունենան: Նրանք մնացին այնտեղ հինգ նահապետների (Հաջորդաբար) գլխավորությամբ՝ Աբրահամի դարից հաշված մոտ չորս հարյուր երեսուն տարի: Այստեղ՝ եգիպտացիների երկրում, կարելի էր տեսնել մարդաբեր

Աստծու բարձրագույն շնորհների առատությունը, որովհետև մի մարդու, որը բանտում փակված մի կալանավոր էր, Նա դուրս բերելով բարձրացրեց, հայտնի դարձրեց նրա մարդարեական արվեստի միջոցով և եգիպտացիների վրա տիրակալ կարգեց:

48 (306. XXIX). Դրանից հետո, եգիպտացիների երկրում բազմացնելով իր ժողովրդին, Նա տեսավ այն նրանց կողմից հալածված: Եվ ահա, Տերը գալով ի հայտ բերեց երրայական ժողովրդից մի մարդու, որի անունը Մովսես էր, որին, շատ հավանելով, աստվածային մտադրություններին (հաղորդակից լինելու) արժանի էր գտել: Աստված երևաց նրան Քորեք լեռան վրա մորենու մեջ՝ բողբոքված բոցի պես: Մովսեսին Նա իմաց տվեց իր հայրենի երկրի մասին և, հայտնելով իր անունը՝ Էական<sup>1</sup>, ուղարկեց եգիպտոս: Նույն ժամանակ Նա, տարբեր տեսակի հարվածներ հասցնելով, տանջում էր եգիպտացիներին՝ խրատելու համար:

49 (307). Եվ Նա իսրայելացիներին դուրս բերեց (Եգիպտոսից)<sup>2</sup> պաշտպանելով նրանց ամպով և սյունաձև լույսով և բոցավառ կրակով: Նա ճեղքեց ծովի խոր անդունդները և, ջրի տակ թողնելով եգիպտացիներին, անցկացրեց ժողովրդին և դուրս բերեց անապատ, ինչը և վայելուչ ձևով նկարագրված է (Ս. Գրքում): Նա տարավ (ժողովրդին) Քորեք, բարձրացրեց նրան Սինայի լեռը և այնտեղ, Սինեական լեռան գագաթին աստվածային ամպից խորան խփեց, որի մեջ կար սյունաձև ճառագայթներ արձակող գունդ: Եվ լեռը պատված էր մեզով ու մառախուղով՝ վարագույրի պես: Այնտեղ էր բյուրավոր հրեշտակների բանակը:

50 (308). Դրանից հետո Նա կանչեց Մովսեսին, որպեսզի նրա առաջ բացի աստվածային տեսարանը, որը և շատ պարզ տեսավ կապտավուն, թանկարժեք քարերով զարդարված, մաքուր, երկնագույն մի պատվանդան՝ ոտքերի

համար, որն ուներ աղյուսի ձև, որպեսզի հիշեցնի կավի և ջրի<sup>1</sup> ազդեցության և սանձարձակ ժողովրդի լլբացած սրտի մասին, իսկ փառքի աթոռից և նրա շուրջն ահավոր փայլատակություն էր՝ բոցկլտացող կրակի նման:

51 (309). Աստված, որ կատարյալ լույս է, կատարյալ լողություն, կատարյալ տեսողություն, կատարյալ բանականություն, կատարյալ զորություն, կատարյալ իմաստություն է, կենդանի հոգի, այրող հուր, անայլայլ լույս, անասելի փառք, անքննելի տեսարան, անսահման մեծություն, երևաց նրանց այնքան, ինչքան նրանք ի վիճակի էին դիմանալու Նրա մեծության տեսարանին: Դրանից հետո Նա ինքը բացվեց քահանաներին՝ ծերերի հետ միասին, և երևաց ամբողջ ժողովրդին՝ բոցկլտացող կրակի տեսքով, և շեփորի նման ձայնով տվեց նրանց պատգամների պատվիրանները, որոնք քարե տախտակների վրա գրվեցին Աստծու ձեռքով, որպեսզի նրանք վախենան Նրա դատաստանից և պահեն Նրա պատվիրանները: Եվ Նա ասաց Մովսեսին. «Ահա, ես պիտի գամ ամպի (այսան) մեջ՝ իսրայելացիներին դեմ հանդիման քեզ հետ խոսելու, որպեսզի հավատան քեզ» (Ելք, 19. 9): Եվ Նա երևաց կառքի մեջ՝ (նստած, շրջապատված) քերովքեներով՝ ամպերի սյան մեջ և միգախառն հրով:

52 (310). Երբ (Մովսեսը) երկրորդ անգամ բարձրացավ՝ Տիրոջ առաջ կանգնելու համար, Նա ասաց. «Եթե ես քո շնորհին եմ արժանացել, ինձ հայտնապես երևա, որ քո անունն իմանամ, որովհետև (ուզում եմ իմանալ, թե) ինչով եմ արժանացել քո շնորհին» (Ելք, 33. 13): Տերն ասում է Նրան, թե «չես կարող իմ երեսը տեսնել, որովհետև մարդ չի կարող ինձ տեսնել, և ապրել, բայց ահա քեզ կդնեմ ժայռի խոռոչի մեջ և իմ փառքը քո կողքով կանցկացնեմ» (Ելք, 33. 20-22): Եվ ցույց տվեց նրան, որ գթասիրտ է և ո-

դորմած, և երևաց նրան խոնարհությամբ, որպեսզի նա չմեռնի, այլ փրկվի և ապրի: Նա եկավ և երևաց ամբողջ ժողովրդին, և բոլորը լսեցին նրա ձայնը, երբ նա խոսում էր Մովսեսի հետ:

53 (311). Եվ այսպես շատ օրերի ընթացքում մնալով լեռան վրա և (բոլորին) պահելով իր հայացքի առջև և լեռը դարձնելով հոգեշունչ գրքի նման՝ նա ուսուցանում էր իսրայելի որդիներին, որոնց և շնորհեց իր սահմանված պատվիրանները և աշխարհի ստեղծման պատմությունն ավանդողի (իրավունքը) տվեց Մովսեսին: Նա ցույց տվեց նաև անյութական խորանի մի նմանակ (Հմմտ. Ելք, 26. 9): Այն տեսնելով՝ Մովսեսը, իսրայելի որդիների հետ միասին, պատրաստեց դրա օրինակով մի նյութական խորան, որի մեջ պետք է Աստված բնակվեր՝ նրանց միջև: Դրա մեջ նա միշտ խոսում էր Մովսեսի հետ և պատմում իր կողմից սահմանվող բազմաթիվ օրենքների մասին: Նա միշտ նրանց հետ էր անապատի հանդրվաններում և հրաշագործ նշաններով ուղղորդելով՝ հասցրեց խոստացած (ավետյաց) երկիրը:

54 (312). Նա, նրանց հետ լինելով անապատում, քառասուն տարի նրանց շրջեցնում էր այնտեղ, որպեսզի նրանց մոռացնել տա քարեղեն կուռքերին պաշտելու հեթանոսական սովորությունը և, թերես կարողանան մասսամբ ազատվել սնոտի հեթանոսական ուսմունքներից, որոնց ծառան էին դարձել իրենց անմտության պատճառով: Որովհետեւ նա մտածեց, որ եգիպտացիների երկրից նրանց դուրս բերելով՝ իրենց չար սովորություններով հանդերձ, գուցե այնտեղ, ուր պետք է տարվեն, նրանք կտեսնեն ավելի մեծ չարիք և ավելի շատ կբորբոքվեն չարությամբ, ինչպես որ օդը, երբ հանդիպում է կրակի հետ, ավելի մեծ հրդեհ է առաջացնում: Նա ցանկացավ նախեառաջ նրանց վրայից

քերել հնացած ախտը և տարավ նրանց քանանացիների պիղծ ժողովրդի դեմ, որպեսզի ավերելով՝ երկրի երեսից նրանց սրբի և դրանից հետո այնտեղ բնակեցնի (իսրայելացիներին):

55 (313). Այդ պատճառով նա անապատում թափառաշրջել տվեց նրանց, ինքը երևաց լեռան վրա և տարբեր նշաններով ու հրաշներով Մովսեսի միջոցով հրահանգներ տվեց Աբրահամի սերնդին: Նա կերակրեց նրանց երկնային մանանայի հացով, ժայռից ջուր բխեցնելով՝ վտակներ հոսեցրեց՝ ծարավը հագեցնելու համար և բանակատեղի վրա լորեր իջեցրեց՝ նրանց քաղցը բավարարելու համար:

56 (314). Բայց և այնտեղ նրանք դառնացրին Արարչին, բարկացրին իրենց հատուկ չար սովորությամբ՝ բարեկար Աստծու փոխարեն հորթ կանգնեցնելով, որին աստված անվանեցին և փրկիչ համարեցին: Դրա համար նրանց վրա իջավ Աստծու բարկությունը, և նա այնտեղ կոտորեց մարդկանց անթիվ բազմություն, ինչի պատճառով էլ հրաման արձակեց՝ չմտնել ավետյաց երկիրը: Եվ այնտեղ, անապատում ընկան, կոտորվեցին բոլորը՝ (Արարչին) դառնացնող հսրայելի որդիների ամբողջ անօրեն ազգը (Սաղմ., 77. 8, 17, 31, 56-59):

57 (315). Եվ մեծ մարգարե Մովսեսը Աստծու հրամանով բարձրացավ լեռը և այնտեղ մեռավ, որի գերեզմանատեղը մինչև այսօր ոչ ոք չի կարողացել իմանալ: Իսկ նրանք, որ ծնվեցին ու բազմացան անապատում, բոլորովին անհաղորդ էին չարասնունդ մեղքերին:

58 (316. XXX). Ահա նրանց վրա Մովսեսի ձեռքով, Աստծու հրամանով մի ընտիր այր կարգվեց զորավար և առաջնորդ, որի անունը Թեշուլ<sup>1</sup> էր: Նա Աբրահամի սերնդին, իսրայելի որդիներին, անապատից հանելուց հետո, ուղերձեց ու հասավ խոստացված երկիր: Նա (բաժանելով այդ

հողերը) անջատեց և համդիմանեց յոթ անհոգ (իսրայելական) ցեղերին<sup>2</sup> և առաջնորդելով բերեց բնակեցրեց նրանց (Քանաանում) (Հիս. Նավ. 18): Այստեղ Նա ցույց տվեց այն կայրը, ուր նրանք տաճար շինեցին նախևառաջ հանուն Տիրոջ: Եվ հայտնի էր, ըստ Աստծու հրամանի, որ միայն այնտեղ է թույլատրվում ողջակեզր զոհ մատուցել նրան, այնտեղ, ուր Աստված բնակվում էր մարդկանց մեջ: Եվ հետո նրանց վրա Նա դատավորներ կարգեց, որոնք Աստծու կամքի համաձայն էին դատում նրանց և լի էին մարդարեական ոգով (Դատ., 2. 16-18): Բայց դատավորների մահվան գեղքում, նրանց (իշխանության) միջև ընկած հատվածում Աստծու հանդեպ նորից ամբարիչությունով, չաստվածներին էին պաշտում և պատկերներին երկրպագում: Այդ պատճառով Նա նորից մատնեց նրանց օտար ազգերի ձեռքը և պատժում էր հեթանոս թագավորների միջոցով:

59 (317). Դրանից հետո նրանք իրենք թագավորներ խնդրեցին Աստծուց, և Նա տվեց, որոնց միջից Նա ընտրեց Դավթին (Ա. Թագ., 16. 13), որը լցված էր Սուրբ Հոգով և որի մասին ևս վկայեց՝ ասելով, թե «գտա Դավթին՝ Հեսսեի որդուն, իմ սրտով մի մարդու, որը պիտի անի և կատարի իմ ամբողջ կամքը» (Գործք, 13. 22): Եվ Նա հաստատեց նրա դահը և նրա սերնդի դահը:

60 (318. XXXI). Բացի այդ, այնտեղ՝ պարգևված երկրում կարելի էր տեսնել բազմաթիվ մարդարեների, որոնք նաև տեսանող էին կոչվում՝ նրանց հետ պատահող աստվածային հայտնությունների պատճառով: Իսրայելական տոհմերին, յուրաքանչյուրին՝ ըստ հերթականության, նրանք պատմում էին, թե ինչպես Դավիթ արքան գովերգեց (Աստծու) համաշխարհային իշխանությունը: «Տե՛ր, ով Տե՛ր մեր, ինչ հրաշալի է Քո անունը ողջ աշխարհում» (Սաղմ., 8. 2):

61 (319). Որովհետև մեկին Նա երևաց մարտակառքով, ինչպես փայլատակող զորավար, մեկ ուրիշը տեսավ որպես մի մարդու՝ դատավորի, դատավորական աթոռին նստած, (մյուսին) ինչպես մարդկային Որդին գնում էր երկնային ամպի հետ և տեսավ Հինավուրցին<sup>1</sup> (Դան., 7. 13), մեկ ուրիշը տեսավ ինչպես զոհասեղանի վրա բազմած մի մարդու, համաձայն այն խոսքի, թե «Տեսա Տիրոջը. Նա զոհասեղանի վրա էր» (Ամոս, 9. 1): Տեսնում ես, որ թեպետև որպես մարդ երևաց, սակայն ճանաչվեց որպես Տեր:

62 (320). Եվ մեկ ուրիշն էլ տեսավ Նրան ավելի սքանչելի տեսքով՝ ասելով, թե «Տեսա Տիրոջը, որ նստած էր բարձր աթոռին, և վեցթևյան սերովբեները Տիրոջ շուրջը» (Եսայի. 6. 1-2): Ուրեմն, այս ամենը պետք է հասկանալ որպես աստվածային (երեւոյթ), ինչպես և Աբրահամին և նրա բոլոր ժառանգներին Աստված անթիվ և հաճախաղեպ տեսլիքներ մատուցեց: Հենց դրա մասին է ասում մարդարեն՝ Աստծու անունից. «Ես շատացրի տեսիլքները և մարդարեների միջոցով նմանություններ բերեցի» (Օսեե, 12. 10):

63 (321). Ժողովուրդներին բաժանելու, լեզուները խառնելու և Աղամի որդիներին ցրելու ժամանակ (նրանց համար) Նա սահմաններ դրեց՝ ըստ Աստծու հրեշտակների քանակության (Բ. Օր., 38. 8): Ինչպես հենց իրենք՝ հրեշտակները, յուրաքանչյուրի սահմանների մասին պատմել էին երանելի (այր) Դանիելին, որոնց և պատժեց բարեկար Աստված, բարկության մեջ հիշեց ողորմածության մասին, (հրամայեց) որ աստվածատեղ անուշահոտ ողիները առանց վախենալու պաշտպանեն մարդկային ցեղը չար ողիների պիղծ գնդից, մարտնչող դեերից՝ Աստծուն մոտեցնող գիտությունն ընկալելու համար: Դրա մասին էր չափածո երգով հաղորդում երանելի Դավիթը. «Տիրոջ հրեշտակնե-

րի բանակը իր երկյուղածների շուրջն է, և նա պահպանում է նրանց» (Սաղմ., 33. 8): Եվ մեծն Հակոբը (ասում է), թե «Աստված, որ պահպանեց ինձ իմ մանկությունից (մինչև այսօր)» (Ծննդ., 48. 15): Եվ Ամենատերը (ասում է), թե «Իմ Հրեշտակը (պատգամաբերը) գնալու է առջևից, որ պատրաստի քո ճանապարհը» (Մաղաք., 3. 1: Մատթ., 11. 10: Մարկ., 1. 2: Ղուկ., 7. 27): Նա (կարգված է մարդկանց) պաշտպանելու համար, որպեսզի բաժանված, Աստծու երեսից ընկած (նախկինում) միասնական ժողովուրդը տեսանելի արարածների՝ Աստծուն մերձեցնող իմացության միջոցով կարողանա ճանաչել անտեսանելի Աստծուն:

64 (322). Որովհետև «մեկ արյունից նա ստեղծեց մարդկանց ամբողջ ցեղը, որ բնակվեն երկրի երեսի վրա, և հաստատեց նախակարգված ժամանակները և դրեց նրանց բնակության սահմանները, որ փնտրեն Աստծուն և որոնելով թերեւս գտնեն Նրան» (Գործք., 17. 26-27), «որովհետև Նրա աներեւութները աշխարհի (արարման) սկզբից տեսանելի են Նրա ճանաչվող ստեղծածների մեջ» (Ղուոմ., 1. 20), որովհետև Տերը իր արժանավորներին մերձավոր է: Նմանապես և բոլոր պահպանությունները գալիս են Տիրոջից, որովհետև ուր Տերն է, այնտեղ են բոլոր Հրեղենների բանակները: Ինչպես և Հակոբ հայրապետի դեպքում, նրան արված հայտնությունների ժամանակ, նա գտնվում էր Հրեշտակների ողջ բանակի շրջապատում, որովհետև Հրեշտակները, իրենց (մարդկային) նմանությունների շնորհիվ, մարդասեր Աստծու կամքով դրված են մարդկանց լուր բերող լինելու համար, ինչը կարելի է իմանալ վեցթեսան սեռովեների օրինակով:

65 (323). Որովհետև թեև նրանք ոչ թե մարմնով են թեավոր, այլ ըստ նմանության թեավորներ են, այնուամենայնիվ Հրեշտակները երբեմն երեւում են իբրև սոսկ մար-

դիկ: Որովհետև Աբրահամին և Ղովտին նրանք օգնեցին (հայտնվելով) մարդկային կերպարանքով, Դանիելին (Հրեշտակը) երեաց որպես մի այր, նույնպես և Գեղեռնին հայտնվեց ավելի հստակ տեսքով (Դատ., 6. 11-12): Իսկ Զաքարիան տեսավ (հեծյալ Հրեշտակին) լեռներում (Զաք., 1. 8), իսկ Հեսուն անսպասելի տեսավ իբրև մի իսկական մարդու, որին և առանց վախենալու հարցրեց. «Դու մերոնցի՞ց ես, թե՝ մեր թշնամիներից» (Հեսու, 5. 13), և ապա տեղեկանալով, որ Աստծու զորքի զորավար է, խոնարհվեց և երկրպագեց: Նույնը եղավ բոլոր Հրեշտակ տեսնողների հետ:

66 (324). Այսպիսով, մենք ճշմարիտ պետք է համարենք, որ ոգեղեն ցեղի մարդակերպ նմանությամբ ամեն մի երկումը Աստծու հրամաններին մարդկանց հնագանդ լինելու պատասխան է՝ տարբեր ժամանակներում մարդկանց ըստ իրադրության որևէ ծառայություն մատուցելու համար, և ոչ միշտ նույն կերպարանքը պահպանելով: Նրանց անմարմին բնության մասին է հայտնում մարդարեն. «Նա հոգիները (քամիները) Հրեշտակներ դարձրեց իրեն, և կիզիչ հուրը՝ իրեն սպասավորներ» (Սաղմ., 103. 4), որովհետև «սպասարկող հոգիներ են, որոնք ուղարկվում են իսպասավորություն նրանց, որ ժառանգելու են փրկություն» (Եբր., 1. 14):

67 (325). Արա վերաբերյալ Մովսեսը որևէ բան չի ասել, որպեսզի այդ մտածող և բանական հոգիները անզգա արարածներ չհամարվեն, այլ որպեսզի իրենց ծառայական սպասավորությամբ հենց իրենք, բերելով (Աստծու) Հրամանները, ընկալվեն որպես Աստծու փառքի մեծությունը կրողներ: Իսկ ինչ վերաբերում է նրանց՝ ի վերուստ ստեղծված լինելու բնությանը, ապա (դրա մասին) մարդարեները բարձրաձայն ազդարարում էին, թե «Նա հոգիները Հրեշտակներ դարձրեց իրեն» (Սաղմ., 103. 4), իսկ մյուս (մար-

գարեն) ասում է, թե «Ես եմ քո Տեր Աստվածը, որ հաստատեցի երկինքը և հաստատեցի երկիրը, ես, որի ձեռքերը հաստատեցին երկնքի բոլոր զորքերը» (Օսեե, 13. 4): Եթե նրանք (Հրեշտակները) մարմնավոր լինեին, ապա տեսանելի կլինեին և ոչ թե անտեսանելի, և ընդհանրապես ոչ ոքի չպիտի հայտնվեին: Եվ եթե այսպես է (նման) ստեղծված էակների համար, ապա ինչքան ավելի բարձր պետք է համարել անարար և անմատչելի Աստծու էռթյան անտեսանելի բնությունը:

68 (326). Բոլոր կատարյալ աստվածատես մարդկանց ամեն անդամ նա հայտնվել է հավասարապես մարդկային տեսքով և ճանաչվել է ձայնից և հրամաններից, որովհետև խոսում էր մարդկանց հետ, հրավիրելով տեսնելու խոստացված բարիքները, բայց նա ոչ միշտ էր երկում նույնանման կերպարանքով: Նրա համար բավական է ճշմարտությունը ցույց տալ նմանությունների միջոցով, որտեղ ամեն մի դժվար բան դյուրին է դառնում, և անհնարին բաները՝ հնարավոր: Նա ամեն ինչ կարող է անել, և Նրա համար չկա ոչ մի անհնար բան: Նրա մասին տեսնողները բարձրածայն ասում էին, թե չափավոր հայտնություններից նրանք իմանում էին անչափելի Աներեւութին, և կարճատե տեսիլքի միջոցով, իրենց հնարավորության սահմանում, ճանաչում էին ամենազոր էականին:

69 (327). Նաև Աբրահամ հայրապետը նրան կոչում էր Տեր և ամբողջ աշխարհի դատավոր, և մեծն Մովսեսը (Կոչեց Նրան) «Աստված, որ է» (Ելք, 3. 14) և ամեն ինչի Արարիչ, և ցանկանում էր տեսնել Նրա փառքը, որովհետև բոլոր մարդարեները (Աստծուն) տեսնողներ էին: (Մարգարեներից) մեկ ուրիշն ասաց, թե «Տերը, Տերն ինձ ուղարկեց և Նրա Հոգին» (Եսայի, 48. 16) և թե «Տիրոջ բերանը խոսեց այս» (Եսայի, 1. 20, 58. 14): Պարզ է, ով որ լսել էր բե-

րանից (ասվածը), ականատես էր լինում նաև կերպարանքին: Մեկ ուրիշը (մարգարեներից) պաղատելով ասում էր. «Տեր, Տեր, ահավասիկ ես խոսել իսկ չգիտեմ, որովհետև մանուկ եմ» (Երեմ., 1. 6): Տեսնո՞ւմ ես, որ «ահավասիկը» ապացուցում է (Նրա) ներկայությունը: Եվ բոլոր հրամաններ բերողները, որպես Տիրոջ կողմից եկածներ, ի լուր ամենքի բարձրածայն գոչում էին, մեկը՝ «Ասաց Զորությունների Տերը» (Եսայի, 45. 13), մեկ ուրիշը՝ «Ամենակալ Տերը հրամայեց» (Ամոս, 3. 13): Իսկ Ամոսի խոսքից դա միանգամայն հասկանալի է դառնում, որն ասում է, թե «Աստվածոչինչ չի անի՝ չբացելով իր խորհուրդը իր ծառաներին, մարգարեներին» (Ամոս, 3. 7):

70 (328. XXXII). Եվ արդ, սրանից հետո մեր ասածներից պարզ է, որ նախաստեղծ մարդուն ևս սկզբում նա երևաց նույն կերպարանքով, ինչպես և հետո, նույնը պահպանելով, բոլոր աստվածատես կատարյալ մարդկանց համար, որպեսզի որևէ օտար և անծանոթ կերպարանքով չխրտնեցնի տեսնողներին: Մանավանդ որ, ավելի լավ է, եթե որդին, Աստծուն տեսած հորից տեղեկանալով, հեշտությամբ կնախապատրաստվի ինչպես մի սովորական բանի, կյուրացնի նաև այն, ինչ իր ականջով կլսի, և կնկատի այն, ինչ աչքով կտեսնի: Ինչպես և երանելի Հոբը՝ Աստծու սիրելին, արդարը, ասում էր Աստծուն, թե «Սրանից առաջ ես ականջներովս էի լոկ լսել, բայց հիմա աչքերս էլ տեսան հենց Քեզ» (Հոբ, 42. 5): Դրան իսկ Աստված ասաց. «Տղամարդու պես պնդացըու մեջքդ և մի մտածիր, թե քեզ ինչ-որ օտարութիւն երևաց» (Հոբ, 40. 2-3):

71 (329). Որովհետև սկզբում Աստված երևաց ազդարարության համաձայն, ինչպես և ասված է (Ա. Գրքում), թե «Աստծու պատկերով ստեղծեց մարդուն» (Ծննդ., 1. 27): Եվ բոլոր դարերում փառքի Աստվածը երկում է նույն կեր-

պարանքով, ինչպես և ասում էր Ստեփանոս Վկան<sup>1</sup>. «Փառքի Աստվածը երևաց մեր հորը՝ Աբրահամին» (Գործք, 7. 2), և բոլորը Նրան կոչեցին Տեր Սաբաովի<sup>2</sup> և Աստված Ամենակալ:

72 (330). Եվ արդ, մարդկային կերպարանքով Աստծու երևալը պետք է հասկանալ որպես տեսնողների տկարությանը համապատասխան (կերպավորում) և ոչ թե որպես Աստծու՝ չափեր չունեցող բնության սահմանափակվածության և շրջագծված լինելը, որը երևում է երբեմն իրեն հատուկ սահմաններով և երբեմն այլ, նա, որով լի է ամեն ինչ: Այլ (պետք է իմանալ, որ) նա զիջում, և ըստ (մարդկանց) կարողության, ընտելացնում էր նրանց՝ նմանությունների միջոցով, որպեսզի նրանց, ովքեր մոտեցել, խորամուխ են եղել Աստծուն իմանալու մեջ և տեսել են Նրան դեմ-հանդիման, նախապատրաստի ճշմարիտ կերպարի ընկալմանը, որովհետև նմանության միջոցով, իրոք, հնարավոր է դառնում գտնել ճշմարտությունը:

73 (331). Նրան նաև մեծն Մովսեսը ցանկանում էր տեսնել, որովհետև թեպետ ձեռքը ձեռքին և երես առ երես Աստծու առաջ կանգնած Մովսեսը ճանաչեց Նրան և խոսեց (նրա հետ), այնուամենայնիվ, Աստծուն ասելով, թե «Ճույց տուր ինձ (Հստակ) Քո գեմքը» (Ելք, 33. 13), նա ձգտում էր հասնել ճշմարիտ գեղեցկությանը: Եվ հիմա լսիր պատասխանը. «(Դու չես կարող տեսնել իմ երեսը, որովհետև) մարդ չի կարող տեսնել Աստծուն և կենդանի մնալ» (Ելք, 33. 20): Եվ հետո մի փոքրիկ նշանով բավարարում է իրեն փնտրողին, պահպանելով (միաժամանակ) իրեն հատուկ անտեսանելի լինելը, քանի որ նա անհասանելի է:

74 (332). Տեսնո՞ւմ ես, որ նա անտեսանելի է նայողների համար և անքննելի է քննողների համար՝ ըստ իր առանձին (երևացող) կերպարանքների: Որովհետև Նրա նմա-

նությունները ոչ թե ինչ-որ նյութական կերպարանքներ են, այլ ժամանակավոր տեսիլք, իսկ ճշմարտությունը Նրա էութենական բնությունն է: Այսպես, նա Մովսեսին ցույց տվեց ըստ նմանության նյութական խորանի մի նմուշ, ուրին համապատասխան նա պատրաստեց նյութական խորանը (Ելք, 25. 9), իսկ Եղեկիելին՝ տաճարի օրինակը՝ տաճար կառուցելու համար (Եղեկ., 40): Նույնպես և առաջին մարդու կապակցությամբ Աստված երևաց աննյութական մարդակերպ նմանությամբ, որպեսզի տարրական նյութից արարի մարդուն՝ մերձավոր (Իր) ճշմարիտ կերպարանքին: Որովհետև Աստված իր անսահման բարերարությամբ առաջին մարդուն կարգեց լինել մերձավոր և անմիջական մասնակից աստվածային վայելչությանը:

75 (333). Եվ Աստծու Հոգին առատորեն հորդում էր առանձին-առանձին իրար հաջորդող իսրայելական տոհմի բազմաթիվ սուրբ մարգարեների վրա, որոնք իրենց ցեղին պատվիրան էին տալիս ճշտորեն կատարել Աստծու հրամանները, (ներշնչելով) որ նրանք ընտիր ազգ են և չխառնվեն հեթանոս տոհմերին, որ չյուրացնեն նաև նրանց մեղքերը:

76 (334). Իսկ նրանք, խնամիական կապերով միաձուլվելով, խառնվեցին նրանց հետ, վերցրին, ընկալեցին նրանց չաստվածների պաշտամունքը<sup>1</sup>, խառնվեցին թագավորներով և իշխաններով: Դրա պատճառով տրտնջալով աղաղակեց մարգարեն, թե «Խառնվեցին հեթանոսների մեջ, ու սովորեցին գործերը նրանց: Ծառայեցին նրանց կուռքերին, որոնք իրենց գայթակղությունը դարձան» (Սաղմ., 105. 35-36), և թե «Իրենց որդիներին ու դուստրերին զոհեցին գևերին, և անմեղ արյուն թափեցին՝ արյունն իրենց որդիների ու դուստրերի, որ զոհեցին Քանանի կուռքերին» (Սաղմ., 105. 37-38):

77 (335). Եվ ահա, այն ժամանակ Տեր Աստված հարվածեց եղիպատացիների երկիրը, որպեսզի նրանց (իսրայելացիներին) դուրս բերի այնտեղից, կոտորեց եղիպատացիների բոլոր անդրանիկ զավակներին և նրանց այնտեղից փրկեց: Դրա համար նրանց հայրերի հետ Նա ուխտ դրեց՝ իրենց անդրանիկ որդիներին նվիրել իրենց Տեր Աստծուն: Բայց ահա, դրա փոխարեն իրենց որդիներին և դուստրերին նրանք զոհաբերում էին հեթանոսական չաստվածներին՝ բագիներ շինելով այն երկրում, որը Տեր Աստվածն իրենն էր անվանել, իր ժառանգության վիճակ էր կոչել: Իսկ նրանք, պատկերներ կանգնեցնելով, նրա փոխարեն երկրպագում էին քարերին և փայտերին: Եվ երկիրը աղտոտելով չաստվածների համար մատուցվող (զոհերի) արյունով՝ նրանք ավելի ու ավելի խորացան մարմնավոր կուռքերի երկրպագության մեջ<sup>1</sup>: Այդ է պատճառը, որ նրանք իրենց կյանքն ապրեցին պղծության մեջ:

78 (336). Որովհետեւ այն երկիրը մտնելու ժամանակ, որը Նա տվեց նրանց, Նա հրամայեց մաքրել այդ երկրում եղած օրենք չունեցող ժողովուրդներից, որոնց նրանք չսպանեցին, այլ համաձայնության դալով՝ օրինագուրկ ժողովուրդների հետ ուխտ հաստատեցին, որոնց հետ միաբանելով՝ ամբարշտություն ժառանգեցին: Որովհետեւ Աստված այդ երկրի բուն բնակիչներին հանել էր բնակության տեղից՝ իրենց գործած չարիքների համար, իսկ նրանք (իսրայելացիները), մտնելով իրենց թագավորներով, իշխաններով և քահանաներով հանդերձ, միաբանելով նրանց հետ սկսեցին նույն գործը կատարել:

79 (337). Այդ պատճառով Տեր Աստված, մարդու հանդեպ իր մեծ սիրո և գթությունից ելնելով, նրանց մոտ ուղարկեց մարգարեներ՝ նախագուշացնող պատգամներով, որպեսզի հետ կանգնեն իրենց անօրեն գործերից և ծառա-

յեն Աստծուն, ամեն ինչի Արարչին, որն իր մարդասիրությունից գթություն ցուցաբերեց, ներեց նրանց չարագործությունները: Իսկ իր դժգոհությունը նրանցից արտահայտեց մարգարեի միջոցով. «Նրանք փայտին ասացին, թե՝ «Իմ հայրն ես դու», և քարին, թե՝ «Մեզ դու ես ծնել», և նրանք ոչ թե իրենց երեսները, այլ թիկունքները դարձրին ինձ» (Երեմ., 2. 27):

80 (338). Եվ ահա, չար և խելառ, կուրացած ժողովուրդը բարձրացավ մարգարեների գեմ՝ քարկոծելու և սպանելու համար, և այնքան կոտորեց նրանց, որ մարգարեներից մեկը (ողբալով) աղաղակեց՝ «Միայն ես եմ մնացել» (Գթագ., 19. 10): Եվ նրանք սուտ և անարժան քրմերին տվեցին մարգարեի սուրբ անունը:

81 (339). Նաև ճշմարիտ աստվածատես մարգարեներին, որոնք ճշմարտորեն պատմեցին նրանց Աստծու ճշմարիտ Որդու մարմին առած աշխարհ գալու մասին<sup>1</sup>, այդ ըմբոստ ազգը լսել չցանկացավ: Այդ պատճառով նրանց սպանում էին ավելի ու ավելի, այնպես որ չմնաց որևէ մեկը (մարգարեներից), որ չսպանեին՝ տարատեսակ տանջանքների մատնելով:

82 (340 XXXIV). Դրա համար Տեր Աստծու բարկությունն իջավ իր ժողովուրդի վրա, և Նա, խիստ զզվելով իր ժառանգությունից, նրանց մատնեց հեթանոսների ձեռքը (Սաղմ., 105. 40-41), որոնց չաստվածներին նրանք պաշտել սիրեցին և ում հետ խառնակեցիկ կյանք փարեցին, նրանց ձեռքը մատնեց, սրանց որպես տանջողների, թշնամիների և գերողների բարձրացնելով նրանց դեմ, ինչպես և ասված է, թե՝ «մատնեցի նրանց իրենց հոմանի<sup>1</sup> հեթանոսների ձեռքը, և իրենց ատողները տիրեցին նրանց, և իրենց թշնամիները նեղեցին նրանց, և նրանք խեղճացան նրանց ձեռքի տակ» (Սաղմ., 105. 41-42): Որովհետեւ թեև շատ անգամ

Նա փրկեց նրանց նեղիչների ձեռքից, սակայն նեղ վիճակից դուրս գալուց հետո նրանք շարունակում էին ավելի շատ նույնը կատարել և դառնացնել Աստծուն իրենց (չար) մտադրություններով, և ընկղմվեցին իրենց անօրենության մեջ (Սաղմ., 105. 43):

83 (341). Սակայն Տերը, տեսնելով նրանց կրած նեղությունները, լսելով նրանց աղաչանքների ձայնը, հիշեց նրանց հայրերի հետ կնքած ուխտը և, ըստ իր առատ ողորմածության, խղճաց նրանց, և նրանց հանդեպ գթություն արթնացրեց իրենց գերեվարողների մոտ (Սաղմ., 105. 44-46): Տեր Աստված փրկեց նրանց և հավաքեց հեթանոսների միջից, վերադարձնելով յոթանասուն տարվա գերությունից, Բաբելոնի երկրից, Ասորեստանի կողմերից: Նորից շենացրեց ավերակները և նորոգեց իր անվան տաճարը, տվեց մարդարեության շնորհը, վերադարձրեց քահանայությունը և ամեն ինչ երկրորդ անգամ կրկին նորոգեց: Եվ այդ ժամանակ իր խոսքը տվեց, որը դարեր հետո կատարեց իր Միածին Որդու միջոցով:

84 (342). Որովհետեւ Ամենագետը ոչ թե հետո իմանալով, որ Որդին գալու և երևալու է աշխարհին և բարձրացնելու է մարդկանց ավագության փառքին, այլ հենց սկզբից իր նախասահմանվածը նա ի կատար ածեց վերջում (Եփես., 3. 11): Գաղտնիքը, որը Աստծու մոտ հավիտյան ժողովուրդներից ծածուկ էր պահված, այժմ հայտնի դարձավ իր սրբերին (Եփես., 3. 3), որովհետեւ ժամանակ առ ժամանակ արդար մարդկանց երևացող նմանությունները նախանշաններն էին այն հավիտենական ճշմարտության, որ գալու էր:

85 (343. XXXV). Որովհետեւ «Աստված բազմապիսի ձևերով և բազմապիսի օրինակներով նախապես խոսեց մեր հայրերի հետ մարդարեների միջոցով, այս վերջին օրերին

մեզ հետ խոսեց իր Որդու միջոցով, որին ժառանգ նշանակեց ամեն ինչի, որի միջոցով և աշխարհն արարեց, որը լույսն է Նրա փառքի և բուն պատկերը Նրա էռթյան, և ամեն ինչ հաստատ է պահում իր խոսքի զորությամբ» (Եբր., 1. 1-3):

86 (344). Տեսնո՞ւմ ես, որ նշանները, օրինակները և մարդարեները բազում են, իսկ Աստված, որն իր Միածին Որդու մասին խոսեց, Մի է: Ասաց մարդարեն Տիրոջ անունից, թե «Ես եմ Աստվածը, և ինձնից բացի մեկ ուրիշը չկա, որ առաջուց պատմի վերջում կատարվելիք բաների մասին, երբ դեռ չեն եղել, բայց անպայման կատարվելու են» (Եսայի, 46. 9-10), որովհետեւ Նա դիտեր միակ իմացող Աստծու գաղտնիքը, որը թաքնված էր ժամանակներից և հայտնի դարձավ մարդարեների թողած գրությունների շնորհիվ:

87 (345). Իսկ երբ ինքը Փրկիչը՝ Աստծու Որդին, եկավ, Նա աշակերտներին հայտնեց, թե «Երանի, – ասում է, – այն աչքերին, որ կտեսնեն այն, ինչ դուք տեսնում եք, և ձեր ականջներին, ինչ դուք լսում եք, որովհետեւ բազում մարդարեներ և արդար մարդիկ և թագավորներ ցանկացան տեսնել այն, ինչ դուք տեսնում եք, բայց չտեսան, և լսել՝ ինչ դուք լսում եք, բայց չլսեցին» (Ղուկ., 10. 23-24: Մատթ., 13. 16-17):

88 (346). Տեսնո՞ւմ ես, որ նմանությունները (մարդարեների) ազդարարություններն էին Քրիստոսի ճշմարիտ կերպարի մասին, և անցողիկ նմանությունների միջոցով նրանք ձգտում էին հասնել հավերժական կերպարին: Այսպես է նաև Մովսեսի Օրենքների գիրքը, որը փայլում է նրանով, որ լիակատար նշում է (այն ամենը), ինչ լինելու է ապագայում:

89 (347). Որովհետեւ երբ Աստված տեսավ, որ մեղքը

տարածվել է աշխարհով մեկ և դրա հետևանքով մահն է թագավորել, որը մոլեգնող հրդեհի կրակի պես պետք է կլանել լեռներն ու դաշտերը, ոչնչացնելով ամեն ինչ, սկսած Ադամից մինչև Մովսես (Հմմտ. Հռոմ., 5. 14), մոռացության մատնելով ի սկզբանե դրված կենսաբեր լուրը, այդ ժամանակ նա, որպեսզի հանգցնի այն համատարած (կրակը), սաստիկ հեղեղի պես (երկիր) արձակեց օրենքը: Դրա մասին է ասված, թե «ով կատարի այն, նրանով կապրի» (Գաղատ., 3. 12: Հռ. 10. 5): Այսպես և (նա) սպառնաց Ադամին մահվամբ, եթե նա ճաշակի այն ծառից, ինչի համար էլ մահը թագավորեց: Նույն բանը նա սաաց օրենքների մասին, թե «ով կատարի այն, նրանով կապրի» (Գաղատ., 3. 12), ինչի շնորհիվ և հանգավ մահը (Հմմտ. ԱԿորնթ., 15. 54):

90 (348). Որովհետև և օրենքը, որպես ուրվագիծն այն բանի, որ Քրիստոսը օրենքի վերջն է (Հմմտ. Հռոմ., 10. 4), մահը վերացնող, դրանով իսկ հայտնի դարձրեց, որ մեղքը ծովի պես տարածվել է և, հաշիվ ներկայացնելով, ամեն մեկին սպառնաց մահով՝ ըստ գործած մեղքերի: Եվ այն բոլորին տկարացրեց, անեծքի և մեղադրանքի տակ դրեց, որպեսզի երբ գա Ամենափրկիչ Քրիստոսը և տանի անիծաբեր և մահածին մեղքերը, ազատվածները կարողանան ասել՝ «Ծնորհակալություն նրան, որ այնչափ (մոտ) մահվանից մեզ փրկեց» (Բ Կորնթ., 1. 10):

91 (349). Այնուհետև (առաքյալը) հայտարարում է, որ օրենքը մնաց մինչև Քրիստոս, ասելով, թե՝ «Օրենքը տրվեց հանցանքների պատճառով, մինչև որ գար այն զավակը, որին եղած խոստումը հրեշտակների կողմից տրվեց միջնորդի միջոցով» (Գաղատ., 3. 19), որովհետև ասում է, օրենքի տակ փակված էինք մնում՝ սպասելով գալիքին» (Գաղատ., 3. 23), որին սպասում էին ոչ միայն երկրածին

սերունդները, այլև հրեշտակների անտեսանելի զորքը՝ բոլոր անզգա արարածների հետ միասին, համաձայն այն բանի, թե «ստեղծվածները մեծ ակնկալությամբ սպասում են Աստծու Որդու հայտնությանը, քանի որ ստեղծվածները ունայնությանը հնագանդվեցին ոչ իրենց կամքով, այլ նրա համար, որ (Աստված) հնագանդեցրեց նրանց այն հույսով, որ ստեղծվածներն իրենք էլ ազատվեն ապականության ծառայությունից՝ Աստծու Որդու փառքի ազատությանը հասնելու համար» (Հռոմ., 8. 19-21):

92 (350). Որովհետև երբ Ադամը, որն ըստ Աստծու պատկերի ստեղծվեց, և նրա բոլոր զավակները, որոնք աստվածորդիներ կոչվեցին, իրենց կամքով ապականություն ժառանգեցին, նրանց հետ նաև բոլոր արարածները հնագանդվելով ապականվեցին, (բայց) ոչ իրենց կամքով, այլ որպեսզի Աստծու կամքով առաջնորդվելու համար նրանք ազատորեն ընթանան դեպի Քրիստոս: Որովհետև նրանք, որ մարդու վայելքի և փառքի համար ստեղծվեցին, դարձան ապականյալ և անարգված՝ նրա բարկության պատճառով: Երկիրը ևս անիծվեց և փշերով ծածկվեց, հեղեղներով հեծվող և հրով այրվող, հիմքերից ցնցվող և տատանվող. և քամիները ժամանակ առ ժամանակ դարձան կործանող, և լուսատուները՝ խավար և արյունով լցված, և երկինքը՝ գունաթափ, ինչպես ասված է մարգարեական գրքերում այն մասին, թե ինչ պետք է պատահեր: Նույնը վերաբերում է հենց իրենց՝ մարգարեներին, որոնք ինչե՛ր պիտի կրեին իրենց ազգակիցներից: Նրանք թեպետև ուղարկվում էին որպես Աստծու կողմից պատվի արժանացած մարդիկ, սակայն նրանց չընդունող (ազգակիցները) թշնամանում էին նրանց հետ և քարկոծում, ինչպես և ասում է Ամենատերը, թե «դրա համար կոտորեցի ձեր մարգարեներին իմ բերանի խոսքով» (Օսեե, 6. 5):

93 (351). Նույն ձևով և մարդկային ցեղին պատգամով ուղարկված հրեշտակները վերադառնում էին՝ իրենց չընդունող մարդկանց կողմից արհամարհված և վշտացած, ինչպես դա կարելի է հասկանալ և Ղովտի մոտ եկած հրեշտակների և այլ դեպքերի օրինակով։ Որովհետև եթե մեկ մեղավոր մարդու դարձը ուրախություն է բերում բոլոր հրեշտակներին (Հմմտ. Ղուկ., 15. 10), ապա ինչպիսի տրտմություն պիտի պատճառի բոլորի հակառակությունը, ինչի համար էլ անարգվում է Աստծու անունը և տրտմություն պատճառում Սուրբ Հոգուն։ Բայց թեպետև դրա պատճառով բոլոր արարածները, տառապանքներ կը ելով, ծառայում էին ունայնության, սակայն առաջիկայում ազատարար հույսին սպասում էին բոլորը՝ հրեշտակները, մարդարեները և բոլոր արարածները։ (Մարդարեներից) մեկը ասում էր. «Իմ պահակակետում պիտի կանգնեմ, բարձրանամ ժայռի վրա և սպասեմ (թե ինչ կասի նա ինձ)» (Ամք., 2. 1), և մյուսը, թե՝ «Ես Տիրոջ վրա հույս պիտի դնեմ և սպասեմ Աստծուն՝ իմ Փրկչին» (Միք., 7. 7), և մյուսը, թե՝ «Ո՞վ կտա Սիոնից փրկությունն հսրայելի» (Սաղմ., 13. 7):

94 (352. XXXVI). Իսկ ինչո՞ւ Միածինը երկարացնելով շարունակում է արարածներին նեղություններ պատճառել, եթե ոչ այն բանի համար, որ սկզբից նախազգուշացնի և ընտելացնի իրեն, որպեսզի չլինի թե երբ անսպասելի երեա, չլինի անծանոթ և անընկալելի, այլ իմացված լինի՝ երեալով նրանց որպես իրեն արդեն տեսնողների և սպասողների։ Որովհետև եթե այդքան երկար ժամանակի ընթացքում նա, իր ստեղծվածների մոտ գալով, չէր ընդունվում, ապա ի՞նչ կլիներ, եթե գար առանց ազդարարման և հայտարարման։ Բայց նա նախորդող իր խորհուրդների միջոցով ճանաչել տվեց բոլոր ազգերին և հավիտյան (հետո) եկողներին (Հմմտ. Եփես., 1. 9):

95 (353). Ինչպես ասում է Աստծու պատգամաբերներից մեկը, թե «ինձ տրվեց այս չնորհը՝ ավետարանելու հեթանոսներին Քրիստոսի անքնին մեծությունը և բոլորին լուսավորելու, որպեսզի գիտենան, թե ի՞նչ է այն խորհրդի տնտեսությունը, որ ծածկված էր ի հավիտենից Աստծու մոտ, որ ստեղծեց ամեն ինչ, որպեսզի եկեղեցու միջոցով հայտնի լինի այժմ երկնային իշխանություններին և պետություններին Աստծու բազմապատիկ իմաստությունը, Նա հավիտենական նախասահմանության համաձայն, որ Նա իրագործեց մեր Տեր Հիսուս Քրիստոսի միջոցով» (Եփես., 3. 8-11)։ Նույն բանի մասին է հենց ինքը (Պողոս առաքյալը) հայտարարում, թե «Երբ ժամանակը իր լրումին հասավ» (Գաղատ., 4. 4):

96 (354). Բայց մարդկանցից այդ ո՞վ էր, որ պիտի կարողանար ծզբտելով ավանդել աստվածության մասին այնպիսի մի ուսմունք։ (Դա հնարավոր է) միայն այնչափ, որչափ ինքը կամեցավ ծանոթ դարձնել իրեն, որպեսզի ճանաչեն նրան և փրկվեն։ Իսկ մենք՝ արարածներս, բավական (հնարավորություն) չունենք Աստծու մասին ավանդելու համար, մենք, որոնց վրա գամված է այդ պատկերի տիպարը՝ ըստ բանի, որ Ստեղծողը ստեղծել է (մեզ իր պատկերի նմանությամբ)։ Սակայն որչափ մենք մեր տկարության սահմաններում ի վիճակի էինք ընկալելու, Նա ինքը կամեցավ այդչափ հայտնել մեզ իր մասին, որովհետև ոչ ոք կարող է իմանալ Աստծուն, բացի աստվածային Հոգուց և Որդուց, Որը եկավ և պատմեց, և հայտնի դարձեց, և ցույց տվեց, թե «ով ինձ տեսավ, տեսավ իմ Հորը» (Հովհ., 14. 9):

97 (355). Բայց Աստված կենդանի Հոգի է<sup>1</sup>, այրող հուր է։ Նա անչափելի է և անփոփոխ, անպատճելի փառք է, անսպառ զորություն, գեղեցկություն աննման և զարմանալի, (մարդու) բանականության և մտածողության համար ան-

հասանելի, լեզվով անձառելի, մտածողության մեջ չտեղափորփող, որևէ խոսքի (Հնարավորությունների) սահմաններից դուրս, ոչ չափով տեսանելի, ոչ էլ ականջով լսելի և ոչ սրտի մղումով հնարավոր է ճանաչել նրան: Երկինքը ամբողջությամբ, ողջ աշխարհը և ամբողջ տիեզերքը անկարող են գերազանցել և ընդգրկել նրան: Նրա խոսքը գերիշխելով կրում է իր մեջ ամեն ինչ, և նրա հրամանի գորությամբ (Երկիրը) կախված է մնում օդում և կարծես թե թուչում է առանց թևերի թևածողի պես: Իր մեջ նա ընդգրկում է ամեն ինչ, գտնվում է ամեն ինչի հիմքում, ամեն ինչից վեր, ամեն ինչից դուրս, նրանից է ամեն ինչ, և ամեն ինչ նրա մեջ է, և ամեն ինչ (գոյություն ունի) նրան փառավորելու համար:

98 (356). Բազմաթիվ նշաններով և բազում ձևերով ժամանակ առ ժամանակ նա խոսեց մեր հայրերի հետ մարդարեների միջոցով (Երր., 1. 1), աննկարագրելի տեսիլքների, աննման փոխակերպումների, զարմանալի ձայների, փառավոր գեղեցկության, աստվածային կերպարների միջոցով: Մեկին նա հայտնվում էր լույսի ձեռվ, մարդու կերպարանքով, մեկ ուրիշին՝ բոցկլտացող կրակի պես, բազմաթիվ արդար մարդկանց նա երևացել է մարդու տեսքով և խոսել է նրանց հետ՝ համապատասխան նրանց նայելու և (Աստծու) ձայնը լսելու կարողությանը: Որովհետև մարդն ի վիճակի չէ տեսնել Աստծուն՝ նրա իսկական էությամբ (Հովհ., 1. 18: Ա. Հովհ., 4. 12), ինչպես որ մոմը (չի կարող դիմանալ) կրակին, և լեռները չեն կարող նայել նրան, քանի որ, նայելով նրան, կհալվեն (Սաղմ., 96. 5):

99 (357). Բայց երբ որ նա իր կամքով և իր բարերարությանը համաձայն ինքը ցույց էր տալիս իրեն, նա երևում էր մարդու կերպարանքով, մեկ՝ լույսի պես, մեկ՝ կրակի, մեկ՝ հողմի, (Երբեմն) ամպի, մեգի և մրրիկի մեջ:

100 (358). Եթե մենք ասենք, թե նա հուր է, ապա մենք այն ենք ասում, ինչ տեսնում ենք: Եթե ասում ենք, թե լույս է, ապա նրա նմանության պատկերացումը մենք վերցնում ենք մեր բնությունից, մեր անկարողության պատճառով անտեսանելին մատնանշում ենք տեսանելի բանի միջոցով: Սակայն նա բացահայտում է իրեն, մեր թուլությանը համեմատ չափով, որպեսզի մենք՝ մարմնավոր արարածներս, չայրվենք նրա փառքի ահավորությունից: Եվ նրա անունը ոչ ոք չգիտի, որովհետև այնտեղ նրանից բացի չկա որևէ մեկը, որ կարողանար այնտեղ և այստեղ նրան անունով կոչել:

101 (359). Եվ երբ նա երևում էր արդար մարդկանց, իր ահավորությունը նա իր մեջ էր թաքցնում և երևում էր մարդու և հրեշտակի կերպարանքով՝ հասանելի այն չափով, ինչքան կարող էր դիմանալ (մարդկային) տեսողությունը: Արարածներն անկարող են քննել Արարչին, (ինչպես) և խմորը չի իմանում հունցողին:

102 (360). Բայց Արարիչն իր արարածների հանդեպ գութ է ցուցաբերում. չէ որ նա, արարելով բոլոր արարածներին, զարդարեց նրանց գովական գեղեցկությամբ և արժանավայել փառավորությամբ: Նա հողից ստեղծեց հողեղեն մարմինները, իսկ լույսից՝ հրեշտակներին, զարդարելով նրանց վայելչական լույսով, և զարդարեց (իր) փառքի գահը, դեպի որն ուղղվում են հրեշտակների օրհնությունները (Եսայի, 6. 1-3), սերովբեների ձայները, զվարթունների փառաբանությունները, (բարձրանում են հրեշտակների) բանակների բազմությունները և սրբերի գնդերը, գովիչների խմբերը, երկնավոր (բնակիչների) օրհնությունները, արդար (մարդկանց) աղոթքները և սրբերի գովերգությունը, սերովբեներն ու քերովբեները, և լույսի միավորված զորքերը:

103 (361. XXXVII). Այս վկայությունը բերելով՝ մենք ձեր ուշադրությանը ներկայացրինք ճշմարիտ սուրբ հավատը, որը Սուրբ Հոգու ներշնչմամբ՝ Աստվածության հավերժական թագավորության մասին մեզ ավանդեց Սուրբ Գիրքը մեր արդար հայրերի առջև բացված խորհրդավոր կերպով, և ավանդվեց մեզ Որդու և Սուրբ Հոգու միջոցով և ազգարարվեց սուրբ մարդարեների և առաքյալների միջոցով, և մեզ տրվեց հաստատուն հավատը:

104 (362). Որով մենք հավատի միջոցով պիտի ընդունենք ճշմարիտ գոյությունը մեկ Հայր Աստծու, որը ամեն ինչի Տերն է և Արարիչը, և Միածին Որդու, որը Հորից է, Հոր մոտ է և Հոր հետ է, և Սուրբ Հոգու, որը Նույնի էությունից է, և Նրանով ատեղծեց բոլոր արարածներին<sup>1</sup>: Նա մեկ տերություն է, մեկ զորություն, մեկ իշխանություն, մեկ մեծություն, մեկ իմացություն, մեկ խորհուրդ, մեկ գերակայություն, մեկ անսակզբանական հզորություն, երեք կատարյալ անձ, մեկ կատարյալ կամք, Երրորդություն անպատմելի, անքննելի միություն, մեկ բնություն, մեկ էություն, մեկ Աստվածություն են Հայրը, Որդին և Սուրբ Հոգին, երեք անձ, մեկ Աստվածային զորություն. Հայրն՝ ինքն իրենից, Որդին՝ Հորից, Հոգին՝ Նրանցից և Նրանց մեջ<sup>2</sup>: Բնությամբ, էությամբ, աստվածությամբ Նրանք լրիվ հավասար են՝ խորությամբ, բարձրությամբ, լայնությամբ, երկարությամբ (Եփես., 3. 18). բնության մեկ էություն, Երրորդության մեկ պսակ. և Նրա փառքով են լի երկինքն ու երկիրը (Եսայի, 6. 3):

105 (363). Ինչպես իր Հոգեկիր աղոթքներում ասում է Սողոմոն թագավոր՝ մարդարեի որդին, թե «երկինքն ու երկիրը քեզ բավական չեն» (Գ Թագ., 8. 27: Բ Մնաց., 6. 18): Եվ (մեկ այլ) մարդարե ասում է Տիրոջ ի գեմս, թե «երկինքն իմ գահն է և երկիրը՝ իմ ոտքերի պատվանդանը,

ինչպիսի՞ տուն եք շինելու ինձ համար,— ասում է Տերը,— կամ ինչ բնակության տեղ եք պատրաստելու ինձ, չէ՞ որ իմ ձեռքն է ստեղծել այս ամենը. Ես ո՞ւմ եմ (նայելու և) հանգիստ ու դադար որտեղ՝ եմ առնելու, եթե ոչ հեղերի ու խոնարհների մոտ և նրանց, ովքեր դողում են իմ խոսքից» (Եսայի, 66. 1-2), և «Ես լինելու եմ նրանց Աստվածը, և նրանք կլինեն իմ ժողովուրդը» (Երեմ., 24. 7: Եղեկ., 36. 38: Զաք., 8. 8): Իսկ Նրան, որին երկինքն ու երկիրը բավական չեն, ինչպիս կարող է մարդու սիրառ ընդգրկել Նրան, մի՞թե մարդն ավելի մեծ է, քան երկինքը և երկիրը: Բայց Աստվածությունն ինչ որ կամենում է, այն էլ լինում է, ինչ կամեցավ, այն էլ ատեղծեց, ինչ ցանկացավ, այն էլ եղավ, այն, ինչ Նա կամենում է, անուշադիր չի թողնում. և ահա Նա սեղմվեց, փոքրացավ և եղավ այն, ինչ որ կամեցավ դառնալ (Հմմտ. Փիլիպ., 2. 7):

106 (364. XXXVIII). Եվ ահա, Աստված աշխարհ ուղարկեց իր Որդուն, Որը եկավ և ծնվեց կնոջից և մեր մարդկային մարմնում զետեղվեց, իր մարմնով կենդանացրեց բոլոր մարմինները: Դրանով աշխարհի Արարիչը հաղթեց, որպեսզի նորոգի արդարներին և փրկի նրանց մեղքից առաջացած ծնունդներից, դարձնի նրանց հրեշտականման և կոչի աստվածորդիներ (Հմմտ. Ա Հոգհ., 3. 1), մահկանացուներին անմահացնի անմահ Հոգով և պատվի աստվածային փառքով: Նրանք զարդարվում են վայելուչ լույսով և անցնում են երկրային կյանքից երկնային կյանքի, մահկանացու վիճակից՝ անմահ կյանքի, անանց լույս են ստանձնում և կերպարների անապական գեղեցկություն:

107 (365). Ինչքա՞ն ուրեմն ավելի աննկարագրելի է Աստվածությունը, որի կամքը բոլոր բարի բաների աղբյուր է, և Նա բոլոր գործերի Տերն է: Նրա բերանի խոսքով հաստատվեցին բոլոր արարածները և Նրանից լույս վերցրին

բոլոր լուսատուները, և Նրա զորությամբ են հաստատված բոլոր արարածները՝ երկնքի կամարները և ամբողջ երկիրը, և այն, ինչ որ նրանց մեջ կա, «և Նրա բերանի շնչով՝ Նրա բոլոր զորությունները» (Սաղմ., 32. 6): Եվ երկնավոր սպասավորները և սրբերի լուսավոր բանակները Նրա հույսով են ապրում և կարոտով սպասում են Նրա նվերներին: Նրա մի հայացքով բավարարվում են բոլոր արարածների կարիքները, և Նրա զորության շնորհիվ ապրում են բոլորը, և «բոլորի աչքերը հույսով՝ Նրա վրա են հառած» (Սաղմ., 144. 15):

108. (366). Իր էության բնությամբ Նա Արարիչ է, Հաստատող և Առաջնորդ է ամեն ինչի: Նրանից բխող անսպառ զորությունը, տարածվելով, ընդգրկում է ամեն ինչ: Այստեղից է ենում կենարար ուժը, որն անցնում է բոլոր արարածներին՝ երկնային և երկրային, օդին և քամուն, կրակին և ջրին, լույսին և խավարին, անդունդներին և գագաթներին: Իր ամենաթափանց լույսով՝ Նա ճառագում է անտեսանելի զորությունների մեջ, Նրա հոգեւոր հզորությունն սահման չունի, տարածված է ամեն ինչի վրա, ցրված է ամենուր, և Նրա ճառագայթները շողշողում են հզորությամբ և անըմբոնելի բնությամբ: Նա չունի սահման վերին բարձունքներին հասնելու, ոչ էլ ստորին անդունդներն իջնելու համար, ոչ էլ աջ և ձախ տարածվելու, ոչ էլ առաջ և հետ շարժվելու: Առկա են վեց զորավոր ճառագայթներ, հազարամյա վեց դարաշրջաններ, իսկ յոթերորդ դարաշրջանը արդարների հանգստության համար է:

109 (367). Ինչպես մենք կարող ենք քարոզել, թե Աստված մեզ նման է, երբ մենք մեր (բոլոր) մարմնեղեն անդամներով հողից ենք կազմված: Յուրաքանչյուր անդամ իր համար սահմանված գործն է կատարում, անկարող լինելով կատարել իր ընկերոջ գործը. ոչ աչքն է կարող լսել, ոչ ա-

կանչը՝ տեսնել, ոչ լեզուն՝ հոտոտել, ոչ ձեռքերը՝ քայլել և ոչ ոտքերը՝ աղաղակել: Բերանը կերակուրների համար է, քիթը՝ հոտերի, քիմքը՝ համերի, յուրաքանչյուրը կապված է իրեն հատուկ բնության հետ:

110 (368). Բայց Նա ինքը իր կամքով իրագործեց բոլորին փրկող գալուստը և կատարեց Հոր կամքը: Աստծու կողմից ուղարկվեց Աստված՝ Սուրբ Որդին, մարմին առավ կույսից, կատարյալ մարդ՝ իր կատարյալ Աստվածությամբ<sup>1</sup>: Նա հանդես բերեց Աստվածության զորությունը և ցույց տվեց (մարդկային) մարմնին հատուկ տկարությունը: Իր մարմնով՝ Նա ծառայակից եղավ մեր մարդկային բնությանը և մեղքերից ազատեց մեր մարդկային մարմնը: Նրանով Նա իջավ դժոխք և այնտեղից դուրս բերեց նրանց, որոնք փակված էին դժոխքում (Ա. Պետր., 3. 19): Նա հալածանքներ կրեց մարմնով, և հալածեց սատանային, և կապեց մեղքը:

111 (369). Ով որ հավատաց Նրան այդ մարմնում, նրանց հայտնի դարձրեց իր Աստվածությունը, իսկ ով որ սայթաքեց մարմնի պատճառով, նրանք մերժեցին Նրա (աստվածային) բնությունը<sup>1</sup>: Որովհետև Նա բնությամբ միացավ մարմնին և խառնեց մարմնը իր Աստվածությանը: Ովքեր հավատացին Նրան, վայելելու են անասելի բարիքներ, իսկ այս հավատից շեղվածները գնացին անկոխ և անհայտ ուղիներով, ճանապարհից դուրս ընկան, հայտնվելով անանցանելի արահետների շրջապատում, և շատերին ճշմարիտ հավատից մոլորեցին: Նրանք կարծում էին, թե մի բան են գտել, մինչդեռ գտել էին ոչինչը, ինչպես և գրված է, թե՝ «Գնացին ոչնչի հետեւից և գտան ոչինչը» (Երեմ., 2. 5): Որովհետև ինչ-որ բան գտնելու համար պետք է աշխատանք կատարել, իսկ առանց որևէ բան գտնելու աշխատանք կատարելը, սուտ ուսմունքի հետևելով, հասցնում է կուապաշտության:

112 (370). Որովհետև նա բոլոր մարդարեների միջոցով այնտեղից՝ վերևից, իմաց է տալիս մշտապես իրար հաջորդող սերունդներին առաջիկա իրադարձությունների մասին: Եվ նախորդող բաների օրինակներով նա շատ անգամ ուսուցած է հետո եկողներին, մերթ հնազանդության կոչելով ահավոր սպառնալիքների միջոցով, հիշեցնելով այն վրեժիսնդրության մասին, որ կատարվեց սկզբից, որպեսզի սաստելով անհնազանդներին հորդորի նրանց ուղղվելու, ինչպես, օրինակ, եգիպտացիներին հասցրած ամենատարբեր հարվածները և նրանցից վրեժ լուծելը ամենադառը հատուցման միջոցով: Կամ էլ բերում է անապատում հավատը կորցրած մարդկանց մեռնելու օրինակը և հիշատակում է բոլոր նրանց, ովքեր հանդգնում էին փորձել Աստծու բարկությունը:

113 (371). Այսպես և Քրիստոսի առիթով նա բերում է սողոմացիների և գոմորացիների երկրի օրինակը, որպեսզի ոմանց կողմից (Քրիստոսին) չընդունելու պատճառով (մյուսները) ավելի դաժան պատիժներ չկրեն: Երբեմն հիշեցնում է տարբեր զարմանալի հրաշքների և արդարներին աստվածային պարգևներով հատուցելու մասին: Միաժամանակ հիշեցնում է արարչության ժամանակ հաստատված կարգը՝ բազմիցս ասելով, թե՝ «Տարածեցի երկինքը և հաստատեցի երկիրը» (Եսայի, 44. 24) և «Ճովը փակեցի սահմաններով (դարպաններով)» (Հոք, 38. 8), որպեսզի բոլոր այս խոսքերով քաջալերի հնազանդորեն իրեն լսողներին՝ հավատալ (իր) խոստումներին:

114 (372. XXXIX). Իսկ երբ նա եկավ, Ամենափրկիչը կատարեց այն, ինչ որ մի ժամանակ խոստացված էր նրա մասին: Եվ մարդարեների կողմից կանխասացվածների վկայությամբ մենք կարող ենք հաստատել Որդու գալստյան ճշմարտությունը Աստվածորդու մարմնավորված

ծնունդով, նրանց հոգեշունչ խոսքով՝ աստվածախառն մարմնի վերաբերյալ, ինչպես և դրանից առաջ Աստված ցույց տվեց իր Որդու գալուստը՝ իր արժանավոր մարդարեների արտահայտություններով:

115 (373). Որովհետև «Աստված ուղարկեց իր Որդուն, որը ծնվեց կնոջից և մտավ օրենքի տակ՝ փրկելու համար նրանց, որ օրենքի տակ էին, որպեսզի մենք որդեգրություննենք» (Գաղատ., 4. 4-5): Սրա պես էր ասում նաև Հովհաննես Կարապետը. «Ապաշխարեցեք, որովհետև երկնքի արքայությունը մոտեցել է» (Մատթ., 3. 2): Դրա մասին և հավերժության Տերը, պատմելով արքայության մասին առակը, ասաց. «Ժամանակը հասել է, և մոտեցել է Աստծու արքայությունը» (Մարկ., 1. 15):

116 (374). Ահա եկավ Աստծու սքանչելի համախոհ Որդին, կատարելով հավիտենից նախասահմանված խոսքը, ինչի մասին և մարդարեն է ասում, թե «Իր ծառաների խոսքերն է հաստատում և արդարացնում է իր պատգամաբերների ասածները» (Եսայի. 44. 26): Նաև Հրեշտակն է նրա համար ճանապարհ բացում, որը ողջունում է կույսին՝ ի կատարումն մարդարեական այն խոսքի, թե՝ «Կույսը պիտի Հղիանա ու որդի ծնի, և նրա անունը պիտի լինի էմմանուել» (Եսայի, 7. 14: Մատթ., 1. 23), և ասում է. «Ուրախացիր, ո՞վ բերկրալի, Տերը քեզ հետ է» (Ղուկ., 1. 28):

117 (375). Եվ ապա ցույց տալով, թե ինչ ձեռվ է Տերը լինելու նրա հետ, ասում է. «Սուրբ Հոգին կդա քո վրա, և Բարձրյալի զորությունը հովանի կլինի քեզ, որովհետև նա, որ քեզնից է ծնվելու, սուրբ է և Բարձրյալի Որդի կկոչվի» (Ղուկ., 1. 35): Այնուհետև, նկատի ունենալով մարդարեությունները, ասում է, թե «Տեր Աստված նրան կտա նրա հոր՝ Դավիթի աթոռը, և նա հավիտյան կթագավորի Հակոբի տան վրա, ու նրա թագավորությունը վախ-

ճան չի ունենա» (Ղուկ., 1. 32-33): Նրա մասին էր ասում նաև Հոգով լեցուն Հակոբ Հայրապետը և, իմանալով Հուդայի (Երկրի) փառավորությունը և մարգարեանալով, ասում է. «Հուդայից իշխան չի պակասելու, ոչ էլ առաջնորդ՝ նրա կողերից, մինչեւ որ գա նա, Ում պատկանում է թագավորությունը, որովհետև նա է հեթանոսների հույսը» (Ծննդ., 49. 10):

118 (376). Ահա մենք տեսնում ենք բոլոր մարգարեությունները լիովին կատարված, ահա տեսնում ենք բոլոր հեթանոսներին, որոնք ծառայում են նրան, ոմանք կամավոր, ոմանք էլ՝ ակամա: Ասված է. «Իր ավանակին կկապի (խաղողի) որթից, իսկ որթի ոստից՝ էշի քուռակին» (Ծննդ., 49. 11), այսինքն՝ (նկատի ունի) խոնարհությամբ նրա գաւլը այգու մշակների մոտ, որոնք չցանկացան (ճանաչել) այգու տիրոջը, որը համբերելով չարչարանքներ կրեց իր կամքով, ինչի մասին մենք կպատմենք իր ժամանակին, որ դեռ (շատ) բան ունեմ ձեզ պատմելու նրա ծննդյան, մարգարեների կանխատեսումների, առաքյալների քարոզության, մարտիրոսների վկայաբանության մասին<sup>1</sup>:

119 (377. XL). Նա, որպես իսկությամբ (միակ) էն, գտնվում է ինքն իր էության մեջ, բայց երբ կամեցավ, ընդունեց մարդկային կերպարանք, մարմին առավ և իջավ ընդգրկված մեր նմանության մեջ: Նա, որ իր Աստվածության ողջ լիությամբ անսահման և անընդգրկելի է և մեզ համար իջավ չափերի սահմանների մեջ, ամփոփվեց մարմնում: Նա իսկապես մտավ մարմնի մեջ և դարձավ իսկական մարդ<sup>1</sup>, իջավ մինչեւ անարգանք, որպեսզի մեզ բարձրացնի: Սակայն իր Աստվածությամբ նա երկնքում է և երկրի վրա, Հոր մոտ և Հոր հետ<sup>2</sup>: Եվ բոլոր արարածները շարժվում են նրա հրամանով՝ ըստ ամեն մի կազմված էակի համար սահմանված կարգի:

120 (378). Թեպետև մեզ համար նա իջավ մինչև անարդության, սակայն մնում է իր բնության մեջ, ինչպես և ինքն է ասում, թե «Ես նույն եմ և չփոփոխվեցի» (Մաղաք., 3. 6): Որովհետև, չնայած որ նա մարդկային կերպարանք և մարմին առավ, բայց այդ մարմինը խառնեց, միացրեց, ընկղմեց իր Աստվածության մեջ: Եվ նորից ասում է. «Սա է Աստվածը, մեր Աստվածը հավիտյանս հավիտենից» (Մաղմ., 47. 15): Եվ դարձյալ (մարգարեն) ասում է. «Դու նույն ես, և Քո տարիները չեն անցնի» (Մաղմ., 101. 27): Մարգարեների մեջ մեծն Մովսեսին ևս հասավ այսպիսի ձայն, թե «Ես եմ այն (Աստվածը), որ ի սկզբանե կամ. այսպես կասես (նրանց), թե ինձ ձեզ մոտ առաքեց նա՝ Աստվածը, որ ի սկզբանե կա» (Ելք, 3. 14): Նույն բանն է իր թղթում ասում նաև (ավետարանից) Հովհաննեսը, թե «Խոսում ենք նրա մասին, որ սկզբից էր, որի մասին լսեցինք, որին ականատես իսկ եղանք, որին նայեցինք, և որին մեր ձեռքերը շոշափեցին, այսինքն՝ կենաց Բանը: Նա նույն ինքը կյանք էր, որ հայտնվեց, մենք այն տեսանք և վկայում ենք» (Ա. Հովհ., 1. 1-2), որովհետև նա ինքն է Աստված ճշմարիտ և կյանք հավիտենական:

121 (379). Անընդգրկելին մարմին առավ, շոշափելի դարձավ և ընդգրկվեց<sup>1</sup> մարմնով, և իր կամքով ստանձնեց այն ամենը, ինչ հատուկ է մարմնին, ճանաչված չլինելով՝ խոնարհությամբ տարավ (տանջանքները): Եվ կրեց դա ոչ թե որևէ մեկի բռնադատությամբ, այլ իր իշխանական և ազատ կամքով, ինչպես և ինքն էր ասում. «Իշխանություն ունեմ իմ կամքով կյանքս<sup>2</sup> տալու, որպեսզի դարձյալ նորից այն առնեմ» (Հովհ., 10. 18):

122 (380). Եվ նա ինքը ծնվեց կույսից և իր կամքով կատարեց իրեն Ուղարկողի կամքը, (և ինքն) ասում է. «Ես եկա իմ Հոր կամքը կատարելու համար» (Հովհ., 6. 38), որ-

պեսզի ցույց տա (Աստծու) էության միակամ, անքակտելի, անբաժանելի միասնությունը: Հոր կամքով նա մտավ կույսի արգանդը և չնողկաց, որովհետև նա ինքն ամեն ինչ մաքրող է: Իր կամքով նրան խանձարուրներով պատեցին և դրեցին անասունների մսուրի մեջ, նրան, Որն ամենայն մեծությանց Տերն ու Ստեղծողն է և բոլոր բարիքներն Առաջնողը:

123 (381). Մեզ համար Հինավուրցը<sup>1</sup> մանուկ դարձավ և վերցրեց մեր տկար մարդկային մարմնի կերպարանքը, որպեսզի, մեզ փոխելով, տանի դեպի իր անմահությունը: Թեպետև նա մարմին հագավ և իջավ մինչև մեր նմանությանը, բայց և այնպես նա մնում է իր Աստվածության նախնական բնության փառքի մեջ, ինչպես և էր իսկապես, և կա, և մնում է հավիտյան իր Հոր հետ՝ իր բնության բարձունքներում, այն մարմնով հանդերձ, որ մեզնից վերցրեց՝ անդադար փառաբանություն ստանալով հոգեղեն և հրեղեն զվարթուններից:

124 (382). Նա եկավ և մարդ դարձավ, որպեսզի մենք՝ մարմնավոր (արարածներս), կարողանանք տեսնել (Նրան): Բայց (իմացեք որ) Աստծուն իր էությամբ ո՛չ ոք չի տեսել, ո՛չ հրեշտակները, ո՛չ հրեշտակապետերը, ո՛չ սերովքեները, ո՛չ քերովքեները, ո՛չ էլ բյուրավոր երկնային զվարթունների բանակները: Բայց մարմնով ծածկված Որդին ցույց տվեց և բացահայտեց Իրեն կատարելամիտ իմաստուններին, որպեսզի նրանք հագենան սքանչելի լույսով, (ըստ այն բանի) թե «Ով ինձ տեսավ, տեսավ իմ Հորը (Հովհ., 14. 9): Եվ նա գալով, Սուրբ Կույսի միջոցով կատարեց խոստացածը: Եվ առաջին ծնունդը եղել է Հորից՝ անսահման հավիտենականությունից առաջ, մշտնջենական և հավիտենական ծնունդ, մշտնջենական և հավիտենական Հորից՝ ամեն ինչից առաջ<sup>1</sup>:

125 (383). Մեզ՝ Նրա կողմից ստեղծված տկար արարածներիս, միայն այսքանը պետք է իմանալ, որ նա և ծշմարիտ Հայրը մի են, ինչի համար էլ (այդ միությունը) ընդհանուր հայրություն է կոչվում՝ երկնային և երկրային արարածների համար: Միայն մեկ Տեր, երեք անձ ունեցող էություն. երեք անձեր, մի էություն, գիտության միասնություն, զորություն՝ միասնական փառքով, մի միություն՝ լույս արձակող, միասնական զորություն՝ միասնական փառքի մեջ, միասնականություն՝ լույս արձակելիս, մեկ միասնական էությամբ, որովհետև ոչ ոք ի վիճակի չէ քննել, թե ինչպես կամ ինչու նա (այդպիսին) է հանդես եկել:

126 (384). Հավատացեք երրորդությանը, անշշունչ լությամբ, լուռ հավատով ընդունեցեք (Նրանց) միությունը: Զէ որ մենք՝ Հողից շաղախված հողածիններս, ինչպես կարող ենք քննել և ճանաչել Բարձրյալին, և ինչպես մենք՝ սկիզբ ունեցողներս, կարող ենք քննել Անսկիզբն Անհասաննելին:

127 (385). Ճշմարիտ հավատը սա է. Նա իջավ և իր Աստվածությունը խառնեց մեր մարդկային (բնության) հետ, անմահը՝ մահկանացուի հետ, որպեսզի բոլոր մարդկանց իր Աստվածության անմահությունից անքակտելի դարձնի: Երբ Աստծու Միածին Որդին՝ Հզորությամբ Հոր հավասարը, մարմնով բարձրացավ (և նստեց) Հոր մոտ՝ աջ կողմից, նա խառնեց մեզ իր Աստվածությանը: Նրա ձեռքով Հայրը «դրեց երկրի ամուր հիմքերը» (Սաղմ., 8. 29) և «կանգնեցրեց երկինքն ինչպես կամար» (Եսայի, 40. 22): Նրա մասին է մարդարեն ասում. «Տերը բոլոր հեթանոսներին ցույց տվեց իր աջը և իր բազուկը, և երկրի բոլոր ծայրերը տեսան մեր Աստծու (Հնորհած) փրկությունը» (Սաղմ., 97. 1-3):

128 (386). Նա ինքը՝ Միածին Քրիստոսը, Հոր աջն է և

բազուկը, և նրանով լուսավորվեցին բոլոր ստեղծվածները, որովհետև «Սկզբից էր Բանը, և Բանը Աստծու մոտ էր, և Բանը Աստված էր: Եվ ամեն ինչ Նրանով եղավ» (Հովհ., 1, 1-3), և Նրանով հաստատվեց ամեն ինչ, ինչ որ կա երկնքում և երկրի վրա: Պետք է, որ նրանք, որոնք ստեղծվել և հաստատվել են, Նրանով մաքրվեն և Նրանով լուսավորվեն, որովհետև Աստված կամեցավ, որ արարածները ողջ մնան և չկործանվեն:

129 (387. XLI). Եվ ահա, Աստված իր Սուրբ Հոգին ուղարկեց կույս Մարիամին, և Աստծու Որդին կույսից մարմին առավ, որով կորստի մատնեց չարը, այդ նույն մարմնով՝ աստվածախառն մարմնով, քավեց մեղքերը, իր բարձրությունը խառնելով խոնարհության հետ՝ անտեսանելին միացրեց տեսանելիի հետ: Հովհիվներին տված հրեշտակների ավետումը կանխագուշակում էր աստվածային փառքը. մսուրը և խանձարուրը ցուցադրում էին մարմնի խոնարհ աղքատությունը. առաջնորդող աստղերով, մոգերի երկրպագությամբ ի հայտ էր բերված Ամենատիրոջ իշխանությունը: Մենք երկրավոր հատկությունների միջոցով պիտի ճանաչենք (Որդու) մարմինը, իսկ երկնային նշանների միջոցով իմանանք Նրա Աստվածությունը:

130 (388). Ահա տես, թե ի՞նչ է ասում մեզ Միքիան՝ մարդարեական շնորհի ոգով. «Եվ դու, Բեթղեհեմ, – ասում է, – որ ոչ ցածր աստիճանի ես հասել, քեզնից պիտի ծագի ինձ համար իսրայելի տան պետ և իշխան, և Նրա ծագումը աշխարհի սկզբի օրերից է» (Միք., 5. 2: Մատթ., 2. 6): «Սկիզբ» (բառը) ցույց է տալիս Աստվածությունը, «Բեթղեհեմը՝ մարմինն է նշանակում: Հրեշտակապետն ասում է. «(Մի որդի) պիտի ծնի, և Նրան պիտի կոչեն Հիսուս» (Մատթ., 1. 21-23: Ղուկ., 1. 31): Եվ սաղմոսերգուն երգեց. «Նրա անունը արեից առաջ է» (Մաղմ., 1. 17). Մեկը մարմ-

նով ծնունդն է հայտնում, իսկ մյուսը ցույց է տալիս Նրա Աստվածությունը, որը Հորից է ծնված՝ արեից առաջ<sup>1</sup>:

131 (389). Այս ճշմարիտ հավատը մենք ունենք Սուրբ Գրքից և եկեղեցու կանոններից<sup>1</sup>, որոնք մեզ առաջնորդում են կյանքի ճանապարհով դեպի Աստված, և Սուրբ Գրքում (բացված) ուսմունքի հանդեպ հավատով: Եվ մի շեղվեք իմաստության կարգից, ո՛չ դեպի աջ և ո՛չ դեպի ձախ, որովհետև այն սերմերը, որ մենք ցանում ենք ունկնդիրների սրտերի անդաստանում, ամուլ ու փտած չեն, ոչ էլ չորացած ու սմբած, այլ այնպիսի բույս տվող սերմեր են, որ վերցված են աստվածային գրություններից, (Սուրբ) Հոգու ավանդված գրքերից: Եվ եթե ոմանք սրանից ավել սերմեր գցեն ունկնդիրների լսողության մեջ, (իմացեք) այդպիսի մարդիկ նզովյաներ են. նույնիսկ եթե երկնային հրեշտակ լինի, նա անիծված է՝ հող ուտող օձի նման, որը սուտ և կեղծ խոսքերով ուզում էր փոխել Արարչի պատվիրանը<sup>2</sup>:

132 (390). Բայց մենք այդպիսի խարեռություն ձեզ չենք մատուցում, և դա վկայում ենք Աստծու առաջ, որովհետև միայն նա գիտի սրտի գաղտնիքները (Հմմտ. Մաղմ., 43. 22), և բոլոր ծածուկ բաները Նրան հայտնի են, որովհետև մշտապես Նրա (աչքի) առջև ենք: Եվ այժմ Նրա առջև ասում ենք Նրա պատգամները, որոնք կենսատու են, հագեցված (մտքով), պտղաբեր, արդյունավոր և շահեկան, օգտավետ, շտեմարանները լցնող, որոնք կարող են հարստացնել ձեզ այստեղ մարմնավոր պտղով, և այնտեղ՝ արքայության մեջ տալ ձեզ անանց և երկնային բերկրանքի վայելքը: Փառք Նրան, Ամենատերին, որը մեր ապրելու համար մարդացավ և շրջեց (երկրի վրա) մարդու կերպարանքով, մեզ նման կերավ և խմեց, տանջվեց, չարչարվեց, խաչվեց, մեխվեց, սպանվեց, թաղվեց, կենդանացավ, հարություն առավ, համբարձավ և բարձրանալով նստեց

Աստծու՝ իր Ծնողի աջ կողմից, և Հայրը կենդանություն տվեց բոլոր նրանց, ովքեր հավատացին Նրան<sup>1</sup>:

133 (391. XLII). Բայց մեզ դեռ մնում է պատմել ձեզ Աստվածորդու՝ Կույսից ծնվելու մասին: Թե ինչպես դա եղավ, մենք կպատմենք մեկ առ մեկ: Որովհետեւ ոչ թե Կույսից ծնվելուց հետո է սկիզբ առել էական անսկիզբ Բանը, այլ ամեն ինչից առաջ հավերժության մեջ նա ծնված է Հորից, իսկ այժմ մեզ համար իջավ (երկիր) և մարմնով ծնվեց Կույսից, և միայն նա գիտի, որ ծնունդը Հորից է, որը ծնել է Նրան: Իսկ երկրորդ ծնունդը, որ տեղի ունեցավ մարդկանց մեջ, դա Նրա շնորհն էր, որպեսզի կյանք տա մարդկանց, փրկի երկիրը առաջին անեճքից և գալով, իր օրհնություն շնորհող գարշապարներով նորացնի այն, որովհետեւ նա, տեսնելով, որ մարդիկ կորսույան են մատնված, հավաքեց ցրվածներին և գտավ կորածներին:

134 (392). Այնուհետեւ (աստվածային) շնորհի արժանացած Կույսի մաքրաբարո անարատ արգանդը Սուրբ Հոգուց հղացավ Աստծու Որդուն՝ (մեզ համար) անիմանալի ձեռվ: Եվ ինչպես (բոլոր) ծննդկանների կարգն է, ծնեց իր անդրանիկ զավակին՝ Դավթի քաղաքում, Բեթղեհեմում, ի կատարումն մարգարեական խոսքի՝ թե «Դու, Բեթղեհեմ, Եփրաթայի սակավամարդ տուն, կլինես Հուղայի երկրի հազարավորների մեջ. քեզնից պիտի ենի ինձ համար Իսրայելի մի պետ և իշխան, և նրա ծագումը աշխարհի սկզբի հավիտենական օրերից է» (Միք., 5. 2):

135 (393). Տեսնո՞ւմ ես այն իրադարձությունները, որոնք կանխագուշակված էին: Տեսնո՞ւմ ես հրեշտակների ավետումը հովիվների օթևաններում, թե «Այսօր Դավթի քաղաքում ձեզ համար ծնվեց մի Փրկիչ, որը Դավթի քաղաքում Օծյալ Տերն է» (Ղուկ., 2. 11): Տեսնո՞ւմ ես, որ նա, Ում ծագումը աշխարհի սկզբից է, նրա մասին էին ասում՝

«այսօր ծնվեց»: Նրանք ասում էին Օծյալի մասին, որպեսզի նշեն այն մարդարեությունը, թե «Ով է մարդկանց ասում իր Օծյալի մասին» (Սաղմ., 104. 15): Նա (իր) Օծյալին (բացեց) նշանը տալով, թե՝ «խանձարուրով փաթաթված և մսուրի մեջ դրված մի մանուկ կգտնեք» (Ղուկ., 2. 12): Սա այն հավիտենական խորհուրդն էր, որ Աստված գաղտնի էր պահել և որը (այժմ) հայտնեց երկնային իշխանավորներին:

136 (394). Այնտեղ երկնային զորքը, Նրա Աստվածային փառքը երգելով, ուսուցանում էր հովիվներին, որպեսզի մսուրի և խանձարուրի պատճառով հովիվները, չլինի թե, արհամարհեն Նրան: Այդժամ հովիվները շտապելով հասան հրեշտակի ցույց տված տեղը և գտան Մանուկին, որը հայտնի դարձավ ոչ միայն մոտիկ գտնվողներին, այլև աստղի նշանով՝ հեռու ապրող արևելցիներին: Այդ մասին են ուրեմն ասում մարդարեական քննվող հոգեպատում գրքերի խոսքերն այն մասին, թե «Մեզ համար Մանուկ ծնվեց, մի Որդի տվեց մեզ, որի իշխանությունը իր ուսերի վրա պիտի լինի. Նա պիտի կոչվի Մեծ խորհրդի Հրեշտակ, Աքանչելի Խորհրդակից, Աստված հզոր, Իշխան, Հայր հանդերձյալ աշխարհի» (Եսայի, 9. 6):

137 (395). Տեսնո՞ւմ ես, որ Որդի, Իշխան, Հրեշտակ, Խորհրդակից, հզոր Աստված և հանդերձյալ աշխարհի Հայր է կոչվում այսօր ծնված Մանուկը: Որովհետեւ նա իսկապես Որդի է, որովհետեւ նա Աստծու գորությունն է, Խորհրդակիցը և հզոր Աստվածն է, որով հաստատվեց հավիտենականությունը: Եվ Մանուկ է, որովհետեւ այսօր Սուրբ Կույսից ծնվեց Բեթղեհեմում, որի մասին (մարդարեն) նախապես ասել է. «Տերն ասաց ինձ. «Դու իմ որդին ես, ես այսօր ծնեցի քեզ»» (Սաղմ., 2. 7): Եվ հանդերձյալ աշխարհի Հայրն է, որովհետեւ կույսից ծնված երկրորդ մարդն է (Հմմտ. Ա Կորնթ., 15-47), որը, երկնքից գալով,

պետք է նորոգի աշխարհը, որը հնացել և մահակուլ է դարձել հողածին առաջին մարդու (մեղքի) պատճառով: Եվ իշխան է, որովհետև «Հեսսեի արմատից,— ասում է Եսայի (մարդարեն),— գավազան պիտի ընծյուղվի և ծաղիկ՝ նրա շառավիղից» (Եսայի, 11. 1), որը Դավթի դստեր ծննդաբերածն է: Ապա և նստելու է Դավթի գահին և առաջնորդելու է նրա թագավորությունը:

138 (396. XLIII). Եվ այսպես, եկան այն օրերը, որոնք մարդարեն դրանից առաջ նշել էր. «Ահա օրեր են գալու,— ասում է Տերը,— և ես հաստատ կատարելու եմ իմ բարի խոսքերը, որ հայտնեցի իսրայելի տան մասին և Հուդայի տան մասին: Այն օրերում և այն ժամանակ Դավթի համար մի արդար շառավիղ պիտի ծնեմ, որն իրավունք ու արդարություն պիտի պաշտպանի երկրի վրա» (Երեմ., 33. 14-15: Երեմ., 23. 5): Այդ առթիվ նա նույնպես ասում է. «Դարձիր, Հակո՛ք, և բռնիր նրանից (իմաստությունից)` Նրա լույսի ծագման իսկ պահին: Քո փառքը ուրիշին մի՛ տուր, և քո փաստակները՝ օտար ազգին» (Բար., 4. 2-3):

139 (397). Իսկ մի այլ մարդարե ավելի հստակ սահմանում է տալիս. «Այդ օրը պիտի կանգնեցնեմ Դավթի խորանը, պիտի վերականգնեմ նրա ավերակները, գետնին հավասարված նրա տեղերը վերստին պիտի կանգնեցնեմ և պիտի վերաշինեմ այն հավիտենական օրերի նման, որպեսզի մնացած մարդիկ և բոլոր հեթանոսները, որոնց վրա կա իմ անունը, փնտրեն ինձ,— ասում է Տերը» (Ամու., 9. 11-12): Ո՞վ է այդ բանն անում, հայտնի է հավիտյան ի սկզբանե, որովհետև նա, Դավթին խոստանալով, դրանից առաջ ասել է. «Քո որովայնի պտղից պիտի նստեցնեմ քո գահին» (Սաղմ., 131. 11), և ավելի բարձր՝ քան երկրի բոլոր թագավորները, հաստատելու եմ նրա աթոռը՝ ինչպես օրերը երկնքի, ինչպես արեգակն իմ առջև, ինչպես լուսինը, որով-

հետև այն (աթոռը) հաստատված է երկնքում» (Սաղմ., 88. 28, 30, 37, 38):

140 (398). Եկավ նա, «Ում պատկանում է թագավորությունը, և նա է հեթանոսների հույսը» (Ծննդ., 49. 10), ինչպես և ասել է Մովսեսը: Եվ բարձրացավ տիեզերական թագավորը՝ բոլոր ժողովուրդներին հնագանդեցնելով: Եվ իր թագավորությունը նա մի այլ ժողովուրդի չի փոխանցի՝ ըստ Դանիելի ասածի (Հմմտ. Դան., 2. 44): Նաև Դավիթը, որի որդի կոչվեց Քրիստոսը, մարդարեի սրտից բխած, Հոգով ներշնչված խոսքերով, թագավորի կերպարը բացահայտելով, նախ ասում է, որ «Նա (տեսքով) գեղեցիկ է բոլոր մարդկանց որդիներից և շրթունքներից շնորհք է թափկում» (Սաղմ., 44. 3): Իսկ «գեղեցիկ» է ասում ոչ թե (արտաքին) կերպարանքի համար, այլ (նրա) անգուգական փառքը նկատի ունենալով: Եվ դարձյալ. «Մեջքից սուր կապիր, ո՞վ հզոր, քո վայելչությամբ ու գեղեցկությամբ» (Սաղմ., 44. 4): Եվ դրանից հետո ամբողջացնելով՝ ավարտում է. «Քո գահը հավիտյանս հավիտենից է, Աստված, Քո արքայական գավազանը արդարության գավազան է» (Սաղմ., 44. 7), և շեշտում է, որ նա Օծյալն է և որ ինքը մարդարեն գովերգել է Օծյալի գալուստը՝ ասելով՝ «Որս համար Աստված՝ Քո Աստվածն, օծեց Քեզ ուրախության յուրով՝ ավելի, քան Քո ընկերներին» (Սաղմ., 44. 8):

141 (399). Տեսնո՞ւմ ես, որ պայծառատես մարդարեն Սուրբ Հոգովու կողմից նախապես տեղեկացված էր, որ Աստծու Միածին Որդին, Հոր սիրելի աթոռակիցը, եղավ Դավթի որդի (Սատթ., 22. 42) և բարձրացրեց նրա գահը հավիտյան. ինչպես և ասկած է, թե՝ «Սկզբից ևեթ Տիրոջը մշտապես տեսնում էի իմ առջե, և նա իմ աշ կողմում է» (Սաղմ., 15. 8): Դրա մասին ինքն էլ գիտի, որովհետև Աստված երդումով երդվեց նրան, որ նրա գահին նստեցնելու է

Նրա որովայնի պտղից (Բ Թագ., 7. 12), ինչի մասին վկայում են նաև (Ս. Գրքի) ցուցումները, թե «Քրիստոսը գալու է Դավթի տոհմից և Բեթղեհեմ դյուղից, (որտեղից Դավիթն էր)» (Հովկ., 7. 42):

142 (400). Եվ այնտեղ նա ճանաչվեց թագավոր ոչ միայն ավելի առաջ եղած գուշակությունների պատճառով, այլև նույն ժամին եղած նշանով եկած մոգերի կողմից, որոնք (եկան Երուսաղեմ) և ասացին. «Ուր է հրեաների արքան, որ ծնվեց» (Մատթ., 2. 2): Եվ օրենսգետներից տեղեկանալով՝ հասան այնտեղ, ուր Մանուկն էր գտնվում, Որին երկրագեցին և նվերներ մատուցեցին, և իսկույն, Տիրոջը ճանաչելով, հրեշտակներից տեղեկացված լինելով<sup>1</sup>, (այլ ճանապարհով) վերադարձան (իրենց երկրները):

143 (401. XLIV). «Եվ երբ ութ օրերը լրացան, և նա թլփատվեց, նրա անունը Հիսուս դրվեց, ինչպես հրեշտակի կողմից կոչվել էր, երբ դեռ չէր հոգացվել (մոր) որովայնում» (Ղուկ., 2. 21): Ինչպեսև ասում է մարդարեն, թե «Դեռ քեզ որովայնում չստեղծած՝ ես գիտեի քեզ, և դեռ արդանդից դուրս չեկած՝ սրբացրի քեզ» (Երեմ., 1. 5): Եվ սա ասվում է Տիրոջ մասին, որ մեկնաբանվում է, թե «Ում Հայրը սրբացրեց և աշխարհ ուղարկեց» (Հովկ., 10. 36): Իսկ մի այլ մարդարե (ասում է), թե «Ինձ կանչեց Տերը, երբ դեռ ես արդանդում էի, և իմ անունը տվեց, երբ ես դեռ իմ մոր որովայնում էի» (Եսայի, 49. 1):

144 (402). Եվ ահա, ուշադրություն դարձրու, որ նա իսկական (մարդկային) կերպարանք ստացավ Սուրբ կույսից և ոչ թե երեսութական տեսք<sup>1</sup>: Որովհետեւ այստեղ (մարմնական) սկիզբ է առնում Այն, ինչ անսկզբնական է: Եվ հաշվելով ըստ օրերի, ութերորդ օրը Որդին թլփատվեց մինչև առավոտվա աստղի ծագելը (Հմմտ. Սաղմ., 109. 3), ավետումով խոստացված Աբրահամի զավակը, որի չնորհիվ

օրհնություն են ստանում երկրի բոլոր ազգերը (Հմմտ. Ծննդ., 18. 18): Այսպիսով, Հիսուս Քրիստոսի թլփատումը հայրերին տրված ավետիսի կատարումն էր: «Նա, – ասում է (Պողոս առաքյալը), – մտավ օրենքի տակ՝ փրկելու համար նրանց, որ օրենքի տակ էին, որպեսզի մենք էլ որդեգրություն ընդունենք» (Գաղատ., 4. 4-5):

145 (403). Այնուհետև (մարդկանց կողմից) ընդունելություն չգտնելով՝ Դավթի որդին հալածվեց դեպի Եգիպտոս, ի կատարումն այն (խոսքի), թե «Եգիպտոսից պիտի կանչեմ իմ Որդուն» (Մատթ., 2. 15): Որովհետեւ ամենագետ Աստծու կողմից՝ իր հոգեկիր մարդարեների միջոցով նախապես որոշված էր, որ Միածին Որդին գալով ինչպիսի տառապանքներ է կրելու հրեաստանցիներից, ինչպես և Պետրոսը «Գործք առաքելոց» գրքում ասում է, թե «Ինչպես որ Աստված նախօրոք հայտնել էր բոլոր մարդարեների բերանով իր Քրիստոսի չարչարվելը, այդպես էլ կատարեց» (Գործք, 3. 18): Այդ էր ասում և Ինքը՝ Տերը, թե «Եկա կատարելու Օրենքը և մարդարեներին» (Մատթ., 5. 17-18):

146 (404. XLV). Ապա Եգիպտոս կանչված լինելով՝ նա անցնում է Նազարեթ՝ ըստ մարմնի իր կարծեցյալ հայրենիքը: Մարդու որդին աճում ու գարգանում է հասակով՝ մարդկային բնույթին համապատասխան (Հմմտ. Ղուկ., 2. 52): Նա իսրայելական ցեղի հետ համերաշխ է ընթանում, որպեսզի նրանք իրենց կամքով դիմեն կյանքի բացված աղբյուրին: Որովհետեւ հենց նրա մասին է կանխագուշակում սաղմոսերգուն. «(Տե՛ր), քեզնից է կյանքի աղբյուրը» (Սաղմ., 35. 10): Դրա մասին էր ասում նաև Փրկիչը՝ սամարացի կողմը հայտնելով. «Եթե դու գիտենայի՛ր Աստծու պարզեները, և թե ով է, որ քեզ ասում է՝ «Ինձ խմելու ջուր տուր», գուցե ինքդ արդարե նրանից կուգեիր, և նա քեզ կենդանի ջուր կտար» (Հովկ., 4. 10):

147 (405). Հետո, երբ լրացավ նրա տասներկու տարին, նա գնաց երուսաղեմ և, օրենքի ուսուցիչների հետ զրոյցի մասնակցելով, զարմացրեց բոլորին՝ ի կատարումն մարդարեական խոռոքի, թե «Ահավասիկ խելահաս պիտի դառնա իմ մանուկը, պիտի հառնի, բարձրանա ու մեծապես փառափորվի» (Եսայի, 52. 13): Որովհետև Աստվածությունը թեպետև երկնքից վայր իջավ, սակայն երկրի վրա՝ ներքեռմ, ապրողներիս կողմից ճանաչվեց որպես (երկինք) բարձրացված, մեր կողմից, որ հասկացանք, թե (Աստված) թեպետև խոնարհ կերպով իջավ (երկիր), սակայն իր էությանը հատուկ փառքի զորությամբ բարձրության վրա է (մնում), ըստ մարդարեի կանխագուշակող տեսիլքի, թե «Նա կհասնի, կբարձրանա և (մեծապես) կփառափորվի» (Եսայի, 52. 13): Որովհետև նա, Որը փառքի կարոտ չէ, այն բանից հետո, երբ (եկավ մարմին առած) ինքը իր համբերատար իշխանությամբ կատարեց իր սեփական կամքը, ոչ թե ինչ-որ արտաքին (ուժի) չնորհիվ, այլև (այնուհետև) իր բնական փառքով բարձրացավ (երկինք), երեաց երկնավոր զորություններին (Ա. Տիմ., 3. 16), համաձայն այն խոռոքի, թե «Աստված համբարձավ օրհնությամբ և մեր Տերը՝ շեփորի ձայնով» (Սաղմ., 46. 6):

148 (406). Իսկ շեփորը այն չի գոչելու (սովորական) եղջյուրի պես, որ հնչում է փրփած շուրջերի, ուռած այտերի օդի ճնշումից, այլ այն (փողն) է, որ հնչելով լցնում է ամեն ինչ աստվածասքանչ ավետիսներով, (իմաց տալով) թե «Ահա (ձեր) Աստվածը, ահա (ձեր) Տերը» (Եսայի, 40. 10): Որովհետև նրանք (հեթանոսները) պետք է անցնեն նրա կենսաբեր ուսմունքի քարոզության ճանապարհը և, նրան լսելով, իմանան, թե՝ «Ահա սա է (մեր) Տերը, որին սպասում էինք. եկեք ցնծանք և ուրախանանք մեր փրկության համար» (Եսայի, 25. 9): Նրա չնորհիվ բացվեցին նրանց

կյանքի լույսի քարոզության ճանապարհները՝ բարիքների և հանգստյան համար, որպեսզի նրանք, լավ խորհելով, հասկանան, որ նրա հետ բարձրանալով արքայություն՝ նրանք կդառնան (երկնային) հանգրվանի այն լուսեղեն հարկերի բնակիչները: Նրանք հաճությամբ կլսեն, կըմբռնեն, այսինքն կճանաչեն նրան որպես տիեզերքի (Տեր), ինչպես և Սաղմոսարանն է ասում, թե «Աշխարհի բոլոր ծայրերից (մարդիկ) կվերհիշեն ու կդառնան Տիրոջը» (Սաղմ., 21. 28):

149 (407). Եվ «Նա կհառնի և կբարձրանա» (Եսայի, 52. 13), որովհետև նա խոնարհ մարմնով իջավ ի խոնարհություն, այդ պատճառով մարմնի խոնարհության կերպարանքով է բարձրանում: Նա երեաց որպես խոնարհ մարդ և բոլոր մարդկանցից ավելի հեղ ու խանարհ, և մարմնում կրած վշտերը տարավ հանդարտությամբ և համբերությամբ: Այդ պատճառով նա նույն մարմնով էլ բարձրացավ խոնարհությունից, իր մարդկությամբ հանդերձ հառնեց, բարձրացավ և փառափորվեց, որպեսզի բարձրացնի իր վրա վերցրած մարդատեսիլ կերպարանքը՝ ինքն իր վրա կնքելով խոնարհ բնափորության տիպարը:

150 (408. XLVI). Արդ, երեսուն տարի իրեն չբացահայտելով, հասակ առնելով ըստ մարմնի տարիքի, մարմնի աճելու բնությանը համապատասխան, նա համաձայնվեց և մկրտություն ընդունելու: Եվ դրանից առաջ նա որպես իր առաջից գնացող կարապետ<sup>1</sup> ուղարկեց Հովհաննեսին՝ մարդարեներից մեծին, իր համար ճանապարհ պատրաստելու և բացելու իր հայտնության շավիղները: Նա (Հովհաննեսը) համաձայնեց տալ ապաշխարության մկրտություն, ոչ թե անվախճան կյանքի լուսափորության աստվածադրոշմ մկրտությունը, այլ տալ (միայն) մաքրության մկրտություն՝ ապաշխարելու համար, ինչպես դա արվում

էր Մովսեսի ժամանակներում, երբ Աստված, ցանկանալով երևալ նրանց, հրամայում էր նրանց լվացվել և մաքրվել, որ արժանի լինեն աստվածային փառքի երևմանը:

151 (409). Այդպես և Հովհաննեսը եկավ և ապաշխառությամբ լվաց ժողովրդին, որպեսզի երբ Աստծու Որդին երևա, նրանք արժանավայել պատրաստությամբ կարողանան ունկնդրել Նրա վարդապետությունը, իրենց սրտերում ճանապարհ բացեն, որպեսզի իրենց հեզ ու խոնարհ օթևաններում կարողանան ընդունել Ամենատիրոջը:

152 (410). Եվ ահա, նա եկավ և ինքը մկրտություն ընդունեց Հովհաննեսից, սկսեց գրել հավիտենական կտակը և կնքել (այն) իր արյունով, որպեսզի բոլորը ապրեն լույս բերող և կյանք տվող մկրտության չնորհիվ: Նա հրամայեց բոլոր հողածին մարդկանց, բոլոր մարմնավոր (աղամորդիներին) նմանվել փրկության աստվածային պատկերին: Ահա, նա եկավ կնքատու Հովհաննեսի մոտ՝ նրանից մկրտվելու համար, որը սարսափահար ընդդիմացավ (ասելով), թե՝ «Ինձ պետք է, որ քեզնից մկրտվեմ» (Մատթ., 3. 14): Իսկ նա, լսելով այդ, պատասխանեց և հրամայեց համարձակորեն մկրտել նրան (ասելով). «Թույլ տուր հիմա, որովհետեւ այսպես վայել է լինել, որպեսզի մենք կատարենք (Աստծու) ամեն արդարությունը» (Մատթ., 3. 15):

153 (411). Բայց ի՞նչ է արդարությունը, եթե ոչ այն, ինչ Սուրբ Հոգով գոչեց Հովհաննեսի հայր Զաքարիան, թե՝ «Հիշեց այն երդումը, որ արել էր մեր հորը՝ Աբրահամին, առանց երկյուղի մեզ փրկություն մեր թշնամիներից և բոլոր մեզ ատողների ձեռքից, ծառայել նրան սրբությամբ և արդարությամբ» (Ղուկ., 72-75): Նույն է ասում և սաղմոսերգուն. «Իր ուխտը նա հիշեց... ուխտ, որ Աբրահամի հետ կնքեց, և երդումն իր՝ իսահակի հետ: Հակոբի համար իր հրամանն հաստատեց, և իսրայելի համար՝ ուխտն իր

հավիտենական» (Սաղմ., 104. 8-10): Հայրերի հավատով նա օրհնեց ողջ երկիրը, օրհնեց և կատարեց իր (տված) խոստումները, և դրա համար էլ ինքը իջավ ջրերի մեջ, և միաժամանակ ջրերը դարձրեց մաքրող և նորոգող:

154 (412). Եվ ինչպես այն առաջին երկիրը նա իր հրամանով ջրերից ազատեց (Ծննդ., 1. 9), և (հետո) ջրով սնուցված բխեցին երկրից բոլոր բույսերը, սողունները, գազանները, անսառունները և թռչունները, նույն ձեռվ էլ մկրտությամբ նա դալարեցրեց ջրերի ծննդաբերող արգանդը, ջրով մաքրելով և նորոգելով մաշված հնությունը հողեղեն նյութի, որը մեղքերի պատճառով մաշվել, հնացել էր, զրկվելով (Սուրբ) Հոգու շնորհներից: Եվ ահա, այս անգամ աներևույթ Հոգին բացեց արգանդը տեսանելի ջրով, զարդարելով նորածնունդ նորափետուրներին նորից ծնվելու ծննդյան ավագանում (Տիտ., 13. 5), որպեսզի բոլորը հագնեն լուսավոր պատմուճաններ՝ երկրորդ անգամ նորից ծնվելու համար:

155 (413). Որովհետեւ ինչպես սկզբում, արարչության ժամանակ Աստծու Հոգին շրջում էր ջրերի վրա և այստեղից ստեղծում արարածների տեսակները և հրամայում ստեղծվածներին հաստատվել լինելության մեջ, ինչպես նաև հրամայեց հաստատվել երկնքի հաստատությանը՝ հրեղեն հրեշտակների բնակարանին, որը մեզ երևում է ջրեղեն, նույն ձեռվ էլ նա եկավ և կատարեց այն ուխտը, որ կապել էր հայրերի հետ: Նա ինքը իջավ ջրերի մեջ, մաքրեց ներքելի երկրային ջրերը, որոնք պղծված էին մարդկային մեղքերով:

156 (414). Եվ ահա, իր կրունկներով կոխվելով ջրերը, նա սրբագործեց այն և դարձրեց մաքրող: Եվ ինչպես սկզբում Հոգին շրջում էր ջրերի վրա, նույն ձեռվ էլ նա կընակվի ջրերի մեջ և կընդունի բոլորին, որ ծնվեն նրա

**միջոցով:** Եվ պնդացած (մաքուր) վերին ջրերը հրեշտակների բնակարանն են: Եվ ահա, այս (ներքելի) ջրերը Նադարձրեց այն ջրերի նման (մաքուր), որովհետև ինքն իջավ այս ջրերի մեջ, որպեսզի բոլորը, ջրերի մեջ Հոգով նորացած, դառնան հրեշտակների պես (մաքուր), և նույն Հոգին բոլորին (մկրտության) ջրերի չնորհիվ առհավետ դարձնի (Աստծու) որդիներ: Դրա համար Նա բացեց ներքելի ջրերի դարպաները, որպեսզի բացվեն երկնքի վերին ջրերի դռները և Նա բոլորին փառքով տանի դեպի վեր՝ որդեգրելու համար:

**157 (415).** Դրա համար Աստծու ճշմարիտ Որդին խոնարհվեց և իջավ մկրտության ջրերը, որպեսզի կատարի հայրերին տրված խոստումները և ավետիսները: Դրանից առաջ Նա ընդունեց թլփատությունը, որպեսզի երկու կողմերին էլ չնորհ և բարիք պարգևի՝ իր թլփատվելով կատարի (հայրերին տրված) խոստումների (աներեր) հաստատումը և, խրախուսելով, որդեգրության հրավիրի նրանց, ովքեր արժանի են (տիրանալու այդ) ժառանգությանը: Իսկ մկրտելով Նա բոլոր մկրտվածներին ապրեցնում է՝ ինքը մկրտություն ընդունելու միջոցով. և Նա մկրտությունը պատվավոր դարձրեց՝ ինքն իսկ մկրտվելու համար իջնելով:

**158 (416).** Եվ Նա հենց այնտեղ իր Հոր ձայնից և Հոգու՝ Նրա վրա իջնելուց առաջին անգամ ճանաչված, ընկալվեց որպես Աստծու ճշմարիտ Որդի: Որովհետև Նա հենց այնտեղ ընկալվեց և ճանաչվեց՝ ի կատարումն Հոր կանխասացության, թե «Ահավասիկ խելահաս պիտի դառնա իմ մանուկը, պիտի հառնի, բարձրանա ու մեծապես փառավորվի» (Եսայի, 52. 13):

**159 (417).** Որովհետև երեսուն տարի լուս և աննկատ շրջելով նրանց մեջ, Նա այժմ եկավ և հասավ մկրտության, և այդ մկրտության ժամանակ բոլորի համար ճանաչելի

դարձավ: Հովհաննեսը վկայում և ասում է. «Սա է, որի մասին ասացի՝ Նա, որ իմ հետեւից է գալու, ինձնից առաջ կար: Որովհետև Նա նախապես իսկ առաջինն էր, և Նրա լրիվությունից մենք բոլորս ստացանք շնորհ» (Հովհ., 1. 15-16, 30):

**160 (418. XLVII).** Եվ (Սուրբ) Հոգին Նրա վրա իջավ աղավնու կերպարանքով (Մատթ., 3. 16: Մարկ., 1. 10: Ղուկ., 3. 22: Հովհ., 1. 32): Իսկ ինչո՞ւ Աստծու Սուրբ Հոգին պիտի երևար աղավնու կերպարանքով: (Դա արվեց) որպեսզի տեսնողներին սովորեցնի, որ Աստվածորդուն նվիրվելու համար նրանք չունեն որևէ այլ միջոց, քան նմանվեն աղավնու կերպարին՝ անմեղությամբ, արդարությամբ և մաքրությամբ նրա կերպարը կրելով իրենց Հոգում:

**161 (419).** Որովհետև Նա սրտերի (գաղտնիքը) քննող, ծածուկ բաներն իմացող և բոլոր գաղտնիքները բացողն է, որովհետև Նա գիտի ամեն ինչ և ամեն ինչ՝ ինչ որ ասում է, կարող է կատարել, և Նրա համար ոչ մի անկարելի բան չկա: Ինչպես Գաբրիելն ասաց Սուրբ Կույսին, թե՝ «Աստծու համար ոչ մի անկարելի բան չկա» (Ղուկ. 1. 37): Նա, ի հայտ բերելով մարդկանց սրտի գաղտնիքները, հանդիմանում է (համաձայն այն բանի, թե) «Նա, որ ստեղծել է նրանցից յուրաքանչյուրի սիրտը, գիտի բոլոր նրանց գործերը» (Մաղմ., 32. 15), ով որ գիմելու էր Նրան:

**162 (420).** Հոգին իջավ աղավնու կերպարանքով, որպեսզի տեսնողներին սովորեցնի մաքուր մտքերով մոտենալ Աստծու Որդուն, և Հոգու բարերարության շնորհներն ընդունել, և հաճու լինել Հորը: Դրա համար Աստծու Որդին եկավ և կատարեց հայրերին տված ուխտը՝ նրանց անվանելով որդի: Դրա համար Աստծու Որդին եկավ և մկրտվեց՝ հաստատելու համար մկրտությունը բոլոր նրանց, ով մկրտվելու էր, և ավանդելով այդ՝ հաղորդել փրկության

մասին և ուսուցանելով հասկացնել, որ պատրաստվում է բացել աշխարհին իր ծշմարտության ամենակեցույց վարդապետությունը: Ինչպես ասում է մարգարեն՝ Տիրոջ Որդու անունից, թե «Մոտեցեք ինձ և լսեցեք այս. սկզբից իսկ ես ոչ գաղտնի խոսեցի և ոչ էլ երկրի ինչ-որ խավար տեղում, որովհետև (այն ժամանակներից) երբ դա կատարվում էր, ես այնտեղ էի: Եվ այժմ Տերը, Տերն ինձ ուղարկեց և Նրա Հոգին» (Եսայի, 48. 16): Տեսնո՞ւմ ես Էականի միասնությունը: «Երբ դա կատարվում էր, ես այնտեղ էի», – ասում է Նա՝ ցույց տալով համագոյ Երրորդության զորությունը, որը և՛ արարելիս է համագործող, և՛ նորացնելիս է միասնական:

163 (421). Եվ ահա, երկինքը բացվում է, և Հայրը բացականչում է. «Դա՛ է իմ սիրելի Որդին» (Մատթ., 3. 17: Մարկ., 1. 11), և Հոգին իջնում է աղավնու կերպարանքով, որպեսզի հայտնի դառնա Որդու գալստյան միաբուն զորության խորհուրդը:

164 (422). Եվ ի՞նչ է նշանակում ասածը, թե «սկզբից խոսեցի» (Եսայի, 48. 16), եթե ոչ սուրբ մարգարեների կանխատեսումները, որ ինքը նրանց մեջ իր մասին խոսեց, և Հոր ու Հոգու միասնական մտահղացումով եկավ ու հայտնվեց այս ժամանակների վերջում, «Բանը, Որն սկզբից էր, և Բանը Աստծու մոտ էր, և Բանը Աստված էր: Նա սկզբից Աստծու մոտ էր: Ամեն ինչ նրանով եղավ. և առանց Նրա չեղավ ոչինչ, ինչ որ եղավ: Կյանքը նրանով էր, և այդ կյանքը մարդկանց համար լույս էր: Եվ լույսը խավարի մեջ լուսավորում է, և խավարը նրան չհաղթեց: Կար մի մարդ՝ Աստծուց ուղարկված. նրա անունը՝ Հոգհաննես: Սա եկավ որպես վկա, որպեսզի վկայի լույսի մասին, որ նրա միջոցով բոլորը հավատան» (Հովհ., 1. 1-7):

165 (423). Եվ ահա, ամեն ինչ ամբողջացնելով և կատա-

րելով, Աստծու Որդու լույսը մեր մեջ ի հայտ եկավ, որպեսզի լուսավորի ամեն մի մարդ, որ աշխարհ է գալու, (այն լույսը), որի հետ խավարը չէր կարող մրցել և հաղթել: Այս լույսով արարվեց աշխարհը, բայց այն չճանաչեց Նրան: Ահա դրա համար Նա եկավ, որպեսզի նրանք (մարդիկ) ընդունեն Նրա լույսը և դառնան Աստծու որդիներ (Հովհ., 1. 12): Նա եկավ օրենքը և մարգարեներին հաստատելու համար, (սրբության) օրինակներ ցույց տվեց և ծշմարտությունը հաստատեց:

166 (424). Եվ ի՞նչ է նշանակում «Բանը», մի՞թե լոկ ձայն է, օդի հետ լեզվի բախումից առաջացող, որը չկար մինչև խոսողի ասելը և որը հետո կորչում է անհետ: Սակայն Նա «Բան» կոչվեց այն պատճառով, որ ինչպես խոսքը խոսողի բերանում, նույնպես և Հոր կամքի բոլոր հրամանները ենում են Որդու բերանից: Որովհետև Նա Հոր իմացողն է և Նրա կամքի կատարողը, ինչպես և ինքն է ասում. «Ոչ ոք չգիտե, թե ով է Հայրը, եթե ոչ Որդին, ինչպես և ոչ ոք չգիտե, թե ով է Որդին, եթե ոչ Հայրը» (Ղուկ., 10. 22): Եվ նորից. «Եկել եմ, որ կատարեմ կամքը Նրա՛, Ով ինձ ուղարկել է» (Հովհ., 4. 34): Եվ Հոգհաննեսը դարձյալ ասում է. «Աստծուն ոչ ոք երբեք չի տեսել, բացի Միածին Որդուց, որ Հոր ծոցում է. Նա հայտնեց Նրան» (Հովհ., 1. 18):

167 (425). Եվ Նա ինքն ասում է Հորը. «Հասել է ժամը, Հայր, փառավորիր Քո Որդուն» (Հովհ., 17. 1), և «Երկնքից մի ձայն եկավ՝ «Փառավորեցի և դարձյալ պիտի փառավորեմ» (Հովհ., 12. 28): Սա ասվեց ոչ թե ապաստան փնտելու, կամ էլ որ Նա զուրկ էր հայրական փառքից, այլ այն բանի համար, որ արարածները լսեն և հաստատ լինեն ի Որդին: Նույն ձեռվ և Որդին՝ մեր մեջ եղած ժամանակ աշխարհին ցույց է տալիս Հորը և Սուրբ Հոգուն, ինչպես և Հայրը

բացականչում է Միածնի մասին՝ «Դա՛ իմ Միածնն Որդին, որին հոգիս հավանեց. Նրա վրա իմ Հոգին պիտի դնեմ» (Մատթ., 12. 18), որը և հայտնվեց, իջնելով և հանգիստ առնելով Նրա վրա, ինչպես և ինքն էր ասում Սուրբ Հոգու մասին, թե «Նա ինձ պիտի փառավորի» (Հովհ., 16. 14):

168 (426). Նա եկավ և կատարեց իրեն Ուղարկողի կամքը: Ինքն էլ գոչելով ասում էր, թե՝ «Ով ինձ է հավատում, հավատում է Նրան, Ով ուղարկեց ինձ, և Ով տեսնում է ինձ, տեսնում է Նրան, Ով ուղարկեց ինձ» (Հովհ., 12. 44-45): Եվ այսպես պարզաբանող ուսուցմամբ Նա բոլորին ցույց է տալիս իր մեջ (գտնվող) Հոր փառքը<sup>1</sup>:

169 (427). Եվ Հայրը որպես առաջընթաց սուրհանդակ ուղարկեց (Հովհաննես) կարապետին, որը գալով առջեկից՝ աղաղակեց, թե «Սա է Աստուծո Որդին, սա է Գառն Աստուծո, սա է, որ գալիս է (իր վրա) վերցնելու աշխարհի մեղքը» (Հովհ., 1. 29): Եվ բարձրացավ նա բարձր լեռան վրա, դեպի մեծությունը Աստվածային գորության, ինչպես Տիրոջ անունից ասում է կանխատես մարգարեն. «Ել այդ բարձր լեռան վրա, ով ավետարերդ Սիոնի. ուժ տուր քո ձայնին, ո՞վ ավետարերդ Երուսաղեմի: Բարձրացե՛ք, ուժ տվեք ձեր ձայնին, մի վախեցեք. և ասա Հուդայի Երկրի այդ քաղաքներին. «Ահավասիկ մեր Աստվածը, ահա Տերը, որ գալիս է իր գորությամբ և իր հզոր բազկի իշխանությամբ: Ահավասիկ իր վարձն իր հետ է, ու գործերն էլ աչքի առաջ են: Հովհի նման հովկելու է իր հոտերը, իր բազկով հավաքելու է իր գառներին, կրելու է իր ծոցում և միսիթարիչ է լինելու ծանրացած հղիներին: Ո՞վ կարողացավ իր ափով չափել բոլոր ջրերը, կամ իր թզով՝ Երկինքը և իր քլով՝ համայն Երկիրը չափեց: Ո՞վ կարողացավ լեռները կշռել կշեռքով և դաշտերը՝ նժարով: Ո՞վ իմացավ Տիրոջ մտքերը, կամ ո՞վ խորհրդատու դարձավ Նրան» (Եսայի, 40. 9-13):

170 (428). Եվ ի՞նչ է նշանակում այն, որ ասում է. «Ել այդ բարձր լեռան վրա, ո՞վ ավետարերդ Սիոնի», եթե ոչ այն, որ ասում են, թե՝ «Տերը հրամայեց», որովհետև տերունական հրամանները ամեն ինչից վեր են, և Բարձրյալի հրամանները (Երկնքի) բարձրունքից են գալիս: Եվ ի՞նչ կարող է ավելի բարձր լինել և ամուր, քան Աստվածության հրամանները: Եվ հենց իրենք՝ Աստվածության քարոզիչները, բարձրանում էին այդ հրամանների բարձր լեռը՝ առանց վախի և երկյուղի անվեհեր քարոզելու բոլորի առաջ:

171 (429. XLVIII). Եվ ահա, եկավ մեծն Հովհաննեսը, քահանայապետ Զաքարիայի որդին: Եկավ այստեղ տաճարակիցը, և ոչ թե ինչ-որ օտար մեկը: Այստեղ եկավ Սիոնի ժառանգորդը և բնակիչը, վակասակիրը նույն քահանայության, ի նշան սուրբ պատմուճանների խույր կրողը, պատվիրանների ավանդապահը: Նա ոչ թե ինչ-որ օտարական էր, այլ արժանի գոտի կապող մարդ էր, Սովուսի շառավիրը և Ահարոնի զավակը և Սիոնի ավետարերը, օծման արժանացածը, որ ստացել էր իր նախնիների քահանայության պատիվը: Եվ ի կատարումն մարգարենների մարգարենության, նա հեռացավ անապատ, համաձայն այն աստվածային հրամանների, որ տվել էին լեռը բարձրացած մարդկանց, բարձրացրեց իր ձայնը, նա՝ Երուսաղեմի ավետարերը, բարձրանալով ուժ տվեց իր ձայնին, որովհետև այդ ձայնը անապատում աղաղակողի ձայնն էր, և ասաց. «Ահա մեր Աստվածը, ահա Տերը» (Եսայ., 40. 3, 40. 9: Մատթ., 3. 3: Հովհ., 1. 23), և նույն ինքը՝ հսրայելի թագավորը:

172 (430). Ահա իսրայելական ցեղին ավանդած մարգարենության ողջ շնորհը, որ կրում էր ավետիսների օրհնության և օծման ավանդապահը, ինչպես և քահանայությունը՝ թագավորական իշխանության հետ միասին (Նրան) էին փոխանցել Ղեիի տոհմի միջոցով:

173 (431). Որովհետև այն ժամանակ, երբ Տերը հրի և ամպի միջից կանչեց Մովսեսին՝ Սինայի լեռան գագաթին, և Տիրոջ փառքի տեսիլքը երևում էր որպես վառվող կրակ, և երբ Մովսեսը Աստծու ձեռքից վերցրեց օրենքների պատվիրանները, նա տեսավ, որ Աստված բարեհոժար է՝ նրան պատախաններ տալու, որովհետև ասում է՝ «Գթացող եմ և ողորմած» (Ելք, 34. 6), այդ ժամանակ նա ընդունեց ավանդած իշխանությունը՝ քահանայությունը, թագավորությունը և մարգարեռությունը՝ Աստծու ձեռքից: Այնտեղ Նա տվեց նրան (Մովսեսին) Քրիստոսի օծման օրինակը, որպեսզի նախ օրինակներ հրամցվեն, իսկ այնուհետև մատուցվի այն ճշմարտությունը, որ ինքը է՞ն է: Այնտեղ Նա հրամայեց նրան պատրաստել օծման եղջյուրը և խնկելու համար խնկանոցը (Ելք, 31. 11):

174 (432). Որովհետև եղջյուրը Քրիստոսի օծման օրինակն է, իսկ խնկանոցն ուներ Սուրբ Կույս Մարիամի օրինակը: Որովհետև ինչպես այն խնկանոցը լի էր սրբության հոտով, նույնպես և կույսը՝ Սուրբ Հոգով և Բարձրյալի զորությամբ: Իսկ ձեթով եղջյուրը ուներ Քրիստոսի օծման օրինակը, որովհետև նրանք, ովքեր Նրա նման մեկ անդամ օծվել էին, այնտեղ (Նրա կողմից) էին օծվել: Պարզ է, որ Ահարոնն արդեն օծվել էր՝ Տիրոջը քահանայություն մատուցելու, և ստացավ քահանայության թագը, որպեսզի ինքն էլ օծի նույն ձեռվ, մյուսների գլխին արտախուրակ դնի, որպեսզի նրանք ծառայեն Տիրոջ սրբությանը, սեղանին դնեն հացն հանապազորդ, որպես Աստծու Որդու մարմնի օրինակ:

175 (433). Այնտեղ Մովսեսը պատրաստեց իր օծման արձաթե եղջյուրը, որով (այնուհետև) օծվում էին քահանաները, մարգարենները և թագավորները: Այդ ժամանակներից, ըստ իշխանության պատվիրանի, գալիս էր մեկից

մյուսին անցնող օծության հաջորդականությունը՝ համաձայն ավագության սահմանված կարգի: Աբրահամյան սերունդը պահպանում էր այդ խորհուրդը, որովհետև նրանք, ավանդությունը պահելով, իրար էին փոխանցում այն, հասցնելով մինչև Հովհաննեսը՝ քահանան, մարգարենն և մկրտիչը: Եվ հասնելով նրան որպես ժառանգի՝ մնաց նրա մոտ: Նրան, իրքեւ ավանդապահի, այն հասել էր առաջին նախնիներից՝ թագավորներից, մարգարեններից և օծյալ քահանաներից: Եվ նա քահանայությունը, օծությունը, մարգարեռությունը և թագավորությունը փոխանցեց մեր Տիրոջը՝ Հիսուս Քրիստոսին:

176 (434). Եվ կատարվեց Հակոբի մարգարեռությունը, որն ասել էր իր տոհմի զավակներին. «(Հուգայից) չի պակասելու առաջնորդության իշխանությունը, մինչև որ գա նա, Որին պատկանում է թագավորությունը, որովհետև նա է հեթանոսների հույսը» (Ծննդ., 49. 10):

177 (435). Եվ ահա, առաջին հայրերն ունեին նրա նմանությունը, որոնց վրա տպավորված էր Աստծու կերպարը, և բոլոր արարածները հնագանդվում էին նրանց, որովհետև նրանց վրա տեսնում էին Արարչի կերպարը: Արդյոք անխոս, անմոռունչ և անշշունդ արարածները կհնագանդվեի<sup>9</sup>ն մահկանացու մարդկանց, եթե նրանց մեջ չտեսնեին Աստծու կնիքը և Արարչի կերպարը: Եվ այսպես, ավանդությունները, մի սերնդից մյուսին փոխանցվելով, եկան հասան մինչև Հովհաննեսը, և Հովհաննեսը ի պահպանություն տրված ավանդը հանձնեց իր Տիրոջը:

178 (436. XLIX). Այնուհետև եկավ ինքը Տերը, և Հովհաննեսը վկայեց՝ «Ես Քրիստոսը չեմ, այլ ուղարկված եմ նրա առաջից: Ով հարս ունի, նա է փեսան, իսկ փեսայի բարեկամը, որ կանգնած լսում է նրան, մեծապես ուրախանում է փեսայի ձայնի համար. արդ, այս ուրախությունը,

որ իմն է, կատարյալ է: Պետք է, որ նա մեծանա, իսկ ես նվազեմ: Նա, որ ի վերուստ է գալիս, վեր է ամենքից. նա, որ այս երկրից է, երկրավոր է և երկրավոր բաների մասին է խոսում: Նա, որ երկնքից է գալիս, վկայում է, ինչ որ տեսել ու լսել է, սակայն Նրա վկայությունը ոչ ոք չի ընդունում: Ով ընդունում է Նրա վկայությունը, հաստատած կլինի, որ Աստված ճշմարիտ է, քանի որ նա, ում Աստված ուղարկեց, Աստծու խոսքերն է խոսում, որովհետեւ Աստված Հոգին տալիս է առանց չափի: Հայրը սիրում է Որդուն և ամեն ինչ տվել է Նրա ձեռքը: Ով հավատում է Որդուն, ընդունում է հավիտենական կյանքը, իսկ ով չի հնազանդվում Որդուն, կյանք չի տեսնի, այլ նրա վրա կմնա Աստծու բարկությունը» (Հովհ., 3. 28-36):

179 (437) Ահա Հովհաննեսը որպես սուրհանդակ եկավ իր Տիրոջ ճանապարհը պատրաստելու համար: Որովհետեւ ինչպես Նրա ծննդյան նախակարապետ եղավ Գաբրիելը, նույնպես և Հայտնության (կարապետ) եղավ նա և ընդառաջ գալով՝ ասաց. «Ես ուղարկված եմ Նրա առաջից: Ով հարս ունի, նա է փեսան» (Հովհ., 3. 26-29):

180 (438). Իսկ ո՞վ է հարսը, կամ էլ ո՞վ է փեսան, եթե ոչ նա, որի մասին մարդարեն ասում է. «Այսպես է ասում Տերը՝ քեզ կնշանեմ ինձ հավիտյան, քեզ կնշանեմ ինձ արդարությամբ և իրավունքով, ողորմությամբ և գթությամբ, և դու կճանաչես, որ ես եմ քո Տեր Աստվածը, և դու կլքես քո փայտեղեն և քարեղեն սիրածներին և կամես՝ «Գնամ, վերադառնամ իմ առաջին ամուսնուն» (Օսեե, 2. 19-20, 7):

181 (439). Որովհետեւ մարդիկ իրենց Արարչին պաշտոն մատուցելը թողեցին և ամեն մի փայտի և քարի հնազանդվեցին: Եվ թողեցին առաջին Այրին<sup>1</sup>, որն ստեղծել էր նրանց ոչնչից, և շնացան աչքին պատահած ամեն մի առարկայի հետ, և տրվեցին պոռնկության՝ արարածներին

մնութիաբար պաշտոն մատուցելով հանդերձ: Դրա համար Աստծու Որդին իջավ՝ երկրի երեսից ջնջելու ունայն անառակ կենակցությունը քարեղեն սիրեկանների հետ, շրջելու դեպի Հոր երկրագություն և տալու նրանց հնարավորություն անվանելու իր ամուսնուն՝ այր առաջին (Հմմտ. Օսեե, 2. 7): Եվ առաջին է անվանում նախնական ընության<sup>2</sup> համար, ինչպես բացատրում է Հեթանոսներին Պողոս առաքյալը՝ ասելով. «Հաստատեցի և խոսեցի քո հարսնության համար՝ նշանելով որպես մի անբիծ կույս՝ Քրիստոսին ներկայացնելու համար» (Բ Կորնթ., 11. 2): Մարդարեն էլ ասում է. «Թագուհին կանգնելու է քո աջից» (Սաղմ., 44. 10): Ողջ տիեզերքը որպես մեկ հարս նա բերում է մեկ փեսայի մոտ: Այս իմաստով է նա նախանշում Աստծու Որդուն՝ այն այրին, որը եկավ երկնքից: Ինչպես ասում է Հովհաննեսը. «Ով հարս ունի, նա՝ է փեսան, և մենք՝ բարեկամներ և ծառաներ, գործում ենք հրամաններով: Նրա մոտ կանգնած ենք և լսում ենք նրան, ուրախ ենք նրա ուրախության համար, և լսում ենք փեսայի ձայնը»: (Հովհ., 3. 29):

182 (440). Դա նա է, ում մասին ասում է մարդարեն. «Դուստր, լսիր ու տես, մոտեցրու ականջդ, մոռացիր քո ժողովրդին և քո հոր տունը, քանզի թագավորը ցանկացավ քո գեղեցկությունը: Նա ինքն է քո Տերը, որին պիտի երկրպագես» (Սաղմ., 44. 11-12): Դա նա է, որն ասում է. «Ո՞վ եղբօրորդի իմ, դու վեր կկենաս, կարթնանաս, մերձավորս, սիրելիս, կբացես ինձ տան դռները և կհամբուրես ինձ քո բերանի համբույրներով, որովհետեւ քո ստինքներն ավելի լավ են գինուց, և քո օծման յուղերի հոտը՝ բոլոր խնկերից: Քո անունը թափած յուղ է անուշ. սրա համար էլ օրիորդները սիրեցին քեզ: Մենք կգանք քո օծման յուղերի հետեւից: Արքան ինձ իր սենյակը տարավ» (Երգ, 5. 5: 1. 1-3):

183 (441). Եվ ո՞վ կարող է հարսը լինել, բացի հեթանոս-ների եկեղեցուց<sup>1</sup>, կամ ո՞վ կարող է փեսան լինել, բացի Հի-սուս Քրիստոսից՝ Աստծու Որդուց, Որն իջավ երկնքից և հնազանդեցնելով բերեց բոլորին Հոր երկրագության: Եվ ի՞նչ են երկու առատ ստինքները, եթե ոչ Աստվածային Կտակարանները, որոնք հագեցնում են բոլոր անգետներին գիտության հոգեւոր կաթով: Եվ ի՞նչ է նշանակում ասածը, թե «Քո օծման յուղերի հոտը բոլոր անուշ խունկերից լավ է», և թե «Քո անունը թափված յուղ է անուշ»: դա բացահայտումն է Քրիստոսի օծվածության և (Նրա) անվան: Եվ համբույրը սիրո նշանն է, որովհետև եկեղեցին՝ Քրիստոսի (հարսն) է, և Քրիստոսը Աստծու Որդին է:

184 (442). Արդ, ասելով, թե՝ «պետք է, որ նա մեծանա, իսկ ես՝ նվազեմ» (Հովհ., 3. 30), նկատի ունի մեղմանալու ժամանակը, որովհետև այն մկրտությունը, որ նա տվեց ժողովրդին, ապաշխարության մկրտություն էր: «Նա, որ ի վերուստ է գալիս, – ասում է (Հովհաննեսը), – վեր է ամեն-քից», – նկատի ունի Հոր ծոցից մեզ մոտ գալը (Հովհ., 3. 31): Իսկ ես, ասում է, երկրից խոսեցի, գիտություն վերցնելով երկնքից: Իսկ նա, որ երկնքից է գալիս, խոսում է Հոր կողմից և կատարում է Հոր գործը: Ինչպես և Տերն ինքը ասում էր հրեաներին. «Ես Հոր մեջ եմ, և Հայրը իմ մեջ է. ինչ տեսնում եմ, թե Հայրը կատարում է, նույնը և ես եմ գործում, որովհետև ես հենց այն բանի համար եմ եկել, որ կատարեմ իմ Հոր կամքը, և ես կատարելու եմ Նրա գործը» (Հովհ., 5. 19: 10. 38: 14. 10):

185 (443). Նա ասաց նաև հրեաների առիթով, թե «Նրա վկայությունը դուք չեք ընդունում: Իսկ ով ընդունում է Նրա վկայությունը, ծրարել և կնքել է, որ արդարությունն անկորուստ լինի, և երդմամբ (հաստատած) կլինի, որ արդարեւ Աստված ճշմարիտ է» (Հովհ., 3. 32-33), որպեսզի

հավատի արդարությունը լինի աներկբայելի, անփոփոխ և անկործանելի, իսկ երդում՝ կնիք, ինչպես Աբրահամի հետ եղավ (Ծննդ., 22. 16-18: Ղուկ., 1. 73): Որովհետև նա, որ Հոր ծոցից է գալիս, տեղյակ է իր ծնողի մտքերին: Որովհետև նա ոչ թե Հոգու շնորհների ինչ-որ պակաս ունեցող է, այլ ինքը Հոր և Հոգու հետ ունի միասնական կամք, միասնական շունչ և միասնական միտք, որովհետև ինքն է Սուրբ Հոգու շնորհների նվիրողը: Որովհետև Հայրը սիրում է իր Որդուն, և Հոր կողմից ստեղծված ամեն ինչ կատարված է Որդով հանդերձ, և ինչ որ Հորն է, նույնը և Որդունն է, և ինչպիսին Հայրն է, նույնպիսին և Որդին է, և Հոգու բոլոր շնորհները բաշխվում են Որդուց: Եվ «Ով հավատում է Որդուն, ունի հավիտենական կյանք. ով չի հավատում Որդուն, նա հավիտենական կյանք չի տեսնի» (Հովհ., 3. 36):

186 (444). Հովհաննեսը վկայում է և ասում. «Նա, Որի մասին ասում էին՝ Սա է Աստծու Միածին Որդին, ես տեսա և վկայում եմ, թե սա՝ է նա, որ (Իր վրա) վերցնում է աշխարհի մեղքերը» (Հովհ., 1. 29, 34): Սա է այդին ժառանգողը, և Տերը գալիս է զորությամբ, և Նրա բազուկը հզոր է իր իշխանությամբ, որովհետև Սա է Հոր հզոր բազուկը, և իր իշխանությունը իր մեջ է կրում, թեպետև իր կամքով ի հայտ եկավ խոնարհ տեսքով:

187 (445). «Ահավասիկ, – ասում է (Եսայի մարդարեն), – իր հատուցման վարձը իր հետ է» (Եսայի, 40. 10): Նա է բոլորին հատուցողը, «և ամեն մի գործ նրա (հայացքի) առաջ է» (Եսայի, 40. 10), այսինքն, «Նա հաշվի է առնում նրանց բոլոր գործերը» (Սաղմ., 32. 15): «Հովվի նման հովվելու է իր հոտերը» (Եսայի, 40. 11): Եվ որպես կենարար մեր մեջ գալով՝ ասում է. «Ես եմ լավ հովիվը. լավ հովիվը իր կյանքն է տալիս իր ոչխարների համար» (Հովհ., 10. 11)

և «իր բազուկների մեջ հավաքելու է իր գառներին և իր ծոցում է կրելու նրանց» (Եսայի, 40. 11):

188 (446). Եվ Նա՝ Կենարարը, գալով ցույց տվեց այդ՝ հավաքելով մանուկներին և վերցնելով (նրանց) իր աստվածային ձեռքերի վրա (Մարկ., 9. 35-36): Եվ որպես օրինակ բոլորի համար (ասաց). «Եթե չդառնաք և չլինեք այս մանուկների պես, չեք կարող մտնել Աստծու արքայությունը (Մատթ., 18. 3): Նա հրամայում է նորոգվել (հոգեպես) և ազատվել հին մարդկային (բնությունից) մկրտության ավագանի միջով: Թեպետև մարդ կարող է շատ հոգնած և ճնշված լինել, տանելով չափազանց ծանր մեղքերի բեռը, ինչպես ասում է (սաղմոսերգուն). «Ահավասիկ, ով որ անօրենություն երկնեց, չարիք հղացավ և անիրավություն ծնեց» (Սաղմ., 7. 15), բայց Կենարարը, բացելով ապաշխարության դռները, մեր մեջ է հանդրվանել, նա բացականչում և ասում է. «Եկեք ինձ մոտ, բոլոր հոգնածներդ ու բեռնավորվածներդ, և ես կհանգստացնեմ ձեզ. իմ լուծը ձեզ վրա վերցրեք և սովորեցեք ինձնից, որովհետև հեզ եմ, հանդարտ և սրտով խոնարհ, և ձեզ համար հանդիսաւ պիտի գտնեք, որովհետև իմ լուծը քաղցր է և իմ բեռը՝ թեթև» (Մատթ., 11. 28-30):

189 (447). Բայց եթե որևէ մեկը հարցնի, թե ո՞վ է լինելու մեղքերի տակ կքած ծանր բեռնավորվածներին միխթարողը, նրա ով լինելու մասին թող լսի Եսայու մարդարեռությունը, որն ասում է. «Ո՞վ կարողացավ իր ափով չափել բոլոր ջրերը, կամ թզով՝ երկինքը և քլով՝ համայն երկիրը. ո՞վ կարողացավ լեռները կշռել կշեռքով և դաշտերը՝ նժարով: Ո՞վ իմացավ Տիրոջ մտքերը, կամ ո՞վ խորհրդատու դարձավ նրան» (Եսայի, 40. 12-13): Նա, Հորից իմանալով ընդունված վճիռը, եկավ և, մարդ դառնալով, քարոզեց աշխարհին՝ իր սիրով բոլորին խառնելով Աստվա-

ծությանը: Այնուհետև եկավ լույսը, որը եկավ «լուսավորելու ամեն մի մարդու, որ գալու է աշխարհ» (Հովհ., 1. 9), Նա քարոզում և ասում էր. «Ապաշխարեցեք, որովհետև երկնքի արքայությունը մոտեցել է: Ժամանակը հասել է: Հավատացեք Ավետարանին» (Մատթ., 3. 2: Մարկ., 1. 15):

190 (448. L). Եվ ահա, երբ Նա անցնում էր ծովեզերքով, տեսավ Պետրոսին, Անդրեասին, Հակոբին և Հովհաննեսին և նրանց ետ կանչեց ձկնորսությունից: Նրանք տեղնուտեղը, արագ թողեցին իրենց հորը՝ նավակի հետ միասին և գնացին նրա հետևից: Եվ շատ ուրիշների՝ տարբեր զբաղմունքների տեր մարդկանց նա կանչեց և անվանեց իր տասներկու աշակերտները և առաքյալները, որոնց հրահանգեց ազատվել ամեն տեսակի զբաղմունքներից: Նրանք գնում էին նրա հետևից, արժանի դառնալով (ականատեսլինելու) Աստծու կողմից սահմանված ավանդության խորհուրդի (իրականացմանը):

191 (449). Դրանից հետո մարդասեր Քրիստոսը սկսեց գործադրել իր ամենակարող բժշկական արվեստը, բուժել (մարդկանց) բոլոր ախտերը և ցավերը և կատարեց սուրբ մարդարեների<sup>1</sup> նախկինում արված կանխագուշակումը, համաձայն այն խոսքի, որն ասում է. «Նա մեր հիվանդությունները (իր վրա) կվերցնի» (Եսայի, 53. 4: Մատթ., 8. 17), և արդարացրեց նրանց խոսքերը, թե՝ «Նա արդարացնում է իր ծառաների խոսքերը (և ի կատար է ածում խորհուրդները իր) մարդարեների» (Եսայի 44. 26):

192 (450). Եվ ապա Նա սկսեց խոսել այլաբանորեն. «Ամեն տեղ կերկրապատեն Հորը (Հոգով և) ծշմարտությամբ, քանի որ Հայրն էլ իրեն այլպիսի երկրպագուներ է ուզում» (Հովհ., 4. 23), կամ էլ՝ «Ողորմություն եմ կամենում և ոչ՝ զոհ» (Օսեե, 6. 6: Մատթ., 9. 13: 12. 7): Եվ որ «Ես եմ Հոր

Որդին, որովհետև Հայրն իմ մասին է վկայում ճշմարտության Հոգով», և թե Մովսեսը ժամանակին գրել էր ձեզ իմ մասին, և Հակոբը Հուղայի երկրին ասել էր իմ մասին. «Հուղայից իշխան չի պակասելու, ոչ էլ առաջնորդ՝ նրա կողերից, մինչև որ գա Նա, Ում պատկանում է թագավորությունը, որովհետև Նա է հեթանոսների հույսը» (Ծննդ., 49. 10):

193 (451). Նաև, որ «բոլոր մարգարեները իմ մասին գրեցին, տեղեկություն ստանալով ինձ Ուղարկողից, և Հայտնեցին, թե այդին ինձ է պատկանում, և դուք մշակներն եք: Ես եկա, որովհետև Ես եմ ժառանգործ այգու» (Հմմտ. Մատթ., 21. 28: Մարկ., 12. 7: Ղուկ., 20. 14): «Ես եկել եմ փնտրելու այգու պտուղը, որ վերցնեմ, ինչի համար էլ ինձ ուղարկեց իմ Հայրը, և Ես եկել եմ իմ Հոր կամքը կատարելու համար» (Հմմտ. Հովհ., 5. 30): Եվ (ասում է), թե՝ «Ես եկա կատարելու Աբրահամին խոստացված բարեխոսությունը, որովհետև բարի լուրերով է ապրում Աբրահամի տոհմը, որպեսզի նրանք իմանան, որ Աբրահամի զավակներն են» (Հմմտ. Հովհ., 8. 37): Եվ Նա անմիջապես ճշմարտությունն արտաքրեց. «Ես եմ, նախքան Աբրահամի լինելը» (Հովհ., 8. 58): Եվ ապա դրանից հետո, ստիպելով նրանց բարձրանալ մտավոր Հայացքով, ինչպես ասված է, Հարցրեց նրանց այն մարգարեռության մասին, թե՝ «Ինչպես եք դուք Քրիստոսին Դավթի որդի անվանում, որին ինքը՝ Դավիթը Սուլը Հոգով կոչում է Տեր և ասում է. «Տերն իմ Տիրոջն ասաց՝ նստիր իմ աջ կողմում». (իսկ եթե Դավիթը նրան Տեր է կոչում), ինչպես նրա որդին կլինի» (Մատթ., 22. 43-45: Մարկ., 12. 35-37: Ղուկ., 20. 41-44: Մաղմ., 109. 1):

194 (452). Տարբեր Հայտնություններով և առակներով Նա նույնպես հանդիմանում և մերկացնում էր նրանց կեղ-

ծավորությունը, ամբարշտությունը և անօրենությունը: Իսկ նրանք, ճշմարտության հանդեպ խուլ և կույր դարձած, նախանձով լցված, ելան իրենց հոգիները կործանելու՝ իրենց չարության դառնության մեջ: Իսկ Նա իր մարդասիրությամբ եկավ՝ բժիշկ լինելու, կույրերին լույս տալու, կաղերին (ուղիղ) քայլեցնելու, բորոտներին մաքրելու, բոլոր նրանց, ովքեր գերված էին սատանայից, փրկելու, անդամալույծներին ոտքի կանգնեցնելու, խուլերի (լսողությունը) բացելու, համբերին խոսեցնելու, մեռածներին կենդանացնելու: Իրեն Հավատացողներին Նա ուժ տվեց կոխկրտելու սատանային և խոստացավ երկնային արքայությունում նրանց օթևաններ պատրաստել (Հովհ., 14. 2-3): Եվ Նա ինքն իրեն բոլորի համար օրինակ դարձրեց՝ ինչպես առաքինաբար տանել զրկանքները:

195 (453). Նա, որ ջուրը գինի դարձրեց, որպեսզի հայտնի դառնա Նրա Աստվածություննը, որ Նա նույն է, որը, ոչնչից ստեղծելով ջուրը՝ ջրի բնությամբ, այդ նույն ջուրը գինի դարձրեց, ինչպես կամեցավ: Եվ Նա, որ մեր մեղքերի համար տանջանքներ կրեց, նույն ինքը եկավ ապաքինում նվիրելու: Եվ շատերը հավատացին Նրա անվանը, երբ տեսան Նրան և այն հրաշքները, որ Նա գործում էր: Բայց Նա, քանի որ սրտագետ էր (Մաղմ., 43. 22), գիտեր մարդկանց բոլոր գաղտնիքները, որովհետև իմացող է (ամեն մի) ծածուկ պահպած բաների (և մտադրությունների):

196 (454 LI). Ապա դրանից հետո Նա վճիռ արձակեց. «Եթե մեկը ջրից ու Հոգուց չձնվի, չի կարող Աստծու արքայությունը մտնել» (Հովհ., 3. 5), և չի նորոգվի երկրորդ անգամ, «որովհետև, — ասում է, — մարմնից ծնվածը մարմին է, իսկ Հոգուց ծնվածը՝ Հոգի: Որովհետև Սուլը Հոգին կրմի՝ որտեղից կամենա, նրա ձայնը կլսես, սակայն չգիտես, որտեղից է գալիս կամ ուր է գնում» (Հովհ., 3. 6-8).

«որովհետև ոչ ոք երկինք չի ելել, եթե ոչ նա, որ իջակ երկնքից՝ մարդու Որդին» (Հովհ., 3. 13):

197 (455). Եվ նա ասաց իր առաջիկա չարչարանքների մասին. «Ինչպես որ Մովսեսը անապատում բարձրացրեց օձը, այնպես էլ մարդու Որդին պետք է բարձրանա, որպեսզի, ով Նրան հավատում է, հավիտենական կյանքը ընդունի, քանի որ Աստված այնպես սիրեց աշխարհը, որ մինչև իսկ իր Միածին Որդուն տվեց, որպեսզի, ով Նրան հավատում է, չկորչի, այլ ընդունի հավիտենական կյանքը, որովհետև Աստված իր Որդուն չուղարկեց աշխարհ, որ դատապարտի աշխարհը, այլ՝ որպեսզի աշխարհը Նրանով փրկվի: Ով Նրան հավատում է, չպիտի դատապարտվի, իսկ ով Նրան չի հավատում, արդեն իսկ դատապարտված է, քանի որ Աստծու Միածին Որդու անվանը չհավատաց» (Հովհ., 3. 14-18): «Յուրայինների մոտ եկավ, բայց յուրայինները Նրան չընդունեցին» (Հովհ., 1. 11): Նրան, որի երախտիքը, խնամակալությունը և պատվիրանները կային ժամանակների սկզբից, մերժեցին, երբ նա հայտնվեց մարմնով:

198 (456). «Եվ դատաստանը այսպես իսկ է, որ լույսը եկավ աշխարհ, սակայն մարդիկ խավարն ավելի սիրեցին, քան լույսը, որովհետև իրենց գործերը չար էին. որովհետև, ով չարիք է գործում, ատում է լույսը և չի գալիս դեպի լույսը, ոպեսզի նրա գործերը իր երեսովը չտան: Իսկ ով կատարում է այն, ինչ ճշմարիտ է, գալիս է դեպի լույսը, որպեսզի նրա գործերը հայտնի լինեն, թե Աստուծով կատարվեցին» (Հովհ., 3. 19-21): Եվ Աստծու Որդին բոլորին սովորեցրեց արդարության ճանապարհները, իսկ անօրեն հրեաները, խավարին սովոր մարդիկ, սկսեցին կեղծավորել, և այդու մշակները մտածում էին՝ ինչպես սպանեն Նրան, և չին համարում, որ իրենք արժանի են հավիտենական կյանքի:

Իսկ այդպիսի մարդկանց նա գեհեն խոստացավ, ասելով՝ «Վա՞յ ձեզ (օձեր, իժերի ծնունդներ)» (Մատթ., 23. 33):

199 (457. LII). Եվ բարերար Տերը հավաքեց իր տասներկու աշակերտներին, որոնց նաև առաքյալներ կոչեց, և էլի յոթանասուներկուտափն, խրատեց և սովորեցրեց նրանց Աստվածային պատվիրաններ, և վկա դարձնելով՝ քարոզեց նրանց, և անվանեց «Իր սիրելիները և բարեկամները» (Ղուկ., 12. 4: Հովհ., 15. 15), թե՝ «Ասում եմ ձեզ՝ իմ սիրելիներին, մի զարհուրեք նրանից, որ մարմինն են սպանում և հոգին չեն կարող սպանել» (Ղուկ., 12. 4: Մատթ., 10. 28): Եվ թե՝ «Ես ձեզ գիտեմ որպես իմ բարեկամներ» (Հովհ., 15. 15), և թե՝ «այն, ինչ Հայրը մի անգամ ասաց ինձ և ցույց տվեց, ես ձեզ ցույց տվեցի» (Հովհ., 5. 20: 10. 32): Եվ հայտնեց նրանց՝ Հորից իր դուրս գալը և վերադարձը և նույնը, ասելով՝ «Ելա Հորից և եկա աշխարհ, և դարձյալ թողնում եմ աշխարհը և գնում Հոր մոտ» (Հովհ., 16. 28):

200 (458). Նա տվեց նրանց նաև ավետիսը՝ Հորից Սուրբ Հոգու ուղարկվելու մասին, թե «Ես գնում եմ և ուղարկում եմ Մխիթարիչին, որը գալով մխիթարելու է նրանց, ովքեր ինձ համար վշտացան» (Հովհ., 14. 16: 15. 26: 16. 7): Տե՛ս (Երեքի) հավասարությունը, տե՛ս (նրանց) միասնական գորությունը, տե՛ս էականությունը, տե՛ս կամքի լիակատար միասնությունը: «Եվ նա, — ասում է, — գալով լցնելու է իմ տեղը՝ ձեզ համար, և նույն ճշմարտությամբ է առաջնորդելու ձեզ, և հանդիմանելու է այս աշխարհը, որովհետև ինձ չհավատացին, դատապարտելու է նաև այս աշխարհի կարծեցյալ իշխանին: Նա ասելու է ձեզ ամբողջ ճշմարտությունը իմ մասին, որովհետև Հոր կողմից է ուղարկված: Նրա գալուստը վկայում է իմ՝ Հոր մոտ գնալու մասին: Երբ որ նա գա՝ ամենայն ճշմարտությամբ կառաջնորդի ձեզ» (Հմմտ. Հովհ., 16. 8-13):

201 (459. LIII). Հիսուսն այնուհետև բացեց իր՝ նախապես սահմանված չարչարանքների խորհուրդը, որ լինելու էր երուսաղեմում: Դրա մասին էին շատ անգամ արված կանխագուշակումները, որ նա մեռնելու է և երրորդ օրը հարություն է առնելու (Մատթ., 16. 21; Մարկ., 8. 31; Ղուկ., 9. 22):

202 (460). Եվ ո՞ւմ համար արդյոք նա գնալու էր մահվան, մի՞թե նա պարտավոր էր մեռնել: Բայց մարդարեն ասում է, թե՝ «Նա որևէ անօրենություն չփորձեց, և նենգությունը տեղ չգտավ նրա բերանում» (Եսայի, 53. 9): Դրա մասին ինքն էլ էր ասում. «Զեզնից ո՞վ կհանդիմանի ինձ մեղքի համար» (Հովհ., 8. 46): Եվ արդյո՞ք ըստ օրենքի էր նա արժանի մահվան: Բայց նա ասում է. «Ես եկա օրենքը կատարելու» (Մատթ., 5. 17), ինչի մասին է վկայում նաև մարդարեն. «Օրենքի կատարումը Քրիստոսն է» (Հովմ., 10. 4): Եվ արդյո՞ք անհրաժեշտ էր, նա մեռներ բռնավորների ձեռքից: Բայց նա ասում է. «Ես ինքս եմ իմ կյանքը տալիս, այն ինձնից ոչ ոք չի վերցնի: Ես ինքս եմ, – ասում է, – կյանքս տալիս, որպեսզի վերստին այն առնեմ» (Հովհ., 10. 17-18):

203 (461). Իսկ ինչո՞ւ է նա կամենում իր կյանքը տալ՝ արժանի չլինելով մահվան: «Ես եմ, – ասում է, – լավ հովիվը, որ կյանքս եմ տալիս իմ ոչխարների համար» (Հովհ., 10. 11): Ինչպիսի՞ ոչխարների՝ անհնագանդ, փախչող, գաղանների կեր դարձողների համար, որոնց մասին վաղուց մարդարեն ասել էր, թե՝ «ամենքն էլ մոլորված ոչխարների պես են. և ամեն մի մարդ իր ճանապարհին մոլորվեց, և Տերը նրան մատնեց մեր մեղքերի համար, և իմ ժողովրդի անօրենությունների պատճառով նա մահվան մատնվեց» (Եսայի, 53. 6, 8):

204 (462). Դրա մասին տիրասպան ազգի քահանայա-

պետը<sup>1</sup> ակամա մարդարեացավ. «Ավելի լավ է, որ մեկ մարդ մեռնի ժողովրդի համար, քան թե ամբողջ ազգը կորչի» (Հովհ., 11. 50): Բայց նա դա ասում է ոչ միայն մեկ ազգի համար, այլ Աստծու բոլոր զավակների, որոնք ցրվել են ազգերի բաժանման ժամանակ և որոնց նա ի մի պիտի հավաքի: Վկայում է և Պողոսը, թե՝ «Աստված իր սերը մեր հանդեպ հայտնեց նրանով, որ, մինչդեռ մեղավոր էինք, Քրիստոս մեզ համար մեռավ» (Հովմ., 5. 8), և թե՝ «(Քրիստոս), ճիշտ ժամանակին, (մեզ)՝ ամբարիշտներիս համար մեռավ» (Հովմ. 5. 6):

205 (463). Եվ ահա, իր աշակերտների հետ միասին նա եկավ Զիթաստանների լեռը՝ ի կատարումն մարդարեի խոսքի, թե՝ «Իմ Տեր Աստվածը, և բոլոր սրբերը նրա հետ, պիտի գա և հասնի, և այն օրը նրա ոտքերը կանգնելու են Զիթենյաց լեռան վրա՝ երուսաղեմի դիմաց, արեելյան կողմը» (Զաք., 14. 4-5):

206 (464). Եվ օրենքի (ընկալման) տոնական օրը նա աշակերտների հետ միասին եկավ կատարելու օրենքը և հայտնելու տոնի հոգեոր խորհուրդը: Եվ իր չարչարանքներից առաջ նա աշակերտներին նվիրաբերեց իր փրկություն տվող մարմինն ու արյունը: Տեսնո՞ւմ ես, որ կամավոր և ոչ թե ստիպողաբար չարչարանքներ է տանում Աստծու Որդին, որը (իր մարմինը և արյունը) ճաշակել տվեց մինչև չարչարանքներ կրելը:

207 (465). Այնուհետև, լեռան վրա մտքում աղոթելով, նա դիմեց Հորը, ոչ այն պատճառով, որ ինչ-որ վախ էր զգում, այլ որպեսզի ցույց տա, որ Հոր հետ միակամ է նախապես որոշված բաները իրագործելու: Դրա մասին նա շատ անգամ ավելի առաջ ասել էր, թե՝ «Ես ինքս ինձանից ոչինչ չեմ խոսում և ինքս ինձանից ոչինչ չեմ անում, այլ Հայրն է, որ իմ մեջ բնակվում է, նա է գործում» (Հովհ., 5.

30: 8. 28: 14. 10): Նա ավելիով կատարում է այն մարդարեական խոսքը, թե՝ «Իմ սիրո դիմաց թշնամանում են ինձ հետ, իսկ ես աղոթում եմ» (Սաղմ., 108. 4):

208 (466). Եվ նա, աշակերտներին հայտնելով Հոր հետ իր միակամությունը, իջավ լեռից, շտապելով իրեն զոհաբերել անհավատների համար. դա ավելի ուժեղացավ, երբ եկած հեթանոսները խնդրեցին աշակերտներից, որ իրենց հետ գնան Հիսուսի մոտ: Սրանով կատարվում է նաև մարդարեական խոսքը, թե՝ «Այսպես է ասում Ամենակալ Տերը՝ «Այն օրերին եթե տասը մարդ բռնեն տարբեր լեզուներով խոսող ազգերից, ապա նրանք էլ պիտի բռնեն մի հրեա տղամարդու փեշից և ասեն՝ «Մենք գալիս ենք քեզ հետ, որովհետեւ լսել ենք, որ Աստված քեզ հետ է» (Զաք., 8. 23): Եվ Հիսուսը, լսելով, ասաց. «Հասավ ժամը, որ փառավորվի մարդու Որդին» (Հովհ., 12. 23): Տեսնո՞ւմ ես, որ նա չարչարանքները փառք է անվանում:

209 (467. LIV). Եվ ահա, երբ մի անգամ ճշմարիտ աշակերտները հավաքվել էին ճշմարիտ Վարդապետ Տեր Հիսուսի, Փրկչի և Բարերարի, Աստծու Որդի և Օծյալի մոտ, Նա հարցրեց նրանց, թե՝ «Ի՞նչ են ասում մարդիկ, թե ես մարդու Որդի՞ն եմ: Նրանք պատասխան տվեցին և ասացին. «Ոմանք ասում են Հովհաննես Մկրտիչն է, մյուսները՝ թե Եղիան է, կամ էլ մարդարեներից մեկը»: Եվ Հիսուսն ասաց. «Իսկ դուք ի՞նչ եք ասում, ես ո՞վ եմ»: Պետրոսը՝ նրանցից առաջինը, ասաց. «Դու Քրիստոսն ես, կենդանի Աստծու Որդին» (Սատթ., 16. 13-16: Սարկ., 8. 27-29: Ղուկ., 9. 18-20): Այդ պատճառով էլ նա երանություն ստացավ: (Հիսուսն) ասաց. «Երանի քեզ, Պետրոս, Հովհանի որդի, որովհետեւ դու այդ գիտությունը ստացար ոչ թե քո երկրային տոհմակիցներից, որոնք քո մարմինն ու արյունն ունեն, (ոչ էլ այլ) մարդկանցից, այլ Հայրը երկնքից

դրեց այդ քո սրտի մեջ և հայտնեց քեզ» (Սատթ., 16. 17-18): Եվ գարձրեց նրան բոլոր եկեղեցիների հաստատության վեմ (Հմմտ. Սատթ., 16. 18: Հովհ., 1. 42):

210 (468). Եվ առաքյալները դարձան հիմք (Եփես., 2. 20) և ստացան քահանայության, մարդարեության, առաքելության և երկնավոր խորհրդի գիտության շնորհները, որ գալիս էր Արքահամյան տոհմից, որը ժառանգության ավանդապահ Հովհաննեսը տվեց Տիրոջը, և Տերը տվեց դաստաքյալներին: Նաև Արքայության բանալինները նա նրանց ձեռքը հանձնեց, որովհետև Աստծու Որդին հնքը դարպասն էր մտնողների համար. դրա մասին էր մարդարեն բացականչում՝ «սա Տիրոջ դուռն է, և արդարները այս դունով պիտի մտնեն» (Սաղմ., 117. 20): Եվ այսպես, Հովհաննեսը տվեց քահանայությունը, զորությունը, մարդարեությունը և թագավորությունը մեր Փրկիչ Քրիստոսին, և Քրիստոսը տվեց առաքյալներին, իսկ առաքյալները՝ եկեղեցու մանուկներին<sup>1</sup>:

211 (469). Նրանք (առաքյալները) Զիթաստանների լեռան վրա համարձակեցին հարցնել Տիրոջը, թե ե՞րբ նա որոշել է քանդել գեղեցիկ տաճարը<sup>1</sup>. «Ասա՛ մեզ, – հարցըրին, – այդ ե՞րբ կլինի, և կամ Քո գալստյան ու այս աշխարհի վախճանի նշանն ի՞նչ կլինի» (Սատթ., 24. 3): Իսկ նա, թեև հրաժարվում էր (պատասխան տալուց), բայց և ասաց. «Այդ օրվա մասին ոչ ոք չգիտե, ո՛չ երկնքի հրեշտակները և ո՛չ էլ Որդին, այլ՝ միայն Հայրը» (Սատթ., 24. 36): Եվ Ղուկասը «Գործք առաքելոց» մատյանում առակի ձեռվ բացատրում էր. «Ձեզ տրված չէ իմանալ, – ասում է, – այն ժամանակները և ժամերը, որ Հայրը հաստատեց իր իշխանության մեջ» (Գործք, 1. 7), – իսկ ուրիշ ո՞վ կարող է լինել Հոր իշխանությունը, եթե ոչ ինքը Որդին: Սակայն նա, մանրամասն նկարագրելով (ապագայում երևացող)

նշանները, աշակերտներին ուսուցանում էր իր ահեղ և ամպագնաց գալստյան մասին:

212 (470). Տեսնո՞ւմ ես, Որդին գիտեր ոչ միայն օրը, այլև ժամը և ձեւը իր գալստյան, և ոչ մի բան անհայտ չէր նրան, բայց լսողների թերահավատության պատճառով խոսում էր՝ հարմարվելով ժամանակին և զգուշորեն: Թեև նա հարց տվողներին մշուշապատ ձևով հաղորդեց երուսաղեմի ավերման մասին, ինչպես և աշխարհի վախճանի վերաբերյալ, բայց և այնպես ոժվար չէ հասկանալ (Նրա ասածը աշխարհի) վախճանի և երուսաղեմի ավերման մասին, եթե որևէ մեկը ցանկանա իսկապես քննել՝ ընտրելով յուրաքանչյուր մի դրվագ:

213 (471). Այնուհետև նա ասաց այն մեծ փորձությունների և սուտ քրիստոների և սուտ մարդարեների և նեռի մասին, որ հրապարակ են գալու (Ա. Հովհ., 2. 18)` նրանց մոլորեցուցիչ հրաշագործությունները նկարագրելով (Մատթ., 24. 24: Մարկ., 13. 22): Դրա մասին առաքյալները ևս ավանդեցին՝ (ասելով) «Վերջին ժամանակն է, հայտնվելու են այսպիսիք» (Հմմտ. Ա. Հովհ., 2. 18: Բ. Թեսաղ., 2. 28): Ապա բերելով նոյի և Ղովտի օրինակները, նա ասաց իր հանկարծակի և արագընթաց գալստյան մասին, որի վերաբերյալ Պողոսն ասում է՝ «Մի ակնթարթում» (Ա. Կորնթ., 15. 52): «Այդ օրերի նեղությունից անմիջապես հետո, արեգակը պիտի խավարի, և լուսինը իր լույսը չպիտի տա, և աստղերը երկնքից պիտի ընկնեն, և երկնքի զորությունները պիտի շարժվեն: Եվ ապա երկնքի վրա մարդու Որդու նշանը պիտի երևա» (Մատթ., 24. 29-30): Վերեից խաչը պիտի փայլի, և նրա լույսը պիտի լցնի ողջ երկիրը, երբ ի կատարումն հատուցման, բոլոր ժողովուրդների նախազգուշացման և բոլոր ազգերին իր բարկության հրով և իր դատաստանով դատելու համար այստեղ նա նշանավորե-

լու է իր երկրորդ գալուստը (Սաղմ., 149. 7: Եսայի, 66. 15): (Դրա մասին) ամբողջ գիտելիքը նա տվեց և հայտնի դարձրեց իր առաքյալներին, հավատացող աշակերտներին և սիրող բարեկամներին:

214 (472. LV). Եվ ահա, երբ նրան (կապված) բերեցին հավաքված մարդկանց մեջ, նա, նկատի ունենալով իր հանդիմանող և հրապարակավ ավանդած քարոզը, ասում է. «Ես բացահայտ ասացի բոլորին. ես միշտ ուսուցանել եմ ժողովարանում և տաճարի մեջ, ուր հավաքվում էին բոլոր հրեաները, և ծածուկ ոչինչ չեմ խոսել» (Հովհ., 18. 20): Նա բարձրածայն ասում էր. «Ով ինձ է հավատում, ինձ չէ, որ հավատում է, այլ նրան, ով ինձ ուղարկեց: Եվ ով ինձ է տեսնում, տեսնում է նրան, ով ինձ ուղարկեց» (Հովհ., 12. 44-45): Եվ այսպես, վկայելով ճշմարտությունը և ուխտելով, նա այնուհետև գնաց, որ ըսկնի ընդդիմադիրների ձեռքը, որպեսզի նրանք, ովքեր մոլորվել էին՝ թիկունք դարձնելով լուսավոր և կյանք տվող ուսմունքից, թերես կենարարին ձեռքերով շոշափելով չարչարելու ժամանակ՝ այդ մոլորվածները սթափվեն և զգաստանան:

215 (473). Որովհետև նա մատնվեց քահանաների և օրենուսույց վարդապետների ձեռքը, որպեսզի իր առաջիկա չարչարանքների վրա ուշադրությունը հրավիրի՝ նրանց օրենքի միջոցով: Բայց նրանք բոնելով դատապարտեցին ամենքի Դատավորին, համաձայն այն ամենի, ինչ (գրվել և) դրվելու էր նրա մասին: Այսպես, Պողոս (առաքյալը) Պիսիդիայի Անտիոքում նրա մասին վկայում է. «Երուսաղեմում բնակվողները (և նրանց իշխանավորները) չճանաչեցին նրան և դատապարտելով՝ կատարեցին մարդարեների խոսքը, որ ամեն չարաթ կարդում էին: Եվ մահվան արժանի ոչ մի հանցանք չգտնելով՝ Պիղատոսին խնդրեցին սպանել նրան» (Գործք, 13. 27-28): Եվ որպեսզի նրան կյանքից

զրկեն, իրենց հանդիման կախեցին փայտից: Տերը դրա մասին սկզբնապես նշել էր Օրենքների գրքում (Հմմտ. Բ Օր., 28. 66), իսկ հետո ասել՝ «Մարդու Որդին պետք է բարձրանա» (Հովհ., 3. 14): Եվ այնտեղ այնուհետև, այն ժամին, լրացավ և կատարվեց Հորի խոսքը. «Նա է, որ հրամայում է արեգակին, ու սա չի ծագում, փակում է աստղերի աշխարհատարած ճառագայթների դեմք և կնիք է դնում յուրաքանչյուր փայլուն աստղի վրա» (Հմմտ. Հոր, 9. 7, 12):

216 (474). Եվ վեցերորդ ժամից, ասում է ավետարանիչը (Հմմտ. Մատթ., 27. 45), խավարը պատեց երկիրը մինչև օրվա իններորդ ժամը, ի կատարումն Ամոսի մարգարեռության. «Այդ օրը,— ասում է Տեր Աստված,— արեգակը մայր պիտի մտնի միջօրեին, և երկրում լույսը պիտի խավարի ցերեկով» (Ամոս, 8. 9): Նրա նման է և Զաքարիայի ասածը, թե «այն օրը լույս չի լինելու, այլ լինելու է մի ցուրտ ու պարզ օր: Դա պիտի լինի (միայն) Տիրոջը հայտնի օր. ո՛չ ցերեկ պիտի լինի և ո՛չ էլ գիշեր, և լույս կլինի (միայն) երեկոյան» (Զաք., 14. 6-7):

217 (475). Եվ ի՞նչ է նշանակում «Տիրոջը հայտնի այն օրը», եթե ոչ մարգարեների միջոցով նախապես ասվածը, թե դա Տիրոջ օրն է, որի նշանակված ժամանակը հասել էր: Այսպես և Դանիելը, հրեշտակից տեղեկանալով, գրեց. «Վաթուներկու յոթնյակից հետո կսպանվի օծյալը» (Դան., 9. 26): Իսկ «Տիրոջը հայտնի» խոսքն ասում է արեգակի միջոցով ցույց տրվող նշանների համար, ինչպես (աշխարհի) արարման սկզբում լուսատուներին ստեղծելիս ասաց՝ «թող (լուսատուները) նշանների համար լինեն» (Ծննդ., 1. 14): Այդ պատճառով նա երկարացրեց իր մահը, զուգաղիպեցնելով այն խավարման ժամի նշանին, որպեսզի «նայեն և տեսնեն նրան, Ում խոցեցին» (Հովհ., 19. 37): Իսկ նրանք, ավելի ու ավելի ընկղմվելով խավարի մեջ և

հասնելով մինչև մոլորության հատակը, համրացած չների պես (Եսայի, 56. 10), չկարողացան (ոչ մի) խոստովանության խոսք ասել:

218 (476). Եվ նա կատարեց ամեն ինչ, ինչպես ավետարանիչն է ասում. «Այնուհետև Հիսուս, գիտենալով, թե ահա ամեն ինչ կատարված է, որպեսզի կատարվի գրվածը, ասաց՝ «ծարավ եմ» (Հովհ., 19. 28). այպանության բաժակով նրան լեղիով խառնած քացախ մատուցեցին, ինչի առիթով նա բացականչեց՝ «ամեն ինչ կատարված է» (Հովհ., 19. 30): Այդ ժամանակ կատարվեց նաև մարգարեի խոսքը, թե «Նա ինքն է վերջ տալու» (Նավում, 1. 9): Վկայում է նաև Պողոսը, թե «Եվ երբ կատարեցին այն ամենը, ինչ նրա մասին գրված էր, (խաչափայտից) իջեցնելով նրա դին՝ գերեզման գրեցին» (Գործք, 13. 29):

219 (477). «Եվ ժամը իննի մոտ,— ասում է,— Հիսուսը բարձր ձայնով գոչեց ու ասաց. «Ելի՛, Ելի՛, լա՞մա սաբարթանի»», այսինքն՝ «Աստված իմ, Աստված իմ, ինչո՞ւ թողեցիր ինձ» (Մատթ., 27. 46: Մարկ., 15. 34. Սաղմ., 21. 2): Տեսնո՞ւմ ես, որ մեռնելիս նա ուսուցանում է լինել անոխակալ, ինչի միջոցով էլ սովորեցնում էր իրեն խաչակից ավագակին, հարյուրապետին և շատ ուրիշների: Որովհետև նա կամավոր էր գնացել մահվան և ոչ թե որևէ ամենազոր մեկից բռնությամբ պարտադրված: Այդ պատճառով էր, որ բարձր ձայնով գոչեց, որ կատարվեն մարգարեի ասածները, թե «Արեգակն ու լուսինը կխավարեն, և աստղերը կթաքցնեն իրենց լույսը» (Հովել, 2. 10: 3. 15) և «Տերը Սիոնից կկանչի և երուսաղեմից իր ձայնը կտա» (Հովել, 3. 16):

220 (478). Արդ, մարդկանցից ո՞վ է, որ աղաղակում կամ գոչում է հոգու տագնապի ժամանակ, երբ մոտ է մահվան. նրա բերանը փակ և ինքը անխոս է լինում մեռնելուց անմիջապես առաջ: Իսկ հոգիների Ստեղծող Քրիստոսը

(մարդկության հանդեպ) ինքնաբուլս սիրուց գնալով մահվան, ահեղ նշաններին զուգընթաց բարձրածայն ազդարարեց այն մասին, որ նաև մեռնելիս Նա կամքով և գործով միասնական է Հոր հետ։ Եվ Նա աշխարհի (փրկության) համար իր հավաստի մահը բացահայտ դարձրեց՝ ասելով մարդարեական խոսքը՝ «Աստված՝ իմ, Աստված՝ իմ, ինչո՞ւ թողեցիր ինձ» և «Քո ձեռքն եմ ավանդում իմ հոգին» (Ղուկ., 23. 46: Սաղմ., 30. 6):

221 (479. VI). Եվ որպեսզի նենդ մարդկանց կողմից Հնարավոր չլինի որևէ կասկած նրա արագ և լուսավոր հարության վերաբերյալ, Նրան իջեցրին փայտից և դրին գերեզման, ինչի մասին հնքն իսկ նախապես ակնարկել էր՝ բերելով մարդարեի օրինակը՝ «Ինչպես Հովնանը երեք օր և երեք գիշեր ձկան փորի մեջ էր, նույնպես և մարդու Որդին լինելու է երկրի սրտում» (Հմմտ. Մատթ., 12. 40): Դրանով նա ի կատար ածեց Եսայու տեսիլքը, թե «Աչավասիկ ես Սիոնի հիմքում թանկագին քար եմ դնում» (Եսայի, 28. 16). Նրա հետ նաև Հոգեպատում սաղմոսերգուի (Խոսքը) այն մասին, թե «Ինձ իջեցրին մահվան հողի մեջ» (Սաղմ., 21. 16). այս մասին վկայում է նաև Պողոսը. թե՝ «(Քրիստոս) մեռաք՝ բատ (Սուլքը) Գրքի և թաղվեց» (Ա Կորնթ., 15. 3-4):

222 (480). Հրեաները, որ հմուտ էին և տեղյակ այս խոսքերին, հաղորդելով դատավորին Քրիստոսի այն խոսքը, թե «Երրորդ օրը հառնելու եմ» (Մատթ., 16. 21; Սարկ., 8. 31; Ղուկ., 9. 22), վերցրին զինվորների մի ջոկատ, որպեսզի նրանք, անքուն, աչք չփակելով, գիշերապահ լինեն և ուշադիր հսկեն (գերեզմանը): Իսկ Տերը, իր խոսքի համաձայն, հառնեց երրորդ օրը, որպեսզի, ինչպես Հոր կամքով եղած մահը, նույնպես և հարությունը փառքով, կատարվեն մարդարեի ասածները, թե՝ «Երկու օրից հետո երրորդ օրը հարություն ենք առնելու և կանգնելու ենք նրա առաջ,

և հետամուտ կլինենք ճանաչելու Տիրոջը, և նրան պատրաստ կդտնենք ինչպես առավոտը» (Հմմտ. Օսեե, 6. 3): (Աստված) այդպիսով խափանեց «մահվան երկունքը, քանի որ կարելի չէր, որ այն արգելի նրան» (Գործք, 2. 24), քանի որ Նա մեղքերի համար վաճառված չէր, և թեպետ վերքեր ստացավ և համարվեց, որ ննջեցյալների հետ է գերեզմանում, որպեսզի (Իր վրա) վերցնի մեղքերը և բժշկի իր արարածներին, Նա հանդես եկավ «(որպես) անօդնական մի մարդ, լքված՝ մեռյալների մեջ» (Սաղմ., 87. 5-6):

223 (481). Προψήκειτε Ένα` μήτωκεν και γέμετε  
ρήγης αργαστηρά, υψηλάνεις «φορηταίσιας αγαπητός μαχητής  
επιλογής ερευνητής αργούτανος θεοφόρου» (Βεσσαρίονης, 25. 8):  
Այդ պատճառով Նա կատարեց (մարգարեթ) խոսքն այն  
մասին, թե «Դժոխքում չես թողնի դու իմ հոգին, և քո  
սրբին ապականություն տեսնել չես տա: Ինձ ցույց տվիր  
կյանքի քո ճանապարհները, Հագեցրիր ինձ երեսիդ ուրա-  
խությամբ» (Սաղմ., 15. 10-11): Նա էր, որ ասել էր՝ «Ես եմ  
լավ հովիվը, իմ կյանքն եմ տալիս իմ ոչխարների համար»  
(Հովհ., 10. 11): Եվ ելավ այնուհետև երկրից բանավոր ոչ-  
խարների հովիվը և ի կատար ածեց մարգարեթ խոսքը այն  
մասին, թե «(ո՞ւր է) Նա, որ երկրից դուրս բերեց հոտերի  
հովիվին (Βεσσαρίονης, 63. 11), որն առաջալը մեկնաբանում է, թե  
«մեռելների միջից հանեց մեր Տեր Հիսուս Քրիստոսին, ո-  
րը հավիտենական ուխտի արյունով (ոչխարների) մեծ հո-  
վիվն է» (Եբր., 13. 20):

224 (482). Եվ որովհետև Նա շատ անգամ, փոխաբերական ձեռվ լսելի դարձնելով, ասել էր իր չարչարանքների և երրորդ օրը հարության մասին, (և ասում էր դա) ոչ թե պարծանքով և ոչ էլ սպառնալով, այլ որպեսզի քաղցրուսույց վարդապետությամբ ճշմարիտ հավատքի բերի մոլորվածներին, (պարզ է, որ) Նա սկզբից էր որոշել իր հարութ-

յան ժամը, որպեսզի նրանք, ովքեր չիմացան, երբ Նա ծնվեց կույսից, թերևս այն ժամանակ, երբ Նա կդա գերեզմանից, կշտապեն հասնել (երկնային) արքայության: Որովհետեւ Կենդանարարը եկավ կենդանություն ունեցողներին (հավերժական) կյանք տալու համար, իսկ նրանք հուսահատ հանձնվեցին մահվան:

225 (483). Ապա Նա մեռավ մեռածների համար և հառնեց, որպեսզի իր հարությամբ օրինակ դառնա: Դրա համար էլ հենց գիշերը կատարեց իր լուսավոր հարությունը, որպեսզի պահակներին և հսկողներին (այնուհետև) բացի ճշմարտությունը այն իրադարձությունների, որոնցով ավարտվելու է իր գործը: Նրանց պատեց խոր և ահավոր սարսափը աղետալի երկրաշարժից և պատռվող քարերից, բացվող գերեզմաններից և հառնող մեռյալներից (Մատթ., 27. 51-52): Սրանով իրականանում էր մարդարեի խոսքը, թե «լեռները դողացին նրանից, և երկիրը սասանվեց նրա հայացքից, և ժայռերը քանդվեցին» (Նավում, 1. 5), ինչից և «խոռվվեցին պահապանները և մեռելների պես եղած» (Մատթ., 28. 4):

226 (484). Իսկ Ողջը կանգնեց և հրեշտակների վկայության միջոցով իմաց տվեց նրանց, ովքեր եկել և սպասում էին նրան, ինչպես և նշել է մարդարեն. «Բարեհաճ է Տերը նրանց նկատմամբ, ովքեր սպասում (ապավինում) են նրան նեղ օրերին, և նա ճանաչում է իրենից երկյուղ կրողներին» (Նավում, 1. 7): Որովհետեւ Նա նախապես հրավիրել էր (նրանց) իր սպասվող լուսավոր հարությանը, որով կատարվեց և մարդարեի խոսքը, թե «Դրա համար սպասիր ինձ, – ասում է Տերը, – մինչև այն օրը, երբ Ես ոտքի կանգնեմ վկայելու» (Սոփ., 3. 8):

227 (485). Պահապաններն այնուհետ ուղղվեցին քաղաք և այնպես հռչակեցին և ազդարարեցին աստվածագործ

հարությունը, մինչև որ նույն գիշերը գերեզմանից եկած կանայք աշակերտներին բերեցին իրենց տեսած հրաշքի բարի լուրը (Մատթ., 28. 8): Ծնչասպառ և վախեցած պահապանները, որ քաղաք էին մտել, քահանաներին և աշակերտներին նույնպես պատմեցին պատահածի մասին, մասնավանդ հուզված ամբոխին, որը գրգռված հավաքվել էր քաղաքի շատ տեղերում:

228 (486). Սրանով իրականացավ նաև մարդարեի կողմից ասված խոստումը, թե՝ «Բացելու եմ ձեր գերեզմանները, – ասում է Տերը, – և հանելու ձեզ՝ ձեր գերեզմաններից» (Եղեկ., 37. 12): Եսային ևս ասում է. «Պիտի հառնեն ու կանգնեն մեռածները, որոնք գերեզմաններում են, որովհետև այն ցողը, որ Քեզնից է, բժշկություն է նրանց համար» (Եսայի, 26. 19): Թերևս, նա նկատի ուներ Քրիստոսի կենդանարար արյունը, որը բոլորի համար հեղվեց խաչի վրա: Եվ որպեսզի պարզ դարձնի, որ այնտեղ նա (կարեոր) մարդարեություն է անում, ուղղակի դիմեց աշակերտներին. «Գնա, իմ ժողովուրդ, մտիր քո շտեմարանները, փակիր քո դռները և թաքնվիր միառժամանակ» (Եսայի, 26. 20):

229 (487). Իսկ (Քրիստոսին) խաչ բարձրացնող կամակոր ազգը, որը խուլ ու կույր էր դարձել ճշմարտության հանդեպ, ոչ մի օգուտ չքաղեց ո՛չ կենդանություն ստացածների, ո՛չ մեռելների հառնելու պատմությունից, ո՛չ էլ սստվածային-հաղթական հարության ահեղ նշաններից: Որովհետեւ հենց նրանց մասին էր Ամենագետը առակի ձևով ասել՝ նկատի ունենալով այն, ինչ պիտի լիներ մեծատունի հետ. «Եթե Մովսեսին և մարդարեններին չեն լսում, ապա մեռելներից մեկն էլ եթե գա նրանց մոտ, չպիտի լսեն» (Ղուկ., 16. 31): Դրանց մասին է նաև մարդարեի խոսքը, թե «այն օրը ձեր մասին առակ կհորինեն և ողբ կհնչեցնեն, կողքան և կասեն, թե «Ամբողջությամբ թշվառացանք»

(Միք., 2. 4): Հենց դա արեց իրենց ազգական Պողոսը՝ «Լալով եմ ասում Քրիստոսի խաչի թշնամիների մասին, որոնց վախճանը կորուստ է» (Փիլիպ., 3. 18-19):

230 (488. LVII). Այսուհետեւ, շաբաթվա առաջին օրը  
Քրիստոսը գնում և, (տան) փակ դռներից անցնելով, ե-  
րեւում է աշակերտներին, ասում է ավետարանիչը (Հմմտ.  
Հովհ., 20. 19): Եվ կենդանարար ողջույն տալով՝ Նա մեծ  
ուրախություն պատճառեց աշակերտներին: Հետո կատա-  
րեց սաղմոսերգուի երգը՝ «Մե՛ր Տեր Աստվածը երկաց մեզ,  
կատարեցե՛ք տոնն ուրախության (մատղաշ ճյուղերով)՝  
մուտքից մինչև անկյունները սեղանի» (Սաղմ., 117. 27):  
Իսկ ի՞նչ են նշանակում սեղանի անկյունները, եթե ոչ խա-  
չը, որ անկյունները խաչի չորս թեերն են ցույց տալիս:

231 (489). Մեկը (թևերից) խրված է հողի մեջ, որպեսզի  
ցույց տա, որ Տերը դրել է ոտքերը երկրի վրա, որպեսզի ա-  
մուր վեմի վրա շինի և հաստատի եկեղեցու բարձր հիմքե-  
րը, ինչպես և կանխագուշակել էր մարդարեն, թե «Տերը  
ոտքերս ժայռի վրա հաստատեց, որպեսզի անսասան դարձ-  
նի» (Սաղմ., 39. 3): Իսկ հիմնական թևը՝ կատարը վեր  
ուղղված է, որպեսզի այդ ուղղված թևը լինի հաստատութ-  
յուն տվող թե, վեր բարձրացնի այն մարդկանց բնությու-  
նը, որոնք հենվեցին նրա վրա և դրանով իսկ (Հնարավո-  
րություն ստանան) տեսնելու Հորը, Քրիստոսի գլուխը, և  
բացահայտեն իրենց բնությունը: Իսկ աջ թևը ցույց է տա-  
լիս աջ ձեռքի ուժը, այսինքն, որ աջ թևով ցուցվում են ար-  
դարների ուրախության ցնծությունը, պատրաստվող պար-  
գևները, (չնորհվող) պատկների զարդերը: Իսկ ձախ թևը  
խորհրդանշում է մեղավորների տանջանքները:

232 (490). Οροφές επιτελούσαν την περιοχή της Αράχωβας, οπότε αποφασίζοντας να σταθεί στην περιοχή της Καρδίτσας, οι Έλληνες αποτέλεσαν την πρώτη μεγάλη έπαρση της περιοχής.

տուցած ճշմարիթ զոհաբերություն։ Խոսքը հիրավի չորս  
թևերի մասին է, որպեսզի նրանք ուղղված լինեն աշխարհի  
չորս կողմերը և ուրախություն տան ողջ տիեզերքին այս  
սեղանից՝ երկնավոր և երկրավոր արարածներին (Եփես., 2.  
10), և սանդարամետի բնակիչներին (Փիլիպ., 2. 10), և հիմ-  
քերի հիմնագիրներին, որ առաքյալներն ու մարգարեներն  
են։ Եվ երկնավորներին, այսինքն՝ հրեշտակներին, հոգեղենն  
զորքին, որոնց համար մեծ ուրախություն էր և է կյանքի  
անակնկալ ցանկալի վերադարձը։ Իսկ երկրավորները մար-  
դիկ են, որ ապրում էին և վերադարձան Տիրոջ մոտ։ և այժմ  
դուք էլ ցանկանում եք ապրել Քրիստոսի այցելության  
շնորհիվ։ Սանդարամետականներն էլ ննջեցյալներն են, ո-  
րոնց նա վրկեց իր գալստյամբ։ Որովհետև խաչը, այ-  
սինքն՝ բարձրացված խաչը, ցույց է տալիս Հաղթողին, իսկ  
դեպի վեր ուղղված թեր ցույց է տալիս հաղթանակը։

233 (491). Եվ այս սեղանից վայելեցին նախ առաքյալ-ները, որովհետև նրանք տեսան Նրա Հարությունը և ուրա-խությամբ Համակվեցին: Եվ կատարվեց, իրականացավ այն խոսքը, թե «Կատարեք տոնն ուրախության (մատղաշ ճյու-ղերով), մուտքից մինչև անկյունները սեղանի» (Սաղմ., 117. 27): Այնտեղ իրականացավ նաև սաղմոսերգուի երգը: «Հանեց քուրձն իմ և ինձ ուրախություն Հազցըրեց» (Սաղմ., 29. 12): Այս խոսքերով ցույց են տրվում Հարություն առածի չարչարանքների նշանները, ինչի մասին է վկայում Պողոսը: «Այսուհետև նա չի մեռնի, և մահը նրան այլևս չի տիրի» (Հոռմ., 6. 9): Եվ որովհետև նա սքանչե-լագործ է և քննողների համար անիմանալի և բոլոր ոչ հնարավոր բաները հնարավոր դարձնող, այդ պատճառով ինչպես չարչարանքից առաջ իր կենդանարար մարմինը և արյունը պարզեց աշակերտներին՝ հայտնելու համար, որ իր կամքով է գնում չարչարանքի, նույնպես և հարութ-

յունից հետո իր մարմնի վրա ցույց է տալիս մեխերի տեղերը (Հովհ., 20. 25-27)՝ հայտնելով, թե վերքերն անկարող էին գերեզմանում արգելված պահել վիրավորների Բժշկին:

234 (492). Նմանապես նա աշակերտների հետ կերակ նոր արքայության մեջ (Հովհ., 21. 12), ցույց տալու համար, որ նա՝ պահանջ չունեցողը և անոթին, կարող է ճաշակել արքայության մեջ, ինչպես և չարչարանքներից առաջ նա (անոթի) շրջում էր երկրի վրա, որը տանջվում էր (հոգեոր) քաղցից և կերակուրի պակասից՝ ինքը դրա կարիքը չունենալով, բայց բոլորին հագեցնելով: Սակայն, ինչպես այնտեղ՝ բերված օրինակում, նա ճաշակեց, որպեսզի հաստատուն պահի աշակերտներին, նույնպես և այստեղ քաղցած մնաց, որպեսզի աշխարհին համոզի, որ իրոք Աստծու իսկական Որդին ծնվեց ծիչտ ժամանակին որպես մարդու Որդի՝ աշխարհին կյանք տալու համար: Այդ նկատի ուներ կանխագուշակող մարդարեն՝ ասելով «Հավիտենական Աստվածը, երկրի սահմանները հաստատող Աստվածը ո՛չ քաղց է զգում և ո՛չ էլ հոգնում, նրա իմաստությունն անքննելի է» (Եսայի, 40. 28): Նա երևաց նաև Կղեռպասին (և նրա ուղեկցին) Եմմառնական պատրիարքին և նրանց առաջ բացեց նրա մասին վկայող ավանդված մարդարեական խոսքերը: (Ղուկ., 24. 13-35):

235 (493). LVIII. Այնուհետև նա երևաց աշակերտներին Տիբերական ծովի մոտ (Հովհ., 21. 1-14), նրանց հաստատուն պահելու համար հրաշքներ կատարեց, և հայտնեց նրանց, որ գերեզմանը փոքր չափով իսկ չի պակասեցրել նրա աստվածային գորությունը, այլ ինչպես իր ծննդյան ժամանակ, և չարչարանքներից առաջ, և չարչարանքների ընթացքում, նա նույն գորությունն ունի և հարությունից հետո: Դրա մասին վկայություն տվեց և երանելի Պողոսը՝

«Հիսուս Քրիստոս երեկ և այսօր և հավիտյանս հավիտենից նույնը» (Եբր., 13. 8):

236 (494). Հետո նա աշակերտներին հիշեցնում և վկայակոչում է իր՝ ավելի առաջ ասվածը, թե՝ «սրանք այն խոսքերն են, որ խոսեցի ձեզ հետ, մինչ ձեզ հետ էի, թե՝ պետք է կատարվեն այն ամենը, որ գրված են իմ մասին Մովսեսի օրենքում, մարդարեների մեջ և սաղմոսներում» (Ղուկ., 24. 44): Հիսուսը շնչեց նրանց վրա և ասաց. «Առեւք Սուրբ Հոգին» (Հովհ., 20. 22): «Եվ այն ժամանակ բացեց նրանց միտքը, որ հասկանան Գրքերը, և ասաց նրանց. «Այսպես պետք է չարչարվեր Քրիստոս և հարություն առներ մեռելներից երրորդ օրը» (Ղուկ., 24. 45-46):

237 (495). Եվ երբ նա կատարեց Աստծու՝ հրեա ժողովրդին վերաբերող ուխտը, որին ավելի առաջ նա մեղադրել էր, ասելով՝ «Եթե ես չգայի և չխոսեի նրանց հետ, նրանք որևէ մեղք չէին ունենա, բայց այժմ չկա արդարացում նրանց մեղքերին, որովհետև տեսան իմ գործերը, որ ուրիշութեալ չէր գործել, և ատեցին ինձ և իմ Հորը» (Հովհ., 15. 24): Նա այնուհետ ուղղեց իր լուսավոր վարդապետությունը հեթանոսներին՝ ի կատար բերելով ավելի առաջ ասված Եսայու մարդարեությունը, թե «Ես իբրև ուխտ տվեցի քեզ ժողովրդին և իբրև լույս՝ հեթանոսներին, որ փրկություն լինես մինչև աշխարհի (չորս) ծագերը» (Եսայի, 42. 6: 49. 6):

238 (496). Եվ աշակերտներին տանելով Զիթենյաց լեռը և ամրապնդելով նրանց միավորող ճշմարտությամբ՝ նա ասաց. «Գնացեք այսուհետև աշակերտ դարձրեք բոլոր հեթանոսներին, և մկրտեցեք նրանց հանուն Հոր և Որդու և Սուրբ Հոգու» (Մատթ., 28. 19): «Եվ բարձրացնելով իր ձեռքերը՝ օրհնեց նրանց, և մինչ նա օրհնում էր, դեպի երկինք վերացավ» (Ղուկ., 50-51),— ասում է ավետարանա-

գիրը, որպեսզի ի կատար ածվի Սաղմոսարանում ասված երգը, թե «Աստված բարձրացավ օր Հնությամբ» (Սաղմ., 46. 6): Նա հրամայեց նրանց. «Դուք նստեցեք երուսաղեմում, և ես կուղարկեմ ձեզ իմ Հոր ավետիսը» (Ղուկ., 24. 49: Գործք, 1. 4), որով և ի կատար ածվեց Ամոսի ասածը. «Նա, որ պատրաստում է իր համբառնալը դեպի երկինք և իր ավետիսը հաստատում երկրի վրա» (Ամոս, 9. 6):

239 (497. LIX). Այժմ աչքի առաջ ունենալով այն ամենը, ինչ ասացինք, վերջում մեր խոսքն ասենք Քրիստոսի կողմից խոստացած ավետիսների մասին՝ միախարություն բերող Սուրբ Հոգու վերաբերյալ: Մանավանդ, որ այստեղ մենք ունենք, որպես ըմբռնելու համար դյուրամատչելի, քաջալերող երանելի Ղուկասին, որը ճանաչված է որպես Քրիստոսի կատարած գործերի գիտակ և խորապես հասկացող, ինչի մասին նա ուղղակի հայտնում է իր՝ աշխարհին ուղղված Ավետարանի սկզբում, ասելով՝ «Ես էլ, որ սկզբից ճշգրտությամբ հետամուտ էի եղել ամեն բանի, կամեցա կարգով գրել քեզ, ով քաջդ Թեոփիլե, որպեսզի ճանաչես ճշմարտությունն այն խոսքերի, որոնց աշակերտեցիր» (Ղուկ., 1. 3-4):

240 (498). Եվ որովհետեւ նա իր Ավետարանի վերջում համառոտ է խոսել Քրիստոսի երկնագնաց ճանապարհի մասին, իր երկրորդ գրքում, առաքյալների հետ կապված դեպքերի մասին խոսելիս, նա անմիջապես իր՝ ավելի առաջ գրված Ավետարանը հիշատակելով, ձեռնամուխ է լինում «Գործք առաքելոց» գրքին՝ հիշատակելով նույն Թեոփիլոսին. «Առաջին պատմությունը գրի առա, ով Թեոփիլե, այն բոլոր բաների մասին, ինչ Հիսուս սկսեց անել և ուսուցանել» (Գործք, 1. 1): Այդ պատճառով էլ կարճառոտ պատմելով (դրա մասին)՝ նա շտապում է անցնել երկինք գնալու (պատմությանը) և ավելի հստակ շարադրել Համբարձման

հանգամանքները, Քրիստոսի՝ աշակերտներին տված հրամանները, և Նրա ճանապարհը ամպերի մեջ և Քրիստոսի Համբարձման համար հրեշտակների իջնելու մասին և Նրա երկրորդ գալուստի մասին՝ ինչպիսին է լինելու:

241 (499). Այնուհետև նա պատմում է Սուրբ Հոգու պայծառ և հույժ սքանչելի իջնելը երկնքից. «Երբ Պենտեկոստեկի օրերը լրացան, բոլորը միասիրտ, միատեղ էին: Եվ հանկարծակի երկնքից հնչեց մի ձայն՝ սաստիկ հողմից եկած ձայնի նման, և լցրեց ամբողջ այն տունը, ուր նստած էին: Եվ նրանց երևացին բաժանված լեզուները, նման բոցեղեն լեզուների, որոնք և նստեցին նրանցից յուրաքանչյուրի վրա: Եվ բոլորը լցվեցին Սուրբ Հոգով ու սկսեցին խոսել ուրիշ լեզուներով, ինչպես որ Սուրբ Հոգին նրանց խոսել էր տալիս» (Գործք, 2. 1-4):

242 (500). Տեսնո՞ւմ ես Սուրբ Հոգու վերին նշաններով փառավոր և հանկարծակի մուտքը<sup>1</sup>: «Եվ հանկարծակի, ասում է, երկնքից հնչեց մի ձայն՝ սաստիկ հողմից եկած ձայնի նման» (Գործք, 2. 2): Եվ հայտնի դարձավ, որ երկնավորները և երկրավորներն իմացան Սուրբ Հոգու իջնելը, մանավանդ որ նա գալիս էր երկնավոր զորքի հետ. և մարդարեն դա տեսնում և կանխագուշակում էր Սաղմոսարանի երգերում, ինչպես ասված է 49-րդ սաղմոսում. «Մեր Աստվածը պիտի գա հայտնապես, և Նրա առջև հուր պիտի բորբոքվի, և Նրա շուրջը՝ սաստիկ մրրիկ: Նա վերևից ձայն պիտի տա երկնքին և երկրին՝ իր ժողովրդին դատելու համար և իր մոտն է հավաքելու իր սրբերին» (Սաղմ., 49. 3-5):

243 (501). Որովհետեւ Սուրբ Հոգին ավելի առաջ վկայություն տվեց Խորայելի տան համար և Քրիստոսի գալստյան մասին ուխտ կապեց երկնքի և երկրի հետ, ժամանակին ասելով՝ «Երկինք, ականջ դիր, որ խոսեմ, և երկիրը թող լսի իմ բերանի պատգամները» (ԲՕր., 32. 1), և մի ու-

րիշ անգամ էլ՝ «Լսիր, երկի՞նք, և ականջ դիր, երկի՞ր, քանզի Տերն է խոսում» (Եսայի, 1. 1):

244 (502). Նա այնուհետև կգա դատաստան անելու, կանչելու է երկինքն ու երկիրը, դատելու է ժողովուրդներին: Դրա մասին Ամենափրկիչն ասաց. «(Սուրբ Հոգին) գալով պիտի հանդիմանի աշխարհը՝ մեղքերի համար, որուհետև չեն հավատում ինձ» (Հովհ., 16. 6-9): Որովհետև իսրայելական տունը լավ գիտեր և մոտ էր Հոգուն՝ չնորհիվ ասպարեզ եկող բազմաթիվ մարդարեների և նրանց սքանչելագործություններով: Եվ աշխարհում նա ոչ սակավ անգամ էր երևացել, և հեթանոս ժողովուրդներին ցուցադրել էր աստվածային Հոգու ուժը: Եվ նա իմաց տվեց ու ծանուցեց դա թագավորներին՝ Հովսեփին ասած փարավոնի խոսքերով. «Մենք չենք գտնում որևէ մեկին քո նմանը, որ ունի Աստծու Հոգին» (Ծննդ., 41. 38): Բաղդասարը նույնպես ասաց Դանիելին<sup>1</sup>. «Մենք գիտենք, որ Սուրբ Աստծու Հոգին կա քո մեջ»<sup>2</sup> (Դան., 4. 6):

245 (503. LX). Իսրայելի զավակներն (մյուսներից) ավելի հայտնի էին մարդարեների շատությամբ և առատությամբ: Մեծն Մովսեսը՝ յոթանասուներկու ծերերի հետ անապատում (Եսայի, 24. 9), իսկ ավետյաց երկրում՝ խմբերով մարդարեներ, որ հայտնվեցին թագավորների ժամանակ, ինչի մասին շարադրված կա թագավորների Գրքերում, որոնց բոլորի մեջ պատմածը ցույց է տալիս (Սուրբ) Հոգու մերձակորությունը: Եսային ասում է. «Տիրոջ Հոգին ինձ վրա է» (Եսայի, 61. 1), և Միքիան, թե՝ «Ես լցվեցի<sup>1</sup> Տիրոջ Հոգու զորությամբ» (Միք., 3. 8): Իսկ Եղեկիելը լրիվ բացեց Հոգու զորության գործողությունը, հայտնելով մարտակառքերի տեսիլքի պատմությունը (Եղեկ., 23. 24-25: 26. 10-12): Կամ էլ երբ նույն ինքը (Եղեկիելը) պատմում էր հարության մասին սքանչելի տեսիլքը. «Տիրոջ ձեռքը

հանգչեց ինձ վրա, և Սուրբը Հոգին բարձրացրեց ինձ, և տարավ (դրեց) ինձ մի դաշտի մեջ, որը լի էր բազում զորքերի ուսկորներով, և ասաց ինձ՝ «Մարդու որդի, արդյոք կկենդանանա՞ն այդ ոսկորները». Ես ասացի՝ «Տեր, Տեր, այդ դու գիտես» (Եղեկ., 37. 1-3):

246 (504). Տեսնո՞ւմ ես, թե ինչպես մարդարեն, ամենաճշմարիտն իմանալով, ցույց է տալիս Սուրբ Հոգու աստվածային պատիվը: Ուշադրություն դարձրու նաև աստվածային հրամանների՝ հին ոսկորների կուտակումների ունեցած ազդեցության վրա, թե ինչպես նա հավաքեց, կապեց բոլոր հոգերը և իրար միացնելով՝ կենդանացրեց և ոտքի կանգնեցրեց (մեռյալներին). Որովհետև ոչ միայն խոսքերից և հրամաններից, այլ առավել ևս կատարված գործերից գուշ կարող ես հասկանալ այդ ճշմարտության բարձր իմաստը:

247 (505). Եվ ահա, այդ նույն զորեղ և ամենակարող Սուրբ Հոգին, Աստծու խորության քննողը (Ա. Կորնթ., 2. 10), որը նախկինում դրված օրենքների համաձայն, ըստ մարդարեների ասածների, ավետել էր Աստծու Որդու կենսաբեր գալստյան մասին, ուղարկվեց աստվածային փառքով տասներկու ընտրյալների ժողովին, «Իր մոտ հավաքելու իր սրբերին» (Սաղմ., 49. 5) և հաստատելու իրողությունն այն գործերի, որ կատարվեցին Քրիստոսի միջոցով:

248 (506). «Եվ նրանց երևացին բաժանված լեզուներ՝ բոցի նման» (Գործք, 2.3), որպեսզի ակնառու ձեռվ փայլի մեջ փառաբանվի (աստվածային) չնորհների վեհությունը: Եվ նրանք, որ լցված էին Սուրբ Հոգով, ստացան մերձավորների հանդիմանությունը, թե «Հարբած են» (Գործք, 2. 15): Բայց նրանք իսկապես հարբած էին մարդարեության բաժակից: Որովհետև նրանք հարբած էին և զվարթացած, և միաժամանակ ողջ աշխարհին էին բերել գերազույն ուրախություն: Դրա մասին նրանց փոխարեն ասում է մար-

գարեն. «Կուրախանամ և կցնծամ քեզնով» (Սաղմ., 9. 3), և կրկին՝ «Կհագենամ՝ տեսնելով փառքը քո» (Սաղմ., 16. 15), և թե «քո բաժակն ինձ արբեցրեց անխառն գինու պես» (Սաղմ., 22. 6), և կրկին՝ «Քո ողորմությունը, Տեր, առաջ է մղելու ինձ» (Սաղմ., 22. 7): Եվ բացեիբաց ծավալվելով՝ հոսեցին Սուրբ Հոգու շնորհները:

249 (507). Եվ նա հայտնվեց իբրև հուր, որպեսզի անպիտանը այրվի, և ընտիրը լցվի Հոգու ուրախության բաժակներով, անսպառ, անանց գանձերի պարգևներով: Եվ նրանք, Հոգու անսպառ հոսքով լցված, հենց այդ ժամանակ լուսավառվեցին բոցկլտացող Հոգու զորությամբ: Եվ նրանք, բարին որոնողների համար պատրաստելով բարությունից բխող ուրախությունը, ողջ աշխարհի համար մատովակներ դարձան և հագեցրին ծարավներին, իսկ անհնազանդներին կործանում խմեցրին:

250 (508). Որովհետև գինու բաժանման սկզբում կտրիծ մարգարե, երիտասարդ Երեմիան, առաջ նետվելով, մեղքերի համար հատուցման և անդառնալի մահվան դառնության բաժակը խմեցրեց բազում ազգերի<sup>1</sup> (Երեմ., 25. 15): Իսկ իրենք (առաքյալները) միասին խմեցին ուրախության Հոգու հուրը և դարձան մատովակներ ողջ աշխարհի համար: Նրանք գնացին ուրախության քաղցր, անուշության բաժակներով ծառայելու թագավորական հարսանիքի արժանացած բազմականներին: Իսկ թույլերին ու ծույլերին, անմիտներին և անամոթներին հավաքեցին և խմեցրին դառնության բաժակների մրուրը, որպեսզի հենց խմելու ժամանակ այրվեն նրանց շրթունքները և նրանց մարմինները<sup>2</sup>:

251 (509). Այս բաժակն ըմպեցին Անանիան և նրա կինը՝ Սափիրան (Գործք, 5. 1-10), և չկարողացան դիմադրել նրա քաղցր գինու ուժին: Նրանք ծարավ զգացին, խմեցին,

հիացան և խիստ ծարավեցին մաղձից, որ թաքնվել էր նրանց փորում. Նրանք չորացան՝ իրենց երկմտության մեղքից և այրվեցին կրակե բաժակի գինու չափազանց ուժեղ համից: Այն բաժակը խմեց և ոմն մի կին՝ Տաթիթան (Գործք, 9. 36-41). գինու մի բաժակը, որ հարբեցրեց և քնեցրեց նրան, վերստին արագ արթնացրեց ու բարձրացրեց նրան՝ արդար առողջությամբ օժտված և հույսով: Խմեց այն բաժակից և Կուռնելիոսը<sup>1</sup> (Գործք, 10. 1-33), որն արժանի եղավ հրավերքի, և շատերին, որ նրա հետ էին, տվեց (խմելու): Շմավոնի<sup>2</sup> մատովակությունը սկիզբ դրեց նրանից եկող ուրախությունների, այն բաժակով, որ նրա ձեռքում էր (Գործք, 8. 13):

252 (510. LXI). Եվ ահա (այդ բաժակը) գալիս ու ծառայում է բոլորին, և ահավասիկ այն հասավ ձեզ: Ահա լի են այս թագավորի մառանները և կազմ ու պատրաստ են խմեցնող մատովակները՝ բաժակները ձեռներին, և դահլիճներում հրավիրվածների համար բացված են սեղանները, քաղցր և բուրումնավետ ուրախության գինին խմելու համար տրվում է բոլոր նրանց, ովքեր այն ցանկանում են խմել հավատով: Պատրաստ է նաև չարության խավարի դառը մրուրը, չարերի խմիչքը, կործանման (տանող) այրիչը:

253 (511). Ահա, ինչ որ ցանկանում եք խմել, երկու տեսակի (բաժակներն էլ) պատրաստ են ձեզ մատուցելու: Դե, խմե՛ք իմաստությունը և ոչ թե անմտությունը, (խմե՛ք) ողորմությունը և ոչ թե բարկությունը, հավատի քաղցրությունը և ոչ թե անհավատության երկմտությունը՝ չարի այրող հուրը, որ կիզում է գեհենում և տանում դեպի խավար, այլ (խմե՛ք) այն բաժակի հուրը, որն ըմպելու ժամանակ լուսավորելու է ձեզ և այրելու ձեր տգիտությունից եկող մեղքերի ժանգը և պահպանելու է ձեր հոգիները ձեր հավատից ծնված հույսի շնորհիվ:

254 (512). Երանելի առաքյալները խմեցին և հարբեցին և ուրախ եղան. և երկու բաժակներից խմել տվեցին ողջ երկիրը, (բոլորին) որ խմեցին ինչ որ ցանկացան: Ահա դուք հարբել էիք տգիտության հիմարությունից, որը և ձեր բաժակին խառնեց մահվան թույնը: Այժմ վերցրեք և հավատով խմեք ձեր հոգիների կյանքի բժշկության բաժակը, որպեսզի ապրեք և փրկվեք այն կրակից, որը գալու է:

255 (513). Ահա ձեզ է հասել պատիմների բաժակը, (բայց դուք) վերցրեք և խմեք խաղաղության բաժակը, որը լցված է օգուտով: Ապաշխարելու ծարավի եղեք, որպեսզի ձեզ միանա միսիթարության ուրախությունը: Խմեք որդեգրության ողին և ո՛չ թե պղծության ողին, որը խմեց Շավուղը<sup>1</sup> և արտաքսվեց: Խմեց Դավիթը և իր Տիրոջ ուրախության մասնակիցը դարձավ: Դուք նույնպես (մասնակից կդառնաք), եթե միայն ցանկանաք: Բարերար է և ուրախություն բերող նա, որ ուղարկեց ձեզ այս առաքյալներին<sup>2</sup>, որոնք եկան ձեր ուրախության համար և բերեցին երկու բաժակ՝ մեկը պատուհասների և մյուսը՝ ուրախությունների:

256 (514). Որովհետև նա, որ իր տասներկու (առաքյալներին) ուղարկեց ողջ երկրում մատովակ լինելու, նույն ինքը ձեզ մոտ ուղարկեց և այս իր վկաներին<sup>1</sup>: Եվ քանի որ դուք հարբած էիք ձեր մեղքերի մոլորությունից, ձեզ հասած պատուհասի մրուրը հարբեցրեց ձեզ, որպեսզի նրանք իրենց մահվամբ Աստծու ավետիսների ճշմարտության մատովակներ լինեն ձեզ մոտ: Նրանք քարոզեցին իրենց տանջանքներով և իրենց արյունը լցրին երկու բաժակների մեջ, որպեսզի հանդիմանեն ձեր սրտերի կուրությունը և անմտությունը: Եվ նրանք ևս պիտի պատրաստեն այդ բաժակները ձեր ուրախության համար, որպեսզի իրենց մահվան միջոցով ձեզ ուրախացնեն՝ կյանքի այն բաժակներով,

որ ինքները խմեցին:

257 (515). Որովհետև նրանք տեսան Տիրոջը և արարածների Ստեղծողին, որն ինքը, իր սեփական կամքով խոնարհվեց մինչև մահվան խոնարհ և անարդ բաժակը և ինքնահոժար խոնարհությամբ խմեց չարչարանքների համբերության բաժակը: Այդ պատճառով ճշմարտության բոլոր առաքինի վկաները իրենց հանձնեցին չարչարանքների՝ նրա Աստվածության համար, որպեսզի իրենց կրած չարչարանքներով և վշտերով դառնան վկաները նրա, որ կրեց դրանք կամավոր, որպեսզի վերացնի մեր անարդությունը, իր վրա վերցնի մեր չարչարանքները և իր բարի կամքով հաղորդակից լինի մեր մահվան: Որովհետև ինչպես նա կամեցավ, ինչ կամեցավ՝ դա կատարվեց, և ինչպես կամեցավ՝ այդպես էլ իրագործեց: Որովհետև նա հագավ մեր հողեղեն բնությունը և խառնեց այն իր անխառն Աստվածության հետ, որպեսզի տա մեզ իր անմահությունը, անվիշտ և անչարչար էությունը: Մեր ապականացու մարմինը<sup>1</sup> նա խառնեց Աստվածության անապականության հետ, որպեսզի անապական դարձնի մեր բնությունը (Հմմտ. Ակորնթ., 15. 53-54):

258 (516). Եվ այս արդարները իրենց մահվամբ ցանկացան վկաներ լինել Տիրոջ մահվան, նրա, որն արարածների մահկանացու բնությանը կյանք տվեց՝ իր մահվամբ: Որովհետև մահը ցանկալի դարձավ մեր Աստծու մահվամբ, որը մեզ համար խմեց բաժակը մահվան և մեզ խմեցրեց բաժակն անմահության: Որովհետև դա ժամանակավոր մահ է, որպեսզի մենք հաջորդ անդամ նորացած ծնվենք հարության փառքի մեջ՝ անփոփոխելի, մշտնջենական կյանքի համար: Ինչպես ինքը Տերն իր սուրբ Ավետարանում ասում է. «Ճշմարիտ, ճշմարիտ եմ ասում ձեզ, եթե ցորենի հատիկը հողի մեջ ընկնելով չմեռնի, միայն հատիկն ինքը կմնա,

իսկ եթե մեռնի, մեծապես կփառավորվի և ազնիվ պտուղ-ներ կտա» (Հովհ., 12. 24):

259 (517. LXII). Իսկ երկրային արարածների ողջ կյանքը նման է հողից ծնվող մշակովի բույսերի կյանքին, որովհետեւ սերմը նախ սերմանվում է արդանդի մեջ և այնուհետեւ աճելով ձեռք բերում մարդկային կերպարանք և ծաղկում որպես Աստծու պատկեր, որովհետեւ, ինչպես վերը ասացինք, «մարդն ստեղծվեց Աստծու պատկերով» (Ծննդ., 1. 26, 27), օժտված իմաստությամբ, բանականությամբ, ինչպես որ մենք պատմեցինք ձեզ այն (առաջին մարդկանց) մասին, որոնք բնարմատից սկսած օրինակ հանդիսացն (մարդկության համար):

260 (518). Եվ ահա, մարդը սկսեց վարել և ցանել հողը, որովհետեւ հենց այն ժամանակ էլ նրա համար սահմանվեց, թե «ինչ որ մարդ կցանի, նույն էլ կհնձի» (Թաղատ., 6. 7): Եվ այս (խրատը) տվեց մարդկանց՝ հասկանալու և իմանալու, որ նրանք՝ իրենց երեացող գործերի միջոցով պետք է վարեն ու ցանեն այն ծածուկն ու չերեացողը, որպեսզի հույս ունենան ստանալու իրենց (ջանքերով) հասունացրած բերքը, որովհետեւ այն, ինչ որ վաստակելու է մարդը (այստեղ) աստվածապաշտության պատվիրանների (կատարման) միջոցով, այնտեղ՝ (իր համար) ապահովված հանդերձյալ (կյանքում) ընդունելու է պտուղները:

261 (519). Սա նման է երկրագործությանը, որովհետեւ (մշակները) նախ հերկում են խոպանը, փխրեցնում են այն, վարում են սև ու կոշտ հողը, ակոսներով պատռում և պարարտացնում, քրտնաթոր աշխատանքով սկզբից արմատախիլ աճելով մոլախոտերը, կասեցնում են վայրի խոտերի անօգուտ աճը, և հետո միայն օգտակար սերմերի ցանքալ անում:

262 (520). Սա նման է նաև Ավետարանի քարոզչությա-

նը, որը (անօգուտ կլինի) եթե մարդ նախ և առաջ չկերացնի դատապարտման արժանի սեփական պարտքերը, որոնք (կուտակվել) են անվայել, անօգուտ բուսած սովորություններից, սեփական կամքով, կամայականորեն, կամովին գործած մեղքերից, ինչպիսիք մենք այժմ տեսնում ենք ձեզ մոտ: Որովհետեւ եթե դուք ձեր մտքից չպոկեք անօգուտ բուսած, վնասակար, կործանարար մեղքերի արմատները, որ արմատավորվելով ոստապատել են ձեր մտածողությունը, խանգարելով ոչ միայն ծաղիկների բացվելուն և պտուղ տալուն, այլև լիովին չորացնելով՝ նետում են ձեզ անհավատության կասկածների մեջ, կամ էլ տանում անջրդի ապառաժուտ տեղանք, որը եթե որևէ մեկը փորձի վարել, անմասն և գուրկ կմնա բերքից: Նույն ձեռով դուք էլ, եթե գեն չնետեք ձեր մեջ սնուցված սովորությունները, չեք կարողանալու ընդունել այն սերմը, որը ձեր մեջ օգտակար պտուղ է տալու:

263 (521. LXIII). Այժմ, եղբայրներ, իմաստուն մտքով զնեք ձեր հոգիները և, ինքներդ ձեր մասին մտածելով, խորհրդածեք և դիտեք ձեր հոգիները, որովհետեւ Աստված՝ զմուտ և մարդասեր, այցի եկավ ձեզ և տեսավ, և չի կամենում, որ դուք կործանվեք, այլ ավելի առաջ<sup>1</sup> արած սպառնալիքների նախազգուշացումներով նա կանչեց ձեզ՝ ներս մտնելու ապաշխարության դռներով, որպեսզի ողջ մնաք և չմահանաք: Եվ քանի որ այն մարդիկ, որ արժանի չեղանայն բանի, որ իրենց փնտրեն, որոնք իրենց կյանքն անցկացըին հեթանոսության մեջ և արժանի չեղան գտնելու իրենց հոգիները, և չուզեցին իմանալ իրենց Արարչին, Աստծու կանխագետ իմաստությունը երես թեքեց նրանցից, (այն մարդկանցից) որոնք հակված չէին լսելու նրա հրամանները. և նրանք ճգմվեցին իրենց համար նախատեսված տանջանքների տակ:

264 (522). Եվ այսպես, դուք պետք է հերկեք ձեր մտքի արտերը և արմատախիլ անեք ձեր հոգիներից դայթակղեցուցիչ մեղքերը, որոնք խափանում են ձեր մեջ արդարության բույսերը, այսինքն՝ (հեռացնեք) կուռքեր պաշտելու սովորությունները, որոնք, (նախնիներից) ստացված լինելով, գցել են ձեզ մոլորության մեջ, որ ձեզ՝ արթուն վիճակում պահել է ինչպես քնի մեջ, ինչպես հիմարացած անմիտների: Իրենցից ոչինչ չներկայացնող այդ (կուռքերը), որոնք ոչ օգուտ են տալիս, ոչ էլ վնաս, ձեզ որևէ օգտակար բան չտալով, տարան դեպի սնոտի ունայնություն և անիմաստ, որևէ օգուտից զուրկ, փուչ բաների: Նրանք օգուտ չեն կարող տալ, որովհետև անշունչ են, իմաստից զուրկ, անփոփոխ և անշարժ: Մի մասը նրանց կոփած, մյուսները՝ կուած, որոշ (կուռքեր էլ) քանդակած են, մյուսները՝ ձուլած, որ հորինվել են ճարտար վարպետների կողմից՝ շինված վնաս հասցնելու համար: Իզուր է և նրանց պատրաստողների և պաշտողների աշխատանքը: Դրանք չեն կարող վնասը հեռացնել նրանցից, չեն կարող անդամ մի լու կամ ճանճ, որ անօգուտ բնակվում են մարդկանց վրա, քշել և հանել (կուռք) պաշտողների տնից: Եվ ոչ էլ սարդերին, որ երթեւեկ են անում նրանց (մետաղյա) արձանների վրա և հյուսում իրենց սարդոստայնը նրանց գլուխների վրա, որն իրենք անկարող են մաքրել, այլ այսպես՝ ներսից ժանգով հոշոտված, (դրսից) փոշու մեջ կորած նրանք քայլայփում են՝ առանց որևէ օգուտի:

265 (523). Նաև քարե արձանները՝ քարաքոս ժանգով պատված, կեղտոտվելով, ծածկված բորբոսով ու գունավոր բծերով, թողած առանց խնամքի, այլանդակվում են: Իսկ փայտե կուռքերը, որդակեր, շարունակվում են քայլայփել որդերի հարձակումից: Իսկ նրանց վրա գցված զգեստները, ցեցի կերակուր դառնալով, քայլայփելով, փխրվելով, փչա-

նալով, մաշվելով ոչնչանում ու վերանում են: Որովհետև եթե նույնիսկ որևէ մեկին ստիպում են անմտությունից դրդված նրանց մասին հոգ տանել, և նա իզուր կոտորում է անասուններին՝ նրանց զոհ մատուցելու համար, զազրելի գարշահոտությամբ և պիղծ աղտեղությամբ հանդերձ, վառված զոհի խանձահոտ մուրը և ծուխը բարձրանալով, թանձրանալով և պատելով նրանց, ածուխի պես սեացնելով, փոխում է նրանց (սկզբնական) գույնը: Եվ նրանց վրա կատարված ծախսերը լինում են իզուր և թափված աշխատանքը՝ անօգուտ:

266 (524). Եվ դուք, այս ամենը հասկանալով, ձեր մոլորությանը հետևելով, շտապում եք գործել ի վնաս ձեր օգուտի և հավիտենական տանջանքներ հյուսել ձեզ համար, անշեղ կրակի և անմահ որդերի մատնվել՝ ոչնչի համար: Եվ, թողնելով ձեր Արարչին, համը կուռքերի պատճառով բարկացնում եք ձեր Աստծուն: Զեր հավաքած սերմերը փուչ են՝ ցորենի փոխարեն, որոմ են՝ հաճարի փոխարեն, և պարարտ հողի փոխարեն դուք լնտրեցիք անօգուտ, անպուղ ապառաժը:

267 (525). Ահա, նայեք, դուք կանգնած եք (ինքներդ) ձեր առջեւ: Զեզանից ո՞վ, առաջ գալով, կպատասխանի, թե լսել է ձեր կուռքերի ձայնը կամ էլ նրանցից փոքրինչ օգուտ է տեսել՝ թեկուզ մի չնչին չափով զգալի: Միայն երագների և ցնորքների պատիր խաբեռության մեջ, որոնք չեն կարող իրական դառնալ: Միայն դրանով դուք արդեն կործանեցիք ձեր հոգիները և հեռացաք Արարչից:

268 (526). Եվ ահա, քանի որ դրանք այդքան անօգուտ են և (ըստ էության) ոչինչ են, և ոչ ոքի համար պիտանի, հատեք, կտրեք, դեն նետեք ձեր հոգիներից այդ չորացածը և քարացածը, ինչը ձեզ ոչ թե հիփանդություն, այլ առողջություն և ապաքինում, հոգիների բուժում կրերի: Դա

նման է (այն մարդու), որը փսխելով (կուտակված) դառը մաղձն ու խորխը, ինքը թեթևացնում է իրեն (բռնած) հիվանդությունից և առողջանում: Դրա պես և դուք, եթե հրաժարվեք անօգուտից, կդտնեք օգուտը ձեզ համար, փրկվելով հավիտենական տանջանքների դատապարտվելուց: Որովհետև կուսակաշտության սերմը տանում է ձեզ դեպի գեհենի անշեղ հուրը, որտեղից փրկվելու հնար չկա. այս պտուղն է նա տալիս:

269 (527. LXIV). Իսկ ամենայնի Արարիչ Աստծուն ընդունելու բարեպաշտ ճշմարտությունը պտուղ է տալիս հավիտենական, մշտնջենավոր ուրախությունների արքայություն, և այն տրվում է նրանց, ով ճանաչում է նրան: Զեր անօրենության այդ սերմը փոքրիշատե արդեն երեաց ձեզ՝ պատուհասների աճող որոմի ձեռվ, որպեսզի դուք ըմբռնեք, թե պետք է դրա հասկը վերացնել, որն արագ է աճում, և որը ձեզ է մատուցվելու, եթե դուք շուտով չմաքրեք ձեր ցորենը՝ անջատելով այն ձեր որոմից:

270 (528). Որովհետև կգա նորից վարելու և հնձելու մի այլ ժամանակ, վարելը՝ գերեզմանում, իսկ հնձելը այնուհետև՝ հարության ժամանակ ամեն մի կատարած գործի արդյունքը (գլուխների վրա դիզած): Մի եղեք չորացածների (ծառերի) պես, որոնց գտնում է անշեղ հուրը և ձեզ իր կերակուրն է դարձնում, այլ եղեք դալարող, ծաղկող, մրգավետ, բուրավետ պտուղներով (ծառեր), որպեսզի ընտիր պտուղներ մատուցեք ձեր Տիրոջը: Որպեսզի մյուս անգամ, գերեզմաններից ձեզ բարձրացնելու ժամանակ, դուք լինեք ցորեն, որպեսզի ձեզ օրհնելով ընդունեն արքայության շտեմարանները, որպեսզի դուք ձեզ տրված մեկ (հատիկից) տաք առատ քերք: Որովհետև, ինչպես հնձելիս, որոմը անջատում են ցորենից և գցում կրակի մեջ, դրա նման և (բռնոր) մարդիկ մեկ ակնթարթում, վայրկենապես (միանգա-

մից) կբարձրանան գերեզմաններից: Նրանք Աստվածությանը՝ Նրա պատվիրանների հետ միասին ընկալած իրենց հոգիներում, բարձրանալու են պարարտ, լեցուն ցորենի նման:

271 (529). Եվ ինչպես միակ հատիկը, հողի մեջ ընկնելով, աճելով, արմատ գցելով, ցողուն է տալիս, ճյուղավորվում, հասկ արձակելով, լցվելով, տալիս է պարարտ հասկեր, մեկ հատիկի փոխարեն սերմնացանի օգուտի համար տալով բազմաթիվ հատիկներ, նույնը մենք տեսնելու ենք և այնտեղ: Արդարների հոգիները գերեզմաններից բարձրանալու են՝ նույն մարմինները նույն հոգիներով բերելու են կատարված արդար գործերի վաստակը և այնտեղից, գերեզմաններից, գնալու են (երկնքի) արքայություն: Ամեն մի առանձին հոգի ամեն մի փոքր (արդար) գործի համար հազար ու բյուր, անթիվ փառահեղ հատուցումներ կստանա: Հարություն առնելուց իսկույնեեթ նրանք փառքով են զգեստավորվելու, ինչպես այն հասկը, որն իր լիությունն է ցուցաբերում և խնամքով հավաքվում ու պահպանվում է շտեմարաններում:

272 (530). Նույն ձեռվ և փշերը, որ ներսից պատել են մեղավորների հասկերը, դուրս են գալու. հենց այդտեղ, կարծես մորից (ծնված), կերպարանք առնելով, ի հայտ են գալու անօրեն գործերի պտուղները: Դրա մասին (սաղմուերգուն) այսպես է երգում հոգեսոր երգարանում. «Հուր թափվեց, և նրանք արև չտեսան: Դեռ իրենց փշերը չզգացած՝ (Աստված) նրանց դժմիկի պես ողջ-ողջ պիտի այրի բարկությամբ» (Սաղմ., 57. 9-10):

273 (531). Եվ կամ էլ ի՞նչ է նշանակում այն խոսքը, թե «դեռ իրենց փշերը չզգացած»: Դա նշանակում է, որ նրանք անհոգ ունայնության մեջ էին մեղքեր գործում. երբ դեռ չէին գիտակցում իրենց հանցանքները, (դրանց հա-

մար) տանջանքները նախապես սահմանված էին: Ինչպես և այլ տեղում ասված է. «Իր օրվանից առաջ նրա վրա ցավեր են թափվելու՝ ջրերի պես» (Հոբ, 27. 20): Ինչպես սկզբում փշերն աճեցին մեղավորների հանցավորության հետևանքով, նույնպես և (հետո) աճելով ու պատելով հանցավորներին, լուցկիների պես բռնկվելով տեղնուտեղը այրելու են նրանց՝ հառնելու ժամանակ: Իսկ ձեզ, ահա, նա նախապես զգուշացրեց, որպեսզի դուք փրկվեք այն ահավոր կրակի հեղեղից, որպեսզի ձեր մեջ ցանվեն մաքուր սերմեր, և ոչ թե վառելու արժանի փուշը:

274 (532. LXV). Եվ ահա, «Մարդկա՛նց որդիներ, մինչև ե՞րբ պիտի խատամիրտ լինեք. ինչո՞ւ եք ունայնություն սիրում և ստություն փնտրում» (Սաղմ., 4. 3): Եկեք ճանաչե՛նք աստվածագործ այն հրաշալիքը, որ ձեզ մոտ երևաց<sup>1</sup>. որպեսզի այսուհետ մեր երկրի բոլոր բնակիչներին ճշմարտությունը չթողնի և որպեսզի երկրի բոլոր ազգատոհմերը<sup>2</sup>, որ չեն ճանաչել նրան, ծառայեն նրան մեկ լծի տակ:

275 (533). «Խղենք, – ասում է (սաղմոսերգուն), – նրանց կապանքները և թոթափենք մեղանից նրանց լուծը» (Սաղմ., 2. 3): Այժմ խղեցե՛ք հեթանոսության կապանքները ձեր հոգիներից և ազատվե՛ք հանցավոր մեղքերից, ուրախակից դառնալով նրանց, որ ծիծաղում են ամբարիշտների կորսույան վրա, ինչպես առաջիկա (դեպքերի) մասին ասում է «Իմաստության գիրքը», թե «սրանից հետո ես պիտի ծիծաղեմ ձեր կորսույան վրա» (Հմմտ. Իմաստ., 4. 18: Առակ., 1. 26), և թե «երկնքում բնակվողը կծիծաղի նրանց վրա, և Տերն ինքը արհամարհելու է նրանց: Այնժամ կխոսի նրանց հետ իր բարկությամբ և իր գայրույթով կսարսափեցնի նրանց» (Սաղմ., 2. 4-5): Հենց սա կշտամբության և հանդիմանության ժամանակն է, որովհետև Աստծու Որդին իր ծնողից՝ Հորից է վերցրել բոլորին դա-

տելու իշխանությունը. Նա դատում է նրանց, ովքեր չեն պաշտում Հորը, և տանջում է նրանց, ովքեր (չեն պաշտում) Որդուն կամ Սուրբ Հոգուն:

276 (534). Սա է Որդու նախապես ասված խոսքը, որ դուք ճանաչեք Հորը. «Ես թագավոր կարգվեցի նրանից իր սուրբ լեռան՝ Սիոնի վրա, որ հոչակեմ Տիրոջ հրամանները, հովկելու ձեզ խստությամբ երկաթյա գավազանով և կավի անոթի պես փշրելու նրանց» (Սաղմ., 2. 6, 9), ովքեր իրենց անհնագանդությամբ երես են դարձնում փրկությունից, որովհետև մարդիկ իսկապես կավե անոթներ են: Եվ ահա, որոնք պիտանի են, նրանց նա լցնում է պատվական գանձերով, իսկ որոնք պիտանի չեն, նրանց լցնելու է տանջանքներով և կորսոյամբ. որովհետև Տերը իր սուրբ ամպերից արթուն հսկում է, որպեսզի այցի գա մարդկանց բոլոր անօրենություններին: «Արդ, թագավորնե՛ր, ուշ դարձեք սրան, խրատվեցեք ամենքդ, որ դատում եք երկիրը: Ծառայեցեք Տիրոջը երկյուղով և ցնծացեք նրա առաջ դողալով: Ընդունեցեք նրա խրատը, որ Տերը չբարկանա, և որ դուք չկորչեք արդարության ճանապարհից, որովհետև նրա բարկությունը բորբոքված է ձեզ վրա» (Սաղմ., 2. 10-12):

277 (535). Իսկ ձեզ երանի կլինի, եթե դուք կարողանաք Աստծու առաջ հանդես գալ աղաչանքով և հույսներդ դնեք նրա մեծ ողորմության վրա՝ փրկվելու համար: Նա ձեզ թողություն կտա և կների ձեր մեղքերը: Բայց եթե համառելով դիմադրեք, նա ձեր՝ համառող ամբարիշտների բերաններում ատամները կփշը (Սաղմ., 57. 7) և հավիտենական տանջանքների մեջ կգցի: Եվ ոչ մի օգուտ այն զղջումից, որ այնտեղ ընկնելուց հետո նրանց մտքում կլինի: Եվ տե՛ս, թե ինչ է բացականչում մարդարեն. «Զկա դժոխքում որևէ մեկը, որ խոստովանեցնի քեզ, և չկա մեկը, որ այն

մահվան մեջ հիշի քեզ» (Սաղմ., 6. 6), որովհետև դրանից հետո ոչ ոք չի կարող անցնել հաստատված սահմանը:

278 (536). Իսկ ապաշխարողների համար ողորմություն գտնելու ժամանակը հիմա է, ինչպես ասում է մարդարեն. «Աստված արդար, հզոր և համբերատար դատավոր է, որն իր զայրույթը չի թափում հանապազ» (Սաղմ., 7. 12): Եվ էլ ուրիշ ի՞նչ է ասում. «Բայց եթե չդառնաք դեպի նա, սուրն իր սրած է և աղեղն իր՝ լարած: Եվ նա պատրաստել է մահվան գործիքները, և հրեղեն նետերը նրանց համար, ովքեր անօրենություն են երկնում, և նրանց հղությունը, – ասում է, – ծնում է տանջանք» (Սաղմ., 7. 13-15): Իսկ նրանց մասին, ովքեր լսելով կհավատան Նրա հրաշքներին և կդառնան դեպի Աստված Արարիչը և կպաշտեն Նրան, այսպես է ասում. «Քաջալերվիր, երկի՛ր, ցնծա՛ և ուրախացի՛ր, որովհետև Տերը մեծ գործեր կատարեց քեզ հետ» (Հովել, 2. 21): Եվ այն մարդկանց, որ չեն ճանաչում իրենց Արարչին, նրանց իբրև անասունների են համարում. այդ պատճառով էլ նրանց հետ խոսում է ինչպես վայրի կենդանիների. «Մի վախեցիր, – ասում է, – վայրի կենդանի, որովհետև քեզ համար դալարեցին որպես կերակուր դաշտերն ու առապարները» (Հովել, 2. 22): Որովհետև մարդկանց սրտերը անապատներից էլ անպտուղ էին և տափաստաններից էլ անջրդի:

279 (537). Եվ ահա, նա ենթարկվողներին կոչում է (խաղողի) որթ և պտղաբեր քաղցր թղենի, աստվածապաշտությանը վերաբերող խոսքին համապատասխան, ինչպես և ասում է (մարդարեն). «Որքան քա՛ղցր են քո խոսքերն իմ քիմքին՝ ավելի քաղցր, քան մեղրն իմ բերանին» (Սաղմ., 118. 103): Եվ դարձալ՝ «Քաղցր ես Դու, Տե՛ր, և Քո քաղցրությամբ սովորեցրու ինձ Քո արդարությունը» (Սաղմ., 118. 68): Եվ դարձալ, աստվածապաշտներին դիմելով, բա-

ցականչում է (մյուս) մարդարեն. «Կլցվեն ցորենի կալերը, և կհորդեն գինու և յուղի հնձանները: Եվ կհատուցեմ ձեզ այն տարիների դիմաց, ինչ որ մորեխը, ջորյակը, ժանդը և թրթուրը կերան իմ մեծ զորքը, որ ուղարկեցի ձեզ վրա: Առատորեն կուտեք, կհագենաք և կօրհնեք ձեր Տեր Աստծու անունը» (Հովել, 2. 24-26): Իսկ անօրենների վերաբերյալ այսպես է ասում. «Գործի դրեք մանգաղները, որովհետև հասել է հունձը, և մտեք, կոխոտեցեք հնձանները, որովհետև լցվել են հնձանները, և նրանց փոսերը հորդում են, քանի որ շատացան նրանց չար գործերը: Այդ պատճառով ձայներ հնչեցին Դատաստանի ձորում» (Հովել, 3. 13-14):

280 (538. LXVI). Աբրահամի ժամանակներում Սոդոմն ըմպեց անիրավության գինին: Եվ ահա, Տերը բարձր գահից որոնեց և զննեց (որ գտնի) հարյուրից մինչև տասը (արդարների), և նրանց մեծ չգտնվեց արդարության (գոնե) տասը բաժակ (ունեցող): Որովհետև նրանց խաղողը դառը խաղող էր, և նրա ողկույզները լեղիի դառնություն ունեին. վիշապների բարկությունն էր նրանց գինին, բաժակներն են՝ ահավոր իմերի չարաթույն ցասումը, որից չկարգվություն (Բ Օր., 32. 32-33):

281 (539). Այդ պատճառով նա խմեցրեց նրանց իրենց հրե բաժակի այրման գինին, և նրանք վառվեցին՝ իրենց բաժակներով: Նրանց հանդերի որոմը հասել էր, այդ պատճառով էլ նրա մանգաղը գործի անցավ, հնձեց և այրեց նրանց իր (բորբռքած) հրդեհում: «Նրանց պատեց ուռկանը, որից էլ, նույն ուռկանից էլ նրանք գոհվեցին, և ծխի պես վառվեցին նույն ցանցի մեջ, որովհետև նրա բաժինը դարձան» (Հմմտ. Ամբ., 1. 15-16): «Նրանց կերավ թրթուրը, նրանց կտրտեց ջորյակը, և նրանց մեղքերի մա-

րախը արածեց նրանց վրա» (Հմմտ. Հովել, 1. 4): Այդ պատճառով էլ նրանք իսկույն չորացան: Եվ նրանց շինությունների վրա կրակն արածեց, նրանց վրա հուր թափվեց, և նրանց վրայով հորդառատ հոսեցին կրակի վտակները: Եվ խորիվ կուտակելով գցեց նրանց մեջ. կրակի գետեր առաջացան նրանց մեջ, և ողողելով այրեցին նրանց երկիրը: Լցվեցին հրով նրանց շտեմարանները, և նրանով լցվեցին նրանց հնձանները: Իրենց գործած մեղքերի մրուրով լցվեցին բաժակները, որ խմեցին և վառվեցին ամբողջովին: Որովհետեւ Հովտի բաժակը, որ գտնվում էր նրանց մեջ, այդ բաժակից նրանք ուրախություն չխմեցին: Նրանց համար այն եղավ ուրիշ բաժակ և խմեցրեց տրտմություն:

282 (540). Կյանքի բաժակը, որից չցանկացան կյանք ըմպել, նրանց խմեցրեց մահվան դառնություն: Քաղցրության բաժակից, որը քաղցր չեղավ նրանց բերանում, դառնություն բխեց: Դա այն բաժակն էր, որի կրակը չէր այրում դալարը և պահպանում էր կանաչը, և բռնկվում էր (արմատի վրա) չորացած բույսերի մեջ և այրում չորացածներին: Խմեց այս բաժակը Սկարիովտացի Հուդան և այրվեց, որովհետեւ չորացած էր նրա ծառը: Այս բաժակը խմեցին առաքյալները և դալարեցին, և համեղ պտուղներով լցրին ամբողջ երկիրը: Նրանց ծաղիկների բուրմունքը սփռվեց տիեզերքով մեկ: Նրանց սրբությունը և նրանց համեղ գինին հարգված են՝ ուրախություն պատճառելով վերեկի և ներքեկի բնակիչներին, հրեշտակներին և մարդկանց: Եվ տաճարի Տերը ուրախանում է նրանցով, ինչպես այս բաժակներով, որ ահա հասան ձեզ՝ հագեցնելու համար: Դա Աբրահամյան տոհմի Հովտի բաժակը չէ, որը գտնվեց Սոլոմում, որից նրանք ուրախություն չստացան, և դրա նման մեկ ուրիշը չգտնվեց նրանց մեջ:

283 (541. LXVII). Ահա երեսունյոթ քրիստոսական գա-

վաթներ, որ եկան ձեզ ծառայելու<sup>1</sup>: Հուր է նրա (նրանց) զորությունը, և քաղցր է նրա համը, ուրախություն է այն ճանաչողների համար և տրտմություն է (նրանց համար) ովթաքնչում է նրանից: Որովհետեւ եթե ըմպել արժանավայել կերպով, այն կայրի ձեր աղտոտությունը, և ձեր հոգիները կմաքրվեն: Այրվեցին Ահարոնի որդիների մարմինները, բայց նրանց քահանայական պատմուճանները հուրը չայրեց: Այս գավաթին հատուկ է այրել արատավորներին և պահպանել մաքրվածներին: Եվ ահա, եթե ցանկանաք սիրով ըմպել երանության գավաթը, որ ձեր կամքին հակառակ բխեց ձեր մեջ, այն կայրի ձեր մեղքերը, կմաքրի և կրնարի ձեր հոգիները՝ արժանացնելով ուրախության:

284 (542). Իսկ եթե ձեր մտքով անցնի այն, թե «մենք սպանեցինք սուրբ վկաներին», ապա նույն բանը կատարվեց և Պողոսի հետ, որն իր հրեության ժամանակ չէր իմանում, որ ընտիր անոթ է լինելու, երբ եկավ առաքյալների քարոզության ժամանակ և նրանց հալածելիս սպանեց Ստեփանոսին<sup>1</sup>, որը ականատես եղավ Աստվածության խոնարհանալուն և նույն ժամանակ նրա բարձրանալուն: Ահա և դուք, որ չգիտեկիք (թե ինչ եք անում), խմեք այդ՝ ձեր ձեռքերով մզած գավաթը, որովհետեւ ինչպես նրանք վկա դարձան և մեռան, նույն մահվան շնորհիվ նրանք կենդանացան և հասան երկնային ժառանգությանը:

285 (543). Եվ Ստեփանոսը իր մահվան ժամանակ երկինքը բացված տեսավ և Որդուն՝ իր Ծնողի աջ կողմից (նստած), և թողություն ինդրեց իրեն սպանողների համար, իր բարեխոսության աղոթքներով արձակեց նրանց ամբարշտության կապանքները, դադարեցրեց իր արյան համար (վեհմինդրության) կոչերը, լոեցրեց իրեն տանջելու համար բողոքները և Տիրոջից խնդրեց ներել նրանց: Դրա համար էր, որ Պողոսը բարձրացրեց նրա դաժան լու-

ծը, որ քաշում էր ամոլի եզան պես, և իր վրա վերցրեց նրա տանջանքները, և խմեց նույն բաժակը նրա մահվան։ Նա դարձավ վկա նրա գործերի՝ նրա հետ միասին, և հավասարը՝ իր Տիրոջ առաջ, տեսավ նույն տեսիլքը և լսեց նույն չարտասանած խոսքերը, որ տեսավ և լսեց Ստեփանոսը։

286 (544). Այժմ դուք, որ այս սպանվածների սպանողներն եք, ընդունեցեք սրանց հավատը և քաշեք նրանց լուծծը, թոթափեք ձեզնից մեղքերի լուծծը, ճշմարտության քարոզի վկաներ եղեք։ Խմեք հոգևոր ըմպելիքի նույն գավաթը և դարձեք նրանց գործակիցները։ Եվ մարդկանց հանդեպ սիրո վտակները իջնելու են ձեր սրտերի հանդերի վրա՝ պարարտացնելու ձեր մտածողության հողը քարոզությամբ, որը ձեր՝ Նրա հանդեպ ունեցած զորավոր հավատի շնորհիվ դառնալու է ձեր սեփականը, և դուք կիսմեք մարդասիրության (անհավատներից) անջատող, մաքրող կրակի գավաթը։ Ինչպես հրեության քահանայության ժամանակներում, քահանաները, գերության մեջ վերցնելով զոհաբերության կենդանի կրակը, այն տարան և դցեցին ջրհորը, և կրակը ջուր դառավ, իսկ յոթանասուն տարի հետո՝ իրենց վերադարձին դնացին և վերցրին ջուրը և բերեցին ու լցրեցին ողջակեզների շուրջը։ Եվ երբ կառուցվեց տաճարը, ջուրը ստացավ կրակի բնություն։ Որովհետև եթե պետք է, Նա կարող է փոփոխել (նյութի) տեսակները և ըստ հանդամանքների բացահայտել նրա տարբեր հատկությունները, մանավանդ այս հրաշազան կրակը, որը հանդես է գալիս որպես Սուրբ Հոգու մասնիկներ։

287 (545). Ինչպես դալար մորենու կանաչ ոստերի մեջ երեացած կրակը, որը պահպանեց նրան անժարշամ, որովհետև լույս տվող կրակը պահպանեց մորենուն և փրկեց Մովսեսին և նրա համար դարձավ ուրախության գավաթ։ Մովսեսը խմեց այն և հույսը դրեց նրա վրա։ Այն փրկեց

իսրայելի անասուններին և կարկուտով փչացրեց եղիպտացիների բերքը։ Եվ ծովի մեջ Նա իսրայելին խմեցրեց այդ գավաթը, և նրանք Հոգի խմեցին և երգում էին ծովի մեջ (Ելք, 15. 1-19), նրանց քնարով մատովակում էր Սարիամը (Ելք, 15. 20-21), և նրանք անցան ընդարձակ ծովը և օրհնեցին (Աստծուն)։ Եղիպտացիները ևս խմեցին այդ գավաթից, և հարբեցին (ամպի) սյան գավաթից, որը կապեց նրանց մարտակառքերի անիվները (Ելք, 14. 25)։ Նրա մրուրը գլորեց նրանց (գետին) և հարվածեց նրանց (սյան) հետևից։ Ժողովուրդը խմեց տրտունջի գավաթը, որը խառնել էր (Նրա) բարկությունը։ Նա տվեց նրանց խմելու փորձության բաժակը, որը նրանք պարտավոր էին (խմել)։

288 (546. LXVIII). Սուրբ սյունը, որը օդային ամպով ցերեկը հովանոցի պես պաշտպանեց նրանց խորշակի տապից, և առաջին գիշերվա ժամերին լուսավորելով տաքացնում էր սառնամանիքի ցրտից, նույն սյունը, ըստ ժամանակի փոփոխելով, բավարարում էր նրանց կարիքները։ Երբեմն ժայռից ջուր էր բխեցնում, քաղցր ջրի վտակներով նրանց ծարավը հագեցնում։ Որովհետև դա ինքը՝ Քրիստոսն էր, Որն ունի ամեն ինչ լիությամբ բոլորի համար և, հագեցնելով, բարերարություն էր անում նրանց, որ երբեմն քաղցր հացով և երբեմն թռչուններով (կերակրում էր), երբեմն էլ քաղցր աղբյուրներ էր բխեցնում նրանց համար, և Սուրբ Հոգու բաժակը ուրախություն էր բերում նրանց։

289 (547). Իսկ նրանց անհնազանդության և ամբարտավանության համար Նա բարկության բաժակը խառնեց և տվեց նրանց (խմելու)։ Որովհետև այս բաժակը, լինի դահրով թե ջրով, կարող է իր ազդեցությունը փոխել ուզած ձևով, երբեմն ձյուն դառնալ, երբեմն սառույց, երբեմն անձրե, երբեմն հուր և կայծակ, և երբեմն բույսերը սնող ցող՝ կերակրելու համար գազաններին և թռչուններին, վայ-

ըի կենդանիներին և անասուններին, մնունդ պատրաստել մարդկանց համար և բավարարել (բոլոր) արարածների կարիքները։ Նույն (բաժակը) հոգեոր ցողով կարող է, ըստ Բարձրյալի ցանկության, հաճելի սերմեր աճեցնել և պատրաստել անապականության կերակուր՝ բանավոր հոտի համար։

290 (548). Երբեմն այն դառնում է քաղցր, օգտավետ անձրե, հողը պարարտացնող և բուսեցնող, փայլատակումներով ջերմություն բերող, որպեսզի բույսերը ջրելով հագեցնի, ուրախացնի ճյուղերը ցողով և զվարթություն, ուրախություն բերի փթիթներին։ Այն կրկնակի գոհունակության է արժանի՝ Ծնորհողի պարզեների համար, երբ խմեցնում է այս բաժակը՝ օգուտը բազմապատկելու նպատակով։ Որովհետև ամպերը ևս՝ Նրա հրամանների սպասավորները, հանդես են գալիս որպես մատովակներ։ Եվ թեպետ անձրեով լի և պատրաստ՝ նրանք լցնում և ծածկում են երկնքի երեսը, բայց երբ սկսում են տեղալ և անձրեել (ջուր) տալով ու մատովակելով երկրին, այդ նա է, երբ ցանկանում է, օգտավետ անձրեներ է հրամցնում, իսկ երբ ոչ (ուղարկում է) սաստիկ սառնամանիք, եղյամ, ձյուն և ավերիչ կարկուտ, այրող ճառագայթներով չորացնում և քայքայիչ տապով վնասում է, օդի չարաթույն և դառնաշունչ հորձանքներով խորշակահար անելով՝ չորացնում է բույսերի դալարող սաղարթները և վառում մինչև արմատները։

291 (549. LXIX). Ամպերի միջոցով նա ի կատար է ածում իր հրամանները, որովհետև բնական է, որ սկզբից ամպերով երեւան գա որպես հրամաններ տվող և մարդկանց (օգուտի համար) մատովակություն անող ծառայող՝ մերթ բարկացած, մերթ ողորմած։ Որովհետև երբ Աստված ցանկացավ երեւալ մարդկանց, նա իր զորությունն իր մեջ

հավաքեց, թաքնվեց, ամպի հետև պահվեց, որովհետև մարդիկ չեն կարող դիմանալ Աստվածության երեման տեսարանին, և նա երկինքը փակեց շղարշով, ինքը իրեն ծածկեց (ամպերի) վարագույրով, որպեսզի (ի սկզբանե) դիմանալու ուժից զուրկ արարածները չայրվեն։

292 (550). Թեպետ երեմն կարճ ժամանակով նա երեւում էր առանձին արժանավոր մարդկանց, բայց այդ նա անում էր նրանց տեսողության՝ Նրան նայելու հնարավորության, դիմանալու համապատասխան, որպեսզի նրանք կարողանան տանել (տեսարանը), ինչպես նա երեաց Մովսեսին և կամ ամբողջ ժողովրդին Սինեական լեռան վրա, երբ իջավ, ամպով պատած, և այնտեղից խոսեց նրանց հետ։ Եվ բոլոր դարերում նա երեւան էր գալիս նույնպիսի ամպով, իսկ հոգելից մարդարե սուրբ Եղեկիելին նա երեաց հոչակավոր տեսիլքի ձևով։ սակայն մարդկանցից ոչ ոք առանց ամպի երբեք նրան չի տեսել։ Ինչպես և հոգեկիր մարդարեն իր տեսիլքում պատմում էր և ասում. «Տեսա, որ Հյուսիսից մի հողմ<sup>1</sup> բարձրացած գալիս էր, և մի մեծ ամպ՝ նրա հետ, շուրջը՝ ուժեղ լույս։ Նրանից հուր և կայծակներ էին փայլատակում, և նրա մեջ՝ արևի տեսիլք և հրո ճառագայթներ» (Եղեկ, 1. 4):

293 (551). (Աստված երեաց) որպես լույս և հուր, և ոչ առանց ամպի, որովհետև լույսը արժանավորներին լուսավորելու համար է, և հուրը՝ անարժաններին բարկությամբ այրելու։ Իսկ ամպը նրանց երկուսի համար է և ծառայում է երկուսին էլ։ Որովհետև (ամպից ելնող) հուրը այրում է մեղավորներին, և լույսը խմեցնում է արդարներին Հոգու որդեգրության շնորհները, իսկ չար մարդկանց խմեցնում է կայծակներ և տանջալից պատիճների հեղձուցիչ, ծխախառն բույրը։ Ամպերը նաև Նրա մեծությանը սպասավորողներն են, ինչպես և պատմում է այն տեսնող (մարդա-

րեն), թե «ամպերը Նրա ոտքերի փոշին են» (Նավում, 1. 3):

294 (552). Եվ հորդացող ամբարշտությունների շատացման պատճառով (նույն մարգարեն) ասում է. «Նա սաստում է ծովը և ցամաքեցնում այն, և բոլոր գետերը ավերում» (Նավում, 1. 4): Որովհետև Նա կարող է ցամաքեցնել մեղքերի ծովը, կասեցնել անօրենության գետերը և պարզեցնել նեխած, փչացած, պղտոր և լճացած (բարքերը): Իսկ նրանց, ովքեր ապավինում են Նրան և իրենց հույսը կապում են Նրա հետ, Նա կտա ծովի պես անսպառ փրկություն, և նրանց (կյանքը) առանց մեղքերի հորդառատ գետի պես կհոսի: Դրա մասին մյուս մարգարեն նույն իմաստով ասում է իր երգում<sup>1</sup>, թե «Դու գետեր ցամաքեցրիր և գողացրիր երկիրը քո անձրևի սաստկությամբ, որ անցնում են Նրա վրայով» (Հմմտ. Սաղմ., 73. 15: 106, 33): Որովհետև Նա վերևից սաստող ջրեր կհոսեցնի այն ջրերի վրա, վանելով և դուրս մղելով դառը ջրերը, որպեսզի այն մաքուր ջուրը դուրս մղի կեղտոտն ու հոտածը:

295 (553). Այդ մյուս պայծառատեսը նույն բանը երգեց և նույն ոգով մեկնեց՝ ասելով. «Յանկալի անձրև պատրաստեցիր, Աստված, քո ժառանգության համար, որը թեև տկարացավ, բայց դու ոտքի կանգնեցրիր նրան» (Սաղմ., 67. 10): Որովհետև նրանք, մեղքերի ծովի մեջ ընկղմված, նույն ախտով էին հիվանդ և կապված ամբարշտության շղթաներով: Դրա համար էլ, քամելով նրանց անամոթության անհատակ ծովը և չորացնելով դրա ակնաղբյուրը, Նա մարդկանց վրա է թափելու պատիմների անձրևը: Ինչպես և մարգարեն, այդ նկատի ունենալով, երգեց. «Անդունդները քեզ կանչեցին քո հորձանքների ձայնով» (Սաղմ., 41. 8): Որովհետև երկնային պատգամները հոգեոր հորձանքների նման կուտակված թափելու են արատավոր և այլասերված մարդկանց վրա՝ ոչնչացնելով նրանց:

296 (554). Եվ ապաքինող ցողը եղավ առողջարար, ինչ-պես և ասված է, թե՝ «այն ցողը, որ Քեզանից է ցողում, բժշկություն է նրանց համար» (Եսայի, 26. 19), որպեսզի նրանք երկյուղով շրջվեն դեպի նա: Որովհետև նրանք, ովքեր սիրով չշրջվեցին դեպի նա, սպառնալիքների ահով նա նրանց դարձրեց իր ժառանգությունը, ինչպես և ձեզ: Որովհետև Նա մեղքերի հեղեղը կհեռացնի ձեզնից և հետո կտա ձեզ իր շնորհների առատությունը:

297 (555). Որպեսզի ձեզնից բխելով «գետերի պես հորդանան արդարությունները, և ճշմարտությունը շատանա հեղեղի ջրերի պես» (Ամու, 5. 24): Եվ ապա ձեր կյանքի մասին իր իմացությունը Նա ողորմածության ամպերից ձեզ վրա է հոսեցնելու, ինչպես և ասված է, թե «ցանկալի անձրև պատրաստեցիր, Աստված, Քո ժառանգության համար, որը թեև տկարացավ, բայց Դու ոտքի կանգնեցրիր նրան» (Սաղմ., 67. 10), և «արժանիներին պիտի խմեցնես Քո գրգանքի գետերից» (Սաղմ., 35. 9), համաձայն երգչի հոգեոր խոսքի, որն ասում է. «Քեզնից է, Տեր, կյանքի աղբյուրը, և Քո լույսով ենք լույսը տեսնում» (Սաղմ., 35. 10), և թե «ողորմությունդ շնորհիր Քեզ ճանաչողներին» (Սաղմ., 35. 11): Եվ իրեն ճանաչողների համար Նա ծագում է և իմաստության աղբյուրը նույն լույսի աղբյուրից է բխեցնում նրանց վրա, իսկ չճանաչողների վրա՝ այրող, ողողող, հրդեհող և տոչորող վտակներ:

298 (556). Եվ որովհետև երկրի վրա կրակի պես բոցավովել էին մեղքերը՝ լույս սփռելու համար, որպեսզի չթաքնվեն ի վերուստ հասանելիք վրեժինդրությունից, ինչի մասին կանխատեսող մարդարեւությունը նախապես աղդարարեց ի հաստատումն իր ասածների, թե «տեսա մարդկանց մեջ մեղքերը ծովի պես (տարածված), բազմացած, հեղեղ դարձած» (Հմմտ. Ծննդ., 6. 5, 11): Ինչպես մի անգամ

Նոյյան դարաշրջանի օրերի կապակցությամբ, երբ երկրի վրա մեղքերը տարածվել էին ծովի նման, մեկնաբանվեց առակը, որ դրա օրինակով էլ ծովացան նաև ջրերը, որպեսզի սաստկանալով կործանեն մարդկանց:

299 (557. LXX). Եվ ահա, սուրբ մարդարեները հաճախ են մեջբերում առակներ՝ եղած դեպքերի մասին, որ թերևս անցած դեպքերի օրինակներով կարողանան վախսեցնել և փրկել նրանց յուրաքանչյուր գործած ամբարշտությունից: Դրա համար նրանք հաճախ օրինակներ էին բերում՝ մեկ սողոմացիների հրկիզումը, մեկ ջրհեղեղի ժամանակ խեղդված մարդկանց օրինակը, մեկ եղիպտոսին հասած հարգածները և ուրիշ շատ օրինակներ: Եվ այդ անօրենությունները նա անվանում է ծովի նման (սփռված), և խոստանում է վերացնել այն երկրի վրայից և խոստանում արդարությունը նորից հաստատել երկրի վրա, նրանով լցնել այն՝ ջրհեղեղից էլ ավելի հորդ, և ծաղկեցնել օրենքը:

300 (558). Դրա համար, մարդկանց ծովային միջանցքից անցնելու մասին խոսելիս, նա բացականչում և ասում է. «Նրանք պիտի անցնեն մեծ ծովը, և ծովի ալիքները պիտի զարկեն (նրանց)», այսինքն՝ ամբարշտությունները, և թե «պիտի ցամաքեն գետերի պտույտները» (Զաք., 10. 11), այսինքն՝ մեղքերի շատացումը: Դրա վերաբերյալ մյուս մարդարեն ասում է. «Մի՞թե գետերի վրա ես բարկանում, Տեր, կամ Քո բարկությունը ծովերի՝ վրա է ընկնում, և կամ Քո բարկությունը գետերի՝ վրա է» (Ամբ., 3. 8):

301 (559). Որովհետև նա հորդ անձրեներ է բերելու և մաքուր ջրեր, կյանքի հոսանքներ, կհեռացվեն ամբարշտության ջրերը, և կծածկվեն երկրի վրա եղած մարդկային չարության, տգիտության և ամբարշտության դառնությունը: Ինչպես ասում է մարդարեն. «Երկիրը լցվելու է Տիրոջ գիտությամբ, նման առատ ջրերի, որպեսզի ծածկեն

ծովերը» (Եսայի, 11. 9: Ամբ., 2. 14): Նա նկատի ունի կորստաբեր ջրերը, կործանող և խեղդող ջրերը, որոնք ծածկելու են այն ջրերը, որ հագեցը էլ էին երկիրը պղտոր հրապույրներով, մանավանդ որ այդ հրապույրների պատճառով աշխարհում հորդելով մոլեգնում էին կոապաշտության մեջ սուզվածները: Որովհետև նա դուրս է բերելու հողմընկալ<sup>1</sup> ամպը, որ երևաց եզեկիել մարդարեն, որպեսզի նույն ամպը մարդկանց վրա թափի գիտության շնորհը, և նույն ամպը նրանց հնարավորություն տա դալարելու և չորությունը վերածի (կենդանի) բույսի:

302 (560). Իսկ այն չորացածների վրա, որոնք չեն ցանկանա հնարավանդվել, նա կափոխ փայլատակող հրեղեն անձրւեկ՝ կիզելու, այրելու և վերջը տալու համար, և դառնության բաժակը կտա նրանց խմելու: Ինչպես կանխատեսող (մարդարեն) երգում է տամներորդ սաղմոսում. «Մեղավորների վրա որոգայթ, հուր և ծծումք կտեղա. այս մրրիկն է (դառնության) բաժակի նրանց բաժինը» (Սաղմ., 10. 7):

303 (561). «Որովհետև արդար է Տերը և արդարությունն է սիրում» (Սաղմ., 10. 8) և, ըստ արդարության, կամենում է ձեզ իր մոտ կոչել որդեգրության, քանի որ հոգի ընկալած ամպը<sup>1</sup>, որն (իր մեջ) կրում է աստվածային ճշմարտությունը, սովոր է մարդկանց հոգիների մեջ թափել (Աստծուն) ճանաչելու ուսմունքը, և տնկել մարդկանց սրտերում երկյուղ՝ պաշտվող Աստծու հանդեպ, և Քրիստոս Արարչի սերը լցնել նրա արարածների վրա, և նրա կամքով բարձրացնել (նրանց) իր Աստվածության բարձրության վրա, ինչը դուք պետք է ընդունեք:

304 (562. LXXI). Որովհետև եթե ամպերը, որ սպասավորներ են, Տիրոջից հրաման ստանալով, բարձունքներից իջնում են ծովերի անդնդական խորքերը և եթերի մոտ լցվելով, ուռչելով առատորեն ներառնում են ջրերը, տանե-

լով, բարձրացնելով, տարածվելով և ծածկելով երկնքի երեսը որոտալից ամպերով, և առատորեն թափելով ցողը (երկրի վրա) կատարում են Արարչի հրամանները, մատովակ դառնալով ներքեռում ապրողների համար, ապա ինչքան ավելի (սիրելի) պիտի լինեն այս վկաները<sup>1</sup>, որոնք ի սեր Աստվածության համբարձվեցին (երկինք), որոնց վրա խոնարհվեց Աստված. Նրանք առատորեն ստացան Հոգու շնորհները և ավելի շատ լցվեցին (աստվածային) պարզեներով, իրենց մարմինները տվեցին Տիրոջ համար որպես գանձ<sup>2</sup>, որպեսզի հաջորդ անգամ այն նորից ստանան՝ հնացածը նորացած: Եվ լցվելով աստվածային պատգամներով՝ նրանք մեծ ջանասիրությամբ և ճգնությամբ քարոզեցին, և ձեզ վրա հորդաց երկնային բարիքների անձրես, և փայլատակեցին ձեզ վրա լույսն ու կրակը միասին, և ավելի շատ, քան աստվածընկալ ամպը, թափվեցին ձեզ վրա բարիքները: Անձրեալից ամպի որոտի փոխարեն Աստված որոտաց ձեզ վրա ավելի ահավոր ձեռվ և կամեցավ, որ դուք ապրեք և փրկվեք:

305 (563). Եվ նրանք, որ ատեցին այս աշխարհը և երկրային ամեն ինչ, և սիրեցին երկնայինն ու Արարիչ թագավորի պատվիրանները, բարձրացան Նրա մոտ՝ լուսեղեն հարկերի վրա, որն ընդունեց նրանց և նրանց Հոգիները: Եվ նրանք իսկույն անցան երկնային քաղաքը և երկնային բնակիչներին ուրախակից դարձան: Եվ (նոր) կյանք ստանալով՝ տկարության փոխարեն ձեռք բերեցին զորություն, անցավորի փոխարեն՝ անանցություն, մահվան փոխարեն անմահություն, որովհետեւ հաղթեցին մարմնական ցանկությունները և հաղորդ եղան աստվածային փառքին: Նրանք նորացան անպատմելի փառքի մեջ և ազատվեցին քայլայումից: Նրանց մասունքները դարձան Աստվածության Հոգու տաճարներ, որովհետեւ նրանք իրենց Տիրոջ հետ

ողջ են մնում, և նրանց սուրբ, գուրգուրված հոգիները կենդանի են պահպանվում:

306 (564). Իսկ ձեզ մոտ նրանց մարմինները և ոսկորները Աստծու տաճարներ են, որովհետեւ դուք ոչ մի այլ միջոց չունեք Աստծուն ձեզ հետ հաշտեցնելու և մերձենալու Աստծուն, եթե ոչ նրանց աղոթքների բարեխոսությամբ և նրանց հավատքն ընդունելով, որի շնորհիվ նրանք ապրեցին և արժանի եղան կենդանի ծովը մտնելու և այնտեղից Աստծու պատգամների քարոզության վտակները ձեզ հոսեցնելու, Արարչի սիրո բաժակը ձեզ մատուցելու, եթե (միայն) դուք կարողանաք այն ընդունել: Որովհետեւ Նա ոչ որի չի թողնի իր սեփական կամքով վարվելու<sup>1</sup>, այլ ուզեք թե չուզեք, անելու եք այն, ինչ Աստված է կամենում:

307 (565. LXXII). Որովհետեւ երբ Աստված մարդկային ցեղը տեսավ մեղքերի հիվանդությամբ տկարացած և այլանդակված, Նա եկավ իբրև բժիշկ՝ նրանց բուժելու, որ չմեռնեն մեղքերի հիվանդությունից, ինչի մասին էլ վկայում է մարդարեն՝ ասելով. «Թեև հիվանդացավ, բայց Դու ոտքի կանգնեցրի նրան» (Սաղմ., 67. 10): Եվ ահա, նույն գժացողն ու մարդասերը, էությամբ հավիտենականը, Ստեղծիչն ու ամեն ինչի Արարիչը՝ ինքն էլ իր արարածների բժիշկն է, որն իր լույսը տալիս է վախ ունեցողներին, ինչպես ասում է մարդարեությունը. «Զեզ՝ Իմ անունից երկյուղ կրողներիդ համար արդարության արեգակը պիտի ծագի, և բժշկություն (պիտի լինի) նրա շողերի մեջ» (Սաղաք., 4. 2):

308 (566). Ո՞վ է արդարության արեգակը, եթե ոչ Նա, որ խոնարհվեց և իր ճառագայթները տարածեց բոլոր հիվանդների և մեղքերով ախտահարվածների վրա: Դա նույնն է, որ ծագեց Հորից: Որովհետեւ միայն Նա է, որ կարող է լուսավորել մարդկանց խավարած ոգիները և ուրա-

խություն տալ ընկած հոգիներին, որ նստած են խավարի մեջ: Եվ նույն ինքն է, որ թույլ չտվեց, որ դուք կործանվեք, որի ճառագայթներով ապրում են իր ստեղծած բոլոր արարածները: Երկնքի զարդերը, այսինքն՝ լուսատուները ևս, Նրա ճառագայթներին նայելով, լուսավորում են երկիրը՝ ջահի պես իրենց լույսը տալով արարածներին: Եվ Նրա լույսով են լեցուն երկինքն ու երկիրը: Եվ Նրա հոգին, որն իր էության լույսի ճառագայթներն են, իր սեփական գթառատ կամքով խոնարհվեց և եկավ լուսավորելու արարածներին, որովհետև նրանք խավարի մեջ էին, իսկ նա եկավ իր լույսը (արարածներին) տալու համար:

309 (567). Իսկ եթե նրանք չցանկանան բացել իրենց սրտերը Նրա Աստվածության ճառագայթների առաջ, Նա իսպառ կայրի (նրանց), համաձայն ասվածի, թե «Իմ բարկությունից հուր բորբոքվեց. այն կայրի և կիշնի մինչև դժոխքի խորքերը, կլափի հողը և նրանց երկրի բոլոր բույսերը. նրանք կվառվեն հրով, կբորբոքվեն հիմքերը նրանց լեռների» (Բ Օր., 32. 22): Ինչո՞ւ, ինչի՞ համար կամ ինչպե՞ս Նա պիտի այրի՝ հիմքերին մոտենալով: Դա այդպես է, քանի որ նրանց մեղքերը արմատավորվել և ուժ էին ստացել երկրի վրա, այդ պատճառով Նա հիմքերից և արմատներից այրելու է չարը և ամբողջովին երկրից արմատախիլ է անելու մոլորությունը, ջնջելու և ոչնչացնելու է կռապաշտության հիմարությունը, ինչպես դա ցույց տրվեց ձեզ, երբ սկսվեցին ձեր տանջանքները<sup>1</sup>:

310 (568). Որովհետև երբ նա, ծովի նմանեցնելով, խոսում է մեղքերը քամելու և մաքրվելու մասին, Նա այնտեղ խեղում է դաժաններին, որոնք նման էին փարավոնի սանձարձակ, անգութ գորքին՝ իրենց անհնաղանդ, խստասիրտ, հակառակասեր բարքերով, այն զորքին, որը խմբված գնդերով, բազմաթիվ մարտակառքերով, նիզակներով զինված

հեծյալներով և անթիվ սպառազեն ձիերով կործանվեց (ծովի) ջրերի մեջ: Որովհետև (դրա նմանությամբ) ինչպես ժամանակին արված չափավոր ոռոգումները շատ օգտակար է բոլոր սերմաբույսերի համար, իսկ հորդն ու անչափը փտեցնում, փչացնում և կորսայան է մատնում, իսկ եթե (ջուրը) չափազանց շատանա, ողողելով անհետ կարբի-կտանի, նույն ձեռվ էլ լույսը հածելի է մեր աչքերին, բայց երբ չափից ավելի է բորբոքվում, (նայողը) զոհվում է, ինչպես (ժամանակին) եբրայեցիների ամբոխը<sup>1</sup>, որն, ընդդիմանալով Մովսեսին, այրվեց Աստծու բարկությունից (Թվեր, 16. 34-35):

311 (569). Իսկ այս ցամաք երկիրը մեր բնակության տեղն է, և մեր կյանքի համար բոլոր օգտակար բաները և ապրուստը նրանից է և նրա վրա է, և մեր խնամքի համար անունդը, մորից ստացած կաթի նման, մեզ նրա կողմից է տրվում: Այդ էր պատճառը, որ այդ նույն, մեզ խնամակալող երկիրը պայթեց, պատովեց, բացեց իր ընդերքը և սուզեց, կլանեց, միանգամից կուլ տվեց, ողջ-ողջ դժոխք ուղարկեց դետացիներին, որոնք համարձակվեցին բանի տեղ չգնել և արհամարհել Մովսեսին՝ Աստծու ընտրյալին և սիրելիին (Բ Օրենք 11. 6):

312 (570. LXXIII). Այդպես եղավ այն ժամանակ, իսկ հիմա Աստված իր Որդուն ուղարկեց մարդկանց մոտ, որը եղավ և քայլեց երկրի վրա և իր առաքյալներին ուղարկեց աշխարհով մեկ, իսկ այս երանելիները, որ (հեռուներից եղան) հասան ձեզ, ոչ միայն պարզ խոսքով, այլև հրաշագան նշաններով ցույց տվեցին (Ծմարտությունը) այն տանձանքների միջոցով, որ դուք նրանց պատճառեցիք:

313 (571). Եվ ահա, եթե այն մարդիկ, որ արհամարհեցին Աստծու ծառա Մովսեսին, արժանացան այնպիսի պատժի, ապա ինչպիսի՝ պատիժների արժանի պիտի լինեն

նրանք, ովքեր համարձակվեցին Աստվածորդու դեմ բարձրանալ: Որովհետև եթե երկրավոր օրենսդրին դիմագրողները այն աստիճանի բարկության հանդիպեցին, ապա ինչքա՞ն ավելի մեծ տանջանքների հետ կբախվեն երկնայինին չընդունողները: Որովհետև Տերը՝ Աստծու Որդին, Հորից ուղարկվածը, երբ իր սիրելի առաքյալներին ուղարկում էր աշխարհով մեկ, այսպիսի դատավճիռ արձակեց և հաստատեց. «Ով ձեզ է ընդունում, ինձ է ընդունում, և ով ինձ է ընդունում, ընդունում է իմ Հորը» (Մատթ., 10. 40: Հովհ., 13. 20):

314 (572). Թեև դուք երեկ նրանց սպանեցիք, բայց Աստծու համար նրանք հիմա էլ ողջ են և հավիտյան ողջ են լինելու: Եվ նրանց բարեխոսությամբ դուք կհաշտվեք Աստծու հետ, նրանց՝ ձեր այս առաքյալներին առաքելակից մեծն Պողոսի խրատի համաձայն, որն ասում է. «Մեզ իր հետ Աստված հաշտեցնելու է՝ իր Որդու մահվան միջոցով» (Բ Կորնթ., 5. 18), որովհետև Աստծու Որդին մեռավ և ողջ մնաց. այսպես և Նրա սիրելի վկաները ողջ են և ձեզ համար բարեխոսող (Աստծու առջև):

315 (573). Որովհետև ինքը՝ Աստծու Որդին, ձեզ համար ուրախ լուրի քարոզիչ է և ինքն էլ՝ ձեզ ուրախություն բերող պատգամների մատովակ: Նա ինքը ձեզ արքայություն հրավիրողն է. Նա ինքը իր բարիքների կարգադրիչն է: Նա ինքը, ձեռքերը վեր բարձրացրած և երկրի մեջտեղը գալով, պարգևներ տվող դարձավ՝ իր արժանիներին: Նա ինքը ահեղ և պատասխան պահանջող է նրանց համար, ովքեր նրան չեն ճանաչում: Նա ինքը փնտրողն է նրանց, որոնք կորցրել են նրա բարիքները: Նա ինքը առաջնորդ է մոլորվածների համար, որոնք շեղվել են նրա ճանապարհներից: Նա ինքը նավահանգիստ է նրանց համար, որոնց, ինչպես ձեզ, պաշարել են ամբարշտության մեղքի ալիքնե-

րու: Նա ինքը գերությունից ազատողն է նրանց համար, ուրոնք, ինչպես դուք, գտնվում են մեղքերի գերության մեջ: Նա ինքը բժիշկ է վիրավորների համար, որոնք ձեզ նման խոցված են ամբարշտությունով: Նա ինքը օգնականն է նրանց, ովքեր նրան ճանաչելու համար չունեն որևէ օգնություն: Նա ինքը հույս է նրանց համար, որոնք հույսը դրել են նրա վրա՝ մշտնջենավոր, անվերջ, անսպառ, աննկարագրելի, անվախճան արքայության արժանանալու համար: Նա մեղմաբար է նայում իր արարածներին և իր գիմությամբ կերակրում է չարերին և բարիներին, բայց և խրատում է բոլորին, որպեսզի արժանացնի մերձենալու՝ Աստվածության կողմից որդեգրության կանչված լինելու:

316 (574). Եվ թող ձեզ հայտնի լինի, որ սա այսպես է, որովհետև մարդասեր Աստված ցանկանում է ձեզ իր ժառանգները դարձնել: Իսկ առաջ, երբ դեռ չէիք ճանաչում Աստծուն, դուք ծառայում չէիք այն բաներին, որոնք իսկապես աստվածներ չէին: Բայց հիմա դուք ճանաչեցիք Աստծուն, մանավանդ, որ Աստված ճանաչեց ձեզ, դուք, որ խաբված էիք տկար արարածներից սնոտի պաշտամունքով և մեղքերին ծառայելու լծի ներքո հնազանդ մնալով: Իսկ հիմա դուք ազատվեցիք այդ անօգուտ կամավոր ծառայության լծից, այդ ստրկությունից (շրջադարձ կատարելով) դեպի Քրիստոս Հիսուսը՝ մեր Տերը, Աստծու Որդին:

317 (575). «Զգուշացեք, որ չլինի թե (հետո) հրաժարվեք այսեղ խոսողից. որովհետև եթե չկարողացան կենդանի մնալ նրանք, որոնք համարձակվեցին հրաժարվել երկրի վրա պատգամներ տվողից<sup>1</sup>, ինչքան ավելի շատ մենք (չպիտի պատվենք), եթե թիկունք դարձնենք երկնավորից, որի ձայնը այն ժամանակ սասանեց երկիրը, և այժմ էլ խոստանում է՝ ասելով. «Դարձյալ մի անգամ էլ պիտի շարժեմ ոչ միայն երկիրը, այլև երկինքը» (Եբր., 12. 25-26):

իսկ որ ասում է «մի անգամ էլ», ցույց է տալիս, որ շարժման ենթակա իրերը, որպես ստեղծված իրեր, պիտի փոփոխվեն, որպեսզի «անշարժ բաները մնան հաստատուն» (Եբր., 12. 27):

318 (576). «Դրա համար դուք ձեր սրտերում հնազանդվեք անշարժ թագավորությանը, և դուք ձեռք կբերեք շնորհները, որոնց օգնությամբ դուք կծառայեք Աստծուն սիրահոժար: Որովհետև Աստվածը ոչնչացնող կրակ է» (Եբր., 12. 28-29), որն այրելու է ձեր մեղքերը և մաքրելու է ձեր հոգիները, ինչպես ճարտար արվեստի փորձության հալոցներում արծաթաթագործ վարպետների մուրճերի տակ ժանգն անջատվում է մաքուր մասից: Իսկ այն, ինչ որ զտվում է, մաքրվում և ազնվանում է, իսկ որ չի զտվում, այրվում ու հրդեհվում է, ինչպես ասում է մարդարեն, թե «Լույսն իսրայելի կրակ պիտի դառնա և նրան սրբի բորբոքված բոցի մեջ» (Եսայի, 10. 17): Եվ նրանց անօրենությունները նա նմանեցնում է խոտի՝ ասելով այսպես, թե «կրակ է բռնելու նրա շուրջը և այրելու է խոտի պես: Այն օրը լեռները, բլուրները և անտառները պիտի մոխիր դառնան, և կրակը լափելու է հոգի ու մարմին, և փրկվողը նման պիտի լինի բորբոքված բոցից ազատվածի, և նրանցից կենդանի մնացածները, – ասում է (մարդարեն), – թվով այնքան (քիչ) պիտի լինեն, (որ մանուկ երեխան էլ կարողանա հաշվել նրանց)» (Եսայի, 10. 18-19):

319 (577. LXXIV). Եվ այն սկզբնական ժամանակներում՝ ջրեղեղից հետո, երբ մարդիկ սկսեցին շատանալ երկրի երեսի վրա, նրանք վայելում էին Աստծու առատորեն տրվող հոգատարությունը, բայց (հղփանալով՝) ճարպակալած աչքերով, շեղված մտքերով, նրանք հիմարացան, մոռանալով իրենց ով լինելը, խոռվություն նյութեցին: Նրանք հավաքվեցին մի տեղում, խորհուրդ արեցին և ընդունեցին դա-

տարկ որոշում՝ կառուցել անհնարին բարձր մի աշտարակ՝ կուռքերին պաշտելու համար: Եվ բարձրացրին այն ասուրեստանցիների երկրի Սենեար դաշտում: Նրանք շինում ու շինում էին (աշտարակը՝) դեերին պաշտամունք մատուցելու համար, իրենց անվանեցին «տաճար կառուցողներ»՝ իրենց որդիներին թողնելու համար: Մնապարծ ինքնագույնությամբ այդ անմիտ առաջին ցեղի մարդիկ, գործի անցնելով, ջանասիրաբար աշխատեցին այդ անօրեն կավաշեն աշտարակի վրա, նպատակ ունենալով չարության այդ կուտակումը (ժառանգություն) թողնել սերունդներին, որ դալու են իրենցից հետո:

320 (578). Տեսնելով նրանց պակասամտությունը՝ Տեր Աստված խառնեց և տվեց նրանց խմելու բաժանված լեզուների խառնուրդի (դառնության) բաժակը: Այնտեղ, այդ նույն տեղում նա իրար խառնեց նրանց, ինչից և այդ վայրը ժառանգեց Բաբեկ՝ «խառնակություն» անունը<sup>1</sup>: Եվ նրանք ցրվեցին և հեռացան իրարից, մեկը մյուսի՝ իր ընկերոջ լեզուն չհասկանալով: Այսպես պառակտվելով իրարից անջատվեցին, գործը թողեցին, իսկ այն, ինչ սկզբից կառուցել էին, հենց իրենք էլ ավերում էին: Հարբածների պես ամեն մեկը իր լեզվով էր խոսում, որ սովորել էին ամենաստեղծ Արարչից: Խառնվելով՝ ու ցրվելով՝ նրանք բաժանվեցին իրարից:

321 (579). Եվ ահավոր հուրը՝ Աստծու Հոգու կիզող հողմի հետ, որը դնում է մարդկանց ճիշտ ճանապարհի վրա և ետ է պահում անօգուտ ճանապարհներից, տանում է դեպի արդարություն և բոլորին ամրապնդում, այդ հուրը, վերևից ընկնելով, ճեղքեց աշտարակը վերևից ներքեւ, վլցրեց, տապալեց, փշրեց և ցիրուցան արեց դաշտով մեկ: Եվ ահա, երբ նրանց այդ նորահայտ անօրենությունը ոչնչացվեց, նրանք, Աստծու կամքով, սփռվեցին երկրի վրա՝ ամեն մեկը

իրեն բաժին ընկած վայրում: Յոթանասուներկու պատրի-  
արքներ (նահապետներ) կարգվեցին լեզուների վրա, որոնք  
ցրվեցին երկրով մեկ՝ յուրաքանչյուրը իր սահմաններում:

322 (580). Բայց մեկը՝ երայական ցեղի նախնիներից<sup>1</sup>,  
չմիացավ այն արագ փլուզման ենթակա (աշտարակի) կա-  
ռուցման գաղափարին և չհարեց արագ ավերվողի (շինա-  
րարության) մտադրությանը: Դրա համար նա իր լեզուն  
պահպանեց: Իր գավակների հետ միասին նա առաջինը ճա-  
նաչեց Արարչին, ինչպես մենք սկզբում պատմեցինք,  
ստանձնեցին աստվածապաշտությունը և կոչվեցին Աստ-  
ծու սեփական ժողովուրդ<sup>2</sup>: Նրանցից (ծնվեցին) աստվածա-  
խոս մարդարեներ, «Նրանցից է նաև Քրիստոս՝ ըստ մարմ-  
նի, և նա է բոլորի վրա հավիտյանս օրհնյալ Աստված»  
(Հռոմ., 9. 5): Նրանցից են նաև չնորհված նորապարզե-  
կտակարանների աշակերտներ՝ ավետարանիչները, որոնք և  
վկաներն են նրա գործերի, նշանների, հրաշքների գորութ-  
յան, որ կատարվեցին Նրա գալստյան ժամանակ, որոնք և  
բաժանեցին (մարդկանց Նրա տված) չնորհները և իրենց  
բերանն առնելով Հոգու կենդանության հուրը, հրդեհելով  
այրեցին արատը աշխարհի (երեսից): Խորխորատներից  
նրանք բարձրացրին ողջ երկրի ընկածներին: Նրանք աշ-  
խարհում եղած անօրենությունը քանդեցին, այրեցին, մա-  
շեցին՝ այն բարձրաքերձ աշտարակի օրինակով, որի մասին  
մենք պատմեցինք:

323 (581). Եվ ահա, բարձրաքերձ և արագաքանդ աշտա-  
րակի փոխարեն կանգնեցվեց ճշմարտության խաչը, որի  
գորությունը մշտնջենական է և Աստծու փառքը՝ նրա մեջ,  
ինչպես և մարդարեն է ասում. «Քո մեջ է հայտնվելու Տե-  
րը, և Նրա փառքը քո մեջ է երևալու: Թագավորները գա-  
լու են դեպի քո լույսը, և հեթանոսները՝ դեպի քո լույսի  
փայլը» (Եսայի, 60. 2-3):

324 (582. LXXV). Ահա թագավորողները, որոնք փառա-  
վորվեցին խաչ բարձրացած Փրկչի մոտ, և որոնք Նրա  
Աստվածության վկաներն են: «Ովքեր Քրիստոսի հետ են,  
Նրա հետ էլ պիտի թագավորեն» (Բ Տիմ., 2. 11-12), որով-  
հետև մատնվեցին Աստծու անվան համար, որպեսզի Հի-  
սուսի կյանքն էլ հայտնվի Քրիստոսի սիրելիների մահկա-  
նացու մարմինների մեջ (Բ Կորնթ., 4. 11): Նրանք հայտնա-  
պես մեռած են և ծածկապես ողջ են. նրանք հայտնապես  
քարոզում են իրենց կենդանությունը, և ձեզ, որ մեռած եք  
ձեր մեղքերի մեջ, տալիս են կենդանություն ըմպելու:

325 (583). Որովհետև Աստված ձեզ հայտնվեց նրանց  
ոսկորների մեջ, որովհետև նրանք իրենց վրա առան չար-  
չարանքների խաչի լույսը, և Քրիստոսի նույն չարչա-  
րանքների օրինակով իրենց մարմինների վրա ցույց տվե-  
ցին Փրկչի համբերությունը, որպեսզի լուսավորեն այն  
խավարը, որ թանձրացած էր ձեր հոգիներում, ինչպես ա-  
սում է մարդարեն. «Խավարը ծածկեց երկիրը, և մառախու-  
ղը պատեց հեթանոսներին» (Եսայի, 60. 2): Ահա արդարեւ  
հեթանոսությունը, ինչպես խավար և մառախուղ, պատել է  
ձեր հոգիները՝ անմիտ սովորություններով, ինչպես այն մո-  
լորության աշտարակի (ժամանակ), որ մարդկային ցեղը  
հղացավ անօրեն պաշտամունք՝ երկրպագելով անշունչ և  
չնչավոր արարածներին՝ Արարչի փոխարեն:

326 (584). Չնայած որ կործանարար պաշտամունքի հա-  
մար, իրենց մտքում հղացած անօրենության աշտարակի  
շինարարության պատճառով, նրանք ցրվեցին աշխարհով  
մեկ՝ խառնված լեզուներով, սակայն նույն բանից չհրա-  
ժարվեցին, ինչպես ասում է մարդարեն նույն Սաղմոսարա-  
նում. «Ահավասիկ, անօրենություն երկնեցին, ցավեր հղա-  
ցան և անօրենություն ծնեցին» (Սաղմ., 7. 15): Որովհետև  
այն բանից հետո, երբ աշտարակը քանդվեց, և յուրաքանչ-

յուրը թողեց այդ անօրենության գործը, նրանք ստեղծեցին ձեռակերտ (արձաններ), որոնց սկսեցին երկրպագություն անել, ինչպես ասում է մյուս մարդարեն. «Փայտին ասացին՝ «Իմ հայրն ես դու», և քարին ասացին՝ «Դու ծնեցիր մեզ»: Եվ նրանք ոչ թե իրենց երեսը, այլ թիկունքը դարձրին ինձ» (Երեմ., 2. 27):

327 (585). Դրա համար փայտի փոխարեն, որին նրանք երկրպագում էին, նա կանգնեցրեց իր խաչը, որտեղից և լույսի ճռագայթներ է արձակելու բոլոր արարածների վրա, «որոնք նստած էին խավարում և մահվան ստվերի մեջ» (Սաղմ., 106. 10: Ղուկ., 1. 79): Իսկ անարգներին նա այրելու է, ինչպես ասվում է մարդարեական խոսքում. «Լույսն իսրայելի<sup>1</sup> կրակ պիտի դառնա և նրան<sup>2</sup> սրբի բորբոքուն հրով» (Եսայի, 10. 17): Իսկ աշտարակը բարձրացրեց Արարչի զայրույթը և բարկությունը, և նա ցրեց նրանց և խառնեց նրանց լեզուները: Իսկ խաչից գթություն հորդեց՝ Աղամի որդիների ցրված ցեղերը հավաքելու համար: Եվ հնամաշ, սնոտի քարապաշտության փոխարեն նա իր վկաների հավատը դարձրեց վեմ, որպեսզի նրանք լինեն անհողող և ամրակուու:

328 (586). Եվ մենք եկեք ձեզ հետ միասին (մեր) շենքը կառուցենք առաքյալների և մարդարեների հավատի ամուր հիմքի վրա: Ընդունենք Հուրը Հոգու չնորհների: Նա, որ այրեց և փլեցրեց մոլորության աշտարակը, նույն ինքը կկանգնեցնի մեզ հավատի հաստատուն հիմքերի վրա և իր խաչով մեզ կրերի միաբանության: Եվ նա մեզ կտա Հոգու հուրը, որով այրվելու են մեղքերը, և լույս է արձակելու արդարությունը՝ խաչի միջոցով, որտեղ Տերը ի հայտ եկավ, որից Տերը կախվեց, որտեղից նրա փառքը բարձրացավ և լցրեց երկիրը, որից (հաստատություն ընկալեցին) վկաները, թագավորները և Քրիստոսի հետ թագավորողնե-

րը, որի միջոցով դուք և կհաշտվեք Աստծու հետ՝ Նրա Որդու մահվան չնորհիվ:

329 (587). Դրա համար էր, որ Աստվածորդին իջավ, որպեսզի մարդկային մարմին առնի և իջնի մինչև մահվան անարդությունը, մինչև իսկ թաղումը, որպեսզի իր մարդասիրությունից ելնելով՝ նա այսպիսի դատավճիռ արձակեց, ասում է ինքը՝ Աստվածորդին. «Մրանք են իմ քույրերն ու եղբայրները, որ կատարում են իմ Հոր կամքը, որ երկնքում է» (Մատթ., 12. 50: Մարկ., 3. 35: Ղուկ., 8. 21), որովհետև Որդին, գալով, կատարեց Հոր կամքը:

330 (588). Եվ ի՞նչ է Հոր կամքը, եթե ոչ մարդկանց մերժված որդիներին նորից ընդունել արքայություն և կենդանություն տալ, ոտքի կանգնեցնել մահվան կողմից տապալվածներին և դարձնել չնորհների արժանի որդիներ, Հոր կամակատարներ, Որի Միածին Որդին է ինքը բնությամբ: Եվ դրա համար էր, որ ինքը՝ զորությունների Տերը իջավ մինչև մարդկային տկարության աստիճանը, որպեսզի նույն տկարության միջոցով տանի տկարացածներին դեպի Աստվածության զորության փառքի աստիճանները և հասցնի որդեգրության չնորհին արժանի լինելուն:

331 (589). Նա ինքը իր կամքով իջավ, որպեսզի իր սիրելիներին միախառնի Աստվածությանը: Ով որ իսկական սիրով դարձավ Աստվածային սիրո պատճենը, նրանց իր եղբայրներն անվանեց և իր Հոր իմաստության բնական սերը սովորեցրեց նրանց, և Հոր զորովալից խնամատարությունը հորդեց և ջերմացրեց նրանց, և ովքեր հավատացին նրա անվանը, այդ սրբերին իշխանություն տվեց լինելու

Աստծու որդիներ (Հովհ., 1. 12): Նա ցույց տվեց նրանց շնորհների Հորը, իր ծնողին, և սովորեցրեց նրանց Հայր կոչել Նրան, և նրանց ցույց տվեց իր Հոր բարերարությունը, որպեսզի նրանք այդ հայրական բարերարության շնորհիվ արժանի գառնան ճշմարիտ Որդու եղբայրներ անվանվելու: Որդին վերցրեց նրանց և մոտեցրեց Հորը՝ ասելով. «Ահավասիկ ես և իմ մանուկները, որ Հայրը ինձ տվեց» (Եսայի, 8. 18): Եվ դարձյալ դիմելով Հորը՝ ասաց. «Անունդ հոչակելու եմ իմ եղբայրներին, և ժողովատեղում պիտի օրհնեն Քեզ» (Սաղմ., 21.23): Ինչպես և աշակերտներին ասում էր. «Որովհետև այն ամենը, ինչ ասաց ինձ իմ Հայրը, ես ցույց տվեցի ձեզ, որովհետև ես գիտեմ ձեզ, որ ինձ բարեկամ եք» (Հովհ., 15. 15):

332 (590). Աստծու ճշմարիտ Որդին իր ճշմարիտ վկաներին և համախոհներին դարձրեց իր Աստվածության կամքը կատարողներ, որոնք, դեպի Նա սիրով համակված, նվիրվեցին Նրա պատվիրանների կատարմանը: Նա այնքան բարձրացրեց նրանց և հասցրեց իր Աստվածությանը, որ արդեն Հորը դիմելով՝ բացականչեց. «Այսուհետև նրանք այս աշխարհից չեն, ինչպես ես Էլ աշխարհից չեմ» (Հովհ., 17. 16): «Եվ ես պիտի աղաչեմ Հորը, որ Նա ուղարկի ձեզ Բարեխոս (Մխիթարիչ) Սուրբ Հոգուն, որպես առհավատչյա (ճշմարտության Հոգի), որը ձեզ խառնելու է Աստվածությանը, որպեսզի հավիտյան ձեզ հետ բնակվի, (ճշմարտության Հոգին), որին այս աշխարհը չի տեսնում, – ասում է, – և չի ճանաչում» (Հովհ., 14. 16-17): Եվ ահա, Նա դարձրեց նրանց Աստվածության առաջին տաճարը երկրի վրա և Սուրբ Հոգու օթևաննը. «Ես և իմ Հայրը, – ասում է (Հիսուսը), – կգանք և ձեզ մոտ կօթևաննեք» (Հովհ., 14. 23): Նա Հոր սիրո զորության և խորհրդի մեծության գանձանակ դարձրեց նրանց և ճանաչվեց նրանց կողմից՝

մինչև աշխարհը (կճանաչեր Նրան):

333 (591. LXXVI). Եվ քանի որ մարդիկ չեին կարողանում տանել արդարության պատվիրանների լուծը, նրանք ընկան մահացու մեղքերի (բեռի) ներքո: Եվ որովհետև մարդկանցից ոչ ոք չէր կարող փակել (առաջացած) խրամատը, քանի որ ստրկածին սերունդներն ի վիճակի չեին այդ անելու, Աղամի հանցափորության պատճառով մահը հզորացավ և կուլ տվեց նրանց, ինչպես ասվել էր, թե «Ադամով բոլորը մեռնում են» (Ա. Կորնթ., 15. 22), իսկ Աստծու Որդին Աղամի կերպարանք ընդունեց, ծառայի նմանվեց և դարձավ ինչպես մարդկանցից մեկը (Փիլիպ., 2. 7), և եկավ փակելու այդ խրամատը, որպեսզի վերականգնի ավերվածը, ինչպես ասում է մարդարեն. «Ավերակները կվերաշինվեն առհավետո» (Եսայի, 58. 12: Եզեկ., 36. 33): Որովհետև Նա (եկավ) առնելու մարմին իր արդարների կերպարանքով, և նույն մարմնով ի կատար պիտի ածի ամեն մի արդարություն, ինչպես Նա ասաց Հովհաննեսին. «Այժմ այսպես վայել է, որ մենք կատարենք (Աստծու) ամեն արդարություն» (Մատթ., 3. 15):

334 (592). Որովհետև Տերն ինքը, ծառայի մարմին առած, բոլոր արդարություններն ի կատար ածեց, որպեսզի մարմնին, որը Նա խառնեց և միացրեց Աստվածությանը, այդ նույն մարմնին հաղթանակ շնորհի: Եվ ինչպես Աղամի մեկ մարմնի պատճառով (մարդիկ) մեղապարտ դարձան, նույնպես և Տիրոջ մեկ մարմնի միջոցով նրանք ազատվելու են մեղքերի ստրկությունից (Ա. Կորնթ., 15. 22), այն ազատությունն են (ատանալու), որը բոլոր ազատություններից վեր է (Հոռոմ., 8. 21):

335 (593). Նրանց ազատելու համար Նա իջավ մինչև ստրկություն, որպեսզի իր մարմնով ամբողջացնի և անցնի արդարության գործերի բոլոր աստիճանները, որպեսզի

միանգամից վերացնի մեղսալից մարմնի տկարության կարիքները, և միանգամից ինքն իրեն քահանայի պես հանձնի իր Հորը, և միանգամից սիրահոժար իրեն մատուցի որպես զոհաբերություն՝ ի նշան իր Հոր հետ (մարդկանց) հաշտության, և նույն զոհաբերությամբ միասին մատուցի մեր՝ Նրա հանդեպ ունեցած հավատի խոստովանությունը։ Որովհետև այդ հենց ինքն էր, որ հաղթեց և ավարտեց, կոտրեց և վերացրեց մահվան դատակնիքը, որպեսզի կյանքի ավետիսը լինի անկասկած, ծամարիտ և անվրեպ, որպեսզի մենք բոլորս Հիսուս Քրիստոսով կենդանանանք (Ա. Կորնթ., 15. 22):

336 (594). Եվ ի՞նչ է նշանակում (ավետարանիչի) ասածը, թե «Նա կատարեց իր Հոր կամքը» (Հովհ., 4. 34), եթե ոչ՝ որ իր մարմնով նա պիտի բարձրացնի արդարության կատարման հաղթական անունը։ Նա հասավ հաղթական նպատակին՝ բոլոր մարմնավորների համար, որպեսզի Առդամի որդիների վրայից վերցնի նախատինքը, հանի մահացու թույնը և լվա դժոխքի խայթոցները, որպեսզի մենք համարձակ կարողանանք ասել. «Ո՞ւր է, մահ, քո հաղթությունը», կամ «Ո՞ւր են, դժոխք, քո խայթոցները» (Ա. Կորնթ., 15. 55)։ Որովհետև «Նա բոլորի երեսից արցունքն իսպառ պիտի կտրի» (Եսայի, 25. 8) և վերացնելու է տիրական սուգը և տալու է անտրտում խնդություն։

337 (595). Եվ ինչպես նա ինքն իջավ բարձունքներից, այնպես էլ ում որ արժանի գտավ՝ բարձրացրեց դեպի իր Աստվածությունը, և դարձրեց նրանց իր կամքի սիրահոժար գանձանակներ և Սուրբ Հոգու բնակության տաճարներ (Հմմտ. Ա. Կորնթ., 6. 19), որպեսզի նրանք լինեն Աստվածության մեջ ընկրմվածներ։ Որովհետև իր ազգակից մարմնով նա սկզբից դեպի իրեն գրավեց նրանց, և (Հետո) նրանց միջոցով բոլորին գրավելու է դեպի նրանց ուրա-

խությունը։ Ինչպես նախագետ իմաստուն մարդարեն այս կապակցությամբ հիացմունքով ասում էր, որ մենք «պիտի ուրախանանք քո ազգի ուրախությամբ, ու պարծենանք քո ժառանգությունը Միածին Որդին է, իսկ ուրախությանը մասնակից ազգերը Տիրոջ մարմնի արդար մարմնակիցներն են։ Որովհետև արդարության գովությունը մարդկանց բոլոր մարմինների հետ բարձրացրեց ինքը, որը Հոր ժառանգն էր և բոլոր արարածների ժառանգության կարգադրիչը (Եբր., 1. 2)։ Իսկ նրանց, ովքեր Նրա համար վկայեցին, նա իր ուրախակիցը դարձրեց, որովհետև նրանք ազգակից էին Նրա մարմնին, իսկ (այդ մարմնին) ազգակից բոլոր մարդիկ ուրախակից են լինելու իրենց ազգակից վկաներին։

338 (596). Եվ Տերը սկզբից զատեց նրանց այս երկրային կարգերից և բարձրացրեց այս երկրից, միախառնելով նրանց հրեշտակների և աստվածամերձ էակների կարգերին, որպեսզի նրանք՝ բարձրանալով դեպի Աստվածությունը, իրենց բոլոր ազգակիցներին բարձրացնեն դեպի Աստվածության նույն սերը, որին իրենք հասան։ Որովհետև նրանք նախ արժանացան իմանալու Աստվածության նաև գաղտնի մտքերը, և նրանց միջոցով բոլոր արարածները (Հետո) իմացան «այն, – ինչպես ասված է, – ինչ այս աշխարհը չի տեսնում և չի ճանաչում» (Հովհ., 14. 17)։ Որովհետև նրանք սկզբից զատվեցին, անջատվեցին այս աշխարհից և ապա իրենց Տիրոջ հանդեպ ունեցած սիրոհիկ հասան Նրա Հոգու զորությանը։ «Դուք, – ասում է, ճանաչեցեք (Նրան), որովհետև նա ձեր մեջ է բնակվելու հավիտյան» (Հովհ., 14. 17)։

339 (597. LXXVII). Տեսնո՞ւմ եք Նրա դատավճիռը, որ ասաց. «Հավիտյան ձեր մեջ է բնակվելու», որովհետև ինչպես սրանց կենդանության օրոք, այնպես և այժմ և հա-

վիտյան սրանց ոսկորներում քնակվում է բարեխոս Հոգին, նրանք՝ որդեգրության արժանացածները, որոնց չնորհիվ դուք հաշտվելու եք Աստծու հետ՝ Նրա Որդու մահվան միջոցով։ Որովհետև այս սուրբ վկաները նույն Հոգու չնորհիվ, որին արժանի եղան, ձեզ բարեխոս են լինելու, որպեսզի և ձեզ՝ անգետներիդ և մեղավորներիդ, թողություն լինի։ Որովհետև Աստծու Որդին, որն իր օրինակով ցույց տվեց, որ իր սիրելի վկաները կենդանի են, ասում է նրանց. «Ես կենդանի եմ, և դուք կենդանի եք լինելու իմ մեջ, որովհետև ես Հոր հետ եմ, և դուք ինձ հետ եք, և ես՝ ձեզ հետ։ Որովհետև ով իմ պատվիրաններն ընդունում է և դրանք պահում, նա է, որ ինձ սիրում է, և նա պիտի սիրվի իմ Հորից, ես էլ նրան պիտի սիրեմ և ինձ պիտի հայտնեմ նրան» (Հովհ., 14. 19-21):

340 (598). Նրանք իսկապես Տիրոջը սիրեցին ավելի, քան իրենց կարողությունն էր, որովհետև տեսան Տիրոջը և Արարչին, որն իրեն զոհաբերեց նրանց համար, իսկ սրանք իրենց հանձնեցին մահվան՝ Նրա մահվան փոխարեն։ Եվ նրանք միացան Նրա Աստվածային սիրուն և դարձան Նրա մեծության օթևաններ։ Նրանք տեսան Տիրոջը, որն իրեն որպես զոհ մատուցեց իր Հորը, դրա համար նրանք էլ գառների պես մահն ընդունեցին, որպեսզի լինեն զոհաբերություն Աստվածորդու համար։ Որովհետև Աստծու Որդին կատարեց իր Հոր կամքը, իսկ նրանք կատարեցին Աստվածորդու կամքը։ Աստվածորդին նրանց մերձեցրեց իրեն, և նրանց միջոցով՝ ողջ աշխարհը։

341 (599). Նրանք Տիրոջից ստացան հրաման՝ արհամարհել այս աշխարհը և ամեն ինչ, որ կա աշխարհում, որպեսզի արհամարհեն այս աշխարհի կյանքը, որովհետև այն անցավոր է։ Արհամարհեն նաև նրանում եղած նեղությունները՝ հանուն այն արդարության, որ գալու է, որովհե-

տև նրանք երանությունն են և սերմերը մշտնջենավոր արքայության։ Մերժեն և արհամարհեն, լքեն և թողնեն ունայն ապրելակերպի բոլոր իրենց գործերը, որպեսզի փրկված լինեն հավիտենական տանջանքներից։

342 (600). Նա ասում է. «Մի վախեցեք նրանցից, որ մարմինն են սպանում, բայց Հոգին սպանել չեն կարող. այլ դուք վախեցեք նրանից, ով կարող է Հոգին և մարմինը գեհենի կրակի մեջ գցել» (Մատթ., 10. 28), որպեսզի նրանք թողնեն չարը և ընտրեն բարին, բարձան և ընթանան դեպի անմեղություն, և ժառանգեն երկնավոր լույսը և հավիտենական փառքը, և ժառանգակից դառնան աստվածային հավիտենական փառքի անմահության։

343 (601). Աստծո Որդին ասաց. «Մտեք նեղ դռնով, որովհետև նեղ է, – ասում է, – այն դռւոք, որ տանում է դեպի պարին, և անձուկ է ճանապարհը, որ տանում է դեպի հավիտենական կյանք» (Մատթ., 7. 13-14): Որովհետև նեղություն կրելով և վշտերով են նրանք հասնելու անվերջանալի արքայությանը, որ նրանց համար է պատրաստ, երբ Քրիստոս նորից կհայտնվի հավիտենական պարզեներով (մեռելների) հարության ժամանակ, բերելով անմահություն և հատուցելով ըստ գործերի, ինչպես և այնտեղ, իր տեղում մենք ևս պիտի պատմենք ձեզ։

344 (602. LXXVIII). «Եղեք, – ասում է, – խորագետ օձերի պես» (Մատթ., 10. 16): Եվ ի՞նչ է օձի խորագիտությունը, եթե ոչ՝ երբ որ նա ծերանում է և տեսնում, որ իր մարմինը մաշվել է, ի հայտ է բերում իր թաքնված խորագիտությունը. որովհետև գնում է նեղ ճեղքեր ունեցող տեղեր և ծերացած մարմնից մաշված մորթը հանում է, քերթելով կեղեղեկի պես, ազատվում է նրանից և կրկին երիտասարդանում, մարմինը նորացնելով՝ զարդարում է իր ծերությունը։ Այսպես և արդարները իրենց Հոգիների վրայից դեն են

նետում անցավոր մարմնի կեղաերը, որպեսզի կարողանան մտնել նեղ դռնով և ձեռք բերել անմահ թագավորությունը: Որովհետև ով որ սիրեց Տիրոջը, կենդանի է հավիտյան, որովհետև նա այսպես ասաց. «Ով հավատում է ինձ, թե պետք մեռնի՝ կենդանի է» (Հովհ., 11. 25), քանի որ «Ես իսկ եմ հարություն և կյանք», – ասաց Աստծու Որդին, որը Հոր կամքով, ինչպես վերևում ասացինք, մեղ համար ճաշակեց մահը, որպեսզի բոլոր ժողովուրդներին փրկի կործանումից: Իսկ հիմա, Հոր աջ կողմից նստած, նա ամեն ինչ պատրաստում և չնորհում է իր վրա հույսը դնողներին:

345 (603). «Եղեք միամիտ, – ասում է նա, – աղավնիների նման» (Մատթ., 10. 16): Նախ, որովհետև աղավնին մարդասեր է և մարդամոտ և ձգտում է ապրել իսկ մարդկանց մեջ, որովհետև և Աստված մարդասեր է և կամենում է միշտ բնակվել իր սրբերի մեջ: Եվ երկրորդ, եթե որևէ մեկը շատ անգամ աղավնուց վերցնի ձվերը կամ ձագերին, նա կասկածելով երբեք չի թողնի իր բույնի տեղը: Այս օրինակով, թեև շատ և անվերջ են մարդկանց մշտապես գործվող չարիքները Արարչի դեմ, որը հոգալով բավարարում է նրանց կարիքները, իսկ նրանք չեն ճանաչում նրան, սակայն նա չի թողնում և չի հեռանում իր արարածներից, այլ միշտ այցի է գալիս, փնտրում է կորածներին, որպեսզի գտնի նրանց՝ ասելով. «Այսօր, երբ լսեք իմ ձայնը» (Սաղմ., 94. 8: Հովհ., 10.16), և կամենում է բոլորին իր չնորհների ժառանգորդը դարձնել, ինչի համար և ուղարկեց իր Որդուն, որպեսզի նրանք կարողանան սովորել օձի խորագիտությունը՝ իրենց հոգիներից հանեն հնացած մարդկային տգիտությունը և ամբարշտությունը, և ստանան աղավնու անմեղ և միամիտ մաքրությունը, որն իր հետ բերում է աստվածային բարիքներ: Որովհետև և Աստծու Հոգին, երբ հայտնվեց աշխարհին, ինչի մասին

մենք վերևում պատմեցինք, այն երևաց աղավնու մարմնավոր կերպարանքով, որպեսզի ցույց տա բարիք գործող մաքուր սիրո գերազանցությունը:

346 (604). Որովհետև ովքեր ցանկանում են օթևան լինել Աստվածության Հոգուն, նրանք այդ պատկերից պետք է օրինակեն աղավնու անմեղ և զվարթ բնությունը: Ինչպես և Տերն ասում էր աշակերտներին. «Դուք բարությունն արեք չարերին և թշնամիներին, անգամ եթե բոլորի կողմից հալածված լինեք՝ արդարության համար, որովհետև ձեր Հայրը բարերար է, նա իր արեգակը ծագեցնում է բարիների և չարերի վրա և անձրև է թափում արդարների և մեղավորների վրա. որպեսզի դուք դառնաք ձեր բարերար Հոր բարերար զավակները» (Մատթ., 5. 44-45 հմտ.):

347 (605. LXXIX). Եվ ահա, ովքեր կպահեն անմեղության և արդարության այս պատվիրանը, նրանք կստանան արագաթե աղավնու կերպարանք և Սուրբ Հոգու թևերի վրա կթոշեն հասնելու համար երկնքի արքայությանը, որին տենչում էին սրբերը երկրի վրա եղած ժամանակ: Դրան էր կաթողին տենչանքով սպասել նաև մարդարեն՝ ասելով, թե՝ «Մեկն ինձ աղավնու թևեր տար, որ թռչելով բարձրանայի» (Սաղմ., 54. 7): Սա է մեկնաբանել երանելի Պողոսը, ձեր առաքյալների առաքելակիցը, մխիթարական թղթում, որով սփոփում էր թեսաղոնիկեցիներին. «Մենք, որ կենդանի մնացած պիտի լինենք, հանգուցյալների հետ միասին պիտի հափշտակվենք-տարվենք ամպերի վրայից Տիրոջ առաջ օդում, և այդպես մշտապես Տիրոջ հետ պիտի լինենք» (Ա. Թեսաղ., 4. 16): Նրանք (ձեր առաքյալները) միախառնվեցին Քրիստոսի գնդին, թռչելով լուսափետուր աղավնիների սպիտակ երամի սրբնթաց թռիչքով, որոնք վերցրին և իրենց վրա կերպարվորեցին Աստծո Որդու կերպարը, որը երևաց նրանց: Նա պատվիրեց նրանց նույն

կերպարը իրենց վրա հայտնել, որպեսզի նա նրանց վրա հոգեոր թեեր կարողանա բուցնել՝ աստվածային գնդին խառնելու համար:

348 (606). Եվ ահա, վերին լուսեղեն զորքերը զարմացած կհարցնեն, երբ տեսնեն մարմնավոր սրբերի ներքեւի գնդերը, որոնք ներքեւից դեպի վեր՝ Տիրոջ մոտ են դալիս, թե «Ովքե՞ր են սրանք, որ թուել են ինչպես ամպ և ինչպես ձագերի հետ խառնված աղավնիներ՝ երամով գալիս են ինձ մոտ» (Եսայի, 60. 8): Եվ այնտեղ նրանք կլսեն Տիրոջ պատասխանը. «Սրանք իրենց հույսը ինձ հետ են կապել. նրանց կտանեմ իմ սուրբը լեռը և կուրախացնեմ նրանց իմ տաճարում» (Եսայի, 56. 7), և բոլոր նրանց տեսնողները ճանաչելու են, որ «Սրանք Աստծուց օրհնված սերունդ են» (Եսայի, 65. 23), և ուրախացած կցնծան ի Տեր: Այնժամ Տերն ասելու է. «Դուք պիտի լինեք ինձ համար որդիներ և դուստրեր» (Բ Կորնթ., 6. 18). այնտեղ ապա Արարչական սիրո բարերար խնամքը կբորբոքվի, ըստ մարդարեի խոսքի. «Ինչպես որ մի հայր գթում է իր որդիներին, այնպես Տերը պիտի գթա իրենից երկյուղ կրողներին» (Սաղմ., 102. 13):

349 (607). Որովհետեւ «Այժմ, հուսով նայելով, այս ամենը տեսնում ենք ինչպես (պատկերը) հայելու մեջ, իսկ այն ժամանակ (պիտի լինի) դեմառդեմ» (Ա Կորնթ., 13. 12), և նույն նորացումով մենք նորանում ենք փառքից փառք (Բ Կորնթ., 3. 18), ինչպես Տիրոջ Հոգին, որ փորձում է և ստուգում բոլորին, և նորացնում է նրանց, ում որ կդտնի արժանի: Եվ ահա, փորձության հնոցում, ընտրության կրակի քուրայի մեջ նա դնում է առաքյալների լեզուները, որպեսզի նրանց միջոցով ընտրություն կատարի ամբողջ աշխարհում, որովհետեւ և՝ Աստվածության տաճարը, և երկրի հնոցները դարձան Արարչի օթևաններ:

350 (608). Սրա վերաբերյալ մարդարեները, առաջնութ-

յան վաստակ ունեցող մշակները, որ բոլոր ժողովուրդներին ազդարարում էին գալիք իրադարձությունների մասին, նախ իրենց հրեա ժողովրդին տեղեկացրին, և հետո՝ ողջ աշխարհին ազդարարեցին, որ «ժողովուրդները և թագավորները հավաքվեն միասին՝ Տիրոջը ծառայելու համար» (Սաղմ., 101. 22):

351 (609). Եվ նորից իրենց վրա հայացք նետելով՝ առաքյալները իրենց ապագա զավակների մեջ տեսան առաքյալներ, և առ Տեր գոչեցին, կարծես անձամբ իրենց և իրենց զավակների մասին էր ասված, որ պիտի սփռվեին երկրով մեկ, թե «քո հայրերի փոխարեն որդիներ պիտի լինեն քեզ, որոնց իշխան պիտի կարգես ողջ երկրի վրա» (Սաղմ., 44. 17): Եվ նրանք դարձան երկրի իշխաններ, որպեսզի բոլորին դարձնեն մեկ իշխանության հնագանդներ, որոնք սեփական ազատ կամքով ծառայելու են ազատության, որպեսզի բոլորը դառնան արքայության ժառանգներ՝ իրենց բարի գործերի համար, իշխանների հետ միասին:

352 (610). Ինչպես և Տերն ինքը խոսում է ապագայի մասին՝ մարդարեների բերանով, թե «խաղաղություն եմ տալու քո իշխաններին, և քո այցելուներին՝ արդարություն» (Եսայի, 60. 17): Սրանով առաքյալները խմեցին այցելության բաժակը և աշխարհին խմել տվեցին խաղաղության բաժակը: Այդ էր գեռես հնում կանխատեսում մարդարեն՝ նկատի ունենալով գալիք դեպքերը. «Այսպես է ասում ինձ Տերը. «Դու բովի մեջ ցցիր քո արծաթը և քննիր, թե մաքո՞ւր է, ինչպես և ես քննվեցի նրանց կողմից»: Եվ ես վերցրի երեսուն արծաթը և Տիրոջ Տանը գցեցի բովի մեջ» (Զաք., 11. 13):

353 (611). Բայց քանի որ Աստվածորդին պիտի գար, իշներ և բոլոր ժողովուրդներին բարձրացներ դեպի Աստվածությունը, այդ պատճառով բոլոր մարդիկ ենթարկվեցին

քննության այն ծառի պտուղը չուտելու (Ծննդ., 2. 17) պատվիրանի (կատարման) ձևով, որպեսզի արժանի լինեն ստանալու անմահության շնորհապարգևը: Նույն եղանակով նաև Տերը, խոնարհվելով մինչև մարմին առնելը և անարդ երևալը, փորձելով քննելու է ամուր հավատ ունեցողներին (առաքյալներին), որոնք տեսան նրան անշուք կերպարանքով, բայց լսեցին (և հասկացան), որ Նա Աստված է, իմացան, թե ինչպես և ինչու նրանք հավատալու են Նրա բնության (անհասանելի) բարձրությանը: Այդ կապակցությամբ էր, որ Նա ավելացրեց և ասաց. «Ինչպես և ես քննվեցի նրանց կողմից (Զաք., 11. 13): Եվ ահա, նրանց միասնական միաբանություն դարձնելով, Նա ի հայտ բերեց նրանց որպես մեկ տուն՝ միախոհ, մեկ ճշմարիտ հավատով, միասնական քարոզով, միակցված անդամներով, Աստվածության մեկ տաճար, որի միջոցով Նա քննելու է ողջ աշխարհը՝ իր գալստյանը հավատալու վերաբերյալ:

354 (612. LXXX). Եվ ահա, քանի որ մեղքերի հուրը կերավ և կործանեց ամբողջությամբ մարդկանց բնությունը, և վառվող մեղքերը բոցկլտում էին կրակի պես, արթնացավ Աստծու անհանդուրժող բարկությունը՝ վրեժինդիր լինելու: Եվ իսկապես, քչերը (ողջ) մնացին, ինչպես ասաց (մարդարեն), թե «կենդանի մնացածները թվով այնքան են լինելու (որ մանուկ երեխան էլ կարողանա հաշվել նրանց)» (Եսայի, 10. 19): Եվ ահա, Նա սկզբից հաշվեց և գտավ (հավատի մեջ) տասներկու հաստատուններին, որոնց մշակներ դրեց՝ ըստ Իսրայելի (տասներկու) ցեղերի (Մատթ., 19. 28): Նաև, ըստ բոլոր բաժանված ժողովուրդների առաջին լեզուների, Նա երևակեց յոթանասուներկուսին, ինչպես առել էինք սրանից առաջ, նպատակ ունենալով նրանց միջոցով հավաքելով միավորել հնում իրարից բաժանված ազգերն ու լեզուները:

355 (613). Բայց այդ առաջինները քիչ էին ու սակավաթիվ: Այդ պատճառով Աստծո Որդին ինքը եկավ սովորեցնելու (թե ինչպես) միաբանող հավատով ընտրել (արժանիներին) այս նույն հավաքականության մեջ: Այդ իսկ պատճառով Նա եկավ և ասաց. «Հունձը շատ է, իսկ մշակները՝ քիչ: Արդ, աղաչեցեք հնձի Տիրոջը, որ մշակներ դուրս բերի կատարելու իր բերքի հունձը» (Մատթ., 9. 37-38: Ղուկ., 10. 2): Եվ ինքն էլ սրանով նրանցից պահանջեց սիրել միմյանց, և միավորելով նրանց՝ երկրի վրա հաստատեց իր տաճարը և նրանց միջոցով քննության ենթարկեց ողջ աշխարհը:

356 (614). Եվ սա Հոգու հուրն էր, որ երևաց Պենտեկոստեի օրերին<sup>1</sup>, որը եկավ և հանգրվանեց առաքյալների լեզուների վրա, որը եկավ և հավաքեց ցիրուցան եղածներին, և նրանք սկսեցին խոսել այդ լեզուներով (Գործք, 2. 4-11): Դիմելով նախկին ցրված լեզուներին: Որովհետև անօրենության սերմն ընկավ անխելք առաջին մարդկանց մտքի արգանդի մեջ, ինչից էլ ամբարշտության սաղմն ընկալած, ձեռքը (լկտիաբար) կշտին դրած, նրանք կուպաշտությամբ հղիացան և ծնեցին այն: Իսկ դրա պտուղը եղավ բաժանումը, այլանդակ և այլաձայն, երբ մարդիկ սկսեցին մոլորված իրարից հեռանալ, ամեն մի մարդ իր եղբորից անջատվեց, (և) նրանք ցրվեցին:

357 (615). Իսկ սրանք (առաքյալները) իրար մեջ փնտրում էին միասիրտ, միասեր համաձայնություն: Դրա համար Նա հրամայեց, որ նրանք նախ իրենց մտքով իրար հավաքվեն, որպեսզի բոլոր ազգերին սովորեցնեն հասնել միաբանության: Որպեսզի նախ նրանց դարձնի պատրաստի օթևաններ և ապա նրանց մոտ ուղարկի Աստվածության Հոգուն, որը՝ Հոր և Որդու սերը իր հետ վերցրած, շտապով եկավ նրանց մոտ, որպեսզի նախ նրանց մեջ

բնակվի և ապա նրանց միջոցով՝ բոլոր արարածների մեջ: «Ես և իմ Հայրը, – ասում է, – կդանք և նրա մոտ կօթեանենք» (Հովհ., 14. 23): Եվ միմյանց հանդեպ ունեցած սերը նկատի ունենալով, որը սովորեցրել էր նրանց, Նա ասում է. «Աղաչեցեք հնձի Տիրոջը, որ մշակներ դուրս բերի՝ կատարելու իր բերքի հունձը» (Մատթ., 9. 38: Ղուկ., 10. 2):

358 (616). Մի՞թե Նա ինքը, առանց նրանց աղաչանքների, չէր կարող անել այդ, Նա, որ մի հրամայելով արարեց բոլոր արարածներին: Բայց որովհետև Աստվածության մոտ գթասրտությունը ամեն ինչից առավել է, այդ պատճառով Աստվածությունը ինչքան ինքը մարդասեր է, նույնքան էլ ցանկանում է, որ մարդիկ իրար սիրելու շնորհիվ արժանի դառնան Աստվածությանը՝ մեկը մյուսին վնաս չպատճառելով:

359 (617). Որովհետև ինչպես հողը, հողմը և հողի բույսը մեկ երկրից են, իրարից տարբերվում են ծնունդով, բայց մեկ Արարչի կողմից են ստեղծված, նույնպես և նրանք (մարդիկ) պետք է նախեառաջ սիրեն Արարչին և սիրվեն Նրա կողմից: Նրանք պետք է կարողանան ապրել այնպես, որ հաճո լինեն Նրան, որպեսզի վաստակեն երկնային արքայությունը: Որովհետև անձնասիրությամբ չի լինի սեր ընկերոջ հանդեպ, այլ (միայն) սեր իր եսի հանդեպ, որը հաճո չէ Արարչի կամքին: Դրա պատճառով էլ մեղքը սկզբից աշխարհ մուտք գործեց: Իսկ քանի որ Աստվածությունը մարդասեր է, այդ պատճառով նրանց (հնարավորություն տվեց) դառնալու իր համախոհները, որպեսզի նրանք սիրեն միմյանց և հանդես գան որպես տիեզերքին ազդարարողներ, աղաչանքներ հղեն և մշակներ դուրս բերեն իրենց Տիրոջ բերքի հունձը կատարելու համար (Մատթ., 9. 37-38):

360 (618. LXXXI). Որովհետև ինքնակամ մարդկանց առաջին մտահղացումը առաջ բերեց բաժանում՝ լեզուների

խառնակությունից: Նույն բանն է ի հայտ գալիս նաև հրեա ժողովրդի հետ կապված՝ մարդարեների պատմածի համաձայն, ուր ասվում է. «Ապա, հարցը և տեսեք, թե երբեք լսած կա՞», որ արուները հղիանան և ծնեն՝ ձեռքը փորին դնելով և դարձման խնդրելով: Հապա ինչո՞ւ ամեն տղամարդու տեսնում եմ՝ իր ձեռքերը մեջքին դրած: Նայում եմ մարդուն, և բոլորը՝ դեմքերը դալկացած և դեղնած, շրջում են» (Երեմ., 30. 6):

361 (619). Իսկապես նրանք հղիացել էին կռապաշտ, հեթանոս բարքերի ամբարշտությամբ և, ձեռքերը փորերին դրած, ակնկալում էին իրենց փուչ գործերի դիմաց շահավետ պտուղ ստանալ: Դրա համար էլ նրանք որպես հատուցում վաստակեցին դժբախտություն, անառողջ ծննդաբերության գույնը, պատժվեցին իրենց չարախոսության համար՝ ծննդաբերելով (իրենց համար) գերություն: Նրանք որպես իրենց որովայնի պտուղ ունեցան ցրման ավերիչ քայքայումը, որն, իբրև մանուկ գիրկն առած, տանում էին (երկրից երկիր), և օտար ազգերի մեջ պանդխտելով, ամուսնական սիրո սենյակների փոխարեն թափառականների վիճակի արժանացան: Իրենց բռնած ապստամբ դիրքի դիմաց իրենց Արարչից, մերձավոր Տիրոջից ստացան կործանում:

362 (620). Արա պես և առաջին ժողովուրդները, որոնք հանդգնեցին թիկունք դարձնել իրենց բուն Տիրոջից, որն ստեղծել էր նրանց ոչնչից, և ապաստանել էին խեցեկույտին, կավաշեն, կուպրով շաղախված աշտարակին, հղիացած նույն անօրեն պաշտամունքի ախտով. դրա համար նրանք ցրվեցին, մասնատվեցին, ավերվեցին, իրարից բաժանվեցին, և սկսեցին յուրաքանչյուրը նրանցից առաձինառանձին ծննդաբերել երկրի երեսի վրա, իրենց մեջ կրելով ստոր կեցության մենությունը, այն իբրև որովայնի (տհաս)

պտուղ իրենց գրկում բռնած, հղացած ծնում և ընդունում էին՝ ըստ նմանության դեռահաս մոր:

363 (621). Եվ մտաբերելով այն պատուհասը, որ հնում (մարդկանց վրա) եկավ ջրհեղեղի ձեռվ, նրանք սկսեցին շինել աշտարակը՝ հուսալով որ այդ նույն շինվածքի շնորհիվ կփրկվեն, երբ այն դա (նորից): Եվ նրանք չապավինեցին Արարչին, որպեսզի վերջ տան իրենց անօրեն գործերին և փրկվեն Նրան հաճելի գործերի շնորհիվ: Եվ բոլորովին չհիշեցին Նրան, որն ի սկզբանե Արարիչն էր, ո՛չ Նրա կամքը և ո՛չ արարչագործությունը, ո՛չ հետո և ո՛չ էլ առաջ: Եվ բոլորը ի մի հավաքվելով, էլի չէին կարողանում հասկանալ մեկը մյուսի մտահղացումը, որով ծանրացած էին:

364 (622). Եվ դրա համար Ամենատեսը, երբ տեսավ նրանց մեջ այն, ինչ իր կամքին անհաճո էր՝ նրանց տգիտությունը և տհասությունը, Աստվածությունը որոշեց նրանց մտահղությունը ծննդաբերությամբ ավարտել: Եվ Աստված ասաց. «Եկեք իջնենք և խառնենք նրանց լեզուները» (Ծննդ., 11. 7), և չասաց, թե՝ «Գնացեք, իջեք և խառնեք նրանց լեզուները», ինչպես և պատշաճում էր Աստվածությանն ըստ կարգի հրաման արձակելը, բայց նա ասաց. «Եկեք իջնենք և խառնենք»: Ասելով «խառնենք», նա իր (խոսքի և) գործի հավասարությունը ի հայտ բերեց, և խսկապես, նա ցույց տվեց սա և՝ մարդուն ստեղծելիս, և լեզուների բաժանման ժամանակ:

365 (623). Որովհետև մեր փրկության համար Աստվածությունը մարդկային կերպարանք առավ, առաքյալներին նա սովորեցրեց երրորդության անձերի թիվը, որպեսզի նրանք նույն ձեռվ էլ սովորեցնեն բոլորին, որտեղ որ ողջ աշխարհում մարդիկ լինեն (Մատթ., 28. 19): Հայտնելով, որ պետք է խոնարհվելով ծունը դնեն երեքանձնյա, միասնական զորության առջև, միասնական պաշտելի Տերության

առջև: Իսկ այն մարդկանց հղացած մտադրությունից ծնվեց ձայների՝ միմյանց համար անհասկանալի (լեզուների) խառնաշփոթը:

366 (624). Իսկ ահա թե ինչ ասացին այն առաջին ժողովուրդները՝ աշտարակը շինելիս. «Եկեք կառուցենք աշտարակ, որի գագաթը համանի մինչև երկինք» (Ծննդ., 11. 4), որը չկարողացան իրենց գոռոզությանը և սնապարծությանը հասցնել, այլ ավերեցին, փլցրին, քանդեցին իրենց միասնական մեկ լեզվի և համերաշխ մեկ մտածելակերպի շենքը: Նրանք չբարձրացրին աշտարակը, ըստ իրենց ասածի, մինչև երկինք, որովհետև նա հողից էր և այստեղից էր կառուցվում, բայց այնտեղից իջեցվեցին դեպի բաժանման և ցրման (պատճառով ծնվող) կործանումը: Նրանք հղացան անօրենություն, առաջացրին բազմահունչ լեզուների այնպիսի մի բաժանում, որ մարդ իր ընկերոջ ասածը չէր ընկալում. և իրարից բաժանվելով՝ նրանք ցրվեցին:

367 (625). Բայց այն ժամանակ Աստվածությունը երևացել էր ծածուկ կերպով, իսկ հիմա, այս ժամանակներում հայտնվեց բացահայտ (Կողոս., 1. 26): Նա իրապես բացահայտեց (իրեն), որպեսզի բոլորը իմանան, տեսնեն և հավատան (Նրան): Եվ ահա, նա մարդարեների հոգիների մեջ սերմանեց Սուրբ Հոգու կանխագիտության շնորհը, որպեսզի նրանք բոլոր արարածների մեջ բեղմնավորեն Աստվածության գալստյան ճշմարիտ ավետիսը, և սերմանեն դա ողջ աշխարհով մեկ, որպեսզի արարածները հղիանան կյանքի ակնկալության խորհրդով՝ անմահության ծնունդին սատարելով: Որպեսզի նրանք հղիանան հույսով և սիրով նախևառաջ դեպի Արարիչ Աստվածությունը և ապա՝ դեպի ընկերը, կարողանան աննենգ և անկեղծ սերը հավասարապես պահել միմյանց հանդեպ:

368 (626). Նա ինքը գալով բացատրեց դա՝ ասելով. «Այս երկու պատվիրաններից են կախված ամբողջ Օրենքը և մարգարեները» (Մատթ., 22. 40): Նախ և առաջ պետք է ամբողջ սրտով, ամբողջ հոգով և ամբողջ ուժով սիրել Աստծուն, ինչն առաջինն է: Եվ երկրորդը՝ սիրել ընկերոջը ինչպես ինքդ քեզ (Մարկ., 12. 30-31): Իսկ երրորդը՝ ընդունել Աստվածության ավետման խոսքը առանց երկմտության և հավատալ սրան: Նրանք դրանով հղիացան՝ արագ սլանալու համար, դրա շնորհիվ նրանք սկսեցին սավառնել Սուրբ Հոգու թևերի վրա, որպեսզի միախառնվեն Քրիստոսի գնդին՝ հղիանալու համար հավատից (բխող) հույսով և ծննդաբերելու հասցնեն դրանով ամբողջությամբ տողորվածներին՝ (երկնային) արքայության մեջ: Ինչպես և մարդարեն, բոլոր արարածների համար տեսնելով մեզ համար պատրաստ որդեգրության շնորհը, կարծես բոլորի բերանով գոչում է՝ դիմելով Հորը. «Ինչպես որ երկունքի մեջ գտնվող կինը, որի ծննդաբերության ժամանակը հասել է, ճշում է իր ցավից» (Եսայի, 26. 17):

369 (627). Եվ ի՞նչ է արդյոք սկսված երկունքը, որի ցավերը ստիպում են ճալ, եթե ոչ զղում և խոստովանություն՝ ապաշխարությամբ ծնված, ինչպես և ասում են, թե «այնպես եղանք մենք էլ քո սիրելիի համար» (Եսայի, 26. 17): Եվ արդյոք ո՞ր սիրելիի մասին պիտի խոսեր մարդարեն, եթե ոչ Նրա Որդու մասին, որը գալու էր, որի վրա բոլոր արարածների հույսերն էին դրված, որը եկավ և իրենով ամեն ինչ ի կատար ածեց, ինչպեսև ասում է (մարգարեն)՝ Նրան ուղղելով իր հեծեծանքը. «Տե՛ր, ահի և երկյուղի մեջ մենք հղիացանք, երկունքով բռնվեցինք և ծնեցինք փրկության Քո ոգին» (Եսայի, 26. 18):

370 (628. LXXXII). Եվ ահա, ինքը՝ Տերն այն աշտարակի փոխարեն կանգնեցրեց խաչափայտը, համաձայն մար-

գարեի կանխագուշակության, որն ասում է. «Ահավասիկ, հեթանոսների վրա նշան պիտի կանգնեցնեմ» (Եսայի, 11. 12), այսինքն՝ փրկչական խաչը, որի վրա ինքը Տերն է և ուրից նա աշխարհին կյանք է տալիս:

371 (629). Բայց «եկեք, — ասացին նրանք, — կառուցենք աշտարակ, որի գագաթը հասնի մինչև երկինք» (Ծննդ., 11. 4), ըստ նրանց մտադրության. իսկ սա այդպես չէր: Խաչը այն աշտարակն է, որի վրա Աստվածորդին բազմեց, խաչը՝ երկրի վրա և մարմինը՝ նրա վրա: Իսկ Աստվածությունը, ուրը երկնքից էլ վեր է և անվերջությունից էլ վեր, նյութական արարածների անսահման բնությունից վեր, խաչափայտի վրա սեղմված և մեխված լինելով, լցվում և տարածվում է մարմնավորների և անմարմինների մեջ: Նա այն էր, որ բնակվեց առաքյալների և բոլոր սրբերի սրտերում՝ իր Հոր և Սուրբ Հոգու հետ միասին: Նա էր, որ լեզուներ ներշնչեց՝ խափանված լեզուների փոխարեն: Որովհետեւ այն առաջին աշտարակից եղավ ցրում, իսկ խաչից՝ հավաքում. այնտեղ՝ դեպի տանջանքներ տանող մերժում, իսկ այստեղ՝ մերձեցում արքայությանը:

372 (630. LXXXIII). Առաքյալները իրենց մարմնակիցների հանդեպ սեր հղացան և վերածնեցին բոլոր (մարդ) արարածներին, միախառնելով Աստվածությանը: Նրանք բացահայտեցին իրենց, չնայած ընկերների առարկությանը, որովհետեւ Աստծու մասին էին խոսում: Արա համար իրենց բարեգործության փոխարեն նրանք՝ թշնամիների պես չար մահվան մատնվեցին. բարության դիմաց նրանք՝ հրավիրյալները, որ եկել էին բոլորին հրավիրելու Աստվածային սիրո հարսանիքին, ստացան չարություն: Դրվատանքի և պատվի փոխարեն տանջանքների հետ միասին նրանցից ստացան մահ, ինչպես և դուք վարվեցիք ձեր իսկ (նահատակների) հետ: Որովհետեւ դուք այդ բանն արեցիք տգի-

տությունից, որովհետև չէիք հասկանում ձեր իսկական բարիքը:

373 (631). Եվ այսպես, առաջին աշտարակից եղավ ազգերի ցրումը, իսկ հիմա հնքը՝ Տերը, հավաքեց սփոված ժողովուրդներին և իր մարմնի հետ, որը մեզնից էր վերցրել, մեխեց այն փայտին, որից կախվեց, որպեսզի նրանց, մեկ հավատքին միասնաբար ծառայեցնելով, անբաժան դարձնի: Իսկ նրանք (առաքյալները) հրաման ստացան (սովորեցնել) սիրել Տիրոջը և կատարել Նրա կամքը, որպեսզի իրենց տոհմակիցների, այսինքն՝ բոլոր մարդկանց հոգիները փրկեն հավիտենական մահից: Որովհետև Տերն հնքը եկավ և մեռավ բոլորի համար, որպեսզի բոլորին տանի դեպի անմահություն: Իսկ սրանք ուղարկվեցին որպես Նրա կամքի մունետիկներ, որպեսզի բոլորի համար հասկանալի դարձնեն Աստվածության կողմից տրվող փրկությունը և բարերարությունը, որը հենց իրենց համար է:

374 (632). Սրա համար առաքյալները Սուրբ Հոգուց հղացան և ծնեցին լեզուներ, որոնց միջոցով բոլորին հայտնում էին անմահության մասին: Որովհետև Աստծո Հոգին ինքը եկավ՝ առաքյալների լեզուների միջոցով փորձելու բոլորին, ինչպես փորձվում է արծաթը հնոցում: Դրա մասին է ասում մարդարեն, բոլորին դիմելով, կարծես ամբողջ աշխարհին ասելով՝ չեփորի պես ուժեղ ձայնով. «Փորձեցիր մեզ, Աստված, և քննեցիր, ինչպես և արծաթն է քննվում» (Սաղմ., 65. 10):

375 (633). Եվ իսկապես, արդարները փորձվեցին Սուրբ Հոգու կողմից, ինչպես (արծաթը) հնոցում: Որովհետև նախեառաջ նա փորձեց նրանց՝ ներշնչելով Հոգու զորությունը. «Փչեց նրանց վրա և ասաց. «Առեք Սուրբ Հոգին» (Հովհ., 20. 22), որպեսզի նախ նրանց արծաթի պես զտի, և կեղար այրվի: Որովհետև Տիրոջ տունը՝ նույն ինքն աստ-

վածախառն մարմինն էր, որը և աշխարհի համար մաքրվելու հնոց էր: Առաքինի առաքյալներն ընկան հնոցի մեջ սկզբից տասներկու թվով: Այրվեց, հալվեց, կորավ նրանցից մեկը՝ Հուղան, կորսայան որդին, որն, ինչպես անագը՝ հրի մեջ, մաշվեց և չքացավ:

376 (634). Մաքրվեցին տասնմեկը և զտվեցին, ինչպես արծաթը՝ հնոցի մեջ, և դարձան Արարչին օգտակար, իմաստության ընտիր անոթներ: Որպես փորձություն, տարբեր տեսակի նեղություն ու տանջանք նրանք կրեցին մարդկանցից, այսինքն՝ նրանցից, ում օգուտի համար էին խոսում: Սիրո մեջ հաստատուն լինելով՝ նրանք վկայություն էին տալիս իրենց մարմնակից մարդկանց, որոնցից տանջանքներ էին ընդունում, որպեսզի կատարեն իրենց ուղարկող Տիրոջ հրամանները: Նրանք ասում էին ընկերոջ հանդեպ սիրո օգուտի մասին, դիմանալով նեղություններին, որ արհամարհեցին, որպես անցափոր մի բան: Որպեսզի երբ Արարիչը երկրորդ անգամ աշխարհ գա, նրանք Նրա հետ թագավորեն հավիտենական թագավորության մեջ, ինչպես հիրավի նրանց մասին ասում է նույն սաղմոսերգուի մարդարենությունը. «Փորձեցիր մեզ, Աստված, և քննեցիր, ինչպես և արծաթն է քննվում: Մեզ որոգայթի մեջ գցեցիր, նեղություն դրիր մեր թիկունքին, և մարդկանց անցկացրիր մեր գլուխների վրայով» (Սաղմ., 65. 10-12):

377 (635). Որովհետև նա քննեց նրանց Հոգու հրով և մարդկանց միջոցով, որպեսզի փորձության արշավարանում երևա նրանց արիությունը՝ արդարության համար կրած հալածանքների միջոցով: Ինչպես և դուք ունեք նրանց օրինակը, որոնք նաև ձեր երկրում, ձեր առաջ Աստվածության համար նահատակներ դարձան, որովհետև նրանք սիրեցին հույսը՝ Աստվածորդու խոստացած երկրորդ գալստյան: Նրանք իրենց մեջ վերցրին կենդանի Հո-

գու հուրը և արժանացան ընդունելու անմահության բխող վտակները: Այս պատճառով նրանք կարողացան դիմանալ, տանել, արհամարհել կրակով տանջվելը և մեղքերի սառույցներով ցրտահարվելը: Նրանք իսկապես արհամարհելով արհամարհեցին մեղքերը և միաժամանակ սպասվող տանջանքների համար գոհություն հայտնեցին շնորհ Տվողին (ասելով), թե «մենք անցանք հրի և ջրի միջով, և դու մեզ հանեցիր հանգստի» (Սաղմ., 65. 12):

378 (636). Որովհետև նրանք նախ անցան մեղքերի կրակի, ջրի և սրի միջով, և արհամարհեցին մեղքերի հուրը, և անօրենության ջուրը, և տանջանքների փորձության սուրը, և (հետո) ստացան կյանքի լուսավորող հուրը, նորացնող ջուրը և սուրը, այսինքն «Աստծու խոսքը, որն ավելի սուր է, քան ամեն մի երկսայրի սուր և պողպատ, որը, վրա հասնելով, կտրում անցնում է մինչև բաժանումը ոգու, մարմնի և շնչի» (Երք., 4. 12):

379 (637). Այդ պատճառով և մարգարեն, սա նկատի ունենալով, ավելի առաջ ցույց էր տալիս, որ «երկսայրի սրեր կան նրանց ձեռքում» (Սաղմ., 149. 6), որով և պիտի կտրեն, ճեղքեն և լիովին վերցնեն երկրի վրայից ամբարշտության անօրենությունները: Իսկ ի՞նչ է լինելու հնձվածը և կտրվածը: Նա ասում է. «Հողմերը պիտի տանեն դրանք, և ամպերը բաժանեն, և փոթորիկը խոփվի նման կուտակելու է դրանք» (Եսայի, 41. 16: 40. 24): Իսկ կուտակվածներին անշեղ հրի են մատնելու: Որովհետև իսկապես, արդար մշակների գործն այն է, որ օգտակար, շահավետ բերքը հավաքեն շտեմարաններում, իսկ փուշն ու դժմիկը կրակի ճարակ անեն:

380 (638. LXXXIV). Եվ ահա, նրանք սկզբից փորձեցին, և հետո աշխարհի հնոցներ դարձան: Նրանք ընկալեցին կյանքի հուրը, նորից մտան հնոցի մեջ, արծաթի պես

զտվեցին, մաքրվեցին և ձուլվեցին Արարչի սիրո մեջ՝ դուրս գալով հնոցի հալոցից որպես կոփված շեփորներ՝ Տիրոջ հրամաններին ծառայելու համար: Նրանք հնչեցրին շեփորները՝ լցնելով աշխարհը: Շեփորները ձայն տվեցին շեփորներին, և ընկերն ասաց ընկերոջը. «Ավետեք օրըստօրե նրա փրկությունը: Նրա փառքը պատմեցեք հեթանոսները մեջ՝ բոլոր ժողովուրդների մեջ՝ սքանչելագործությունները նրա, որովհետև մեծ է Տերը և հույժ օրհնյալ, ահարկու է նա բոլոր կուռքերից ավելի» (Սաղմ., 95. 2-4), և թե «Հեթանոսների բոլոր կուռքերը ոչինչ են, իսկ Տերը երկինքն է արարել» (Սաղմ., 95. 5): Իսկ կոած (կուռքերի) արձանները փոխարինելով՝ առաքյալները անվանվեցին կոփածո շեփորներ, որ (նրանց ձայնով) ամբողջ աշխարհը լցվի, ինչպես ասված է, թե «Ողջ երկիրն է բոնել ձայնը նրանց և մինչև աշխարհի ծայրն են հասել խոսքերը նրանց» (Սաղմ., 18. 5):

381 (639). Նրանք աշխարհի հնոցներն են, և Հոգու կենական հուրը նրանց լեզուների վրա է, որպեսզի փորձության ենթարկեն ողջ երկիրը, և Տիրոջ անունից ազդարարեն Աստվածության ճշմարիտ բնության հայտնությունը, թե՝ «Տեսեք, տեսեք, որ ես եմ միայն, և ինձանից բացի ուրիշ Աստված չկա», թե՝ «Ես եմ սպանում և ես եմ փրկում, ես եմ հարվածում և ես եմ բժշկում, և չկա մեկը, որ կարողանա փրկել ձեզ իմ ձեռքից», և թե՝ «իմ սուսերը սրելու եմ կայծակի նման, և վրեժինդիր լինելու համար ազատ եմ արձակելու իմ աջը, հատուցելու եմ իմ թշնամիներին» (ԲՕր., 32. 39-41):

382 (640). Առաքյալների լեզուները իրենց հավատի անսահմանությամբ լցվեցին և ծնեցին (նոր) լեզուներ, որ նրանք չգիտեին: Շեփորի պես նրանք ազդարարեցին Տիրոջ միահեծան իշխանությունը և մարդկանց անթիվ բազմութ-

յուն վերածնեցին դեպի հրեշտակների կարգը՝ Աստվածորդուն սպասավորելու համար, որպեսզի ընկած հրեշտակների փոխարեն, որոնք գահավեժ եղան աստվածակիր լուսեղեն սպասավորությունից, մարդու որդիները կարողանան հրեշտականալ, կանգնել և գրավել նրանց տեղերը: (Դա արվում է) որպեսզի սահմանված թիվը փառավորողների մնա նույնը, անխախուտ, լրիվ և անպակաս, որպեսզի փառավորողների հավաքից գովերգությունները շատանալով ուժեղանան, որտեղից իրար ձայնակցելով (հնչելու է): «Փա՛ռք Աստծուն բարձունքներում, և երկրի վրա խաղաղություն, մարդկանց մեջ հաճություն» (Ղուկ., 2. 14):

383 (641. LXXXV). Առաքյալները դարձան աշխարհին ժամանակը հայտնող շեփորներ, որպեսզի ողջ երկրի (մարդկանց) սրտերում դնեն սահմանված ժամի սպասումը, երբ կհնչի Տիրոջ գալուստը ազդարարող շեփորը: Որովհետև նույն հնչյունների տակ, այդ ժամանակ ճանաչելով փողի նույն ձայնը, նրանք մահվան հանգստի քնից արթնանալու են՝ գարնանը ընդառաջ, ինչպես բույսերը, յուրաքանչյուրն իրեն հատուկ տերևներով, նորից կանաչում են: Որովհետև, երբ դա այն գարունը, յուրաքանչյուրը իր սերմի արմատից կվերընձյուղի իր ունեցած կերպարանքի տեսքով:

384 (642). Մեկը (կբարձրանա) իբրև քաղցրահամ և գեղեցկատես արմավենի, ինչպես առաջուց հայտնած մարդարեռությունն է ասում. «Արդարները արմավենու պես կծաղկեն և կիբանանի մայրիների պես կբազմանան: Դրանք կտնկվեն Տիրոջ տանը, ու կծաղկեն մեր Աստծու գավիթներում» (Սաղմ., 91. 13-14): Եվ նորից, (դրա մասին) բոլորին պարզորոշ իմաց է տալիս ինքը մեր Տերը՝ Հիսուս Քրիստոսը, իր բարի լուր բերող և կենդանություն տվող Ավետարանում. «Թզենուց սովորեցեք առակը. որովհետև, երբ

նրա ոստերը կակղեն և տերև արձակելու լինեն, իմացեք, –ասում է, – որ մոտ է գարունը» (Մատթ., 24. 32):

385 (644). Որովհետև ծառերի բոլոր տեսակները լավ նմանություններ և օրինակներ են հանդիսանում՝ ամեն մեկը ունենալով իր արտաքին տեսքը և երբեք չփոխելով ծաղկեների գույնը, համը, հոտը և տերևները: Որովհետև արմավենին ունենում է իրեն հատուկ տեսքը, գույնը, համը և պտուղները, ինչպես և արմատի և ծառի աճելու իր հատկությունները: Նույնպես և թզենին, որն ունի տերևի իրեն հատուկ ձեր և կեղեւի բանվածք, և մրգի հատուկ նյութ, և մյուս (բույսերից նրան տարբերող) առանձնահատկություններ: Կարմիր խնձորը ունի իր ձեր, կարմիր տանձը՝ իր, և կարմիր գեղձը՝ իր ձեր: Իրենց բնությամբ նույնպես (տարբեր) են և այն մրգերը, որ ուրիշ գույներ ունեն, և նույնիսկ նրանց յուրաքանչյուրի արձակած հոտը լինում է տարբեր:

386 (644). Այսպես են և կիտրոնը, բաղսամոնը, դափնին, գեղեցիկ ձիթենին, սերկելիը, մուրտը, ընկուզենին, նուշը, քանրուկը, հաճարուկը, թթենին, նուռը և հոնի ծառը: Եվ բոլոր մրգատու ծառերը, որ ծաղկում են, տերևներ և պտուղներ են տալիս, բարձր և հսկա հասակ ունեցող ծառերը, ինչպես մայրին, նոճին, սոճին, կարմիր կաղնին, սարդենին, կիպարիսը, չինարին, հակրին, գիհին, կաղամախին, ուռենին և տոսախը:

387 (645). Այսպես են և գույնզգույն, երփներանդ ծաղկեները, ինչպես մանրագորը, վարդը, շուշանը, ասպազանը, հասմիկը, լոտոսը, սմնակը, նարկիսը, քարխոտը, մեղրուկը, հորոտը և մորոտը, մանուշակը և բոլոր ծաղկավետ խոտերը և ծառերը, որոնք բողբոջելով ծլարձակում են գարնանային ժամանակ, ձմեռայինից հետո:

388 (646). Այսպես է (լինելու) նաև մեռյալների հարու-

**թյունը:** Որովհետև այն բանից հետո, ինչ ստեղծվեց աշխարհը, դրանցից (բույսերից) և ոչ մեկը աշնանը կամ գարնանը իր ընկերից փոխարինաբար չի վերցրել և չի տվել իր ծննդյան ժամանակ ստացած կերպարը (ուրիշ) բույսին: Բայց արարչության սկզբից, արարման ժամանակներից մինչև վախճանի ժամանակը, թեպետև աճող բույսերի միջուկը աշնանը աստիճանաբար ցամաքում է, չորանալով նրանք թափում են տերևները և նրանցով պարարտացած անց են կացնում ձմեռը, սառչելով, ձյուների մեջ թաղված, եղյամով պատած, սառնամանիքից վնասվում են ծաղիկների արմատները, (թալկանում) բազմակույտ ծառերի պուրակները և բարձրաբերձ աճած մայրիների անտառները, ստվար և խիտ ճյուղերով հանդերձ, բայց հասնելով գարնանյին ժամանակներին, ամպերի լույսով ողողված, ցնցվելով (ամպրոպների) որոտից, անձրևներից հագենալով, ցողով պատած, նրանք առատորեն աճում են ամռանը և նրանցից յուրաքանչյուրը իրեն բնորոշ տերևներով է ծածկվում: Հստ իր բնության՝ ամեն մեկը գալիս է իրեն հատուկ կերպարանքի ձևին և չի փոխում այն ուրիշի ձևի, իսկ այդ ուրիշը՝ նրա ձևի, այլ համապատասխան այն կերպարանքի, ինչպես որ սահմանել էր Կարգավորողը, նույնությամբ կա իր սեփական բնության մեջ: Աստծու հրամանին համապատասխան ստեղծված լինելով (իրենց բնությամբ) անխախուտ և անփոփոխ, նրանք (այդպես էլ) աճում և փթթում են:

**389 (647).** Նույնն է նաև (բնությունը) ամենատարբեր և այլազան մանր խոտաբույսերի, որոնք իրենց ձևերով զանազանվում են իրարից, ինչպես, օրինակ, մամուռը, վարսակը և կնյունը և նրանց համանմանները: Նաև մարդկանց համար օգտակար սերմերը, ինչպես ցորենը, հաճարը, գարին, կորեկը, գավարսը, ոսպը, ոլոռը, բրինձը, բակլան, սիր-

սեռը և շատ ուրիշ սերմեր, որ ոչ ոք չի կարող թվարկել: Նրանք, ամեն մեկը իր ժամանակին, գարնանը ցուցադրում են իրենց հարությունը՝ բույսով, համով և հոտով, բողբոջներով, ծաղիկներով և պտուղներով, և նրանցից յուրաքանչյուրը իր մերկությունը ծածկում է իրեն հատուկ ձևունեցող տերևազգեստով:

**390 (648).** Այսպես և մարդկային հոգիներն ու մարմինները, աստվածային ցողով հագեցած պիտի բուսնեն գերեզմաններից այն մեծ գարնանը: Որովհետև չորացած ոսկորներն իսկույն պատվելու են մկաններով և ջլերով, կրծիկներով և նյարդերով, ծածկվելու են մաշկով և զարդարվելու վարսերով: Եվ նրանց հոգիները և կերպարանքները իրենց են վերաբառնալու, որպեսզի նրանք իրենց գլուխների վրա տանեն (միայն) իրենց յուրաքանչյուր գործի պատկերները, ինչպես քաղցր մրգեր և անուշահոտ պտուղներ, իրենց հատուկ համերով և հյութերով, գույներով և հոտերով, փարթամորեն առատ, ջրասնունդ տերևներով ծածկված ճյուղերի զարդարանքով: Սրա մասին սաղմոսերգուն մարդարեաբար երգեց. «Նա նման է լինելու ծառի, որ տնկված է ջրերի հոսանքի մեջ, որն իր պտուղը ժամանակին կտա, և նրանց տերևը չի թափվի, ու ամեն բան, ինչ որ անի, կհաջողվի նրան» (Սաղմ., 1. 3): Եվ նորից, թե «ծաղկելու են Տիրոջ քաղաքում՝ երկրի խոտի նման» (Սաղմ., 71. 16), և թե «օրհնված կլինեն հավիտյան» (Սաղմ., 71. 17):

**391 (649. LXXXVI).** Եվ հիրավի, բուսաբեր գարունը մարդկանց տալիս է ուսանելի օրինակ մեռելների հարության: Որովհետև ծաղիկներն ու ծառերը զարդարանք են հագնում, նաև փշերն են հասակ առնում, ինչպես դժնիկը և տատասկը, եղինջը և բաղեղը, խայթահարը, ժանտափուշը, տափափուշը, սրափուշը<sup>1</sup>, որոմը, կայծուկը, վնասակար

գաղձը և այլ՝ սրանց նմանները. և սրանք բոլորը աճում են՝ ամեն մեկը իր բնության համապատասխան։ Իսկ օգտակար ծաղիկները և կամ անտառներում աճող ծառերի ընձյուղները գարնանը ձեռք են բերում իրենց բնական տեսքը։

392 (650). Իսկ մարդկանց հոգիները, որ Աստվածության բուրաստանների տնկած ծառերն են կամ ծաղկոցների ծաղիկները, իրենք իրենց մեջ կարողություն ունեն իրենց կամքով նմանվելու և օրինակ վերցնելու տերևներից, ծաղիկներից, բուրմունքից և պառուղներից։ Որովհետեւ դրանց մի մասը դառնաբեր է, մյուսները՝ քաղցրաբեր, մի մասը՝ մրգաբեր, մյուսը՝ փշաբեր, ոմանք արդարություն բերող, մյուսները՝ մեղք բերող, մի մասը այնպիսի ծաղիկներ են դառնում, որ թագավորական պատվավոր սկզբեղների մեջ դրվելու արժանի են դառնում և օգտագործվում ուրախության առիթով, որպես զարդ (փառքի) պսակների համար, ըստ Եսայի մարգարեի բերանով ասված՝ Սուրբ Հոգուց բխող գուշակության, թե՝ «Այն ժամանակ Տիրոջ ձեռքին վայելչության պսակ պիտի դառնաս և Աստծու ձեռքին՝ արքայական թագ։ Եվ քեզ պիտի կոչեն՝ իմ կամքը, և քո երկիրը՝ Շեն բնակություն» (Եսայի, 62. 3-4)։

393 (651). Շենը լինելու է այնտեղ՝ աստվածային, լուսավոր, փայլող, առատ և անդրդվելի քաղաքում։ Որովհետեւ այժմ բոլոր բույսերը, նրանցից յուրաքանչյուրը իր բնության հետ կապված է ապրում, բայց միայն մարդկային կոչված տունկերը կարող են՝ յուրաքանչյուրը (իր համար) փոփոխել բնական հատկությունները տարբեր տեսակների։ Այժմ, որ բույսը նրանք կուգեն, այն էլ կթաղեն իրենց հոգիներում, և նրա հետ էլ կթաղվեն գերեզմաններում, որը հենց մահն է ոչ թե խոտերի, այլ մարդկանց աշունը, որ հավաքում է (նրանց) իր շտեմարաններում։ Իսկ գարունը, ոչ թե խոտերի կամ ծառերի, այլ մարդկանց գարունը

դուրս է արձակում այն կերպարանքը, որը քեզ հետ թաղեցիր գերեզմանում։ Որովհետեւ եթե դու ննջես գերեզմանում քո բուրավետ արդարության հետ միասին, բուրումնավետ, անուշահոտ ծաղկի նման, ապա քո հարության ժամանակ քեզ հետ իսկույն կբուսնի քո արդարությունը։ Իսկ եթե մեղքերով ես թաղվել քո անունով (փորված) գերեզմանում, ապա քո գարնանը, քո հարության ժամանակ քեզ հետ աճած փշերը քո շուրջը կբուսնեն։

394 (652. LXXXVII). Իսկ հիմա լսիր մեծ Հովհաննեսին<sup>1</sup>, թե ինչպես է նա հանդիմանում Աբրահամի հրեական աղոթը. «Այսուհետեւ ապաշխարության արժանի գործեր կատարեք և մի ծեծեք ձեզ (հավակնութ) և ասեք՝ «Աբրահամը մեր հայրն է»։ Ասում եմ ձեզ, որ Աստված կարող է այս քարերից էլ Աբրահամի որդիներ գուրս բերել» (Մատթ., 3. 8-9)։ Նա ոչ թե Աբրահամին է նսեմացնում որպես հայրապետի, այլ (ընդհակառակը, խրատում է) լինել նրան արժանի զավակներ, և ոչ թե անարժան։ Եվ ահա, նա հոգ է տանում օգտակարների համար, իսկ անպետք խոտերի և փշերի հետ արդյոք ինչպես պիտի կամենա վարվել։ Նա կցամաքեցնի և կչորացնի առաջին հերթին նրանց, ում մեջ պտուղ չի գտնի։

395 (653). Ահա, լսիր թզենու մասին առակը և նկատի առ։ Գալիս է Տերը թզենու մոտ, որ պտուղ գտնի նրա վրա, և չի գտնում, քանի որ պտղաբերելու ժամանակը չէր, և անիծում է նրան, (ասելով) թե՝ «այսուհետ քեզնից ոչ ոք պտուղ թող չուտի» (Մարկ., 11. 14)։ Բայց չէ որ բոլոր բույսերը (իրենց սահմանված) ժամանակին են տերևակալում, ծաղկում և պտուղներ տալիս. իսկ սա ինչո՞ւ անիծվեց։ Զէ՞ որ (նրա) պտղաբերելու ժամանակը չէր։ Եթե պետք էր, արդյո՞ք նա չէր կարող, նա, որ մի բառով հրամայեց երկրին (առաջ) բերել ծառերը և մայրիների բազմությունը՝

յուրաքանչյուրը իր պտղով, և բոլոր բույսերին հրամայեց երեալ երկրի վրա՝ ամեն մեկը իր տեսակին հատուկ սերմով, մի՞թե չէր կարող այն ժամանակ էլ, երբ հանդիպեց, (թուզի) ծառին հրամայել ուտելու համար պիտանի պտուղ տալ:

396 (654). Իմացիր, որ Նա գուր տեղը չէր այդ ծառին անպտղություն տալիս, և ինքը կանխելով (հարցը) ասում է. «Թզենուց սովորեցեք առակը» (Մատթ., 24. 32: Մարկ., 13. 28): Այդ թզենին անպտուղ մարդկանց օրինակ էր հանդիսանում, որովհետեւ Նա արդարության (գործերի) մեջ անպտուղ մարդկանց չորացնելու է փշերի պես: Ահա, լսիր մեծ մարդարեին, (Քրիստոսի) առջևից ընթացող կարապետ Հովհաննեսին, թե ինչպես է ասում. «Այսուհետեւ կացինը ծառի արմատին է դրված: Ամեն ծառ, որ բարի պտուղ չի տա, կկտրեն և կրակի սնունդ կդարձնեն» (Մատթ., 3. 10): Եվ Եսայի մարդարեն ասում է, թե «Մեղավորները փշ նման պիտի դառնան՝ այրված և դեն նետված» (Եսայի, 33. 12): Իսկ արքայության մեջ կենդանի ջրով խնամված դաշլարողներին Նա այն գարնանը պարարտացնելով պիտի նորոգի, որպեսզի նրանք մեկի դիմաց պտուղ տան հարյուր, մեկի դիմաց՝ երկու հարյուր, մեկի դիմաց երեք հարյուր անդամ ավելի, այսինքն՝ ամեն մեկը իր լուսավոր հավատի համար կստանա հատուցման պարգևները՝ իր վաստակին համապատասխան:

397 (655. LXXXVIII). Հիմա, գարնանային ժամանակը, ուր բերում է բույսերի աճ և ծաղկունք, որոնք ձմեռային հնությունից հետո բերում են գարնանային գեղեցկության նորոգություն, (չվող) թոչունները նույնպես իմանում են իրենց գալու ժամանակը: Սա նկատի ունենալով երեմիա մարդարեն իր ժամանակի դեպքերի առիթով որպես հանդիմանություն և ակնարկելով ապագայում (սպասվող իրա-

դարձությունները)` ասում է. «Արդարեւ, վայրի թոչունները՝ ծիծեռնակն ու տատրակը և արագիլը, գիտեն իրենց վերադարձի ժամանակը» (Երեմ., 8. 7): Որովհետեւ գարնանային եղանակով և իրենց գալուստով իմաց են տալիս մարդկանց կյանքի ուրախության ժամանակը՝ ձայներ արձակելով, երգելով, ճռվողելով, բներ շինելով:

398 (656). Ծիծեռնակը սիրում է մարդկանց. Երբ մարդիկ տեսնում են (նրա գալը), նրանով իմանում են, որ (մոտ է) կանաչազգեստ հասկերի գարնանային աճը: Իսկ տատրակը, ցուցադրելով իր ամուսնասեր լինելը, մարդկանց լսողությունը հագեցնում է ջերմ ու քաղցր ձայներով: Նա թեթև շյուղերով հյուսում է իր փայտակերտ, համարյաքաշ չունեցող, համեստ բույնը՝ պատրաստելով հուսալի ապաստան իր (ապագա) ձագերի մի գույք ձվերի համար:

399 (657). Կռունկները ևս, շարքեր կազմած, գալիս են գարնանը՝ մեծ երամներով (արտերի վրա) կուտակվելով: Բարձրանալով վեր՝ նրանք հասնում են բարձր տեղերի, թերերը բացած, փոփոխական քամիներին ընդառաջ հաղթահարում են օդային անհաստատ ճանապարհը՝ հաստատուն պահելով (թոփչքի) ուղղությունը: Նրանք շեփորների նման բարձր ու զիլ ձայներ են արձակում, քնից արթնացնում են մշակներին՝ մարդկանց համար օգտակար գործերի անցնելու համար և կանուխ վեր կացող (հողագործներին) շտապեցնում են դեպի եղները:

400 (658). Այդ թոչունները երկրագործներին, հողի մշակներին առաքինի գործերի հորդորող շեփորներ են, ինչպես մեղուն և կամ մրջունը (իրենց օրինակով) ծույլերի համար ուսուցիչ և նախատող են (Առակ., 6. 6, 8), նույն օրինակի պես այս թոչունները նման են մեծաձայն, մեծագույն շեփորի, որն ազդարարելու է բոլորին Տիրոջ (Երկրորդ) գալստյան ժամանակ մեռեների հարության մասին, ինչ-

պես (դրա մասին) ասում է Սողոմոնը՝ աստվածային իմաստությամբ ներչնչված երգի հետեւյալ նվագում. «Պիտի զարթնեն բանտարկյալները թոշունի ձայնից» (Ժող., 12. 4): Եվ ովքե՞ր են բանտարկյալները, եթե ոչ հավաքված հոգիները (Ա. Պետր., 3. 19), հրամանի տակ պահված, որոնք բոլորն էլ, յուրաքանչյուրն իր մարմնով է զգեստավորվելու, ամեն մեկը ստանալու է իր կատարած գործերի (Համարժեք) հատուցումը, յուրաքանչյուր մարդ ստանալու է պտուղները իր ցանած սերմերից, ինչպես մենք վերը պատմեցինք ձեզ և դեռ էլի պիտի պատմենք:

401 (659. LXXXIX). Իսկ երանելի առաքյալները դարձան ազդարարող շեփորներ, որպեսզի բոլոր լսողներին սովորեցնեն պատրաստակամ լինել սպասելու աստվածային շեփորի գալստյան, որ բոլորին առանց արգելքի միախառնեն թոշունների այն երամին, որտեղից և պիտի հնչի հարություն ազդարարող փողի ձայնը, որպեսզի սրանք ևս արժանի լինեն թեեր առնելու և դեպի վեր ճախրելու, և չամաչեն տեսնել բարձունքների Տիրոջը, այն Տիրոջը, որը հեռվից է ճանաչում և փրկում նեղության մեջ ապրածներին, որոնք արդարության (Հաղթանակի) համար, Աստծու հանդեպ ունեցած սիրո պատճառով անձամբ կրեցին ծանր փորձություններ:

402 (660). Ահա սրանք կատարեցին իրենց Տիրոջ կամքը, որովհետեւ սիրեցին միմյանց, որովհետեւ նա էլ այնքան սիրեց նրանց, որ «իր կյանքը տվեց իր բարեկամների համար» (Հովհ., 3. 16: 15. 13-14): Իսկ նրանք հրաման ստացան սիրել իրար, որպեսզի դրա շնորհիվ իրենց հոգիներում ընկալեն խոստացած շնորհները:

403 (661). Դրա համար նրանք իրենց սրտերում ծածուկ պահած սերը բացահայտ ցույց տվեցին, երբ միահամուռ համաձայնությամբ հավաքվեցին վերնատան մեջ, որտեղ

իջնելով նրանց գտավ Սուրբ Հոգին և, օթևան առնելով, բնակվեց նրանց մեջ, որպեսզի հագեցնի այն կարոտը, որ նրանք ունեին Տիրոջ հանդեպ, և իրագործի այն ամենը, ինչ նա խոստացել էր: Որովհետեւ ասում է. «Ես գնում եմ և ձեզ մոտ կուղարկեմ Մխիթարիչին, որը գալով կմխիթարի ձեր սրտերը. Նա, — ասում է, — ինձ պիտի փառավորի, որովհետեւ ինչ որ առնում է ինձնից, պատմելու է ձեզ» (Հովհ., 16. 7, 14): Նա երրորդության միաբանության սիրով է լցնելու նրանց միաբանությունը, որի մասին Տիրոջից են հրաման առել, թե՝ «Գնացեք ամբողջ աշխարհով մեկ, աշակերտ դարձեք բոլոր լեզուներին և մկրտեցեք նրանց Հոր ու Որդու և Սուրբ Հոգու անունով, և սովորեցրեք պահել այն բոլորը, ինչի մասին խոսեցի ձեզ հետ, և ես ձեզ հետ եմ ձեր կյանքի բոլոր օրերում՝ մինչև աշխարհի վախճանը» (Մատթ., 28. 19-20):

404 (662). Նա տվեց նրանց երրորդության համագոյ իշխանության, երեք Անձերի համագորության մասին ճշմարիտ գիտությունը, որպեսզի նրանք դրա համաձայն սովորեցնեն բոլորին և մկրտեն հանուն Հոր և Որդի և Հոգվույն Սրբուն:

405 (663). Սուրբ Հոգու զորությունն ընկալելով՝ նրանք ստացան նաև բոլոր ազգերի բաժանված լեզուների իմացությունը, որպեսզի կարողանան ամբողջ աշխարհում բոլոր երկրների մարդկանց հասկացնել Աստվածության հրամանները, Արարչի սերն իր արարածների հանդեպ և (բացատրեն, թե ինչպես) մեզ բարձրացնելու համար նա խոռնարհվեց և (Հաղորդեն) անմահ լինելու հույսը՝ մեռելների հարությունից հետո: Նաև այն մասին, որ ինքը՝ Որդին, իր հավերժությամբ, զորությամբ և Աստվածությամբ (Հոռմ., 1. 20), մեր փրկության համար եկավ, մարդու բնություն հագավ, հատկապես իր բոլոր արարածների նորացման հա-

մար, որպեսզի բոլորին տա իմացությունն այն մասին, որ նրանց համար են այս մեծամեծ չնորհները տրվել:

406 (664). Այդ ժամանակ նրանցով ի կատար ածվեցին նախապես մարդարեռություններում ասված ընծայաբերումները, թե «այն օրերին Հուղարքի երկրի հազարապետները պիտի ասեն իրենց սրտերում՝ «Եկեք գտնենք Երուսաղեմի բնակիչներին նրանց Ամենակալ Տեր Աստծու ձեռքում» (Զաք., 12. 5): Որովհետև նախ այնտեղից իրենց ազգին տվեցին իմացությունը և այնտեղից՝ Երուսաղեմից, աշխարհով մեկ նրանք տարածեցին աստվածապաշտությունը:

407 (665). Եվ քանի որ բոլորի Տերը դուրս եկավ Հուղարքի ցեղից, այդ պատճառով սրանք կոչվեցին Հուղարք տան հազարապետներ: Սա պարզաբանեց Պողոս առաքյալը, բացեց, բացատրեց՝ ասելով. «Մենք Աստծու խորհուրդների հազարապետներ ենք» (Ա Կորնթ., 4. 1): Ուրեմն, նույն Հոգին ավելի առաջ իսկապես դա է հայտնում մարդարեի բերանով. «Այն օրը, — ասում է Տերը, — Հուղարքի երկրի հազարապետներին իրեւ ջահեր պիտի դնեմ փայտերի մեջ և իրեւ վառված զամբարներ (ջահեր)` եղեգնի մեջ, և նրանք աջից ու ձախից պիտի ուտեն շրջակա բոլոր ժողովուրդներին» (Զաք., 12. 6): Մի քիչ անց նա նորից ասում է. «Ծնորհի և գժության Հոգի պիտի հեղեմ Դավթի տան և Երուսաղեմի վրա. և նրանք (իրենց հայացքները) պիտի դարձնեն դեպի ինձ» (Զաք., 12. 10): Դա իսկ գալով կատարեց ինքը՝ Սուրբ Հոգին, որն ուղարկվել էր Հորից և Որդուց: Որովհետև ինչպես Որդին ուղարկվեց և եկավ Հորով և Հոգիով, այդպես և Հոգին ուղարկվեց Հորով և Որդիով, որպեսզի հայտնի դառնա, որ միասնական և համագոյն (նրանց) էությունը:

408 (666. XC). Նա եկավ Երուսաղեմ քաղաքը և, նրանց գտնելով ի մի հավաքված, լցրեց նրանց սրտերը միասնա-

կան զորությամբ, որպեսզի ի կատար ածվեն այդ նույն Հոգու ավելի առաջ՝ Հովել մարդարեի բերանով ասածները. «Եվ դրանից հետո վերջին օրերում, — ասում է Աստված, — այնպես կլինի, որ իմ Հոգուց կհեղեմ բոլոր մարմինների վրա, և կմարդարեանան ձեր որդիները և դուստրերը. Ճեր երիտասարդները տեսիլքներ են տեսնելու, և ձեր ծերերին երազներ են գալու, և իմ Հոգուց սփռելու եմ իմ ծառաների և իմ աղախինների վրա, որ մարդարեանան, և նշաններ եմ տալու վերեւում՝ երկնքում, և ներքեւում՝ երկրի վրա, արյուն, հուր ու ծխի մրրիկ. արեգակը կխավարի, և լուսինը արյուն կդառնա, քանի դեռ չի եկել Տիրոջ մեծ և երևելի օրը: Եվ կլինի այնպես, որ ամեն ոք, որ կանչի Տիրոջ անունը, նա կապրի» (Հովել, 2. 28-32: Գործք, 2. 17-21):

409 (667). Եվ ի՞նչ է նշանակում «վերջին օրերում» ասածը: Այն, որ երբ Աստված ստեղծեց արարածներին, նա առաջին օրը սկսեց և վեցերորդում ամեն ինչ ավարտեց՝ (իր) ամենակարող զորությամբ, առանց ջանքի, աշխատանքի և առանց հապաղելու, և իր բոլոր գործերից հանգիստ առավ, և այդ յոթերորդ օրը կոչեց հանգիստ (Ծննդ., 2. 2-3):

410 (668). Իսկ երբ Աստվածությունը տեսավ մարդուն սայթաքած, ընկած և պատվիրանապահությունից հեռացած, — որովհետև չէր մնացել առաքինության (պատվիրանի շրջանակի) մեջ, ինչպես նա էր ցանկանում, և (դրա համար մարդը) արդար դատաստանով ստացել էր արժանի պատիժը, ենթակա դարձել մահվան, վերքերով խոցված, ընկղմված հոգսերի, հուզմունքների, աշխատանքի, քրտնաթոր ցավերի, կասկածների և անհանգիստ երերմունքի մեջ, — (Աստված) չվերադարձավ իր ասած խոսքին, այսինքն (չպնդեց) մահվան վճիռը, որ դրել էր (մարդու համար): Բայց արարչության ժամանակին համապատասխան, որը

կատարել էր վեց օրերի ընթացքում՝ իր մեծությունը բացահայտելու համար, նա չափեց սրա օրինակով վեց հազար տարի երկրի համար՝ տանջանքների, քրտինքի, հոգսերի և տաժանության (բաժինը): Այն առաջին վեց օրերի դիմաց նա սահմանեց մի-մի հազարական տարի, որոնց ընթացքում պիտի ծնվեն, ապրեն և բազմանան (մարդկանց) բազմաթիվ սերունդները:

411 (669). Դա լինելու է նաև փորձությունների մի շրջան արդարների համար, երբ նա հատուցման նպատակով ընտրություն է անելու՝ իրականացնելով խոստացած պարգևների հույսերը՝ արդարների կրած տառապանքները ժուժկալելու համար, և այս ամենը որպես (փորձության) հնոց (վեցհազարամյա) շաբաթվա տարիների ընթացքում, ինչի մասին և բացականչում էր մարդարեն, բոլորին աղդաբարելով, որ «Հազար տարին Տիրոջ աչքում մի օրվա պես է, որ անցավ» (Սաղմ., 89. 4):

412 (670). Որովհետև առաջին (հազարամյակում) սկիզբն էր, իսկ վեցերորդում՝ նորոգումը, որը նա կատարեց իր գալստյամբ և պարգևեց Հոգու վայրէջքը: Նույն հազարամյակում<sup>1</sup> լինելու է վերջը, ինչի համար էլ այն կոչվում է հետին (ժամանակ), երբ նա գալու է նորից, երկրորդ անգամ, և իր հետ բերելու է յոթերորդ օրվա ժամանակի խորհուրդը՝ հանգստություն և պարգևներ առանց հաշվի և առանց չափի: Իսկ քանի որ իր արարչության յոթերորդ օրը ինքը հանդիստ է անվանում, դրա համար էլ հրամայում է յոթերորդ օրը պահպանել սուրբ և անաշխատ, որպեսզի բոլորը, իմանալով Արարչի անաշխատ օրը, հանգստով պատվեն այն: Որովհետև նույն ձևով յոթերորդ դարում (հազարամյակում) նա հանդիստ է տալիս վաստակյաներին, որոնք գործում էին իրենց հատկացված վեցհազարամյա ժամանակաշրջանում: Ինչպես որ նրա հետ գործեցին

իրենց ժամանակին, այնպես և նրա հետ հանգստանալու են այն անչափ երկար տարում, և նրա հետ ուրախանալու են:

413 (671. XCI). Իսկ այս վեցերորդ (հազարամյակում) Աստվածային Հոգին երևաց, որպեսզի կատարի մարգարեների բերանով նախապես ասված իր խոստումները: Եվ այս վերջին ժամանակներում Սուրբ Հոգու շնորհները հեղեղով թափվեցին, սիովեցին մարդկանց կուտակված բազմության վրա, հոսեցին ինչպես հորդառատ և ուժգին ընթացող ջրերի հոսանքներ:

414 (672). Նրանք (առաքյալները) սկսեցին մարգարեների պես բացել թաքուն, խորհրդավոր իմաստները, հանկարծ խոսեցին բոլոր լեզուներով, բոլոր ազգերին հավասարապես (ցույց տվեցին ինչպես) վեր բարձրանալ դեպի արքայություն: Նրանք ընկալեցին տեսիլքների հայտնությունները, բոլորին պատմեցին անճառելի Բանի մարմնավորման մասին, հայտնեցին Աստվածորդու հավերժական հարսանյաց խորհուրդը, այսինքն՝ համբառնալը՝ որդեգրության համար, և նույն Որդու և Հոգու միջոցով Հոր հետ տոնախմբելը: Նրանք (առաքյալները) եղան մունետիկներ՝ բոլորին դեպի մկրտության ավազան կանչելու համար, որպեսզի նրանց վրայից լվանան սատանայական ծխի աղտը, կարողանան հագնել լուսավոր հագուստներ և միանալ հարսանյաց ուրախությանը, ուր Քրիստոս փեսան ուրախանալու է հարսի հետ, այսինքն՝ այն արդար մարմնակիցների հետ, ովքեր որ Քրիստոսի համար<sup>1</sup> չարչարանքներ կրեցին, նրա հետ էլ պիտի թագավորեն (Բ Տիմ., 2. 12):

415 (673). Եվ ահա Հոգու շնորհները բացվեցին և թափվեցին բոլոր մարդկանց վրա, որպեսզի բոլորին արժանացնեն նորապարզե, նորատուր, նորաբեր աստվածային շնորհին: Որդիներին և դուստրերին, ծերերին և երիտասարդներին, ստրուկներին և ստրկուհիներին<sup>1</sup> (Հովել, 2. 29: Գործք,

2. 18) Հավասարապես նա ընծայեց Սուրբ Հոգու շնորհները, որպեսզի մեջտեղից վերացնի տարբերությունը<sup>2</sup>, որպեսզի «չլինի խտրություն ո՛չ հրեայի և ո՛չ հեթանոսի, ոչ ծառայի և ոչ տիրոջ, ո՛չ տղամարդու և ո՛չ կնոջ, որովհետեւ գուք ամենքդ միապես արժանի պիտի լինեք Քրիստոսին» (Գաղատ. 3. 28): Եվ այսպես ոչ միայն սա (որոշեց), այլև չարագործների առջե բացեց թողության դռները, որպեսզի և՛ մաքսավորները, և՛ պոռնիկները, և՛ մարդասպան ավագակները, և՛ անգամ իրեն իսկ խաչ հանողները լինեն Նրա ավետարանիչները (տարածելով), որ նա բերում է փրկություն, տալիս է թողություն և (երկնային) արքայություն է շնորհում բոլորին:

416 (674). Եվ ահա, բոլոր (առաքյալները) լցվեցին Սուրբ Հոգու զորության հորձանքով, անցան աշխարհով մեկ, որպեսզի բազմալեզու ազգերին իմաց տան Աստվածության հրաշքների մասին, ուշադրություն դարձնեն այն նշանների վրա, որ նա տալիս է վերեռում երկնքի վրա, և ներքեռում՝ երկրի վրա, այն խոստմանը համաձայն, թե «Հրաշքներ ցույց կտամ երկնքում և երկրի վրա՝ ներքեռում» (Հովել, 2. 30): Երկնաբնակների համար հրաշքն այն էր, որ նրանք Աստծու Որդուն մարդացած տեսան վերեռում՝ երկնքի վրա և Նրա հետ միասին՝ Նրա կամքը կատարող (արդար) մարմնակից մարդկանց՝ Նրա հետ միասին թագավորող և հրեշտակների գնդին միացած ու միախառնված:

417 (675). Իսկ ներքեռում, երկրի վրա նա այն հրաշքը կատարեց, որ մարդիկ Աստծո նույն Միածին Որդուն տեսան երկրի վրա՝ խոնարհ, մարդ դարձած և խաչի վրա, որպեսզի (մեզ համար) նա հեղի իր արյունը, որտեղից և պիտի վառվեր կրակը՝ առաքյալների համար և նրանց լեզուների վրա լատարեներ պիտի գային, որպեսզի հալվեն, այրվեն և վերանան բոլոր մարդկանց մեղքերը: Որովհետեւ ին-

քը՝ Աստծո Որդին, եղավ գառ և խաչի վրա մատուցվեց իր Հոգը որպես (մարդկանց հետ) հաշտության պատարագ, և նա ամբողջովին վերացրեց աշխարհի մեղքերը (Բ Կորնթ., 5. 18):

418 (676). «Հուր,— ասում է,— արյուն և ծխի մրրիկ» (Հովել, 2. 30): Մաքրող Հուրը, Սուրբ Հոգին, որը և մաքրեց և մաքրում է բոլորին, և նրանք մաքրվում են Քրիստոսի արյամբ: Իսկ ով չի ցանկանում մաքրել իր կուտակված մուրը, նրանց համար հայտնության օրինակ է հանդիսանում (կրակից) խանձվածի մերկությունը: Եվ իր արյունը, որը նա հեղեց նրանց փրկության համար, որն արժանիների համար (ճանապարհ) է դեպի (երկնային) թագավորություն, նա այդ նույն արյունը (անարժանների համար) կղարձնի նրանց կործանման ուղի: Արեգակը խավար դարձավ և լուսինը՝ արյուն այն ժամին, երբ Տիրոջը տեսան խաչի վրա տանջվող: Որովհետեւ դա այն երեկով օրը չէր, որը դեռ գալու է՝ բոլորին դատելու և դատաստանով արդարացնելու օրը, այլ փրկության օրը, երբ բոլորը նրա շնորհներով արդարացվում են (Հոռմ., 3. 24-25):

419 (677). Որովհետեւ այդ ժամանակ արեգակը և լուսինը մունետիկներ դարձան: Որովհետեւ արեգակը իր խավարումով բոլորեց, բոլորին ցույց տալով խաչի վրա (գամփած) Տիրոջը և, չկարողանալով նայել այդ տեսարանի վրա, խավարեց, որովհետեւ չէր կարող տեսնել Տիրոջ (պատճառած) անարդանքները: Իսկ լուսինն ավելի մեծ (նշաններ) ցույց տվեց, որովհետեւ հայելու նման բոլոր արարածներին ցույց տվեց վերեկից, բարձրությունից իր միջի արյունը՝ բոլոր աշխարհների փրկությունը, որոնք իրենց մտքով ընկալելու են այդ արյունը, իրենց որպես արքայություն (խոստացող): Իսկ նրանք, ովքեր կարհամարհեն այս և չեն գա այսպիսի պարգևների բաշխմանը, լուսինը այդպիսիներին

որպես օրինակ ցուցադրելու է իրենց մարմիններից միշտ բխացող արյունը, որոնցից բխելու են դժոխքի կործանող հավերժական տանջանքների անմահ որդերը:

420 (678). Դրա մասին է ասում (մարգարեն). «Նշաններ եմ տալու վերը՝ երկնքում և ներքելը՝ երկրի վրա» (Հովել, 2. 30), Տերը՝ խոնարհ երկրի վրա, խաչի վրա, իսկ լուսատուները վերեւում, որպես մունետիկներ, որ ազդարարում են ողջ տիեզերքին: «Արյուն և հուր և ծխի մըրիկ» (Հովել, 2. 30). Երկու բան նկատի ունի (մարգարեն), մեկը՝ կյանքի ավետումը, իսկ մյուսը՝ սպառնացող պատիժների արհավիրքը: «Արեգակը խավար է դառնալու և լուսինը՝ աըյուն, մինչև որ գա Տիրոջ մեծ և երկելի օրը» (Հովել, 2. 31), այսինքն, դա նշանակում է հատուցման օրվա գալը, որովհետև դա հենց այն մեծ և երկելի օրն է:

421 (679). Իսկ մինչև այն (օրվա) գալը, «ով որ կկանչի Տիրոջ անունը, կրիկվի (Նրա ողորմածության) շնորհիվ» (Գործք, 2. 21: Հոռմ., 10. 13): Որովհետև Աստված իջավ երկրի վրա և մարդկանց բարձրացրեց երկինք, և հողեղեն արարածներին խառնեց հոգկորների հետ: Նա ամբողջովին նորացրեց և երիտասարդացրեց արարածներին: Նա (մկրտելու համար) բացեց ավազանի արգանդը, որպեսզի նրանք նորոգվեն և վերստին ծնվեն որպես արքայության մանուկներ՝ այն մկրտությունից: Որովհետև առաքյալները հանդիսացան (մկրտման) ավազանի արգանդ, վերստին ծնեցին ողջ տիեզերքը և (մարդկանց) ուղղեցին դեպի մանկական անմեղության չխարդախված կաթը, որպեսզի բոլորին դարձնեն Աստծու որդիներ և Քրիստոսի միջոցով՝ փրկության ժառանգավորներ, ինչպես և երանելի Պողոսը ասաց. «Որդյակներս, դուք, որոնց համար վերստին երկունքի մեջ եմ, մինչև որ Քրիստոս կերպարանվի ձեր մեջ» (Գաղատ., 4. 19):

422 (680. XCII). Եկ այսպես, նրանք երիտասարդացրին ամբողջ աշխարհը՝ այն պատճառով, որ ստացան նրա՝ Հինավուրցի<sup>1</sup> զորությունը, որը երիտասարդացավ, ինչպես դրա մասին ավելի առաջ երգեց (մարգարեն), ասելով իր աստվածախառն իմաստուն խոսքը, «Թագավորը կվերադառնա երիտասարդության» (Սաղմ., 102. 5): Որովհետև աշխարհը ևս երիտասարդացավ, քանի որ նրանք տեսան Տիրոջը երիտասարդացած:

423 (681). Առաքյալներ նորից ծնեցին ողջ աշխարհը՝ ջրի և Հոգու միջոցով. նրանք բոլորին աղեցին հրով, որովհետև հրաման ստացան այն մասին, որ «ամեն ոք հրով պիտի աղվի» (Մարկ., 9. 48): Նրանք անքակտելիորեն կապվեցին Աստվածությանը և սկսեցին լույս արձակել, զմայլեցրին և լցրին աշխարհը (Հոգեոր) նվերներով: Որովհետև «ովքեր որ մի անգամ մկրտվեցին ի Քրիստոս, զգեստավորվեցին Քրիստոսով և Նրա Հոգով»<sup>1</sup> (Գաղատ., 3. 27): Լույսի աղբյուրից նրանք խմեցին շնորհներ, և նրա ահեղ նշաններով, հրակուտակ զորությամբ, աղով համեմեցին և ամրացրին (մարդկանց), պիտի հեթանոսությունից նրանց ստացած գարշահոտ մեղքերից (ձերբազատելով) տարան դեպի (հոգեոր) ապաքինման առողջությունը:

424 (682). Նրանք առատ ցողով և հոգեոր անձրեսով հագեցրին մարդկանց սրտերի անապատ դարձած մարմնավոր երկիրը: Նրանք բերեցին խաղաղություն՝ ծովի պես լեցուն, և փրկություն՝ գետի պես հորդահոս, և ողջություն ու հավատ՝ մշտաբուխ աղբյուրների նման, Աստվածության սերը՝ ուրախության բաժակի նման, մարդկանց սրտերում տնկեցին ահ և երկյուղ՝ կրակի նման: Որովհետև, ինչպես ճարտար դարբինը վերցնում է երկաթը և, գցելով այն հնոցի մեջ, շիկացնելով հասցնում է նրան կրակի գույնին, դրա նման և արդարները նետվեցին արդարության հնոցի մեջ և

ներկվեցին Սուրբ Հոգու շողերով ու գույներով։ Նրանք Քրիստոսին ամբողջությամբ ընկալեցին իրենց մեջ և Աստվածության սերը լույսի պես վառեցին իրենց հոգիներում։ Նրանք ուժ ստացան վերեից և քաջ մշակների պես սկսեցին աստվածապաշտության սերմը բոլոր ազգերին հասցնելու (աշխատանքը)։

425 (683). Նրանք դարձան վառվող ճրագներ՝ աշտանակի վրա, այսինքն՝ խաչի վրա։ Եվ նրա ճառագայթների ուժով նրանք լուսավորեցին ողջ աշխարհը, բոլոր մարդկանց միջից հալածեցին մթության խավարը, որպեսզի նրանց ունակ դարձնեն ընկալելու աստվածային սերը։ Նրանք սփռվեցին աշխարհով մեկ՝ ճշմարտության քարոզիչներ լինելու համար. «Որովհետև չկա ո՞չ արգելք և ո՞չ խտրություն ո՞չ հրեայի և ո՞չ հեթանոսի, ո՞չ ծառայի և ո՞չ տիրոջ, ո՞չ տղամարդու և ո՞չ կնոջ, որովհետև բոլորը մեկ են ի Քրիստոս» (Գաղատ., 3. 28)։

426 (684). Եվ հրեական ազգից շատերը, իրենք իսկ առաքյալները, իսկական անսասան այուներ դարձան, և շատերը հեթանոսներից նրանց օրինակն իրենց վրա բարձած տանում էին առաջ, շատ ազատներ և շատ ստրուկներ։ Ազատները ազատությունից ընթացան դեպի թագավորություն՝ նրա միջոցով, որը, թագավոր լինելով, նրանց համար խոնարհվեց բարձրությունից (Փիլիպ., 27). Իսկ ստրուկները ստրկությունից ընթացան դեպի ազատություն՝ նրա միջոցով, որը ստրուկի կերպարներ առավ (Փիլիպ., 2. 7) և բոլորին ազատեց խավարի ծառայությունից։ Իսկ հրեաները՝ (նրանց) հայրերը և մարդարեները, իրենց ազգին ավանդեցին առաջին խորհուրդը։ Բայց երբ եկավ և հասավ ավետված խոստումը (Գործք, 13. 32), այն ժամանակ հայտնապես նրանց մեջ ծագեց արդարության Արեգակը (Մաղաք., 4. 2), որը ինքը՝ Քրիստոսն է։ Իսկ ում հավիտենա-

կան կյանք էր պատրաստված, որ հավատացին նրան, նրանցից եղան քարոզիչներ և աշխարհի առաքյալներ՝ առաջին վկաները<sup>1</sup>։ Նաև հեթանոսներից բարձրացան մարդիկ, հորդեցին հավատացողները՝ գնդերով, շատացան վկաները՝ շարքերով, և լցրին ողջ երկիրը։ Որովհետև կյանքի Ավետարանը սկսեցին քարոզել ողջ տիեզերքով մեկ ոչ միայն տղամարդիկ, այլև սուրբ կանայք, որովհետև նաև կանայք օրհնվեցին՝ կուսական որդեծնության համար, որ եղավ նրանցից<sup>2</sup>։

427 (685). Եվ այսպես, իսկական այուները՝ առաքյալները, զուգակիցները, որ խոսեցին բոլոր լեզուներով, դուրս եկան աշխարհ, վիճակ գցելով՝ բաժանեցին բոլոր ազգերին (իրար մեջ)։ Նա ուղարկեց նրանց և իշխանություն տվեց՝ գործելու նշաններ և հրաշքներ, կենդանացնելու մեռածներին, բուժելու հիվանդներին, առողջացնելու հաշմանդամներին, քայլեցնելու կաղերին, լուսավորելու կույրերին, վերադարձնելու լսողությունը խուլերին և խոսեցնելու համբերին, մաքրելու բորոտներին, վերացնելու բոլոր ցավերն ու վշտերը, փախցնելու դեերին՝ մարդկության թշնամիներին, ոտնակոխ անելու սատանային՝ մոլորված մարդկանց մեղքերի պահապանին, աստվածապաշտությունը իմացող դարձնել ամեն մեկին և խափանել մոլորությունները, համոզել բոլոր ազգերին հավատալ Արարչի հրամաններին։

428 (686. XCIII). Եվ այսպես, Քրիստոսի կողմից հավաքված և (նրա) խաչը կրող առաքյալների մեջ գլխավորներն էին Պետրոսն ու Անդրեասը, Հակովքոսն ու Հովհաննեսը, Փիլիպպոսն ու Բարդուղիմոսը, Թովմասն ու Մատթեոսը, Հակովքոսն ու Սիմովնը, Թագեոսն ու Բարսարասը, Մատաթիոսն ու Հակովքոսը, Մարկոսն ու Ղուկասը, Պողոսն ու Բառնաբասը և ուրիշներ ևս, որ նմանվեցին սրանց։ Սրանք, որ յոթանասուն էին<sup>1</sup>, Տիրոջից հրաման ստացան

քայլել իժերի ու քարբերի վրայով և կոխոտել թշնամու զորությունը (Սաղմ., 90. 13: Ղուկ., 10. 19), լինել աշխարհի լույսը (Մատթ., 5. 14) և Սուրբ Հոգու աստվածային աղով շաղել և կապել մարդկային տգիտութունից եկող չարության ավերիչ ուժը: Քաջ մարտիկների պես, որպես ռազմասեր կտրիճներ<sup>2</sup> նրանք առաջ նետվեցին առաքինության ասպարեզ: Նրանք պատրաստ էին կրելու առաջիկա չարչարանքները և տանջանքները, որպեսզի իրենց ճգնության և վաստակածի դիմաց, ոչ ձրիաբար, այլ որպես պարգև, պատերազմի կոիվներում համբերությամբ տանելով բռնությունները, իրենց համար վաստակեն Աստծո արքայությունը: Որպես քաջ մարտիկներ նրանք ամրակուռ զրահի պես իրենց պատեցին հավատով ու սիրով, որի վրա չեն կարող ազդել թշնամու բանսարկության նենդ նետերը, և փրկության հույսը որպես անխոցելի սաղավարտ դնելով՝ նրանք անցան ողջ աշխարհը և գերեցին բոլոր ազգերին: Ստանալով համբերության նաև այլ օրինակներ՝ նրանք պատմեցին դրանց մասին՝ ուրիշներին ուղղված թղթերի միջոցով: Որպես օրինակ նրանք բերում էին նախորդների կյանքը՝ ասելով, թե «որպես օրինակ վերցրեք, եղբայրներ, մարդարեների երկար համբերությունը, որոնք խոսեցին Տիրոջ անունով» (Հակ., 5. 10), և թե «լսել եք Հոքի համբերության մասին և տեսել, ինչ որ Տերը նրան արեց վերջում» (Հակ., 5. 11):

429 (687). Որովհետև Տերը նույն համբերությունն էր սովորեցնում նրանց. «Երանի է ձեզ, երբ ձեզ նախատեն ու հալածեն և սպանեն իմ պատճառով: Ցնծացեք և ուրախացեք, որովհետև երկնքում ձեր վարձը շատ է» (Մատթ., 5. 11-12), և օրինակ է բերում. «Այսպես հալածեցին մարդարեներին, որոնք ձեզնից առաջ են եղել» (Մատթ., 5. 12), և թե «Դուք եք երկրի աղը և աշխարհի լույսը» (Մատթ., 5.

13, 14): Եվ նրանց համար որպես օրինակ բերեց իրեն, որ ինքն էր իրենով կատարել ամեն ինչ, ինչպես և նրանք ցույց տվեցին ուրիշներին՝ ասելով, թե «մենք տեսանք Տիրոջը՝ հենց իրեն անձամբ» (Գործք, 9. 27: Ա. Հովհ., 1. 2):

430 (688. XCIV). Այնուհետև նրանք սփովեցին բոլոր ազգերի մեջ՝ Աստվածության մասին գիտելիք տալու, Աստվածությանը բոլորին ծանոթ դարձնելու համար, ինչպես առաջներում երգել էր մարգարեն, նախապես իմանալով նրանց մասին՝ Սուրբ Հոգու ներշնչամբ, թե՝ «Լսեցեք այս, համայն ազգեր, և ականջ դրեք բոլորդ, որ բնակվում եք աշխարհում, երկրածիններ և մարդկանց որդիներ, բոլորը միասին՝ մեծամեծներ և տնանկներ» (Սաղմ., 48. 2-3): Եվ այսպես նրանք սփովեցին ողջ աշխարհով մեկ, բաժանվելով բոլոր լեզուների միջև, ինչի մասին վկայում էին բոլոր կողմերից եկած հրեաները, թե «մենք նրանց լսում ենք մեր յուրաքանչյուրի բարբառով» (Գործք, 2. 8), որ առաքյալ-ներին տեսել էին մի տեղում հավաքված՝ մինչև աշխարհով մեկ սփովելը:

431 (689). Այսպես, (առաքյալներից) ոմանք, ուղղվելով իրենց հրեական երկրամասը, այնտեղ քարոզեցին, իսկ մյուսները սփովեցին ողջ աշխարհով մեկ, ոմանք՝ դեպի Մարերի (երկիրը), ուրիշները՝ Պարթևների, ոմանք՝ դեպի Խուժաստան, ուրիշները՝ Միջագետք, մեկը՝ Գամիրքի երկրամասը, մյուսը՝ դեպի Պոնտոս, մեկը՝ դեպի Ասիա, մյուսը՝ Փոյուղիա, մեկը՝ Պանֆիլիա, մյուսը՝ Եգիպտոս, մեկը՝ Հնդիկների երկիրը, մյուսը՝ Լիբիացիների երկրամասը, մյուսը՝ Կիրենացիների երկիրը, մեկը՝ Դալմատացիների երկրամասը, մյուսը՝ Իսպանացիների, մեկը՝ Ազովի երկիրը, մյուսը՝ Թրակիայի, մեկը՝ դեպի Լակոնիա, մյուսը՝ Կապադովիա և մյուսը՝ Բյութանիա: Եվ ոչ չի կարող լրիվ թվարկել, իմանալ, բայց (հայտնի է, որ) «Նրանց ձայնը ամ-

բողջ երկիրը բռնեց, և նրանց խոսքը հասավ աշխարհի ծագերին» (Սաղմ., 18. 5: Հռոմ., 10. 18):

432 (690). Այսպես նրանք քարոզեցին աշխարհում՝ «լուսավորելու համար ամեն մարդու, որ գալու է աշխարհ» (Հովհ., 1. 9), փրկության համար ապաշխարություն տալու բոլորին, լվանալու բոլոր մարդկանց, արձակելու խավարի կապանքներից՝ մկրտության միջոցով, և բոլոր ժողովուրդներին դրոշմելու որպես Քրիստոսի զորագունդ, Աստծու Հոգին բնակեցնելու մարդկանց սրտերում, միացնելով միաձուլելու (բոլորին) Աստվածորդու հանդեպ ունեցած սիրո մեջ, որպեսզի բոլորի սրտերը միաձայն աղաղակեն (առ Աստված), և ողջ աշխարհը միաբան ասի՝ «Աբրա՛, Հայր» (Հռոմ., 8. 15: Գաղատ., 4. 6): Որպեսզի հանվի ստրկության անունը, և դրվի որդեգրության անունը՝ Քրիստոսի ողորմությամբ (Հնարավոր լինի) ուտել Աստվածորդու մարմինը և ըմպել (Նրա) կենդանարար արյունը, որպեսզի դրա չնորհիվ ամբողջ աշխարհը մտնի Քրիստոսի ժառանգության մեջ, դառնա Աստծո ժառանգորդը և Քրիստոսի ժառանգակիցը:

433 (691). Այսպես նրանք ամրացրին նրանց իրենց կամքի միտումներում՝ Քրիստոսի հանդեպ իրենց ունեցած հույսով: Դուք նույնպես լսեք նրանց և հավատացեք ձեր փրկության Ավետարանի ճշմարտությանը, հավատացեք նրանց և մկրտվեցեք ավետյաց Սուրբ Հոգով, որը և գրավականն է մեր ժառանգության՝ հասնել փրկության ի գովություն Նրա փառքի (Եփես., 1. 13-14):

434 (692). Նրանք արագ անցան ողջ աշխարհով մեկ՝ մինչև երկրի ծայրը, որպեսզի լցնեն այն կյանքի խոսքի քարոզությամբ: Այստեղ էին նաև հրեշտակների զորքերը՝ Հոգեղեն և հրեղեն, որ գումարվել էին առաքյալներին միիթարելու համար, որովհետև ընկեր էին դարձել նրանց և՝

գործերում, և՝ ճանապարհներում, և՝ բանտի կապանքներում եղած ժամանակ, որտեղից Աստծու ողորմությամբ իմանալով ազատում էին առաքյալներին: Եվ նրանք, առաջնորդված իր կամքը հայտնող Սուրբ Հոգով, յուրաքանչյուր քաղաքում և ամեն մի երկրում բոլորին բացատրում (և համոզում) էին հավատալ Քրիստոսին: Մենք էլ՝ նվաստներս, (ձեզ) պիտի բերենք (բոլորին) գերազանցող (առաքյալների) ճշմարտությունը, որովհետև այն տրված է նրանց, որ առաջնորդվում էին Սուրբ Հոգու հրամաններով:

435 (693). Որովհետև նա այսպիսի հրաման է տվել՝ սովորեցնել բոլոր ազգերը (Սատթ., 28. 19): Նա ուղարկեց նրանց աշխարհով մեկ, որ հավատի հնագանդության հրավիրեն բոլոր հեթանոսներին, առանց վախենալու քարոզեն Ավետարանը՝ Սուրբ Հոգու առաջնորդությամբ: Նրանք, համարձակությամբ լցված, քարոզում էին Աստծու արքայությունը և ուսուցանում մեր Տիրոջ՝ Հիսուս Քրիստոսի մասին՝ ամենայն համարձակությամբ, անարգել և անխափան (Գործք, 4. 31):

436 (694. XCV). Դրանից հետո առաքյալների Քրիստոսյան գունդը, Սուրբ Հոգու ողորմածությամբ գումարվելով երկնքի տակ եղած բոլոր կողմերում, ամեն տեսակի նշաններով ու հրաշքներով և հրաշագործությունների զորությամբ, յուրաքանչյուր երկրում ազգարարում և հնչեցնում էին կենաց խոսքը, բոլորին Քրիստոսի (ուսմունքին) ծանոթ դարձնում և ծաղկեցնում հարության հույսով: Որովհետև նրանց շնորհազարդ խոսքով և գործերով հայտնի դարձավ Սուրբ Հոգու հրամանով սահմանված յուրաքանչյուր մի որոշում: Դա է մատնացույց անում նաև Պողոսը, ասելով, թե՝ «Երուսաղեմից սկսած և մինչև Լյուրիկիա ես լրիվ տարածեցի Քրիստոսի Ավետարանը» (Հռոմ., 15. 19), և նորից, թե «Նա, որ Պետրոսին հաջողեցրեց (ա-

ուաքելությունը) թղփատվածների մեջ, զորացրեց և ինձ (առաքելություն կատարելու) հեթանոսների մեջ» (Գաղատ., 2. 8):

437 (695). Այսպես Աստծու կողմից սահմանված ժամանակը մոտիկ դարձավ յուրաքանչյուրին՝ քրիստոսաւուր փրկության համելու համար, ինչպես և ասում է Պողոսը՝ աթենացիներին տված պատասխանի մեջ, թե՝ «Աստված, անգիտության ժամանակներն անտես առնելով, այժմ այն է պատվիրում մարդկանց, որ ամեն ոք ապաշխարի» (Գործք, 17. 30): Սրա պես նաև Պետրոսը նշում է իր Հնդհանրական թղթում, թե «բավական է մեզ կյանքի անցած ժամանակը, երբ ընթացանք հեթանոսների կամքի համաձայն. արդ, այսուհետև նրանք պետք է ապրեն ըստ Աստծո կամքի» (Ա. Պետր., 4. 2-3):

438 (696). Բայց ոչ մի անգամից և ոչ արագընթաց, ըստ (Սուրբ) Հոգու զորության, նրանք նորադարձներին մղեցին անսովոր մեծամեծ (արարքների), այլ սկզբից ավելի թեթև ձեռվ, աշխարհական սովորույթներին համաձայն, խոսեցին առակներով և պատկերավոր լեզվով: Դրա պատճառով է, որ Պողոսը պարզաբանում է, թե «(իբրև մանուկների) ի Քրիստոս ջամբեցի ձեզ կաթով և ոչ պինդ կերակրով, քանի որ գեռ չէիք կարող» (Ա. Կորնթ., 3. 2): Ինչպես նախկինում, ամենաիմաստուն Աստծո սահմանված Մովսիսական օրենքներով ևս, նախ պետք էր զոհաբերություններ (կատարել), շաբաթը նշել և հրամայված տոնը պահպանել, և միայն հետո, հեռացնելով դրանցից, նա ցույց տվեց ավելի բարձր բաներ՝ երևան եկող մարդարեների միջոցով, որոնց բերանով ասում էր. «Ես կշտացել եմ ձեր զոհերից» (Եսայի, 1. 11), և թե «քո զոհաբերությունների համար չէ, որ կշտամբում են քեզ» (Սաղմ., 49. 8), այլ «Աստծուն օրհնության պատարագ մատուցիր» (Սաղմ., 49. 14), և թե

«ո՛վ մարդ, ի՞նչ է ուզում քեզնից Տերը, եթե ոչ իրավունք և արդարություն հաստատել և պատրաստ լինել Տիրոջ հետեւից գնալու» (Միք., 6. 8):

439 (697). Նույն կարգը պահպանվեց նաև առաքյալների կողմից, որովհետև մեկ Աստծու օրենքը և (այդ) օրենքի մեկնաբանները ճանաչված էին որպես առաջինը և երկրորդը<sup>1</sup>: Սրա մասին հայտնեց ինքը՝ Տերը՝ ասելով, թե «Հենց սրանով է ծշմարիտ այն խոսքը, թե՝ այլ է սերմանողը և այլ՝ հնձողը: Ես ուղարկեցի ձեզ հնձելու այն, ինչի վրա դուք աշխատանք չէիք թափել. ուրիշներ աշխատանք թափեցին, իսկ դուք նրանց վաստակի մեջ մտաք, որովհետև նա, ով ցանում է, և նա, ով հնձում է՝ միասին պետք է ցնծան» (Հովհ., 4. 37-38, 36):

440 (698). Քարոզության արվեստին վերաբերող գիտելիքը նրանք ստացել էին Ամենափրկչից՝ Քրիստոսից, որը «Սկսեց անել և ուսուցանել» (Գործք, 1. 1): Որովհետև և Քրիստոս ինքն ոչ անմիջապես սկզբից աղաղակեց ամենաբարձր և անհասանելի բաների մասին, այլ նախ ավելի հասարակ և առակների լեզվով խոսեց և հիվանդություններից բժշկելով՝ նրանց մոտեցրեց (Իրեն) և ուսուցանեց: Նա ասում էր նրանց. «Եթե երկրավոր բաներ ասացի ձեզ, և չեք հավատում, ապա ինչպես պիտի հավատաք, եթե երկնավոր բաների մասին ասեմ» (Հովհ., 3. 12): Ապա դրանից հետո, երբ նրանք հասան կատարելության, նա ավելի համարձակ և ավելի բարձր ձեռվ սկսեց սովորեցնել ծշմարտությունը: Նույն կարգով էլ առաքյալներն էին գործում բարբարոսական երկրներում:

441 (699. XCVI). Այդ պատճառով, ինչպես և ասված է Սինհոգոսի (Ժողովի) հրամանի մեջ<sup>1</sup>, նորադարձ հեթանոսներին առաջալները սովորեցնում էին ավելի հեշտ ձեռքով, և նախ հեռացրին նրանց կուռքերի (համար զոհված)

կերակուրներից, պոռնկությունից, խեղդամահ արված (կենդանիներ) ուտելուց և արյունից (Գործք, 15. 20): Իսկ երբ դա բացատրեցին բոլորին, և հրեաներին ու հեթանոսներին, Սուրբ Հոգով վկայեցին (մեր) Տիրոջ՝ Հիսուս Քրիստոսի հանդեպ՝ հույս տվող հավատի մասին, – ինչպես ավելի առաջ Պետրոսն ասել էր Հրեաստանի բնակիչներին, թե «Նրա վկաները մենք ենք և Սուրբ Հոգին, որը Աստված տվեց իրեն հնագանդվողներին» (Գործք, 5. 32), իսկ Պողոսը Մելիտոսում<sup>2</sup> միահամուռ հավաքվածների առաջ ահավոր նախազգուշացումով հիշեցրեց ավանդված հրամանները և իր տված խոստումը, թե «ինչպես բնավ չվարանեցի օգտակար բաների մասին հրապարակավ և տներում վկայություն տալ Հրեաներին և հեթանոսներին՝ Աստծու առաջ ապաշխարելու և մեր Տեր Հիսուս Քրիստոսի հանդեպ հավատի մասին» (Գործք, 20. 20-21), ինչը և հաստատում է՝ ասելով, թե «այսօր ձեր առաջ վկայում եմ, որ ես, – ասում է, – մաքուր եմ բոլորիդ արյունից, որովհետև չքաշվեցի ձեզ հայտնելու Աստծու կամքը ամբողջությամբ» (Գործք, 20. 26-27), – դրանից հետո նրանք հասան երանության, հասկանալով Սուրբ Հոգու խորհուրդը, որպեսզի հաղորդեն Միաձնի աստվածախոս, աստվածապատում, աստվածապարգև վարդապետությունը, որպեսզի գրքով<sup>3</sup> ներկայացնեն այդ և հաստատեն երկնքի տակ եղած բոլոր ազգերի և հավիտյան եկողների համար՝ «լուսավորելու ամեն մի մարդու, որ դալու է աշխարհ» (Հովհ., 1. 9): Առանձնապես հաջողություն ունեցան նրանք իրենց առաջ դրված այդ խնդիրը կատարելիս, որովհետև գործում էին՝ առաջնորդվելով Սուրբ Հոգով: Այդ էր պատճառը, որ բոլորի Փրկիչը իր սուրբ աշակերտներին ուսուցանելիս շեշտեց՝ ասելով, թե «դեռ շատ բաներ ունեմ ձեզ ասելու, բայց այժմ դուք չեք կարող տանել դա: Երբ որ դա նա՝ ճշմարտության Հո-

դին, ամենայն ճշմարտությամբ կառաջնորդի ձեզ» (Հովհ., 16. 12-13):

442 (700). Նա հրաման տվեց նաև իր կենսաբեր Ավետարանի մասին, (ասելով) թե «արքայության այս Ավետարանը պիտի քարոզվի ամբողջ աշխարհում՝ ի վկայություն բոլոր հեթանոսների, և ապա պիտի դա վախճանը» (Մատթ., 24. 14): Իսկ առաքյալները, այդ նույն ճշմարտության վկաները, վերցնելով սուրբ Ավետարանից և մարդարեների գրքերից, ճոխացրին իրենց հոգեշունչ առաքելական նամակները, որպեսզի սովորողները ունենան դրանք որպես հավերժ սահմանված կանոններ, հատկապես նկատի ունենալով եկեղեցիների հաստատումը՝ դրան այնուհետև բանավոր կերպով շատ բան ավելացնելով: Ինչպես և Պողոսը պարզաբանելով ասում է. «Իմաստությունը քարոզում ենք կատարյալների մեջ, իմաստություն, որ այս աշխարհինը չէ, ոչ էլ կործանման սահմանված այս աշխարհի իշխանների իմաստությունը, այլ քարոզում ենք Աստծու խորհրդափոր, թաքուն իմաստությունը, որն Աստված սահմանել էր մեր փառքի համար նախքան հավիտյանները. և այս աշխարհի իշխաններից ոչ մեկը չճանաչեց այն, որովհետև եթե ճանաչված լիներ, արդարեւ փառքի Տիրոջը չէին խաչի» (Ա. Կորնթ., 2. 6-8): Նրանք իմաստությամբ լուսավորված և զարդարված էին՝ ասելով, թե «մենք ոչ թե այս աշխարհի հոգին առանք, այլ՝ այն Հոգին, որ Աստծուց է, որպեսզի ճանաչենք այն, որ Աստծուց չնորհվեց մեզ» (Ա. Կորնթ., 2. 12):

443 (701). Եվ ահա նրանք, որ տեսել էին Աստծուն, լցված և հագեցված էին Հոգով, վերցնելով աստվածատուր ավետիսը, ամրագրեցին այն գրավոր ձևով և չորս Ավետարանները որպես մեկ ավանդություն հաստատեցին: Նրանք չէին ձգտում տարբերվել մեկը մյուսից պերճաբանութ-

յամբ, այլ ամենագետ աստվածային Հոգով ներշնչված պատմել Քրիստոսի հրամանների միասնական ճշմարտությունը, որը կարելի է տեսնել ավելի առաջ ասված մարդարեների խոսքերում։ Որովհետև այն, ինչ ապագայի մասին Հոգու շնորհով լցված առակների ձևով մեծն Մովսեսը ասել էր առաջուց, նույնը կրկնեցին (Նրանից) հետո եկած մարդարեները (Աստծուց) ոգեշնչված խոսքերով, որոնց միջոցով երևելի դարձավ ամեն ինչ պարզեղող Հոգու զորությունը։

444 (702 XCVII). Նրանից հետո քրիստոսասեր ավետարանագիր այրերը Հոգու թևերով բարձրացան և, անցնելով երկնքի միջով, համբարձեցին երկնային խորանների վրա։ Այստեղ՝ բարձունքում, աստվածային գահի մոտ, Սուրբ Հոգու օգնությամբ նրանք իմացան Աստծու խորքերը (Ա. Կորնթ., 2. 10) և ճանաչեցին Միաձին Որդուն իր Հոր ծոցում (Ա. Կորնթ., 2. 10: Հովհ., 1. 18): Եվ նա հաստատեց իր մասին նրանց ունեցած գիտելիքը որպես ճշմարտագույնը, ինչպիսին և գիտի Հայրը իր Միաձնին։ Նրա կողմից լուսավորված՝ նրանք սկսեցին խոսել այն մասին, ինչ անպատմելի է, այն, որ «սկզբից էր Բանը, և Բանը Աստծու մոտ էր, և Բանը Աստված էր։ Նա էր սկզբից Աստծու մոտ։ Ամեն ինչ նրանով եղավ, և առանց նրա չեղավ ոչինչ, (որ եղել է)» (Հովհ., 1. 1-3)։ Տեսնո՞ւմ ես, նա ոչինչ չանտեսեց աստվածանաչ իմաստությունից, այլ ամեն ինչ բերեց ամբողջապես՝ ասելով, թե՝ «Նա էր սկզբից, և Աստծու մոտ էր, և ամեն ինչ նրանով եղավ»։ Եվ սրանով հայտնի դարձան Որդու էական անձնավորությունը, և համագոյ աստվածահավասար պատիվը և նրա ամենակարող զորությունը։

445 (703). Որովհետև Ամենատեր Քրիստոս սկզբից իսկ իր սիրելի աշակերտներին աստվածանաչ դարձրեց՝

բյուրապատիկ հրաշքների միջոցով, որպեսզի նրանք երեք կատարյալ Անձերի գեղեցկության, կերպարանքների և միասնական էության մերձափորները և իմացողները լինեն։ Որպեսզի Աստծու անհնարին ճանաչմանը նրանք հասնեն ոչ թե իրենց սահմանափակ իմաստությամբ, այլ որ դա ինքն իսկ մարդասեր Աստված (Նրանց) հայտարարեց երկնքից, թե՝ «Դա է իմ սիրելի Որդին, դրան լսեցեք» (Մատթ., 17. 5): Դրա մասին է վկայում և Պետրոսը իր Ընդհանրական թղթում, թե «մենք ոչ թե հնարովի առասպելների հետեւից գնալով է, որ ձեզ ճանաչեցրինք մեր Տեր Հիսուս Քրիստոսի զորությունը և գալուստը, այլ մենք իսկ ականատես եղանք նրա մեծությանը, քանի որ նա Հայր Աստծուց ստացավ փառք և պատիվ, երբ մեծավայելուչ փառքից եկավ այս ձայնը, թե՝ «Դա է իմ սիրելի որդին, որին հաճեցի»։ Եվ երկնքից եկող այս ձայնը լսեցինք մենք իսկ, որ նրա հետ էինք սուրբ լեռան վրա» (Բ. Պետր., 1. 16-18)։

446 (704). Որդին նույնպես եկավ ու ցուցադրեց Հոր մեծությունը. «Ես եկա ոչ թե իմ կամքը կատարելու համար, այլ՝ կամքը նրա, ով ինձ ուղարկեց» (Հովհ., 6. 38): Իր վարդապետելու ժամանակ նա բազմաթիվ օրինակներով բարձրացնում է Հոր փառքը, ցուցադրելով կամքի միասնականությունը. «Այն խոսքերը, որ ես ասում եմ ձեզ, ինքս ինձնից չեմ ասում, այլ Հայրը, որ բնակվում է իմ մեջ, նա է անում գործերը» (Հովհ., 14. 10): Սուրբ Հոգու մասին նույնպես ասում է, թե «Ճշմարտության Հոգին ամենայն ճշմարտությամբ կառաջնորդի ձեզ, որովհետև ոչ թե ինքն իրենից կխոսի, այլ ինչ լսի, այն կխոսի, և գալիք բաների մասին կպատմի ձեզ։ Նա ինձ պիտի փառավորի, որովհետև ինչ որ առնում է ինձանից, կհայտնի ձեզ։ Ամեն ինչ, որ Հայրն ունի, իմն է. դրա համար ձեզ ասացի, թե ինչ որ առնում է ինձանից, կհայտնի ձեզ» (Հովհ., 16. 13-15):

447 (705). Ճանաչի՛ր (Նրանց) համախոհությունը, միակամությունը, միասնական ճշմարտությունը և իմացի՛ր ինչպես լուսավորեց, ցույց տվեց երեք Անձերի հավաստի գոյությունը՝ ասելով. «Սուրբ Հոգին ոչ թե ինքն իրենից կիսուի, որովհետև ինչ որ ինձանից է առնում, ձեզ է հայտնելու. որովհետև ամեն ինչ, որ Հայրն ունի, իմն է»: Ճանաչիր Հորը՝ կատարյալ, Որդուն՝ ճշմարիտ և Հոգուն՝ հավաստի: Նա ցույց տվեց նաև աստվածային գորության անբաժանելի և միասնական բնությունը՝ ասելով, թե «Ելա Հորից և եկա աշխարհ» (Հովհ., 16. 28): Նույնպես և ճշմարիտ Հոգու մասին ասաց՝ «ճշմարտության Հոգին, որ ելնում է Հորից» (Հովհ., 15. 26):

448 (706). Նա տալիս է նաև համագոյ երրորդության միասնականության մասին սահմանումը, ասելով՝ «Աստված Հոգի է» (Հովհ., 4. 24), ցույց է տալիս նաև իր և ճշմարիտ Հոգու անքակտելիությունը Հորից, որովհետև թեպետ առաքվածները<sup>1</sup> այդպես անվանվեցին առաքող Հոր կողմից, բայց Նրա հետ նրանք միասնական են և առանց անջատվելու կատարեցին միասնական գործը, ասելով՝ «ոչ ոք երկինք չի ելել, եթե ոչ Նա, որ իջավ երկնքից՝ մարդու Որդին, որ երկնքում է» (Հովհ., 3. 13): Տեսնո՞ւմ ես, որ և՛ երկիր իջած է, և՛ երկնքում է: Այդ տեսնելով՝ Հովհաննես ավետարանիչը վկայեց, թե «Աստծուն ոչ ոք երբեք չի տեսել, բացի Միածին Որդուց, որ Հոր ծոցում է. Նա հայտնեց» (Հովհ., 1. 18): Եվ այժմ, ուշադրություն դարձրու, թե ինչ է ասում՝ «որ Հոր ծոցում է. Նա հայտնեց», որովհետև Նրան, ում տեսնում էին իրենց կողքին, գիտեին, որ Նույն ինքը գտնվում է Հոր ծոցում: Օ՛, սքանչելի պարզե ստացածներ և աստվածագիտության արժանացածներ. ինչպիսի՛ մեծ երջանկության նրանք իսկույն հասան:

449 (707. XCVIII). Ճշմարիտ Հոգու մասին նույնպես ի-

մանալ պետք է հետևյալ խոսքերից. «Ճշմարտության Հոգին, որ ելանում է Հորից» (Հովհ., 15. 26): Նա ելնում է, բայց չի բաժանվում, բխում է և չի սպառվում: Եվ միաժամանակ նա ասում է (իր) հավասար ճշմարիտ լինելու և միապես հավասարագորության մասին: «Ես Հոր մեջ եմ, և Հայրը իմ մեջ է. ով ինձ տեսավ, նա տեսավ իմ Հորը» (Հովհ., 10. 38: 14. 10): Որովհետև չկա որևէ սահման, որն ընդգրկում է Աստվածությունը, և (չմտածեն) թե Հայրը երկնքում է, իսկ Միածին Որդին և ճշմարիտ Հոգին՝ երկրի վրա են, որովհետև Նրանով է լեցուն ամեն ինչ, նա ամեն ինչի մեջ է և ամեն ինչից վեր է:

450 (708). Բոլոր այս բաների մասին նա աստվածաբար ասաց և ուսուցանեց իր աշակերտներին՝ հրավիրելով (սպասել) Սուրբ Հոգու առաջնորդությանը: Նաև ասում էր Նրանց, թե «դեռ շատ բաներ ունեմ ձեզ ասելու, բայց այժմ չեք կարող տանել. բայց երբ որ գա ճշմարտության Հոգին, Նա կհիշեցնի ձեզ և ամենայն ճշմարտությամբ կառաջնորդի ձեզ» (Հովհ., 16. 12-13): Սրա մասին ասաց նաև Պետրոսը, ընկալելով Սուրբ Հոգուն, թե՝ «Հիշեցի Տիրոջ խոսքը, որ ասում էր. «Հովհաննեսը մկրտեց ջրով, բայց դուք կմկրտվեք Սուրբ Հոգով» (Գործք, 11. 16): Եվ (սա Նա ասաց) ոչ միայն նրանց, այլև (բոլորին), որ նրանց միջոցով կմերձենան Աստծուն:

451 (709). Ինչպես և երանելի Ղուկասն (իր) Ավետարանի սկզբում հայտնել է, թե «շատերը ցանկացան վերստին կարգավորել մեզանում կատարված դեպքերի պատմությունը, ինչպես մեզ ավանդեցին նրանք, որ սկզբից Խոսքի ականատեսներն ու սպասավորները եղան» (Ղուկ., 1. 1-2), որոնցից վերցնելով՝ նա ևս շարակարգեց Տիրոջ Ավետարանը: Իսկ Պողոսին Նա նույնպես երևաց ավելի սքանչելի և ահավոր ներշնչմամբ, ինչի մասին նա ինքը զարմանքով

պատմում է՝ ասելով. «Թե մարմնով էր կամ առանց մարմնի՝ չգիտեմ, բայց գիտեմ, որ համբարձելով երկնքի երրորդ մասը և մինչեւ դրախտ, լսեց անպատում խոսքեր» (Ա Կորնթ., 12. 3-4): Դրա մասին նա ասում է, թե «Ես մարդուց չառա, ոչ էլ որևէ մեկից սովորեցի, այլ՝ Հիսուս Քրիստոսի հայտնությունից» (Գաղատ., 1. 12), որը և, ականատես լինելով, պարծենում է, թե «իմ աչքերով տեսա Տեր Հիսուս Քրիստոսին» (Ա Կորնթ., 9. 1):

452 (710). Թեպետև այսպիսի բարձր պատվով և փառավոր նշանով նա ուղարկվեց Քրիստոսի կողմից, հնազանդություն հայտնեց տասներկուսին՝ հետեյալը գրելով կորնթացիներին (ուղղված թղթում). «Որովհետև ես նախ ձեզ ավանդեցի այն, ինչը ես ինքս ընդունեցի (Տիրոջից)» (Ա Կորնթ., 11. 23): Նույն ձեռվ նաև Եբրայեցիներին (Հղած թղթում ասում է), թե «մենք ինչպե՞ս պիտի ազատվենք, եթե անհոգ գտնվենք այնպիսի փրկության հանդեպ, որ նախ հռչակվեց Տիրոջ կողմից և ապա հաստատվեց մեզ համար նրանց միջոցով, որ լսել էին այն» (Եբր., 2. 3): Սրանից պարզ է դառնում, որ մեկ զորության շնորհները, լուսավորելով բոլորին, արթնացրել էին նրանց՝ միակ ճշմարտության մասին վկայելու համար: Որովհետև Պողոսն ասում է. «Մենք բոլորս էլ այդ մեկ Հոգին խմեցինք» (Ա Կորնթ., 12. 13): Դրա շնորհիվ նրանք սկսեցին մինչեւ երկինքը հասնող բարձր ձայնով հռչակել Միաձնի աստվածային փառքի պատիվը՝ կանխապես ասված մարդաբեական խոսքերի հետ միասին, որն ասաց աստվածախոսը<sup>1</sup>, թե՝ «Սկզբից էր Բանը, և Աստծու մոտ էր, և Աստված էր, և ամեն ինչ նրանով եղավ» (Հովհ., 1. 1-3): Ղուկասը նույնպես ասում է՝ առաքյալների կապակցությամբ, թե «սկզբից Խոսքի ականատեսներն ու սպասավորները եղան» (Ղուկ., 1-2): Դարձյալ նույնն է ասում նաև Հովհաննեսը՝ իր Ընդ-

հանրական թղթում, թե՝ «Նա, որ սկզբից էր, որի մասին լսեցինք, որին տեսանք, և մեր ձեռքերը շոշափեցին՝ կենաց Խոսքը» (Ա Հովհ., 1. 1):

453 (711). «Եվ, ասում է, Աստծու մոտ էր Խոսքը» (Հովհ., 1. 1): Սրանով նա վկայեց Տիրոջ ասածը, թե «Հայր, տուր ինձ այն փառքը, որ ունեի Քեզ մոտ, նախքան աշխարհի լինելը» (Հովհ., 17. 5): Նույնը նկատի ունի նաև Պողոսը՝ ասելով. «Աստծուն հավասար լինելը հափշտակություն չհամարեց» (Փիլիպ., 2. 6): Հովհաննեսը նույնպես իր Առաքելական թղթում (ասում է), թե «Նա, որ Հոր մոտ էր, և հայտնվեց մեզ» (Ա Հովհ., 1. 2): «Եվ, – ասում է, – Բանը Աստված էր» (Հովհ., 1. 1), ինչպես և Քրիստոսն ասաց. «Ինչ որ Հայրն ունի, ունեմ և ես» (Հովհ., 16. 15): Նորից իր թղթում ևս Հովհաննեսն ասում է, թե «Նա է ճշմարիտ Աստվածը» (Ա Հովհ., 5. 20): Պողոսը նույնպես ասում է, թե «(սպասենք) փառքի հայտնությանը Մեծն Աստծու և մեր Փրկչի՝ Հիսուսի Քրիստոսի, որ իր անձը տվեց մեզ համար» (Տիրտ., 2. 13-14):

454 (712). Եվ այսպես, եկեք համերաշխ և ինքնահոժար մեր կամքով «հասնենք հավատի (կատարյալ միությանն) ու Աստծու Որդու ճանաչմանը, կատարյալ մարդու աստիճանին՝ ունենալով ճիշտ Քրիստոսի հասակի չափը» (Եփես., 4. 13): Որովհետև Քրիստոս իր ուսմունքը տվեց (առաքյալներին)` ժողովուրդների լսողությանը հասցնելու համար և հետեյալ հրամանով աշխարհի բոլոր ազգերին նվիրեց իր անխորտակելի փառքապետությունը՝ ասելով. «Գնացեք բոլոր հեթանոսների մոտ, սովորեցրեք և մկրտեք նրանց Հոր և Որդու և Սուրբ Հոգու անունով» (Մատթ., 28. 19):

455 (713). Հատուկ հոգատարություն ցուցաբերելով (մարդկանց ողջ) բազմության հանդեպ՝ նա ցանկացավ իր



փառավոր գալուստը բացահայտ անել, ցույց տալ, թե ինչ-պես նա, գալով, հայտնվելու է (և վարձատրելու) երկարատև համբերության համար հույսով սպասողներին։ Այս իմաստով պետք է հասկանալ և՝ առաջին գալուստը Քրիստոսի, և՝ աստվածային Հոգու իջնելը Պենտեկոստեի տոնի տասներորդ օրը (Գործք, 2. 1): Որովհետև Աստծու Միաձին Որդին երկնքի բարձունքները ելնելու համար ինչ-որ օթևանների կարիք չուներ, ինչպես և Սուրբ Հոգին, որով լին երկինքն ու երկիրը, առաքյաների ժողովին իջնելու համար։ Այլ Աստված, որ մարդասեր է, այնպես կամեցավ, որ տասն օր սպասելուց հետո առաքյաների մոտ վերնատուն կանչի պարգևաբեր Հոգուն՝ բոլորի Միսիթարիչին։ Եվ ամենուրեք նա հնարավորություններ էր ստեղծում, որպեսզի մարդիկ դիմեն իր բարեգործությանը, որ այդտեղ այդ փոքր հնարավորությունները օգտագործելու և դեպի վեր հղելու համար նա պատրաստ է անչափ բարիքներով հատուցողը լինելու։ Եվ իսկապես, ի՞նչը կարող է չափից դուրս և ըմբռնումից ավելի վեր լինել, քան այն, որ կատարվելու է, երբ նա, երկնքից ծագելով, Հոր փառքով (շրջապատված) կգա և հրեշտակների ամբողջ զորքի առաջ իր սիրելիների ձեռքից բռնած կտանի իր մոտ, որպեսզի վայելել տա հավիտենական կյանքը՝ իր իսկ աստվածային բնակարանում։

456 (714). Որովհետև առատաբաշխ Աստված իր սիրելիների համար արքայություն է պատրաստում, Աստծու մոտ մի սքանչելի բնակարան՝ բոլոր արժանի արարածներին՝ բանական, հոգեղեն և մարմնավոր, իր մոտ այնտեղ տեղավորելու՝ համատեղ վայելչության համար։ Դրա մասին Ամենափրկիչը տվեց աշակերտներին ավետիսը և քաջարեց, (ասելով) թե «ուր ես եմ, դուք էլ այնտեղ եղեք, (որպեսզի) ամենայն ժամ իմ փառքը տեսնեք» (Հովհ., 17.

24): Եվ մյուս, ավելի բարձր խոսքը. «Այն օրը դուք պիտի իմանաք, որ ես Հոր մեջ եմ, և դուք՝ իմ մեջ, և ես՝ ձեր մեջ» (Հովհ., 14. 20): Այս առիթով ավելի պատշաճ է բերել հետևյալ խոսքերը. «Ինչ որ աչքը չտեսավ, և ականջը չլսեց, և մարդու սիրտը չընկավ, Աստված պատրաստեց իրեն սիրողների համար» (Ա. Կորնթ., 2. 9), և երանելի Պողոսի ասածը, թե՝ «Գոհություն Քրիստոսին՝ Նրա անպատում պարգևների համար» (Բ. Կորնթ., 9. 15):

457 (715). Ավարտվեց Սուրբ Գրիգորի<sup>1</sup> վարդապետությունը, որն Աստված չնորհեց նրան՝ մեր Հայաստան աշխարհի (մարդկանց) խավարով պատած սրտերը հավատով և մկրտությամբ լուսավորելու համար։ Եվ նա բոլորին քրիստոսապաշտ դարձրեց ու գորացրեց, որպեսզի նրանք փառաբանեն Սուրբ (Երրորդության)՝ Հոր և Որդու և Սուրբ Հոգու անունները։

ԾԱՆՈԹԱԳՐՈՒԹՅՈՒՆՆԵՐ

ԱՌԱՋԱԲԱՆ

- 1 Ազարանգեղոս, Պատմութիւն Հայոց: Աշխատութեամբ **Գ. Տէր-Սկրտչեան** և **Ս. Կանայեանց**. Տփդիս, 1909, էջ 134-372:
- 2 Տե՛ս Անասյան Յ., Հայկական մատենագիտություն, Երևան, 1959, հ. Ա, էջ 151-213:
- 3 Կորիւն, Մամբրէ, Դաւիթ. Մատենագրութիւնք նախնեաց. Վենետիկ, 1833, էջ 21: Մեջբերումները բոլոր տեղերում տալիս ենք բարգմանությամբ - Ս. Ա.:
- 4 Տե՛ս **Պ. Ֆետտեր**, Սուլր Սեսրոպ-Հայաստանի առաքյալ (1883 թ.), հայերեն բարգմանությունը «Հայկական աշխատութիւնք հայագէտ Պ. Ֆետտերի» գրքում, Վիեննա, 1895, էջ 64-78:
- 5 Տե՛ս **Մ. Աբելյան**. Հայոց իին գրականության պատմություն. Երևան, 1944, էջ 119-122:
- 6 Տե՛ս **Յ. Բարսեղ Սարգիսեան**. Ազարանգեղոս եւ իւր բազմադարեան գաղտնիքը, Վենետիկ, 1890, էջ 400-408:
- 7 Կորիւն, Մամբրէ, Դաւիթ. Մատենագրութիւնք նախնեաց, էջ 18:
- 8 **Н. Марр.** Крещение армян, грузин, абхазов и аланов св. Григорием. - Записки Восточн. отд. импер. русск. Археологического общества. Т. XV, Спб, 1905, с. 157, 182.
- 9 Տե՛ս «Ս. Գրիգորի Վարդապետությունը», Աերկա հրատ. § 1 (259) (Ազարանգեղոսի «Հայոց պատմության» մեջ, «Վարդապետություն»), Թիֆլիս, 1914, էջ 133: Տե՛ս նաև «Յաճախապատում ճառը սրբոյ հօրն մերոյ երանելոյն Գրիգորի Լուսաւորչի. աշխատավրութեամբ Ա. Տէր-Միքելեան, Եջմիածին, 1894, էջ 1 (այնուհետև՝ ճառեր):
- 10 «ճառեր», էջ 1-2:
- 11 Տե՛ս «Ս. Գրիգորի Վարդապետությունը», § 97 (355): Տե՛ս նաև «ճառեր», էջ 3:
- 12 «ճառեր», էջ 4:
- 13 Նույն տեղում, էջ 3:
- 14 Նույն տեղում, էջ 27:
- 15 Նույն տեղում:
- 16 «Վարդապետություն», § 13 (271), նաև «ճառեր», էջ 28:
- 17 «Վարդապետություն», §§ 8-9 (266-267), նաև «ճառեր», էջ 31:

ՎԱՐԴԱՊԵՏՈՒԹՅՈՒՆ ՍՈՒՐԲ ԳՐԻԳՈՐԻ

- 18      Տե՛ս նաև «Վարդապետություն», §§ 263-266 (521-524):  
19      «ճառեր», էջ 60:  
20      Նույն տեղում, էջ 88:  
21      Տվօրենիա բլաժեննու Ավգուստինա, չ. 3, Կիև, 1906, ս. 258.  
22      «ճառեր», էջ 235: Տե՛ս նաև «Վարդապետություն», §§ 4 (262), 7  
      (265):  
23      «Վարդապետություն», § 4 (262):  
24      Նույն տեղում, § 7 (265):  
25      «ճառեր», էջ 68:  
26      Նույն տեղում, էջ 69:  
27      «ճառեր», էջ 150:  
28      Նույն տեղում:  
29      «ճառեր», էջ 221:  
30      Նույն տեղում, էջ 225:  
31      Նույն տեղում, էջ 71:  
32      Նույն տեղում, էջ 69-70:  
33      Տե՛ս նույն տեղում, էջ 150:  
34      Նույն տեղում, էջ 68:

**1 (259).** 1. «Վարդապետությունը» որպես «Ազաթանգեղոսի» բաղկացուցիչ մաս, հիշատակում է Ղազար Փարպեցին («Պատմութիւն Հայոց» (քննական բնագիր), աշխատութեամբ գ. **Տեր-Մկրտչեան** եւ **Ստ. Մալխասեանց**. Տփիս, 1904, էջ 3<sub>10-13</sub>): Հունարեն, արաբերեն և այլ հին թարգմանություններում այն բացակայում է, թեև դրանց մեջ պահպանվել են նրա բեկորները՝ սկզբի և վերջի նախադասությունների հետքերը «Վարդապետությունը» ոչ զգուշորեն կրօնատելու ժամանակ:

«Վարդապետություն» բառը բազմանշանակ է: Այն առաջին հերթին նշանակում է ուսմունք, այնուհետև քարոզ, քարգություն, քարոզչություն, խրատ, տեսություն և այլն: Պահպանում ենք բնագրի վարդապետություն եզրը, գտնելով, որ աշխարհաբարում այն լիովին արտահայտում է Երկի բուն եռթյունը որպես հեղինակի դավանած ուսմունքի՝ աստվածաբանական, փիլիսոփայական և դավանաբանական համոզմունքների խրատական-ուսուցողական նպատակներով շարադրված աշխատափոխան վերնագիր: Միաժամանակ այն մեկնություն է, Յիհ և Նոր Կտակարանների մեկնաբանություն, քրիստոնեական ուսմունքի քարոզ և ջատագովութ-

յուն, ուղղված հեթանոսական կրոնի և զրադաշտական դուռը լիզմի (Երկարմատականության) դեմ:

2. Սուլը Երրորդության Աճձերի՝ Հոր, Որդու և Սուլը Հոգու մասին հեղինակի հայացքները բխում են տիեզերական առաջին երեք Եկեղեցական ժողովների՝ Նիկիայի (325 թ.), Կոստանդնուպոլսի (381 թ.) և Եփեսոսի (431 թ.) որոշումներից, որոնք ուղղված են արիոսականության, հոգեմարտության և նեստորականության դեմ: Յայր-Աստված, Որդի-Աստված և Սուլը Հոգի-Աստված ունեն «միասնական էություն», «միակից գորություն», «միահամուշ կամք»: Դրանք կազմում են Սուլը Երրորդություն, մեկ և միակ Աստված և ոչ թե երեք աստվածներ: Որդին հավիտենապես ծնված է Հորից և էութենակից է Նրան, և ոչ թե ժամանակի մեջ է ծնված Հորից և համագոյ չէ Նրան, ինչպես անդում էին արիոսականները և Մակերոնի հետնորդները՝ հոգեմարտուները: Վերջիններս առաջ քաշեցին այն թեզը, որ Սուլը Հոգին բխում է Որդուց և էութենակից չէ Հորը: Յայց Եկեղեցին, Նիկիայի և Կ. Պոլսի ժողովների համաձայն, ընդունում է, որ Ս. Հոգին բխում է Հորից և չի ընդունում «Ա Որդուց» հավելումը: Պարզ է, որ հոգեմարտության դեմ (Կ. Պոլսի ժողովը) և նեստորականության դեմ (Եփեսոսի ժողովը) կարող էր գրել 5-րդ դարի առաջին կեսի հեղինակը, մի հանգանանք, որը բացառում է Գրիգոր Պառեկի (Լուսավորչի) հեղինակությունը և առաջ է քաշում մի այլ ականավոր քարոզիչ և աստվածաբանի թեկնածությունը: Ամենայն հավանականությամբ, այն կարող է լինել Մեսրոպ Մաշտոցը: Դրա մասին թափանցիկ ակնարկներ և ուղղակի ցուցումներ կան Կորյունի «Վարք Մաշտոց» մի քանի տեղերուու:

3. Յոր, Որդու և Ս. Յոզու էտիքենակից լինելու դրույթը կարմիր թելի պես անցնում է ողջ «Ուսմոնքի» միջով։ Այդ արմատական հացում հեղինակը համամիտ է Եկեղեցու այնպիսի ուղղափառ հայրերի հետ, ինչպիսիք էին Բարսեղ Կեսարացին, Գրիգոր Նազիանզացին, Եփրեմ Ասորին, Կյուրեղ Երուսաղեմացին և 4-րդ, 5-րդ դարերի Եկեղեցական այլ հեղինակություններուն։

4. «Երկինքը խորանածն» – բնագրում «գերկինս խորանարդ» նշանակում է «խորանի ծև ունեցող» և ոչ թե խորանարդի, քառակուսի ծև ունեցող: Այս դրույթը էական նշանակություն ունի «Աստվածաշնչի» տիեզերաբանությունը լրասարանելու համար: Տե՛ս Եսայի մարգարե, 40. 22 համապատասխան տեղիմ՝ սկոյնին և կամարա եզրերը՝ ըստ Յոթանասնից թարգմ. առաջինը նշանակում է «Վրան», երկրորդը՝ «կամար», «գմբերածև ծածկ»:

5. Աշխարհաստեղծման առաջին օրում, ըստ բիբլիական տիեզերաբանության, Երկիրը գտնվում է ջրերի հետ քառսային խառնիխուրոն վիճակում և հակադիր է Երկնքիմ «խորանածն ամրահարկ» հաստատությանը: Երրայական բնագրում «անդունդ» բառն արտահայտված է Երկու հոնանիշով տեհոմ և մայն, որոնք «նշանակում են ջրերի մի զանգված, որը մի ամբողջ անդունդ է կազմում» (տե՛ս Տոլկովայ Բնոլիա, թ. I, СПԾ, 1904, ը. 4): Մեր կողմից փակագծերում ավելացված «ջրերի» բառը բացարում է հաջորդ դրույթի ճշտությունն այն մասին, որ Ս. Հոգին «շրջում էր ջրերի վրա», սավառնում էր Երկրի և ջրի քառսային խառնուրդի վրա, որը և խավարով պատաժ «անդունդն» է:

**2 (260).** 1. Արարչագործությանը միաժամանակ մասնակցում են Երրորդության բոլոր Անձերը՝ Յայրը, Որդին և Ս. Հոգին: Տիեզերքի արարիչ են Յոր հետ միասին «արարչակից Որդին և համաստեղծիչ Հոգին»: Տե՛ս նաև վերը 1 (259) ծան. 2 և 3:

2. Յեղինակը մեծ տեղ է հատկացնում բուսական աշխարհին հետագայում, շեղվելով Ս. Գրքի նպատակալաց իր մեկնարանությունից. տե՛ս 386 (644)-392 (650) պարերությունները: Ծաղկների, ծառերի, խոտերի և թփերի մանրամասն նկարագրությունը հարուստ նյութ է տվել բուսաբաններին Յին Յայաստանի և հարևան Երկրների բուսական աշխարհի մասին. Տե՛ս Ա. Տեր-Պողոսյան, «Բիոլոգիական նտքի զարգացումը Յայաստանում», Եր., 1960:

3. Յին Երրայեցիների պատկերացումների համաձայն «Երկնքի հաստատությունը» ննան է ինչ-որ «կափարիչի», որին ամրացված են լուսատունները, և որից արտազեղվում են քամիները, փոթորիկները, անձրևները: Երբ որ Երկնային կափարիչը ժամանակ առ ժամանակ բացվում էր, տարբեր տեսակի տեղումներ (անձրև, կարկուտ, ձյուն և այլն) թափվում են «Երկրի հաստատության» վրա (տե՛ս «Տոլկովայ Բնոլիա» ը. 6-7):

**3 (261).** 1. Արարչագործության վերջին, վեցերորդ օրը Աստված ստեղծեց «չորքոտանի ցեղի բոլոր կենդանիներին» և մարդուն: Յեղինակն այստեղ նկատի ունի մարդուն առհասարակ (հասարակ անուն «աղամին»), տղամարդուն և կնոջը. «Եվ Աստված մարդուն ստեղծեց իր պատկերով, Աստծու պատկերով ստեղծեց նրան, արու և էգ ստեղծեց նրանց» (Ծննդ., 1, 27):

**4 (262).** 1. «Ուսմունքի» հեղինակը, խոսելով «իրեղեն իրեշտակների զորքի» մասին, նկատի ունի «Ծննդոց գորք» 2-րդ գլխի առաջին պարբերությունը՝ «Եւ կատարեցան Երկինք եւ Երկիր եւ ամենայն զարդ նոցա»: Երրայական բնագրում «զարդ» բառի տեղը գրված է չես, որը բառացի նշանակում է «զորք», «զորականություն»: Յունարեն, լատիներեն և հայերեն թարգմանություններում այն հասկացվել է համանուն իմաստային առումով, որպես կօմուս, ornatus, զարդ (Տե՛ս «Տոլկովայ Բնոլիա» ը. 14): «Զվարթունների բազմությունը», այսինքն հոգեղեն մշտարթուն իրեշտակների բազմությունը. այստեղից է և «զվարթոնց» բառը, որը նշանակում է «մշտարթուն իրեշտակների բնակատեղի»:

2. Կամքի ազատության, «անձնիշխանության» խնդիրը հեղինակի կողմից արձարձվում է «Ուսմունքի» մի շարք տեղերում: Այստեղ այն հանդես է գալիս առաջին անգամ՝ բավականին անսպասելի, մինչև մարդու արարման հարցի քննարկումն ավարտելը և նրան կամքի ազատությամբ, ազատ ընտրություն կատարելու հատկությամբ օժտելու մասին խոսելը:

**5 (263).** 1. Բնագրում իշխան, այսինքն՝ տիրոս, տիրակալ, որն Աստծու կողմից օժտվեց «քազավորական լիազորություններով» իր սեփական կնոջ հանդեպ (Ա Կորնք., 11, 7-10): Տե՛ս «Տոլկովայ Բնոլիա» ը. 12:

2. Մարդը ստեղծվել է «Աստծու կերպարանքով», նրա պատկերով: Արարիչն է տվել նրան այդ անձեռնմխելի բնածին հատկանիշը: Ինչ վերաբերում է «ննանությանը», այսինքն՝ աստվածանմանությանը, ապա մարդ կարող է համել դրան իր տքնությամբ, ազատ կամքով ձգտելով առ Աստված, որպես կատարելության տիպարի: Յեղինակն, անշուշտ, ծանոթ է Գրիգոր Նյուսացու մեկնարանությանը, որը զանազանում է իրարից «կերպարանքը» (εικων - պատկեր) և «ննանությունը» (օմօւաσιց): Տե՛ս նույն տեղում, էջ 12:

**7 (265).** 1. Բնագրում «իւրով անձնիշխան կամօք՝ յԱրարէ անտի զիւրոց վաստակոց առեալ զիւրիսարէնս պատուեսցէ»: «Ուսմունքի» հեղինակը կրկին անդրադառնում է ազատ կամքի, ընտրության ազատության խնդրին, շեշտում է, որ աստվածային շնորհներին և պատվին մարդ կարող է արժանանալ միայն բարի գործերի և աստվածահածո մղումների համար, և որ դա կախված է հենց մարդու կամքից, չարից խուսափելու և բարի գործերի շնորհիվ: Դրա մասին իր մեկնարանություններն է տվել մեր հեղինակի ժամանակակից հոչակավոր եկեղեցական գործիչ և փիլի-

սովիա Ավգուստինը (Օգոստինոսը): Այստեղ և նախորդող պարբերություններում իրենց արտացոլումն են գտել 410–420-ական թթ. բուրն վեճերը մարդու «ինքնիշխանության» շուրջ, կամքի ազատության հիմնախնդրի վերաբերյալ մեծ բանավեճը, որն ավարտվեց 431 թ. Եփեսոսի տիեզերական ժողովի որոշումով: Այն դատապարտեց Պելագիոսի ծայրահեղ տեսակետը, նրա ուսմունքը կամքի բացարձակ ազատության վերաբերյալ: Առանց աղմուկի, լրեւայն մերժվեց նաև Ավգուստինի ֆատալիզմը, աստվածային նախախնամության բացարձականացումը, որը տեղ չէր թողնում մարդու ազատությանը: «Ուսմունքի» հեղինակը պաշտպանում է չափավոր ուղղափառ տեսակետը, որը այնուհետև որդեգրեցին և զարգացրին հայ ականավոր աստվածաբաններ և գիտնականներ Եզրիկ Կողբացին, Եղիշեն, Անանիա Շիրակացին:

**9 (267).** 1. Խոսքը տարվա չորս եղանակների մասին է (գարուն, ամառ, աշուն, ձմեռ): Աստղերը, լուսատունները, ըստ հեղինակի, մեկ տարով վարձվող հնագանդ ծառաների պես ծշտորեն անցնում են իրենց ճանապարհ տարվա չորս ժամանակների, եղանակների բաժանված, նախապես նշված, ամեն տարի կրկնվող տեղերով: Հեղինակը չի օգտագործում եղանակ բառը, ըստ երևույթին, նրա բազմանշանակ լինելու պատճառով: «Ի չորս որոշմունք տարրոյ» – «տարվա չորս մասերի (կամ հատվածների)»:

**12 (270).** 1. Տես 4 (262)<sup>2</sup> և 7(265)<sup>1</sup> ծանոթագրությունները:

**14(272).** 1. Խոսքն այստեղ անմարմին («աննիւթ») իրեշտակների և երկրային մարմնավոր արարածների մասին է: Փակագծերում ավելացնում ենք կամ բառը, անջատելու համար երկնավոր և երկրային արարածներին և խուսափելու համար անհարիր «աննյութական նյութ» արտահայտություննից («immaterial... matter»), ինչպես թարգմանել է Ռ. Թոմանը. տես՝ Teaching of Saint Gregory, p. 46): «Լինել յաննիւթոյ» արտահայտությունը նպատակահարմար է թարգմանել՝ «լինել, գոյություն առնել ոչնչից», քանի որ «աննիւթ» այստեղ, ըստ իմաստի, ավելի հարմար է «ոչնչին» եղողին, իրեշտակների արարածնը պատշաճ:

**15 (273).** 1. Հեղինակը հայ աստվածաբանական գրականության մեջ առաջինն է, որ շեշտում է երևելի աշխարհի, արարածների ճանաչման մի-

ջոցով Արարջի ճանաչման հնարավորությունը և անհրաժեշտությունը: Բնության ճանաչումը փաստորեն դառնում է անհրաժեշտություն, որպեսզի մարդ-արարածը իմանա, ճանաչի, մերձենա Կստօն: Այդ պահանջը, բնության, ստեղծված աշխարհի ճանաչումը լայն դուռ է բացում գիտության զարգացման համար, բայց, իհարկե, որպես «աստվածաբանության աղախնի» ստորադաս վիճակում:

**19 (277).** 1. Աղին – Եղեն, իին երրայերեն՝ Եղեն, դրախտի անվան տարբերակներ են: Դրախտից հոսող չորս գետերից երկուսը՝ քաջ հայտնի Տիգրիսն ու Եփրատն են, որոնք սկիզբ են առնում Յայկական բարձրավանդակից: Յին իրեաների պատկերացումներով, դրախտը գտնվում էր Միջագետքում, այժմյան Իրաքի տարածքում: Այլազգի բազմարիվ հետազոտողներ, ինչպես և հայ հեղինակները համարում են, որ դրախտը գտնվում էր Յայաստանում, քանի որ դրախտի գլխավոր գետերը (Տիգրիսն ու Եփրատը) հոսում էին Յայոց լեռներից, որը և պատճառ է դարձել «Յայաստան՝ Երկիր դրախտավայր» արտահայտությանը:

**20 (278).** 1. Բնագրում «զՅեսու Եթովալյ զիակառակասէրն զսատանայ անուն ժառանգեաց»: Հեղինակը բերում է սատանայի անվան իին ստուգաբանությունը՝ (Աստծու) հակառակորդի, որը գայթակղում է մարդկանց իրեն հետևելու, հրապուրողի, որն իր հետևից է տանում ստելու, խարելու միջոցով: Ս. Գրքում սատանան ունի նաև այլ անվանումներ՝ «մարդասպան» (Յովի., 8. 44), «չարի առաջնամեղավոր» (Ինաստ., 2. 24), «հին վիշապ» (Յայտն., 12. 9-10): Տես նաև հաջորդ պարբերությունները՝ 21 (279), 22 (280):

**26 (284).** 1. Այստեղ հեղինակը սկսում է իին հայերի հեթանոսական հավատալիքների և առհասարակ հեթանոսության քննադատությունը, ո-րը շարունակում է իր քարոզի նաև այլ մասերում (Տես հատկապես 27 (285) - 28 (286), 265 (522) և 266 (253), 267 (524), 268 (525), 269 (526): Կռապաշտության քննադատությունը հեղինակը ծավալում է, հետևելով քրիստոնեության ջատագովության վաղ շրջանի քրիստոնյա հեղինակների ավանդույթներին (ջատագովներ Արիստիդես Աթենացի, Տատիանոս Աստրի, Թեոֆիլոս Անտիոքացի, Տերտուլիանոս և այլք): Փաստորեն հեղինակը հանդես է գալիս որպես հայ գրականության մեջ ջատագովության և հայրաբանության հիմնադիրը: Յայ աստվածաբանական և փիլիսոփայա-

կան մտքի այդ ուղղությունը շարունակել են զարգացնել Եզնիկ Կողբացին և Եղիշեն, որոնց քննադատության սուր ծայրը հիմնականում ուղղված էր պարսից կրոնի, մազդեզականության դեմ՝ ի պաշտպանություն Հայաստանում վտանգված քրիստոնեության:

**31 (289).** 1. Բնագրում Կայենի և Արելի անունները պահպանվել են իրենց հին երայական ծևերով՝ Կահել և Յարել, որ նշանակում են ընծառ, ժառանգություն (Կահել), իսկ երկրորդը՝ շունչ, ունայնություն (Յարել): Տե՛ս «Տոլկօվայ Բիблույ» ը. 31:

**34 (292).** 1. Ենովքը ապրել է 365 տարի, իսկ Մաքրուսայային ունեցել է, երբ 165 տարեկան էր: Յանապատասխանաբար, այս իրողությունը նկատի ունենալով, քարգմանում ենք «հարյուր վարսունինգ տարեկան դարձավ և ծնեց». ըստ Ս. Գրքի՝ դրանից հետո նա ապրել է ևս 200 տարի:

**37 (295).** 1. Բնագրում՝ ութերորդ դարում: Յեղինակը նկատի ունի պատրիարքների ութերորդ սերունդը՝ Սղամից սկսած մինչև Նոյ, և ոչ թե դարը՝ հարյուրամյակը, ինանալով, որ պատրիարքները ապրել են յուրաքանչյուրը մեկ դարից ավել:

**42 (300).** 1. Յրեշտակները Աբրահամին հայտնվեցին իր դաշնակից, բարեկամ ամորեացի Սամբրեին (Սամբրեին) պատկանող պուրակի (կամ պարտեզի) մոտ (Ծննդ., 18. 1), և ոչ թե «Սամբրեի մոտից եկած հրեշտակների միջոցով»:

**44 (302).** 1. Ակնարկը վերաբերում է ապագայում Քրիստոսի գալուն, որը մարմին է առնելու նույնական Աբրահամի սերնից: Իսահակի զոհաբերությունը նախատիպն է Քրիստոսի զոհաբերության՝ մարդկանց մեղքերը իր վրա վերցնելու և մարդկությունը փորկելու համար:

**45 (303).** Խոսքը Իսահակի որդի Յակոբի՝ հրեշտակի հետ ունեցած մենամարտի մասին է, երբ հրեշտակը վնասեց Յակոբի ազդի ջիլը, ինչից Յակոբը կաղ դարձավ (Ծննդ., 32. 24-26, 31-32):

**48 (306).** 1. «Էական» – բառացի նշանակում է «այն, ինչ իսկապես գոյություն ունի», ի տարբերություն նրա կողմից ստեղծվող և մահացող,

քայլայվող գոյերի, կենդանի կամ անկենդան արարածների: «Էական», «Էություն», որպես Աստծո անուն, այսինքն՝ հավերժական բարձրագույն եակ, այստեղ օգտագործվում է առաջին անգամ սկիզբ դնելով հայ աստվածաբանական-փիլիսոփայության տերմինաբանությանը: Այն մտել է հայ աստվածաբանական գրականության մեջ Ս. Գրքից՝ նրա հայերեն թարգմանությունից: Նրա ուժեղ ազդեցության տակ գտնվող սույն «Ուսմունքը», որն ամենայն հավանականությամբ գրել է Մեսրոպ Մաշտոցը, Ս. Գրքի թարգմանիչներից մեկը, այստեղ և այլ տեղերում [տե՛ս 69 (326), 163 (420), 444 (702)] կիրառում է այդ տերմինաբանությունը: Յայ փիլիսոփայական տերմինաբանության ծևավորման նախահունաբան շրջանի մասին ավելի մանրանամ տե՛ս C. C. Արևշատյան, Формирование философской науки в древней Армении, Ер. 1973, сс. 55-57, 131-140. Teaching of Saint Gregory. Translation and Commentary by R. W. Thomson, Cambridge-Massachusetts, 1970, pp. 11-12.

**50 (308).** 1. Խոսքն այստեղ հրեաների՝ Եգիպտոսում ստրկության մեջ լինելու ժամանակ կավից և ջրից աղյուսներ պատրաստելու պարտավորության մասին է, այսինքն՝ այն տանջանքների, որ Եգիպտացիների ձեռքով Աստված պատժել էր հրեաներին՝ մեղքերի համար: Տե՛ս Գիրք Ելից, 1. 14, 5. 14:

**58 (316).** 1. Բնագրում Յեշով, խոսքը Նավեայ որդի Յեշուի (Յեսու), այսինքն՝ Յիսուս Նավե զորավարի մասին է: Տե՛ս Երկրորդ Օրենք, 34. 9: Ուշադրության արժանի է, որ Յեշով ձևը ասորական է, ինչպես և այլ անունների հին հայերենում տառադարձումները (օր. Ծմավոն = Սիմավոն, Ծմուէլ = Սամուէլ, Բարսեղ = Վասիլ, Սարգիս = Սերգիսու և այլն), որ խոսում են հայ դպրության առաջին շրջանում ասորերենի ուժեղ ազդեցության, ինչպես և կարևորագույն քարգմանությունների՝ Ս. Գրքի (առաջին թարգմ.), Եվսեբիոս Կեսարացու «Եկեղեցական պատմության», Բարսեղ Կեսարացու և այլ հույն հեղինակների մի շարք Երկերի ասորերենից թարգմանելու մասին:

2. Նկատի ունի «յոթը անհոգ», ամենայն հավականությամբ, դեռևս քոչվոր հրեական ցեղերին, որոնց և ազգապետ Յեշուն բնակեցրեց Յորդանան գետից և Մեռյալ ծովից արևմուտք ընկած Թանաան կոչվող Երկրում (Յիս. Նավ. 18 և 19՝ այժմյան Պաղեստինյան հողերի և Խսրայելի տարածքը, Յորդանան գետից մինչև Միջերկրական ծով):

**61 (319).** 1. Յինավուրցն, այսինքն՝ Օրերով հին, Ծերումին: Խոսքը Հայր Աստծոն մասին է, որն այստեղ հանդես է գալիս ծեր մարդու տեսքով: Տես Դանիելի մարգարեռություն, գլ. 7. 13-14:

**71 (329).** 1. Ստեփանոս Վկա – Քրիստոսի համար զրիված առաջին նահատակը, որը իրեաների կողմից սպանվեց քարկոծումով՝ անհողողող և անզիշում պաշտպանելով քրիստոնեությունը իրեաների հոգևոր ասյանի՝ սինեդրիոնի առաջ: Որպես առաջին նահատակ հետագայում կոչվեց Ստեփանոս Նախավկա: «Գործք Առաքելոց» 7-րդ գլուխը մանրանասն նկարագրում է նրա հետ կապված դեպքերը, նրա երկարաշունչ ճառը իրեաների ատյանում և մահապատիժը: Այդ ամենին ներկա է եղել Սալոս անունով իրեա օրենսգետը, հետագայում Պաւլոս՝ Պողոս առաքյալը, քրիստոնեության ամենաջերեռանդ քարոզիչն ու տարածողը, ինչի համար ինքն էլ նահատակվեց Շոյմնում:

2. Սաբառք (Սաբառով) – հին եբր. «Զօրութեանց», այսինքն՝ «Տք Երկնային զօրաց» (ՆՀԲ, էջ 682), «Ամենազոր», «ամենահզոր», Աստծոն առունելից մեկը:

**76 (334).** 1. Բնագրում՝ առին ուսան զանաստուածպաշտութիւն նոցա: «Անաստվածապաշտություն» բառը կարող է հասկացվել նաև «կրապաշտություն», բայց տվյալ դեպքում ավելի ստույգ ենք համարում «չաստվածների պաշտամունքը», կամ «պաշտոն մատուցելը», որովհետև այդ «պաշտամունքը», ըստ հեղինակի, հոնանիշ է «անաստվածության», չաստվածների, սուտ աստվածների երկրպագության:

**77 (335).** 1. Բնագրում – «և շաղախեալ Երկիրն յարենէն, որ պոռնկեալ ի դիսն յաճախէին և զպոռնկութիւնս մարմնոց»: Բառացի թարգմանությունը «Երկիրը շաղախեցին աստվածների հետ շնանալու արյունով և նրանք շատացրին մարմնի պոռնկությունը» (**Ազար.** «Յայոց պատմ.», Եր., 1983, էջ 189), մեր կարծիքով, շատ հեռու է բուն իմաստից: «Պոռնկություն» բառը իրն հայերենում նշանակում է նաև «կրապաշտություն», իսկ «պոռնկել» – «պաշտել, երկրպագել կուռքերին», և ոչ թե «աստվածների հետ շնանալ»: Ինչ վերաբերում է «պոռնկութիւն մարմնոց» բառակապակցությանը, ապա ոչ թե «մարմնի պոռնկություն է» (այդպես է հասկացել նաև **Ո. Թոմանը**, տես «Teaching», էջ 66, «the fornications of the flesh»), այլ «կուռքերի մարմններին» կամ «մարմնավոր կուռքերին երկրպագելու»:

«կրապաշտությամբ գրաղվելու» մասին է խոսում իին հեղինակը՝ դատապարտելով կրապաշտությունը որպես անհեթեթ և պիղծ մոլորություն:

**81 (339).** 1. Հեղինակն այստեղ առաջին անգամ նշում է Յին Կտակարանում արված այն գուշակությունը, իսկ այնուհետև Նոր Կտակարանում հրականացած մարգարեռությունները: Յատկապես հաճախ է նա անդրադարձում Մեսիայի աշխարհ գալու, Աստծո Որդու գալստյան գաղափարին, որն արտահայտել էին Յինկտակարանային մարգարեռները: Տես նաև 84 (341), 85 (342), 86 (343), 89 (346), 158 (415), 166 (423) և այլ պարբերությունները:

**82 (340).** 1. Բնագրում – «հոնանեաց իրեանց հեթանոսաց»: Առաջին բառը («հոնանեաց», այսինքն՝ սիրեկանների) չկա Պավի 105-րդ սաղմուտը, որը բերվում է այստեղ: Այն թափանցել է Եգեկինի գրքի 23. 9 տողից, որը նույնպես դատապարտում է անառակությունը և կրապաշտությունը:

**97 (355).** 1. Այստեղ և հաջորդ պարբերություններում մինչև 112 (370) հեղինակը խտացված շարադրանքով մատուցում է իր աստվածաբանությունը՝ լուսաբանելով Նիկիո Յավատի Յանգանակը և ցուցադրում իր ուղղափառությունը: Փաստորեն այդ ընդարձակ հատվածը հայ փիլիսոփայության մեջ առաջին դրսնորումն է հայրաբանական այն ուղղության, որի հետևորդները և գարգացնողները հանդիսացան Եգնիկ Կողբացին և Եղիշեն:

**104 (362).** 1. Հեղինակը շարադրում է Նիկիո և Կոստանդնուպոլսի տիեզերական ժողովներում ընդունված որոշումները Ս. Երրորդության մասին: Այդ որոշումները հիմք դարձան Յայոց Եկեղեցու ուսմունքի համար, որը մյուս ուղղափառ Եկեղեցիների հետ միասին վանեց և դատապարտեց Արիոսի և Սավետոնի հերենիկոսական ուսմունքները, մեկը Որդուն ստորադասելու համար (արիոսականություն), մյուսը՝ Ս. Յոգուն նսենացնելու պատճառով (մակեդոնականություն – հոգեմարտություն): Երկու աղանդներն էլ խախտում էին Ս. Երրորդության միասնականությունը, հավասարությունը և համագորության սկզբունքը, ինչի հետևողական և համոզված պաշտպանն է մեր հեղինակը:

2. Ս. Երրորդության Երեք Անձերի մասին բանաձեռ (Նիկիո հավատամ-

քը՝ 325 թ.), որը քիչ առաջ շարադրեց հեղինակը, հետևյալն է. «Յայր Աստված, որն ամեն ինչի Տերն է և Կրարիչը, և Միաձին Որդին, Որը Յորից է, Յոր մոտ է և Յոր հետ է, և Ս. Յոգին, որը Նույնի եռթյունից է, և Նրանվ ստեղծեց բոլոր արարածներին»: Ս. Յոգին և Որդին հավասարապես բխում են Յորից: Իսկ այս նոր ձևակերպման համաձայն Ս. Յոգին ելնում է Յորից և Որդուց և գտնվում է Նրանց մեջ: Այստեղ հեղինակը, որն ապրում էր այդ երկու բանաձևերի խմբման և ձևավորման շրջանում, կարծես մեծ նշանակություն չի տալիս այդ տարբերությամբ: Նրա ճպատակն է հաստատել երեք Ասձերի համագորությունը, հավասարությունը, միակամությունը: Սակայն հետագայում հեղինակն ի վերջո կանգ է առնում մի բանաձևի վրա («Ս. Յոգին բխում է Յորից»), որը և դառնում է Յայրց Եկեղեցու դավանաբանության դրույթը՝ ի տարբերություն արևմտյան Եկեղեցու, որը որդեգրեց «Ս. Յոգին բխում է Յորից և Որդուց» բանաձևը («*Filio-que*»):

**110 (368).** 1. «Կատարյալ մարդ՝ իր կատարյալ Աստվածությամբ»: Այս դրույթը հեղինակն ուղղում է Ապողինար Լաոդիկեցու ուսմունքի դեմ, որը դատապարտվեց Ալեքսանդրիայի (362 թ.) և Կոստանդնուպոլիսի (381 թ.) ժողովներում: Ըստ Ապողինարի ուսմունքի՝ Յիսուս Քրիստոսը որպես Աստված (Միաձին Որդի Աստուծոյ) չէր կարող կատարյալ, իսկական մարդ լինել: Յայրց Եկեղեցին «Վարդապետության» այս տողերից սկսած և այնուհետև մերժում է Ապողինարին և պաշտպանում ուղղափառ դավանաբանությունը, համաձայն որի՝ Յայր Աստծուց ուղարկված Որդի Աստվածը «կատարյալ մարդ է»՝ մարդկային իր բոլոր հատկություններով, և «կատարյալ Աստված է»:

**111 (369).** 1. Բնագրում – «ուրացան զբնութիւն նորա», այսինքն՝ չճանաչեցին, մերժեցին Յիսուս Քրիստոսի աստվածային բնությունը, որը միացել էր մարմնին և հանդես եկել որպես մարդ: Այստեղ հեղինակը նկատի ունի Արիոսին (Ալեքսանդրիայի քահանա, մհ. 336 թ.) և նրա հետևող ներին, որոնք Յիսուսին համարում էին Յայր Աստծու ստեղծագործություն: Ըստ արիոսականների՝ Որդին հավասար չէ Յորը և Ս. Երրորդության մեջ չի կարող հավասարագոր լինել Յայր Աստծուն և Ս. Յոգուն: Նիկիայի ժողովում (325 թ.) այն դատապարտվեց որպես հերետիկոսություն և մերժվեց Եկեղեցու կողմից, բայց, չնայած դրան, ունեցավ իր հետևողները և համակիրները: Նույնիսկ մի շարք թագավորներ, խորանուն չլինելով այդ ուսմունքի էության մեջ, տարբեր քաղաքական հանգամանքներից ել-

նելով, հարում էին աղիոսականությամ և պարտադրում իրենց հպատակներին՝ գորերին, լանգորարդներին, վանդալներին և այլ բարբարոս ժողովուրդներին (5-6-րդ դդ.): Հետևել այդ հերետիկոսական դավանանքին: Յայրատանում այն որոշ ժամանակ հետևողներ ունեցավ Փոքր Յայրում, IV դարում: Արիոսական այդ շարժման առաջնորդն ու գաղափարախոսը հայ Եպիսկոպոս Եվստաֆիոսի Սեբաստացին էր (IV դարի 2-րդ կես):

**118 (376).** 1. Հեղինակը ճախապես ասում է իր հետագա շարադրանքի կամ քարոզի (քարոզների) բովանդակության մասին, որն, ըստ Երևույթին, սկզբից բանավոր էր, իսկ այնուհետև գրվեց և մշակվեց: Դրա մասին են վկայում միաձև արտահայտությունները, «Վարդապետության» տարբեր տեղերում արված ցուցումները, ինչպես, օրինակ, «կպատմենք իր տեղում», «պատմենք եմ ծեզ», «կասեն ծեզ իմ շարադրանքիս (կամ ճառիս) վերջում»: Տես 28 (286), 134 (391), 240 (497) և այլն: Հեղինակը քարոզի ժանրը գուգակցում է մեկնության, բացատրության, տեքստի քննության հետ, որը կարող էր իրագործվել բանավոր խրատի և քարոզի հետագա մշակման միջոցով: Որպես քրիստոնյա քարոզիչ և զատագով նա, լուսաբանելով Ս. Գրքի բովանդակությունը, ցուցադրում է քրիստոնեության ճշմարտությունը՝ ի հակադրություն հեթանոսության:

**119 (377).** 1. Բնագրում – «բովանդակեցաւ ճշմարտութեամբ ի մարմնին եւ ճշմարիտ մարդ եղեւ»: Տես ծան. 110 (368). 1. – «կատարեալ մարդ»: Այստեղ համապատասխանաբար՝ «ճշմարիտ մարդ»:

2. Բնագրում – «առ Յաւը եւ ընդ Յաւը», ըստ Նիկիայի ժողովի՝ (Յաւատամբ) ի միաձին Որդին, որ ի Յաւը եւ առ Յայր եւ ընդ Յաւը»: Տես ծան. 104 (362):

**121 (379).** 1. Բնագրում – «Ըմբռնեցաւ», այսինքն՝ «ընդգրկեց», և ոչ թե «Ճանաչվեց», ինչպես Ո. Թօնսոնի և Ա. Տեր-Ղևոնյանի մոտ:

2. Բնագրում – «ընել զանձն իմ իմովք կամաւր»: Այստեղ «անձ» բառը նշանակում է «կյանք» և ոչ թե «անձ», «անձնավորություն»:

**123 (381).** 1. «Յինավուրցը» – Աստծո անուններից մեկը: «Սարավը», որն այստեղ նույնացվում է Քրիստոսի հետ: «Յինավուրցը» բառացի նշանակում է «իին օրերից», այսինքն՝ հնուց, մշտապես գոյություն ունեցողը: Տվյալ դեպքում՝ մարմին առնող մշտապես ապրող, հինավուրց

Աստված, որը, մանուկ դարնալով, մարմնավորվում է:

**124 (382).** 1. Բնագրում «ծնունդն առաջին ի Յալք յառաջ քան զանկետ յալտեանս»: Յեղինակը կրկին վերադառնում է կարևոր այն դրութին, որ հավիտենական Յորից հավերժորեն ծնված Որդին, որը նույնպես հավերժ է, երկրորդ անգամ ծնվում է մարմին առնելով՝ մարդկանց փրկելու համար: Այս դրույթն ուղղված է արիստական աղանդի դեմ: Յոր, Որդու և Ս. Յորդու հավերժությունը և միաբուն լինելը, Յոր և Որդու հավասարագոր և հավիտենական լինելը այն կարևորագույն դրույթներից են, եթե շարունակվում էին կատարի վեճերը Ս. Երրորդության դեմքերի վերաբերյալ, որոնք ուղղված էին Արիսոսի և Մակեդոնի հերետիկոսական ուսմունքների դեմ:

**130 (388).** 1. Բնագրում – «յառաջ քան զարուսեակ ի Յօրէ ծնեալ»: Այսուեղ «արուսյակը» նշանակում է «արև, արեգակ» և ոչ թե՝ «առավոտվա աստղ» – «morning star», ինչպես թարգմանում է **Ո. Թոմսոնը**:

**131 (389).** 1. Յեղինակը նկատի ունի այն եկեղեցական կանոնները և հավատի հանգանակները, որ սահմանվել էին Նիկիայի, Կոստանդնուպոլիսի և Եփեսոսի տիեզերական ժողովներում:

2. Այս նորվաները, ինչ-որ այլախոնների հասցեին ուղղված անեքքները, ցույց են տալիս, որ հեղինակի կենդանության օրոք խկացես հայ իրականության մեջ դեռ առկա էին վտանգավոր աղանդներ, հերետիկոսական շարժումների հետևորդներ, այսինքն՝ Յայաստանում և հարևան Երկրներում տարածված Մարկիոնի, Արիսոսի, Սարելիսոսի, Նեստորի և այլ աղանդապետերի՝ դեռևս չպառակտված տիեզերական եկեղեցու կողմից մերժված ուսմունքները:

**132 (390).** 1. Այս նախադասության մեջ խտացված են Յայոց եկեղեցու հավատի Յանգանակի հիմնական դրույթները, որոնք բխում են Նիկիայի և Կոստանդնուպոլիսի հավատի հանգանակից:

**142 (400).** 1. Բնագրում – «միանգամայն տիրագէտ եւ իրեշտակածանօթ Եղեալ»: Խոսքն այստեղ Տիրոջը իսկույն, տեղնուտեղը ճանաչելու մասին է և ոչ թե «Տիրոջից տեղեկություններ ստանալու»: Դրանից հետո իրեշտական գգուշացրել են մոգերին, որ արագ հեռանան և այլ ճանա-

պարհով, Երուսաղեմ չնտնելով, վերադառնան իրենց Երկրները, Յերովդիս թագավորի հետ չհանդիպելու համար, որը փնտրում էր Մանուկին սպանելու համար:

**144 (402).** 1. Բնագրում – «Ճշմարիտ կերպարանս... եւ ոչ առ աչօք ինչ տեսիլ»: Յեղինակն, անշուշտ, այս խոսքն ուղղում է Ապողինարի ուսմունքի դեմ, որը Քրիստոսի նյութական, մարդկային կերպարանքը համարում էր Երևանական, ոչ իսկական: Ապողինարի ուսմունքը դատապարտվել է Աղեքսանդրիայի (362 թ.) և Կոստանդնուպոլսի (381 թ.) ժողովներում:

**150 (408).** Կարապետ – բառացի նշանակում է սուրհանդակ, ճանապարհ բացող, առջևից ընթացող: Տվյալ դեպքում՝ Յիսուսի համար ճամփա բացող, առաջուց քարոզող, նախապատրաստող Յովհաննես Մկրտիչն է, որի համար կարապետը դառնում է նակիրի:

**168 (426).** 1. Այս և նախորդ վեց պարբերություններում՝ 162-167 (420-426) հեղինակը հստակ և հակիրծ ձևակերպումներով լուս է սփռում Բանի (Լոգոսի) և Աստծու, Որդու և Յոր առնչության բարդ հիմնախնդրի վրա: Իր բացատրություններն ու մեկնաբանությունները շարադրելիս նա հենվում է հեղինակավոր քրիստոնյա մտածողների տեսակետների վրա, ինչպիսիք են Բարսեղ Կեսարացին, Գրիգոր Նյուսացին և Եփրեմ Ասորին: Մեր հեղինակն, ամենայն հավանականությամբ, քաջ ծանօթ է Եղել նաև Կյուրեղ Երուսաղեմացու «Կոչումն ընծայութեան» Երկը, որը պատկանում է Մեսրոպ Մաշտոցի և Սահակ Պարթևի օրոք կատարված հին թարգմանությունների թվին:

**181 (439).** 1. «Անացին Այրը» – առաջին մարդը: Յեղինակը նկատի ունի Աստծուն, Որն իջավ Երկիր մարդու տեսքով:

2. Բնագրում – «Նախնական ինքնութիւն», նախնական բնություն: Նկատի ունի «առաջին Այրին», Աստծուն՝ հետևելով Պողոս առաքյալի բացատրությանը (Բ Կորնք., 11. 2), որը Քրիստոսին ներկայացնում է որպես փեսայի, իսկ տիեզերքը նրա հարսն է: Ո. Թոմսոնը այստեղ նշանարում է գնոստիկյան գաղափարի արտացոլք, ըստ որի՝ աստվածային «առաջին մարդը» անվանվում է «նախնական բնություն» (premordial nature). տե՛ս Teaching, p. 98.

**183. (441).** 1. Բնագրում – «Եկեղեցի հեթանոսաց», այսինքն ազգերի, ժողովուրդների Եկեղեցին, նկատի ունի Եկեղեցին որպես այդպիսին, բոլոր հավատացյալների հավաքականությունը, տիեզերական Եկեղեցին, որը, ըստ ամենատարածված մեկնաբանության, հեղինակն անվանում է Քրիստոսի հար:

**191 (449).** 1. Ս. Գրքի կանոնական բնագրում «մարգարեների» փոխարեն գրված է «հրեշտակների» («հրեշտակաց իւրոց»), որն ունի նաև մարգարեի նշանակություն, միաժամանակ նաև դեսպան, սուրիանդակ, պատգամաբեր նշանակությունները:

**204 (462).** 1. Բնագրում – «Քահանայապետ ազգին տիրասպանուաց»: Խոսքը հրեաների քահանայապետ Կահաֆայի մասին է, որի պահանջով ավազակ Բարաբրայի փոխարեն մահվան դատապարտվեց Հիսուս Քրիստոսը (Յովի., 18. 40):

**210 (468).** 1. Եկեղեցու մանուկները («մանկունք Եկեղեցւոյ»), այսինքն՝ Եկեղեցու զավակները, Քրիստոսի հետևորդները, բոլոր հավատացյալները:

**211 (469).** 1. Խոսքը Երուսաղեմի այն տաճարի մասին է, որը կառուցել էր Յերովիդես Ա թագավորը: Կառուցումը սկսվել էր մ.թ.ա. 20 թվականին և ավարտի հասցվել մ. թ. 63 թ., բայց արդեն 30-ական թվականներին փայլում էր իր գեղեցկությամբ և հավակնում էր լինել աշխարհի հրաշալիքներից մեկը: Քրիստոսն ասում էր, որ այն ամայանալու է և ավերվելու (Մատթ., 24. 1-2), իսկ դա երբ կլինի, գիտի միայն Յայրը (24. 3): Այսուղ խոսքը ոչ միայն տաճարի, այլև ամբողջ Երուսաղեմի ավերման մասին է, որը կապվում է Քրիստոսի Երկրորդ գալստյան և աշխարհի վախճանի հետ:

**242 (500).** 1. Բնագրում «զբարձրանշան զիշչակաւոր և զանկարծահաս զմուտն Յոգույն Սրբոյ»: Որ Ս. Յոգու մուտքը (կամ գալուստը) իրոք հանկարծակի է (և ոչ թե «անհասկանալի», incomprehensible), հաստապում է «Գործը առաքելոցի» և գլխի սկզբի խոսքերով:

**244 (502).** 1. Բնագիրը խաթարված է «նոյնպէս և Բաղտասար ասաց

ց՛ղանիէլ»: Իրականում Նաբուգոդոնոսոր արքան է ղիմում Ղամիել մարգարեին, որի Երկրորդ անունը Բաղտասար էր (Վալտազար), որպեսզի նա վերծանի իր՝ Նաբուգոդոնոսորի տեսած Երազը: Տես Ղամիելի մարգարեություն, գլ. IV, 5-6-րդ տողերը:

2. Բնագրում «Յոգի Սուլը Աստուծոյ» (Պան., 4. 6), որը գալիս է արամեերեն բնագրից՝ «հոգի աստուծոց սրբոց»: Տես Աստուածաշունչ մատեան, Վիեննա, 1929, էջ 918, ծնը.:

**245 (503).** 1. Բնագրում «Ես լցայց», այսինքն՝ «Ես կլցվեմ...»: Ուղղում ենք՝ ըստ Աստվածաշնչի. «Ես լցայ» – «Ես լցվեցի», կամ «Ես լցված եմ» (Միք., գլ. III, 8):

**250 (508).** 1. Բնագրում – «բազում լեզուաց», որը նշանակում է «բազում ազգերի» կամ «ժողովուրդների»:

2. Բնագրում – «անձինք իւրեանց», որը նշանակում է տվյալ դեպքում «մարմինները» և ոչ թե «հոգինները», «souls»:

**251 (509).** 1. Կուռնելիոս (Կոռնելիոս) – իտալական զորքի հարյուրապետը, որը գտնվում էր Պաղեստինյան Կեսարիայում (Գործք, 10. 1-3): Հոռոմայեցիներից առաջինը, որը դարձավ քրիստոնեության հետևորդ:

2. Շմավոն – Սիմոնի անունը բերված է ասորական ծևով, որը խոսում է Ս. Գրքի ասորերենից առաջին թարգմանության մասին (Գործք, 8. 13): Տես նաև ծան. 58 (316):

**255 (513).** 1. Շավուղ – Խսրայելի առաջին թագավորը, մ. թ. ա. 1091-ից սկսած, իշխեց 40 տարի: Կերցում Աստծու հանդեպ անհնազանդ լինելու պատճառով զրկվեց թագավորությունից և ինքնասպան եղավ: Ուշագրավ է, որ այս, ինչպես այլ անուններ, հեղինակը բերում է նրա ասորական ծևով: Ուղիղ երրայական ծևը Սառու է: Մանրամասն պատմությունը տես Գիորք Թագաւորութեանց, I, գլ. 1031:

2. Նկատի ունի Յոհիվսիմյանց կույսերին, որոնց Յայաստան գալն ու նահատակվելը հեղինակն արդարացիորեն հավասարեցնում է առաջյալների գործունեությանը:

**256 (514).** 1. Վկա բառն այստեղ օգտագործվում է իր առաջին և իսկական իմաստով, որը հետո ստանում է նաև այլ երանգ, ձեռք բերելով նա-

հատակի իմաստ՝ հոմանիշ ունենալով հունարեն մարտիրոս բառը: Այս-  
տեղից և վկայաբանություն – նահատակի, մարտիրոսի գործը և նրա  
պատմությունը՝ մարտիրոլոգիա:

**257 (515).** 1. Բնագրում – «զապականացու մարմին», այսինքն մեր մարդկային ապականացու, մահվան ենթակա մարմինը խառնեց անմահ աստվածային բնության հետ՝ մարդկանց փրկելու համար: Այս դրույթի մանրամասն մեկնությունը տալիս է Պողոս առաքյալը իր՝ Կորնթացիներին ուղղված Առաջին թղթում, տես Ա Կորնթ., 15. 51-54:

**263 (521).** 1. Բնագրում «վաղագոյն», ավելի վաղ: Այստեղ հեղինակը, որն իր «Վարդապետությունը» գրել է 5-րդ դարի 20-30-ական թվականներին, նկատի ունի վաղուց, ավելի քան հարյուր տարի առաջ տեղի ունեցած դեպքերը, Դոփիսիմյանց կույսերի նահատակությունը և դրան հաջորդած դրամատիկ իրադարձությունները: Դրա մասին է խոսում նաև «Ագաթանգեղոսի» ամենախորը հետազոտողներից մեկը՝ հայր Բարտեղ Սարգսյանը իր ընդարձակ ուսումնասիրության մեջ (Բ. Սարգսյան, Ագաթանգեղոս..., Վ., 1890, էջ 388-389: Տես նաև Teaching, էջ 122):

**274 (532).** 1. Բնագրում – «զսքանչելիստ, որ առ ձեզդ երևցաւ»: Հեղինակը նկատի ունի Դոփիսիմյանց կույսերին և նրանց հետ կապված հրաշքը:

2. Բնագրում – «ամենայն ազգք երկրի»: Խոսքն այստեղ ոչ թե ողջ աշխարհի ազգերի մասին է, այլ ինչպես քիչ վեր է ասվում, «մեր երկրի բոլոր բնակիչների», ուրեմն և «քոլոր ազգատոհների» մասին է, որ դեռ չեն ճանաչել Աստծուն, բայց այժմ արդեն պետք է ճանաչեն և «ծառայեն Նրան մեկ լոի տակ»: Դայաստանի բոլոր ազգատոհներին Ս. Գրիգորը կոչ է անում իրաժարվել կրապաշտությունից և ընդունել նոր, ծշմարիտ հավատը: 274-279 (532-537) պարբերությունները ուղղակի կոչ են Դայաստանի բնակիչներին բորափել հեթանոսության քեզը և ընդունել քրիստոնեությունը:

**283 (541).** 1. «Երեսունյոթ... բաժակներ». Խոսքն այստեղ կրկին վերաբերում է Դոփիսիմյանց նահատակված կույսերին, որոնց ընդհանուր թիվը 37 էր:

**284 (542).** 1. Խոսքը Ստեփանոս Նախավկայի մասին է: Տես Գործք, 6. 5-15, 7. 55-60: Տես նաև ծան. 71 (329):

**292 (550).** 1. Այստեղ հայերեն Ս. Գիրքը ունի «հոգի» բառը, որը նշանակում է «հողմ», և ոչ թե «Հոգի» մեծատառով, այսինքն՝ Ս. Հոգի: Եթրայերեն բնագրում – «օռւախ», այսինքն՝ «հողմ»: Տվյալ դեպքում – «մոլեգին, բուռն հողմ, քամի»: Տես Տոլковая Библия, թ. II, պրմеч. стр. 199, 212.

**294 (552).** 1. Բնագրում – «Վասն որոյ միւս մարգարէն ասէ ի նոյն պարու երգոյն իւրոյ», այսինքն՝ իր երգի նույն շարքում, նույն իմաստով, և ոչ թե նույն պարի մեջ, «in the same dance» (տես Teaching, էջ 132):

**301 (559).** 1. Բնագրում – «հոգինկալ ամպ», որը նույն նշանակությունն ունի, ինչ ասված է 292 (550)-րդ պարբերությունում, այսինքն՝ «հոգին» որպես «հողմ»: Տես նաև 1-ին ծան. 292 (550) պարը.: Դա spiritual cloud-ը է, ինչպես թարգմանել է Ո. Թոմանը: Տես Teaching, էջ 133: Ըստ Եգեկիելի տեսիլքի՝ դա հողմ ընկալած, քանու ուժից առաջ սլացող ամպ է, որի մեջ են իրակառերը և քերովքեները, որոնք և ամպի միջից Աստծու շնորհը պետք է թափեն մարդկանց վրա («գիտության շնորհը») և «նրանց հնարավորություն տան դալարելու»:

**303 (561).** Այստեղ «հոգինկալ ամպը» բառացի պետք է հասկանալ որպես «հոգի ընկալած ամպ», որն (իր մեջ) կրում է աստվածային ծշմարտությունը, այսինքն՝ ամպի մեջ է հանգրվանել Աստվածային Ոգին:

**304 (562).** 1. Խոսքն այստեղ կրկին Դոփիսիմյանց կույսերի մասին է:

2. Բնագրում – «զմարմինս իւրեանց ետուն ի գանձն Տէրումի»: Աստծու վկաների կամ մարտիրոսների մասին որպես Աստվածային գանձերի, Աստծու համար իւրեանց զոհաբերածների մարմինները գանձ անվանելու մասին խոսում է հայտնի աստվածաբան Որոգինեսը (Օրիգենը) Domini-nus... habet thesauros suos: Տես Ո. Թոմանի ծան. 1 (So Origen, In Num. Hom., XI 2), Teaching, p. 134:

**306 (564).** 1. Այս դրույթը հակասում է կամքի ազատության սկզբուն-

քին, որի ջերմ պաշտպանն է հեղինակը: Տես 4 (262), 7 (265) պարբերությունները և մեր ծանոթագրությունները:

**309 (567).** 1. «Վարդապետության» հեղինակը, որը «Ազարանգեղոսի» նաև մյուս մասերի հավանական հեղինակն է կամ խմբագիրը, այստեղ ակնարկում է ուղղակիորեն 226-242-րդ պարբերություններում շարադրված հեթանոս հայերի և Տրդատ թագավորի տաճանքները, որոնց արժանացան քրիստոնյաներին հալածելու և քրիստոնեությունը մերժելու համար:

**310 (568).** 1. Բնագրում – «ըստ Եբրայական բանակին»: **Ո. Թոնսոնը** բարգմանում է «like army of Egyptians»: Նրան շփոթության մեջ է գցել «բանակ» բառը, ինչի պատճառով էլ նա կանաչականորեն «Եբրայականը» փոխել է «Եգիպտականի»: Մինչդեռ հեղինակն այստեղ նկատի ունի Եբրայեցիների այն խումբը («բանակը», ամբոխը), որն իսկապես ընդդիմացավ Մովսեսին և այդ պատճառով այրվեց (տես Գիրք Թուոց, 16. 29, 35): Խոսքը այրելով պատժելու մասին է, իսկ հրեաներին հետապնդող «Եգիպտացիների բանակը» պատժվեց՝ ջրասույզ լինելով:

**317 (575).** 1. Նկատի ունի Մովսես մարգարեին, որը պատգամներ էր տալիս ժողովրդին Աստծու հրամանով (տես Եբր., 12. 25):

**320 (578).** 1. «Բարել» – «Բարելոն» անվան բացատրությունը բխում է Ծննդոց գրքի 11. 9 տողից, որն, ըստ Եբրայական բնագրի, այն կապում է Եբր. «բարել» (կամ «բալալ») բարի հետ: Այն նշանակում է «խառնել», որից և «խառնություն, «խառնակություն»: Կա նաև այլ բացատրություն, ըստ որի, «բարել» – «բար+բել» արմատներից ենթելով, այն բացատրում է որպես «Բելի դարպաս կամ բակ»՝ կապելով այն բարելացիների գլխավոր աստված Բելի հետ: Տես Տօլկօվայ Բիблոյա, թ. I, ստր. 81-82.

**322 (580).** 1. Նկատի ունի Աբրահամին, Եբրայեցիների (ին հրեաների) նահապետ-առաջնորդին, որի անունով էլ Եբրայեցիները հաճախ կոչվում են Աբրահամյան ցեղ:

2. Բնագրում – «ժողովուրդ ծեռական», այսինքն՝ սեփական, հատուկ իրենց, ծեռքի տակ գտնվող: Սրանից ենթելով՝ հրեաները իրենց համարում են «ընտրեալ ազգ», մոռանալով, որ հենց հրեաների պատճառով

Աստված զգվեց մարդկանցից և ափսոսաց, որ ստեղծել է մարդուն (Տես Գիրք Ծննդոց, 6. 5-7), և միայն արդար Նոյը իր ընտանիքով մնաց Երկրի երեսից ջնջված մարդկությունից: Բայց կրկին բազմացած մարդկային ցեղը շարունակեց իր մեղսալից կյանքով ապրել և զայրացնել Արարչին:

**327 (585).** 1. «Լույսն Իսրայելի», այսինքն՝ Աստված:

2. «և նրան» – Ս. Գրքի հայերեն բարգմանության մեջ «և նրան»-ից առաջ բաց է թողնված մի քանի բառ – «և նրա Սուրբը՝ հուր, որը կայրի և կլափի նրա փուշը և նրա տատասկը մեկ օրում»: Այստեղ Ս. Գիրքը խոսում է Ասորեստանի մասին, որը Իսրայելի թշնամին էր («փուշը և տատասկը»): Ահա սրան այս ժամանակ պետք է սրբեր Եհովան «բորբոքուն հրով» և ոչ թե Իսրայելին, ինչպես կարելի է հասկանալ հայերեն բնագրից («եւ սրբեսց զնա հրով բորբոքելով»): Եսայի մարգ., 10. 17-18:

**356 (614).** 1. Պեճտեկոստեի օրը – Յիսուս Քրիստոսի հարությունից հետո յիսուներորդ օրը (հուն. Πεντηκοστή – իշտուն օր), երբ հավաքված առաքյալների վրա իջավ Սուրբ Յովին, Յոգեգալուստ (Յոգեգալստյան տոն):

**391 (649).** 1. «Վարդապետության» հեղինակը հատուկ հետաքրքրություն է ցուցաբերում բուսական աշխարհի հանդեպ և իր դրույթների պարզաբնան համար հաճախ է դիմում օրինակների և բույսերի անունների թվարկմանը [տես 2 (260), 387-398 (644-655-րդ) պարբերությունները]: Նրա թվարկաների մեջ կան այժմ անհայտ կամ դեռևս չնույնականացված բույսերի, ծաղիկների, թփերի և փշերի անուններ, որոնց ճշգրտումը կարող են կատարել հնարուսաբանները: Մյուս անվանումները տրված են մոտավոր ճշտությամբ, որը պայմանավորված է առկա բառարանների ճշգրտությամբ աստիճանով:

**394 (652).** 1. Խոսքը Յովիաննես Մկրտչի մասին է:

**412 (670).** «Վարդապետության» հեղինակը, աշխարհի սկզբի և վերջի մասին խոսելիս, հետևում է Ս. Գրքի հնագույն մեկնություններին, քրիստոնեական և հուդայական (ին Եբրայական), որոնց համաձայն Երկիրն ունենալու է վեց հազարամյակների կյանք, որոնք համապատասխանում են աշխարհի արարման վեց օրերին: Վեցերորդ հազարամյակի վերջում կլի-

նի աշխարհի վերջը, և այդ պատճառով այն կոչվում է «վերջին»: Յոթերորդ հազարամյակը, արարշագործության յոթերորդ օրվա համապատասխան, այսինքն՝ Արարշի հանգստի օրվա նման, Երկրի վրայից հեռացած մարդկության հանգստյան և փոխհատուցման ժամանակն է, երբ Բարձրյալը «հանգիստ է տալիս վաստակյալներին, որոնք գործում էին... այն անչափ Երկար տարում», այսինքն՝ յոթերորդ հազարամյակում, որն արդեն լինելու է հավերժական, «Երկնային արքայություն»:

**414 (672).** 1. Բնագրում – «որ ընդ Թրիստոսին չարչարեցան ընդ նմին և թագաւորեսցեն»: **Ո. Թոմանի և Ա. Տեր-Ղևոնյանի** մոտ Երկու դեպքում էլ «ընդ» թարգմանվել է «ինտ», «with», մինչդեռ առաջին դեպքում «ընդ Թրիստոսին» պետք է հասկանալ «Թրիստոսի համար»: Պողոս առաքյալի մեջբերած խոսքը (Տիմոքենում ուղղված Երկրորդ թուղթ, 2. 12) վերցված է Թրիստոսի համար չարչարանքներ կրող (և մեռնող) մարտիրոսների փառաբանական երգին:

**415 (673).** 1. Բնագրում – «ծառայից և աղախնաց»: Անգերեն թարգմանված է «servants and handmaids», որը ճիշտ չէ: **Ս. Գրքում (Հովել, 2. 29 և Գործք, 2. 18)** այն օգտագործված է իին նշանակությամբ՝ «ստրուկ և ստրկուիի» և ոչ թե՝ ժամանակակից իմաստով՝ «ծառա և աղախին»:

2. Բնագրում – «խտրոց»: Բառն օգտագործված է «տարբերության» իմաստով, որը ստեղծվել է հետագյում հունարան դպրոցի կողմից: «Վարդապետության» հեղինակը զգիտի այդ թարզ, ինչպես և բոլոր այն արիեստական թառերն ու տերմինները, որը ստեղծվեցին 5-6-րդ դարերում, Երբ հունարենից թարգմանվեցին քերականական, ճարտասանական և փիլիսոփայական Երկերը (Դիոնիսիոս Թրակացի, Փիլոն և Թեոն Ալեքսանդրացիներ, Արիստոտել, Պորֆիր): **Տե՛ս Գ. Տեր-Մկրտչյան, Տիմոքեն Կուգ...** էջ 169-173, **Ր. Մանանյան, Հունարան դպրոցը...**, էջ 127-134, 184-190, և մեր «Формирование философской науки в древней Армении», с 155-161, 212-215.

Դին հայերենի «խտրոց» եզրը «տարբերության» իմաստով այնուհետև փիլիսոփայական Երկերում չգործածվեց, իր տեղը զիջելով հունարենից տառացիորեն կաղապարված Ծափօրա – «տարբերություն» եզրին, որն սկզբից օգտագործվում էր զուտ տրամաբանական Երկերում (Արիստոտել, Պորֆիր, Անանուն մեկնիչ, Դավիթ Անհաղթ), իսկ այնուհետև տարածվեց արդեն ոչ նեղ տրամաբանական իմաստով՝ որպես հոմանիշ ու-

նենալով «զանազանություն» բառը:

**422 (680).** 1. «Դինավուրցը», «իին օրերի», նախնիների Աստծուն «Վարդապետության» հեղինակը այստեղ նույնացնում է Տեր Աստված Դիսուս Թրիստոսի հետ: **Տե՛ս նաև 106 (363), 124 (381), 174 (431) և 331 (588)** պարբերությունները:

**423 (681).** 1. Ս. Գրքի կանոնական տեքստում չկա «և նրա Հոգով» հավելումը: «Ազարանգեղոսի» մոտ շատ հաճախ մեջբերումները չեն համընկնում կանոնական բնագրի հետ և ունեն որոշակի տարբերություններ, որոնք ըստ Երևանյանի, գալիս են առաջին՝ «փութանակի», արագ կատարված թարգմանությունից: **Տե՛ս նաև 251 (509) 2-րդ ծան. և 255 (513) 1-ին ծան.**:

Այդ տարբերությունները վերացվել են Երկրորդ, վերջնական թարգմանության ժամանակ՝ ըստ հունարեն «Յոթանասնից» բնագրի, որը բերվեց Մաշտոցի և Սահակ Պարքի աշակերտների կողմից Եփեսոսի ժողովից հետո (431 թ.): «Ազարանգեղոսի» մոտ եղած տարբերությունները առանձին ուսումնասիրության արժանի են:

**426 (684).** 1. «Առաջին վկաներ» – հեղինակը նկատի ունի Թրիստոսին սեսած և աշակերտած առաքյալներին, որոնք «վկա» էին բարի առաջնային իմաստով, որը հետո տարածվեց նաև Թրիստոսի համար զոհված նահատակների, մարտիրոսների վրա, որովհետև իին քրիստոնյաների պատկերացմանը նահատակը իր տանջանքներով և ինքնազնիաբերությամբ նույնական վկայում է Աստծոն մասին:

2. Բնագրում – «Վասն կուսանին ծննդեան որ ի նոցանէն»: Դեղինակը նկատի ունի Սարիհամ Աստվածածնին, որի շնորհիվ «նաև կանայք օրինվեցին»: **Ո. Թոմանը** իր ծանոթագրության մեջ նշում է Օրիգենեսին (In Luc. Hom., VIII), որն օրինված է համարում «միայն Եղիսաբերին և Մարիամին որպես Հովհաննես Ակրտչի և Յիսուսի մայրերի» (տե՛ս Teaching, թ. 171):

**428 (686).** 1. Առայալների, ինչպես և լեզուների թվի մասին (տասներկու, յոթանասուն, յոթանասուներկու) հեղինակը խոսում է նաև այլուր: **Տե՛ս 200 (457), 246 (503), 322 (579) և 355 (612)-րդ պարբերությունները:** Դիմնական խումբը, անշուշտ, Ավետարանում որպես Թրիստոսի աշա-

կերտներ հանդես եկող տասներկու առաքյալներն են:

2. Բնագրում – «Ապատերազմասէր նահատակս», այսինքն՝ ռազմաւեր, պատերազմասէր մարտիկներ, կտրիճներ: «Նահատակ» բարի մյուս նշանակությունը – զոհ, մարտիրոս, վկա, ծգնավոր – այստեղ հարմար չէ, որովհետև առաքյալներն այստեղ հանդես են գալիս որպես խիզախ մարտիկներ, կտրիճներ և ոչ որպես մարտիրոսներ:

**439 (697).** 1. Բնագրում՝ «Աստուծոյ օրենք և օրինապատումք՝ առաջինն և Երկրորդն ճանաչէր»: Օրինապատումք – օրենքի մեկնաբանները առաջին հերթին մարգարեներն են, որոնք իին օրենքի ճանաչված մեկնիչներն էին: Երկրորդ մեկնաբանները առաքյալներն են, որոնք մեկնաբանում են նոր օրենքը՝ Քրիստոսի ուսմունքը, Նրա սահմանած բարոյական և իրավական նորմերը, որոնք բխում էին նաև իին օրենքից և մեկնաբանվում էին որպես «մեկ Աստծու օրենք»:

**441 (699).** 1. Հեղինակը նկատի ունի Քրիստոսի աշակերտների օրոք Երուսաղեմում կայացած ժողովի՝ սինոդի (սինհոդոսի) որոշումները, որոնք սկսեցին կատարել առաքյալները: Տե՛ս «Գործը առաքելոց», 15. 6:

2. Մելիտոս – փոքրասիական Միլետ քաղաքը, որը Պողոս առաքյալը երկու անգամ այցելել է իր քարոզչական շրջագայությունների ժամանակ: Մելիտոս է կոչվել նաև Մալքա Կողին, ուր դեպի Յոռմ իր վերջին ուղևորության ժամանակ նավարեկությունից փրկված հայտնվում է Պողոսը: Տե՛ս «Բառարան Սուրբ Գրոց», Կ. Պոլիս, 1881, էջ 351:

3. Նկատի ունի Ավետարանը, որը Քրիստոսի վարդապետությունը լայնորեն տարածելու նպատակով նտադիր էին ստեղծել առաքյալները:

**448 (706).** 1. Բնագրում – «առաքեալք», այսինքն՝ «ուղարկվածները», «առաքվածները»: Տվյալ դեպքում, կարծում ենք, չի կարելի թարգմանել՝ «առօտես», «առաքյալներ», քանի որ խոսքն այստեղ Յոր կողմից ուղարկված Որդու և Ս. Յոգու մասին է:

**452 (710).** 1. Բնագրում – «ասաց աստուածապատումն»: Հեղինակը նկատի ունի ավետարանից Յովիհաննեսին, որին «աստվածախոս», «Աստծո մասին խոսող», կամ «աստվածաբան» անվանեցին, որը և դարձավ նրա մակդիրը՝ Յովիհաննես Աստվածաբան:

**457 (715).** 1. Հասկանալի է, որ Լուսավորիչը չէր կարող իր մասին ասել՝ «Սուրբ Գրիգորի»: Այս գնահատականը Գրիգոր Պարթևի գործունեությանը կարող էր տալ «Վարդապետության» իսկական հեղինակը՝ Մաշտոցը, որն իրոք հանդիսացավ Յայաստանի երկրորդ Լուսավորիչը:

ԲՈՎԱՆԴԱԿՈՒԹՅՈՒՆ

*Առաջարկան (Ս. Արևշապյան) ..... 5*

*Սուրբ Գրիգորի Վարդապետությունը ..... 31*

*Ծանոթագրություններ ..... 229*

**Խմբագիր՝ Վսողիկ Եպիսկոպոս  
Գեղ. խմբագիր՝ Ղևոնդ քահանա  
Շարվածքը՝ Անահիտ Խանզադյանի  
Շապիկը՝ Ա. Օհանջանյանի  
Սրբագրիչ՝ Ս. Բուլաթյան**